

სხადი უმკომდედი

ოქტომბერი 2010 №64
ფასი 5 ლარი



ისტორიები

გია აბულაძე

რადიო ამაღლობელი

კოტე ჯანდოიერი
პაატა შაშუბია

კარლო კაჭარავა

ღაწით ჩინლაძე, ღაწით ბუსრიქიძე

ფარული ოპერაციები ამერიკაში
ჯეინ მაიერი

ოგის ქრონიკა

ინტერვიუ

მანიქ სთერნი
კახა თოლორდია

დისკუსია

უნივერსიტეტის ფიქციური ავტონომია
ნინო ბაქიშვილი

ესაი

1968 წლის ავვისტო
ლევან ბარკენიშვილი

კომენტაჟი

გამჭვირვალე
სიძულვილის შემოდგომა
ღაწით ბუსრიქიძე

სიბრძნე სიბრძნისა
პაატა შურაძე

ლიტერატურა

ფურაბ ლეჟავა
ღათო ბარბაქაძე
გიუტარ ბრასი
გია მირზაშვილი

ISSN 1512-2220



ענף ענף





ჯეოსელი

იჩქარეთ,
მხოლოდ 10 ოქტომბრამდე
ჩაეხიეთ ღირებუში და
მიიღეთ საჩუქრად

5000 SMS

ფასი 2 ლარი

☎ 822 770100

☎ 7033

www.geocell.ge



გარეკანზე: გია აბულაძე
ფოტო: ლევან ხერხეულიძე

სხალი შოკოლადი

N64, ოქტომბერი 2010

მთავარი რედაქტორები:

ნინო ლომაძე, რატი ამალლობელი
არტ-რედაქტორი: გიორგი ნადირაძე
რედაქტორ-სტილისტი: პაატა შამუგია
კორექტორი: თამარ ლონდაძე

წამყვანი მწერლები: დავით ბუხრიკიძე, დავით ჩიხლაძე, ლევან ბერძენიშვილი, გიგი გულედანი, ნათია გულიაშვილი, ნინო ბექიშვილი, ირმა ტაველიძე, პაატა ქურდაძე, ანა ძიაპშივა, დიანა ანფიმიადი, მიშა მდინარაძე, ლენკა ციციშვილი, რატი ამალლობელი, პაატა შამუგია, გიორგი ცხადაია, კახა თოლორდავა, სოფიო შამანიდი

ფოტო: მარია ქორიაშვილი, გურამ ნიბახაშვილი, დავით მესხი, ირინა ხუციშვილი, ლევან ხერხეულიძე
ილუსტრაციები: მარიამ ზაღდასტანიშვილი, მაია სუმბაძე

დიზაინი: თორნიკე ლორთქიფანიძე

საზოგადოებასთან ურთიერთობა:

ლელა შუბითიძე

სარედაქციო განყოფილება: შალვა ჩუბინიძე

დისტრიბუცია: ზვიად შენგელია

გამომცემელი: შორენა შავერდაშვილი

გამომცემლობა:

შპს „ემ ფაბლიშინგი“, თბილისი 0105, ფალიაშვილის ქ. 108, ტელ.: 912326
ელ-ფოსტა: mpublishing@caucasus.net

სხვა გამომცემლები: ლიბერალი, ბიზნეს-ადამიანები, მეთოდები, სტრატეგიები, დიალოგი, თიბისი და თიბისელეტი.

სტამბა: „ფავორიტი“, თბილისი, ჩუბინაშვილის ქ. 50, ტელ.: 951952

ჟურნალი გამოდის 2004 წლის 25 დეკემბრიდან

© "M Publishing" საავტორო უფლებები დაცულია. ჟურნალში გამოქვეყნებული მასალების ნაწილობრივი ან მთლიანი გამოყენება გამოცემლობის ნებართვის გარეშე აკრძალულია.

6 რედაქტორებისაგან

8 ჩვენი ავტორები

მიმოხილვები

10 „ხელოვნების ზღვა“ ზღვისპირეთში
დავით ჩიხლაძე

14 კინოფესტივალი ბათუმში კინოთეატრის გარეშე
ანა ძიაპშივა

აქცენტი

16 „მოგონებათა სახლები“ თვითგამორკვევის პროცესში
ნათია გულიაშვილი

კომენტარები

18 გამჭვირვალე სიძულვილის შემოდგომა **დავით ბუხრიკიძე**

20 სიბრძნე სიბრყვისა **პაატა ქურდაძე**

22 განგრენა, განგრევა, განგი **გიგი გულედანი**

ცხოვრების წესი

26 **კულინარია**

„საკუთარი ოთახი“ და საკუთარი სამზარეულო
დიანა ანფიმიადი

30 **მუსიკა**

მუსიკის გემო **მიშა მდინარაძე**

32 **მოდა**

არქიტექტურა, რომელიც გაცვია **ლენკა ციციშვილი**

ისტორიები

36 **გია აბულაძე**

არქიტექტორი **რატი ამალლობელი**

40 **კოტე ჯანდიერი**

ფოტონური რეაქტორის მოტაცება **პაატა შამუგია**

46 **კარლო კაჭარავა**

კარლო კაჭარავა, როგორც ჯოკერი **დავით ჩიხლაძე**

50 ესკიზები ფერმკრთალი პორტრეტისთვის **დავით ბუხრიკიძე**

60 ფარული ოპერაციები **ჯეინ მაიერი**

ინგლისურიდან თარგმნა ირმა ტაველიძემ

66 **ომის ქრონიკა**

ინტერვიუ

54 **მაიქ სთერნი**

ძირითადად, მუსიკაზე და ზოგჯერ – სხვა რამეებზეც
კახა თოლორდავა

ესეი

72 1968 წლის აგვისტო **ლევან ბერძენიშვილი**

78 როგორი ქალები მოსწონთ ქართველ მწერლებს

სოფიო შამანიდი

დისკუსია

80 უნივერსიტეტის ფიქტიური ავტონომია

ნინო ბექიშვილი



გათამაშება ჯივისის და წითელი A-ს ავთორიზებული

დააბროვით რაც შეიძლება მეტი ვაშლი 20 სექტემბრიდან 1 დეკემბრამდე




ტელევიზორი METZ PUROS37



Mac book 13"



iPad WiFi 16 Gb



CD/DVD ბიბლიოთეკა



მთელი წელი „ქაქარეს კლინიკის“
მომსახურების საოჯახო პაკეტი



სამოსის დამზადება
დიზაინერთან



ნაძვის ხე და სათამაშოები



სპორტულ მაღაზიაში
საყიდლების ბარათი



ბაკურიანის საოჯახო საგზური

მოგაპრობა საოცნებო ადგილას





ნინო ლომაძე

„ჯერალდინა! სამყარო სადაც შენ ცხოვრობ, მართო ცეკვის და მუსიკის საუფლო როდია!...შუალამისას დიდებული დარბაზიდან რომ გამოხვალ, დაივწყე შენი მდიდარი თაყვანისმცემლები, მაგრამ არ დაგავიწყდეს ტაქსის შოფერს ცოლის ამბავი გამოჰკითხო. შეიძლება ცოლი ფეხმძიმედ ჰყავს და იმის ფულიც არა აქვთ რომ თავიანთი პირმშოსთვის სახვევები იყიდონ. თუ ასეა, ადექი და ჩაუდე ფული ჯიბეში.

დროდადრო მეტროში ჩადი. ქალაქი დაათვალიერე, იარე ფეხით ან ავტობუსით. ხალხს დააკვირდი! ქვრივ-ობლებს შეხედე! და დღეში ერთხელ მაინც შენს თავს უთხარი: „მეც ერთ-ერთი ამათგანი ვარ!“ დიახ, შენ ერთ-ერთი იმათგანი ხარ, ჩემო გოგონა... ამ წერილთან ერთად გიგზავნი ჩეკის წიგნაკს – ხარჯე, რამდენიც გინდა, ოღონდ გახსოვდეს: ორ ფრანკს რომ დახარჯავ, შენს თავს უთხარი, რომ მესამე მონეტა შენი არ არის. ის სხვას ეკუთვნის. უცნობს, ვისაც ის ერთი ფრანკი სანატრელი აქვს. მისი პოვნა არ გაგიჭირდება. საკმარისია მოინდომო...“ მიმდინარე ნომრის კითხვისას აღმოვაჩინე, რომ ჩვენი ავტორები და გამომცემი ადამიანების გაუცხოებაზე, ერთმანეთის მიმართ აგრესიასა და თანაგრძნობის დეფიციტზე სრულიად შეუთანხმებლად, ერთდროულად ალაპარაკდნენ. პაატა ქურდაძის კომენტარი, „ომის ქრონიკა“ და დავით ბუხრიკიძის წერილი – სოციალურ გეტოებად დაყოფილ საზოგადოებაზე რომ წავიკითხე, ბებერი ჩარლის სიტყვები მაშინ გამახსენდა.

„ცხელი შოკოლადის“ ახალ სეზონს სიახლეებით ვიწყებთ. ჟურნალს ახალი რედაქტორი და ავტორი, ჩემ სვეტს კი, შესანიშნავი მეზობელი ჰყავს. ჟურნალში, სხვა ისტორიებთან, კომენტარებთან და ესეებთან ერთად, ამჯერად რუბრიკა „ცხოვრების წესიც“ დაგხვდებათ, სადაც დიანა ანფიმიადი, მიშა მდინარაძე და ლენკა ციციშვილი – კულინარიისა და პოეზიის, მუსიკისა და მოდის შესახებ გვიამბობენ.

ერთი სიტყვით, სეზონს ახალი შთაგონებით და ენთუზიზმით ვხვდებით. ამ სიახლეებთან ერთად კი, უფრო საინტერესო და მრავალფეროვან „ცხელ შოკოლადს“ გპირდებით.



რატი ამაღლოძე

სექტემბრის „ცხელი შოკოლადი“ ნინო ლომაძის და ჩემი, ანუ ჩვენი ერთობლივი ხედვისა და შრომის ნაყოფია, პირველყოფისა კი ჩვენთვის მნიშვნელოვანი ავტორებისა, რომელთა შემოქმედებით, სულმოუთქმელად საკითხავი და ინტენსიური ტექსტები, ქმნიდნენ და დღემდე ქმნიან „ცხელი შოკოლადის“ საზოგადოებრივ და სოციალურ ნაკეთებს, მათ ნარმოსადებობას.

ერთი მხრივ ვცადათ ჟურნალის სხეული გვეცვია ადამიანების შეხვედრისა და თანხვედრის დროდ და ადგილად; არქიტექტორი გია აბულაძე, მწერალი კოტე ჯანდიერი – გვიმასპინძლებენ საკუთარ დროში და ისტორიაში, რომელშიც მკითხველმა მოსალოდნელია თავისთვის ნაცნობი ლანდშაფტები და ატმოსფეროები აღმოაჩინოს. მეორე მხრივ, კი ვცადათ შემოგვეთავაზებინა რამდენიმე ტექსტი. ტექსტი, როგორც ინტელექტუალური თავგადასავალი.

ვფიქობ, რედაქტორის „შპარგალკების“ გარეშეც იოლად მოიძიებთ წინამდებარე ნომერში თქვენთვის საინტერესო საკითხავს.

ჩვენ კი გპირდებით, რომ აუცილებლად ვიქნებით ცხელი (ცხელი, როგორც ახლისა და ცოცხალის აღმნიშვნელი სიმბოლო) და არასოდეს გულგრილი. ვიქნებით ცხელი: ხან, როგორც ამბავი, ხან, როგორც მოვლენა, ხან, როგორც თავგადასავალი და ენერჯის მომცემი, როგორც შოკოლადი.

შეიძინე სწრაფად და
მარტივად!

30
წუთში



ავტობანკალება

- ▲ სესხის დამტკიცება 30 წუთში
- ▲ მხოლოდ პირადობის მოწმობით
- ▲ თანამონაწილეობა 30%-დან

☎ 27 27 27 | 📠 * 27 27 | www.tbcbank.ge

 თიბისი ბანკი
T B C B A N K

ჩვენ ვაძლიერებთ ერთმანეთს



ლიანა ანჯიხიძე

ახლა შევედეთ საპარლამენტო არჩევნებია, ჰოდა, ერთ-ერთ ლიდერ პარტიას ასეთი საარჩევნო კამპანია აქვს: ამ პარტიის წევრი ქალების კულინარიული რეცეპტები დაბეჭდეს სააგიტაციო ბუკლეტებზე და მოსახლეობას დაურიგეს. ერთი წუთით წარმოვიდგინე, ჩვენთან რომ ასეთი რამ მომხდარიყო, მეორე დღესვე როგორი ამბები ატყდებოდა, მშიერ და გაჭირვებულ ხახლს დაგვცინიანო, რა დროს კულინარიაა, როცა პურზე ფასები ინვესო და ა.შ. არადა, რეცეპტის გაზიარება ძალიან ინტიმურ და ლამაზ უნდად მიმაჩნია, ეს ისეთი ჭკუის სწავლებაა, რომელიც არავის აღიზიანებს.

რატომ მოყვები ეს ყველაფერი, ქორწილში იმდენი რეცეპტების წიგნი მაჩუქეს, სულ ფერადები და პრიალა ფურცლიანები, ძალიან კარგი ხარისხის და კარგი გამოცემილობის მიერ გამოცემული – არცერთი არაფრად არ ვარგა. კულინარიულმა წიგნმა გემოს რეცეპტორები უნდა გაგიღვიძოს, კერძის სუნი გაგრძობინოს, ცნობისწაღილი გაგიღვიძოს – აქ სულ პირიქითაა, სკოლის მათემატიკის წიგნში რომ ამოცანები იყო, ზუსტად ასე წერია – ამიტომ მიყვარს ადამიანი – რეცეპტები. ერთი ასეთი მეცხრამეტე საუკუნის საქართველოში ცხოვრობდა, მწერალი იყო და ბარბარე ჯორჯაძე ერქვა. ჩემი მუზაა ეს ქალი.

აი, ფაფებს ხომ ბავშვობიდან ვერ ვიტან, მაგრამ ამას შევჭამდი: „ფაფა მყავე – ძრიელ გემრიელი, კრუჟოენიკისა“ – ერთ-ერთი რეცეპტია ბარბარეს სამზარეულოს წიგნიდან „სრული სამზარეულო“. მიყვარს ასეთი ქალები – გემოს ვნებების რომ არ ეშინიათ.

ადამიანს, სრულყოფილი და ბედნიერი ცხოვრებისთვის, არჩევანის თავისუფლების, სიყვარულის, განხორციელებული შესაძლებლობების, მსოფლიო მშვიდობისა და პირადი სიმშვიდის გარდა ვანილანი ნაღების კრემიც სჭირდება – ამას ადრეულ ბავშვობაში მივხვდი, როცა ჩემი კლასელის დაბადების დღეზე მისულს, ულამაზესი, დიდი ისანებით მორთული საოცნებო ტორტი დამხვდა. (ეს ის დრო იყო, გაუგებარ მწვანე პურს და საშინელ მარგარინს რომ ვჭამდით). ტორტის გაჭრამდე როგორც იყო, გავძელი, ბოლოს და ბოლოს, მისი ერთი ნაჭერი ჩემს თევზზე აღმოჩნდა და... დღემდე ვერ ვივინყებ მძალე კარაქის იმ გემოს. ღმერთმა დაგიფაროთ ჩაშლილი დღესასწაულებისგან.



კახა შავშია

რამდენიმე თემის არჩევა შეიძლება: ვთქვათ, რითაა ცუდი აკაკის ლამის განმინდანების თემა? კარგი მესვეტის ხელში მშვენიერი რამე გამოვა. გაული თემას, ისაუბრებ აკაკის ფილიგრანულ, დაქნილ სტრიქონებზე, ჯერ ეს რად ღირს: „საიდუმლო ბარათო./ მითხრეს მექმენ მარადო/ სისარულის მომნიჭედ/ და სევდისა ფარადო.“ მაგარია აკაკი! მერე გადახვალ მის „კარტოჟნიკულ“ ბიოგრაფიაზე. ჰო, ჯიბიდან გავარდნილი შუღური ყოფილა. ვალები, ვალები... მთელი ცხოვრება ვალებში იყო, ეს მევალებიც დასდევდნენ და დასდევდნენ, მე შენ გეტყვი და, ძნელი მოსაძებნი იქნებოდა, ისევ, სადმე ახლომახლო, სათამაშოდ იქნებოდა გასული, ან მორიგ სულიკოსთან სანებეგროდ.

ცოტა პროვოკაციებიც თუ გიყვარს, მაჩაბლის ამბავსაც გაიხსენებ, მოყვები ერთ საეჭვო ვერსიას, რომლის მიხედვითაც, აკაკის სულაც მაჩაბლის ცოლთან რომანის გაჩაღება და საბოლოოდ შექსპირის მთარგმნელის მკვლელობაც ბრალდება. მეტისმეტი სმა-ჭამაც რომ ყვარებია და დანაყრებულზე წამოწოლა და გულიანი ხვრინვა, ეს მისი მეგობრების ჩანაწერებიდანაც ირკვევა. ამის მერე კარგ მესვეტეს ისლა დარჩება, მისი პოტენციური განმინდანების თემას შეეხოს და სასტიკად გააკრიტიკოს იდეის მხარდამჭერები. სხვა თუ არაფერი, მხვრინავი წმინდანი, ცოტა არ იყოს, უხერხული წარმოსადგენია, - დაამატებდა კარგი მესვეტე და ხელათ მოუთავებდა ხელს „ამა საქმის“ ინიციატორებს. ჰო, სვეტისათვის ბუკინისტების თემა მილად მისწრება იქნებოდა, დაარქმევდი სათაურად, ვთქვათ, „ისინი იდგნენ“ და ბროდსკის „ჯონ დონის“ მოტივებზე მშვენიერი, კოკლოზინა ტექსტი გამოვიდოდა. მაგრამ რაკი ამ ამბავს მალხაზ ხარბედიამ ძალიან კარგად გაართვა თავი, კარგ მესვეტეს მოუწევდა, სხვა თემა გამოენახა, მაგ., გიზო ნიშნინიძე. რატომაც არა. „იმედზე“ მთელი ორი საათი დაეთმო „ნაღი თბილისელის“ იუბილეს და ბოლოს, ვარსკვლავიც კი გაუხსნეს. სხვათაშორის, პირველი პოეტია, რომელსაც ეს „ხვდა წილად“ ამიტომ სულაც არაა გამორიცხული, მასაც განმინდანების საფრთხე დაემუქროს. კარგი მესვეტე ონლაინ-სადლეგრძელობებზე გაამახვილებდა ყურადღებას, რომელიც ბატონი გიზოს იუბილეს თან სდევდა. ყველაფერი იყო - ტკბილი მოგონებებიდან დაწყებული სამი ჩ-ს უნიკალური სადლეგრძელოთი დამთავრებული.

ეს ჩემი პირველი სვეტია „ცხელ შოკოლადში“, ამიტომ ყველაფერ პირველს გაუმარჯოს, ჩემო ტკბილო ხალხო!

**- 20% +
ფასდაკლება**



**მიიღე 20%-იანი ფასდაკლება
ჯი პი სი-ს აფთიაქებში
და შეაფსე ვაშლებით
შენი ზღარბი ბარათი!**

აქცია მიმდინარეობს მხოლოდ თბილისის,
ქუთაისის და რუსთავის აფთიაქებში

ჯი პი სი – თქვენზე ზრუნავენ!

„ხელოვნების ზღვა“ ზღვისპირეთში

„არტაქტივმა“ ფოთში თანამედროვე ხელოვნების სტრატეგიული პროგრამა აამოქმედა

ავტორი: დავით ჩიხლაძე

ფოტო: გურამ ნიბახაშვილი

4-14 აგვისტოს ფოთში თანამედროვე ხელოვნების ფორკუმოში მოეწყო სახელწოდებით „ხელოვნების ზღვა“. ეს მოვლენა ახალგაზრდა ორგანიზაციის „არტაქტივის“ ორგანიზებულია, რომელსაც ნიკო ცეცხლაძე და ლუკა ზაუტაშვილი კურატორობენ. მათი პროექტების მიზანი დედაქალაქიდან რეგიონებისკენ თანამედროვე ხელოვნებისა და მის ირგვლივ არსებული დისკურსების გატანაა. დეცენტრალიზაციის ასეთი მომენტები, გარდა იმისა, რომ დემოკრატიის მოდელებს თანხვედბა, საჭირო და მისასალმებელია, თუ იმასაც გავითვალისწინებთ, რომ რეგიონებში თანამედროვე კულტურის დეფიციტი დედაქალაქზე გაცილებით თვალშისაცემია.

ეს იყო 2 კვირიანი პილოტი პროგრამა ქალაქ ფოთში, რომელიც მომავალ წელს ფართო მასშტაბით უნდა ამოქმედდეს. გახსნა 1 აგვისტოს სიმბოლურად დაემთხვა შავი ზღვის ქვეყნების თანამედროვე ხელოვნების ყოველწლიური ფესტივალის დაარსებას. ფორკუმოში საქართველოს კულტურის სამინისტრომ დააფინანსა.

ფოთში, სადაც ურბანული პოტენციალი ამკარაა, თითქმის არ არსებობს ქალაქის ინფრასტრუქტურა, გარემო და

სათანადო სივრცე. ასეთ ვითარებაში ულტრა-თანამედროვე მიმართულებებზე საუბარი უტოპიურიც კია.

ქალაქი ფოთი უზარმაზარ ტერიტორიაზე არის გაშენებული და მისი ცენტრალური მოედნისკენ 12 გზა მიემართება. ცენტრში ფოთელებმა საკუთარი 1904 წელს აშენებული საკათედრო ტაძარიც აღადგინეს, რომელიც კომუნისტების დროს თეატრს ჰქონდა დაკავებული და მისი რეკონსტრუქცია უკვე დასასრულს უახლოვდება. იქვე თეატრის ახალი შენობის საძირკველი იყრება.

რა თქმა უნდა, აქ არის პორტი, საზღვაო ინდუსტრიის ნაწილი და იდუმალებით მოცული პალიასტომის ტბა, რომელიც ტურისტების ყურადღებას იქცევს. ეს ანტიკური ქალაქია, ფაზისი, სადაც მზის ღმერთის, ჰელიოსის მემკვიდრე მითიური მეფე აიეტი და ჯადოქრობით სახელგანთქმული მისი და, ცირცეა, ცხოვრობდნენ. აქედან გაიტაცა ოქროს საწმისი აიეტის ქალიშვილმა მედეამ და ბერძნებს გადასცა. ქალაქი თითქოს ამ წარმოსახულ და არარსებულ ანტიკურ დროშია გაჩერებული და აქ არც კომუნისტების უახლოესი პერიოდი იგრძნობა, არანაირი არტეფაქტი არ არის შემორჩენი-



ლი. უბრალოდ ცარიელი ადგილია, სადაც ერთადერთი, რაც წარსულზე მინიშნებს, მალთაყვის საკურორტო კომპლექსისა თავისი ულამაზესი ვრცელი ბაღით. მეორე კი ოქროს ტბის ჟანგის ხიდი, რომელიც 1991 წელს გამართულ სანიწბოსნო საკავშირო ჩემპიონატს ასხენებს ზოგიერთს.

ვორკუპის პირველი დღე მონანილეთა პროექტების გაცნობას დაეთმო. ფოთელმა მხატვრებმა გრიგოლ ღვანიამ და ქეთი ჩეჩელაშვილმა საკუთარი და კოლეგების ესკიზები წარმოადგინეს, რაც ქალაქის ქუჩებისა და აუთვისებული ტერიტორიების დეკორატიულ-არქიტექტურულ ჩანახატებსა და იდეებს მოიცავდა. ფოთის თავისუფალ ინდუსტრიულ ზონად ოფიციალური გამოცხადების პარალელურად, ეს თემა მართლაც მნიშვნელოვანი გახდება მომავალში, ფოთის ურბანული განაშენიანების პროცესისთვის. ამ მხრივ „არტაქტივის“ საინიციატივო ჯგუფი უკვე გეგმავს კიდევ, რომ მომავალ შეხვედრებზე პროგრამაში ფართოდ ჩართოს არქიტექტორებიც, რომლებიც სწორედ ამ კუთხით მუშაობას დაუთმობენ დროს.

მომავალ წელს ვორკუპი „ხელოვნების ზღვა“ უკვე ფესტივალად იქცევა. მასში მონაწილეობას მიიღებენ პოეტები, მხატვრები, მუსიკოსები, თეატრები, როგორც საქართველოდან, ასევე უცხოეთიდან. საორგანიზაციო საკითხების მოსაგვარებლად „არტაქტივის“ ხელმძღვანელებს უკვე აქვთ საქმიანი დიალოგი ქალაქის მერთან გოჩა ლემონჯავასთან და კულტურის განყოფილების ხელმძღვანელთან მერაბ ასანიძესთან, რომლებმაც პროექტს წელს უკვე აღმოუჩინეს მნიშვნელოვანი

მხარდაჭერა და ხელშეწყობა.

თანამედროვე ხელოვნების პროგრამას მრავალი სპონსორი და დამხმარე აღმოაჩნდა საქართველოს კულტურის სამინისტროსთან ერთად – ფოთის პორტი, თი-ბი-სი ბანკი, კოკაკოლა, ლოუენბრაუ, ნატახტარი.

ყველაზე ახალგაზრდა მონაწილე ოზურგეთიდან იყო, 17 წლის ელისაბედ გეგუჩაძე. ახალგაზრდა მხატვრისთვის, რომელიც ოზურგეთის სამხატვრო სკოლაში სწავლობს და სპონტანური აბსტრაქტული ხატვით გულწრფელად არის გატაცებული, ეს ვორკუპი საინტერესო გამოცდილება იყო. გამოფენის გახსნამდე რამდენიმე საათით ადრე ის მუსიკოს ვაჟა ბექაურთან ერთად პანსიონატის ეზოში დადგმულ ყვავილების ურნებს ხატავდა. აქ შედგა მისი დებიუტი – ვორკუპის პერიოდში გადაღებული ფოტოების გამოფენა.

ოქროს ტბაზე გადაღებული ჟანგის ხიდის მოხატვას ქუთაისელი ახალგაზრდა მხატვარი თეა სულაბერიძე ცხადია, ვერ შეძლებდა, თუმცა მისი ერთი ბეტონის პოსტამენტი თეამ ლირიკული ფერწერის პანოდაც აქცია, რაც, რამდენიმე დღის განმავლობაში, დამსვენებლებს ახალისებდა, სანამ ფოთში ნანატრი წვიმა მოვიდოდა.

14 აგვისტოს შემაჯამებელი გამოფენისთვის კი თეამ პორტრეტები მოამზადა, რომლებიც არათანაბარი კიდეების მქონე მუყაოზე შესარულა, ამ პორტრეტებში იქ მყოფი მეგობრები და მხატვრები ასახა – პალიასტომის ტბაზე გასეირნებისას თუ ვახშამზე, მაგიდასთან. საკუთარ თავსაც ხატავდა, მაგრამ ყოველთვის ზურგით მნახველისაკენ. არ ვიცი, რას ნიშნავდა ეს შესტი, მაგრამ ნამდვილად პოეტური იყო - თითქოს ის ზურგს აქცევდა იმ უინტერესო სამყაროს, სადაც ხელოვნება უფუნქციოა, თუმცა მაინც არსებობს.

მხატვარმა კატალინა ბაქრაძემ ფოთის სამხატვრო გალერეაში აუდიტორიის წინაშე საკუთარი ფილმები წარმოადგინა. ამ შეხვედრაზე საინტერესო იყო მხატვრის კომენტარები, სადაც ის საკუთარ მოტივაციებს და სამხატვრო კონცეფციებს გვიხსნიდა. ამავე დღეს იყო გურამ ნიბახაშვილის მცირე რეტროსპექტივა, სადაც ფოტოგრაფმა არაფოკუსირებული ფოტოების სერიაზე ისაუბრა, რითაც ბოლო დროს იყო გატაცებული და რასაც ის ასაკობრივ მხედველობის დაქვეითებას უკავშირებს. მან ასევე სლაიდების სახით ნაპოვნი ფოტოების საინტერესო არქივიც გვაჩვენა, რაც მისთვის ტექსტისა და ფოტოს მეტაფორული ურთიერთობის ინსპირაცია გახდა.

გამოფენის გახსნაზე გამორჩეული იყო თემო ჯავახიშვილის ნამუშევრები „ტერ-არტი“ და ყინულის ბალიში. „ტერ-არტი“ ბატი-ბუტის კუსტარული ტექნოლოგიის გამოყენებით გაკეთდა. ოქროს ტბის ნაპირზე მხატვარმა სიმინდის მარცვლებისგან გაკეთებული ნამუშევრის სახელწოდება განალაგა რკინის ლანგარზე, რომელსაც მერე ცეცხლი შეუნთო და ცოტა ხანში სიმინდის მარცვლებით დაწერილმა სიტყვამ აფეთქება დაიწყო.

ბატი-ბუტის კონცეფცია თემო ჯავახიშვილს ადრეც ჰქონდა, 2005 წელს არტ კავკასიის ფესტივალზე, სადაც ერთად მოგროვილ სიმინდის მარცვლებს დინამიტის მავთული გამოაბა. ნამუშევარს „პოპ-ტერორი“ ერქვა. ამ სიმბოლოებიდან გამომდინარე, მხატვარი თითქოს პოპ-არტს აპროტესტებს, როგორც იაფფასიან და დაუსრულებლად განმეორებად სა-



მიმოხილვა

ტყუარას. პროტესტი მძაფრია, რადგან ეს ყველაფერი „ტერორად“ არის გაფორმებული.

თბილისელ ახალგაზრდა მხატვარს ანა სოფრომაძეს ყველაზე მეტი ფიზიკური შრომა მოუხდა. მისი დიდი ზომის და მოდელიერების ტუშით შესრულებული ესკიზების სტილში გადანწყვეტილი შავ-თეთრი ინსტალაცია ოქროს ტბის მიმდებარე ტერიტორიის პროპორციული შევსებისთვის იყო გამიზნული. მაგალითად, ამ უნიკალური დაჟანგული ხიდიდან ტბისკენ უნდა ჩამოკიდებულიყო შავი ფერის ფიგურები – კაცის, ქალისა და ძაღლის. სხვაგან, შენობის კედელზე ცოტა მომცრო ზომის დინოზავრი უნდა ყოფილიყო მიმაგრებული. ამ საგნების მომზადებას და კარკასებზე დამონტაჟებას ბევრი დრო და ენერგია დასჭირდა. საბოლოო ჯამში კი ძალისხმევამ გაამართლა - ექსპოზიცია შორიდანაც მკაფიოდ ჩანდა და საკმაოდ შთამბეჭდავიც იყო.

ვორკშოპის დღეებში ასევე მოეწყო პოეზიის საღამო, მხატვარმა ილიკო ზაუტაშვილმა ნაიკითხა ლექცია თანამედროვე ხელოვნების ზოგადი არსის ასახსნელად. 8 აგვისტოს ვორკშოპის მონაწილეები ქალაქის თვითმმართველობის მიერ ორგანიზებულ რუსეთ-საქართველოს ომისადმი მიძღვნილ აქციას შეუერთდნენ და სახელდახელო სიმბოლური ბანერიც დახატეს ომის თემაზე.

გასართობი დღეები და ივენთებიც კარგად იყო ორგანიზებული: 13 აგვისტოს მალთაყვის შავი ზღვის სანაპიროზე თბილისიდან მოწვეულმა დიჯეი ჟორჟიკამ ლამის ფართი მოაწყო. 14 აგვისტოს საღამოს კი ინგლისურმა ბენდმა „მოკინგბერდსმა“ დაამთავრა ფოთის „ხელოვნების ზღვის“ პროგრამა.


„მოკინგბერდსის“ დახურული კონცერტი ჯერ ფოთის იახტკლუბში მოეწყო, შემდეგ კი უკვე ფართო, უფასო ჩვენებით ფოთის ცენტრალურ პარკში განმეორდა. უნდა ითქვას, რომ რეპეტიციებზე თითქოს მეტი იყო დრავივი, რაც კონცერტს თითქოს აკლდა. რიტმ-სექცია ჩანერილი იყო და კომპიუტერიდან იმართებოდა, სცენაზე მხოლოდ 1 გიტარისტი ჩანდა, ზედმეტად ინტენსიური და მონოტონური იყო პირის გარმონიც.

ფოთის ვორკშოპი დოკუმენტის სახით წარმოდგენილი იქნება ხელოვნების საერთაშორისო გამოფენაზე „არტისტერიუმი“, რომელიც ოქტომბერში გაიმართება თბილისში. აქვე მოეწყობა გელა კინწურაშვილის მიერ გადაღებული დოკუმენტური ფილმის პრემიერა და ორგანიზატორებთან შეხვედრა, სადაც შეიძლება უკვე მომავალი წლის გეგმებიც გავაცნონ.

„არტაქტივი“ ხელოვნების რეგიონალური და საერთაშორისო პრიორიტეტების უაღრესად მნიშვნელოვან გადაკვეთებს გეპირდება.



TBC Platinum - თქვენი ცხოვრების სტილი!



ჩვენ ვაძლიერებთ ერთმანეთს



ექსკლუზივი თიბისი ბანკის ვიზ კლიენტებისთვის



თიბისი ბანკი თავის ვიზ კლიენტებს საბანკო მომსახურების სრულყოფილ ახალ, მოხერხებულ და უნიკალურ ფორმას სთავაზობს.

თიბისი პლატინუმი - ასე უწოდება თიბისი ბანკის ახალ, განსაკუთრებული უპირატესობებით აღჭურვილ, უნიკალურ პლასტიკურ ბარათს, რომელიც საგანგებოდ შეიქმნა ვიზ მომსახურების კლიენტებისთვის და ერთ პლასტიკურ ბარათში აქვეყნებს: რამდენიმე საბანკო პროდუქტს, მაღალ საპროცენტო სარბიზებსა და მნიშვნელოვან უპირატესობებს.

თიბისი ბანკის ვიზ სამსახური

ვიზ მომსახურების სერვისი თიბისი ბანკმა, პირველმა დანერგა საქართველოში და 2005 წლიდან ექსკლუზიურ მომსახურებას სთავაზობს მსხვილი შემოსავლების მქონე ფიზიკურ პირებს. თიბისი ბანკის ყველა ფილიალში ვიზ კლიენტებისთვის საგანგებოდ არის მოწყობილი ოთახი, სადაც პროფესიონალი ექსპერტების დახმარებით, მათ შეუძლიათ მიიღონ კვალიფიციური კონსულტაცია და სრული საბანკო სერვისი, რაც მთავარია, ასეთი კომფორტული გარემო ხელს უწყობს კონფიდენციალურობის მაღალ დონეს და მომსახურების სისწრაფეს.

რა არის თიბისი პლატინუმი?

ეს არის ექსკლუზიური დიზაინის, ჩიპური ვიზ საყრდენი ბარათი, რომელიც სტანდარტული საყრდენი ბარათისგან გამოიწვევა უნიკალური თვისებით - ბარათზე არსებულ **ლაბრით ნაშთა ბანკი ყოველთვიურად არის ავტომატურად მაღალ საპროცენტო სარბიზებს**: ლარში - 6%, დოლარში - 5%, ევროში - 4%.

ამასთან, პლატინუმ ბარათი შეიცავს **პრემიუმულად 3 სხვადასხვა საბანკო პროდუქტს**. ესენია: მაღალი ულასის ვიზ საყრდენი ბარათი, შემსახველი ანაბარი და მიმდინარე ანგარიში. რაც იმას ნიშნავს, რომ პლატინუმ ბარათის მფლობელი, ამ ბარათის შექმნისთანავე ავტომატურად იღებს ყველა ამ საბანკო მომსახურებას.

თიბისი პლატინუმის უპირატესობები:

პლატინუმ ბარათი ექსკლუზიურად განეუთვნება მხოლოდ თიბისი ბანკის ვიზ კლიენტებისთვის. მისი მახასიათებლები უზრუნველყოფს ბარათის პრესტიჟულობას და გამოყენების მაღალ ლიმიტებს. ბარათის მფლობელი, მისი მიღებისთანავე ხდება ვიზ პლატინუმ კლუბის წევრი, რაც მას შესაძლებლობას აძლევს, ისარგებლოს მრავალი ფასდაკლებითა და უპირატესობებით მთელი მსოფლიოს მასშტაბით. შემდეგ სფეროებში: სასტუმროები და კურორტები, ავია კომპანიები, მოგზაურობა, გამაყანსაღებელი სპასალონები და მრავალი სხვა.



ქადრი ფილიძან „სხოვრება სიკვდილის შიშად“



ქადრი ფილიძან „ხალხის მტკაბი“

კინოფესტივალის ბათუმში კინოთეატრის გარეშე

ავტორი: ანა ძიკაშვილი
ფოტო: ბია გობატიშვილი

მომწონს კინოფესტივალზე სხვადასხვა ქალაქში სიარული. მომწონს 1 კვირა, 10, 3, 5 დღე ნაცნობი სახეების ნახვა, ახლების გაცნობა, უინტერესო ფილმებზე ძილი, გრძელ რიგებში დგომა, სახლში და სასტუმროში დაღლილი დაბრუნება, მეორე დღის გეგმის შედგენა, ადგილობრივი ტრანსპორტით მგზავრობა, ფესტივალისლოგიან ჩანთაში ჩაკარგული ნივთების ძებნა, ახალი და ძველი ფილმების დიდ ეკრანზე ყურება, მომწონს ახალი იდეებით დაბრუნება სახლში და აღარ მომწონს ამ იდეების განუხორციელებლობა ჩემს ქვეყანაში.

მერე რა, რომ იმ კინოფესტივალს, სადაც ბოლოს ვიყავი, არ ჰქონია საფესტივალო ჩანთა, არ მჭირდებოდა ტრანსპორტი, ფილმებს ცუდი ხარისხით ვუყურებ და ბევრმა საორგანიზაციო შეფერხებამაც შემანუხა, მაინც ძალიან მომწონს კინოფესტივალის ბათუმში! საქართველოში „საავტორო“ კინოს ჩვენება სულ ორჯერ იმართება: თბილისის საერთაშორისო კინოფესტივალზე, რომელიც წელს მეთერთმეტედ ტარდება და ბათუმის საერთაშორისო საავტორო კინოს ფესტივალზე, რომელიც მეხუთედ გაიმართა ზღვისპირა ქალაქში. ქალაქში, რომელსაც უფრო მეტი მონაცემი აქვს, იქცეს საფესტივალო ქალაქად, ვიდრე – საზღვაო კურორტად. ბათუმში აღარ არის კინოთეატრი, ამიტომ, საერთაშორისო კინოფესტივალის დრამატული თეატრის სცენაზე და სასტუმროს ერთ-ერთ საკონფერენციო დარბაზში გაიმართა.

ფესტივალის 12 სექტემბერს ბათუმის დრამატულ თეატრში გაიხსნა, თუმცა, ორი საათით უფრო გვიან, ვიდრე პროგრამაში ეწერა. გახსნა იყო მოსაწყენი და, საერთოდ, არაკინემატოგრაფიული. მახსენდება: 2009 წლის ნოემბერი, ქალაქი იზლავა, ჩეხეთი, East Silver, დოკუმენტური კინოს ფესტივალის, ქალაქი — მისტიკა დევიდ ლინჩის ფილმიდან, ბნელი, ცარიელი ქუჩები, სიცივე, ყველა კვების ობიექტი დაკეტილი „მაკდონალდის“ გარდა, მაგრამ, ქვაფენილზე მთელ ქალაქში დახაზული თეთრი ხაზები, როგორ უნდა მიხვიდე ფესტივალის მთავარ ობიექტებამდე; კუსტარულად, ძალიან იაფად და საინტერესოდ გაკეთებული ფესტივალის პრესცენტრი, ძველი, სოციალისტური კინოდარბაზები, სავსე სხვადასხვა ქალაქებიდან ჩამოსული ხალხით

და ფესტივალის დახურვის ყველაზე ორიგინალური და სასაცილო ცერემონია, რაც კი ოდესმე მინახავს – ყველა გამოსვლელი მწვანე ეკრანის წინ ჩამწკრივდა, გამოსახულებები იცვლებოდა, და ქალაქის მერის გამოსვლისას ფონზე ხან მზესუმზირების მდელი ჩანდა, ხან ოპოზიციური პარტიის ლოგო, ორგანიზატორებმა მერს მადლობაც გადაუხადეს და ეს ყველაფერი ძალიან ბუნებრივი იყო... ყველაზე ადვილი გამოსავალი ოფიციალური გახსნის და დახურვის ცერემონიებია, სადაც ყველამ ვიცით, რომ უნდა ვახსენოთ ყველა სპონსორი, მადლობა გადავუხადოთ სახელმწიფოს ხელშეწყობისთვის, მერე ოფიციალურმა პირებმა უნდა გადასცენ საპატიო პრიზები მათთვის უცნობ, ძალიან ცნობილ რეჟისორებს, წარმოთქვან ოფიციალური, მოსაწყენი სიტყვა და ფესტივალის გახსნილად გამოაცხადონ. ყველგან ასეა, მაგრამ სერიოზულობასაც აქვს საზღვარი.

ფესტივალის აბას ქიაროსთამის ახალი ფილმით „დამონ-მებული ასლის“ ჩვენებით დაიწყო, ფილმის პრემიერა წელს კანის საერთაშორისო კინოფესტივალზე შედგა. შესანიშნავია, როდესაც ფესტივალის, ახალი ფილმით იხსნება, თანაც როდესაც ფილმის ჩვენებას რეჟისორიც ესწრება, მაგრამ ბათუმის დრამატული თეატრის სცენაზე დამინტაჟებული, თუ არსებული ეკრანი ისეთი ნაცრისფერი იყო, რომ დივიდიდან გაშვებული, ისედაც დაბალი ხარისხის გამოსახულება თითქმის არ ჩანდა. საფესტივალო ჩვენებების მეორე დღეს, როდესაც ქიაროსთამის სხვა ფილმზე, დათქმულ დროს, 6 საათზე მივედით, 7-მდე არაფერი დაიწყო და არავის მოფიქრებია, თითქმის სავსე დარბაზისთვის მოეზოდინებინა და მიზეზიც ეთქვა – რატომ ველოდით ერთი საათის მანძილზე ფილმის ჩვენებას, რომელიც საბოლოოდ ვერც შედგა და სანაცვლოდ სულ სხვა ფილმი გაუშვეს. ქიაროსთამიმ კი თქვა, რომ ასეთი მომთმენი აუდიტორია არსად უნახავს, და მოხალისეების შეგროვება დაიწყო ეკრანის თეთრად შესაღებად... ქიაროსთამის ვიდეო არტ „გზებში“ ძალიან ბევრი თოვლი იყო, ნაცრისფერი თოვლი.

ფესტივალზე დასწრება თავისუფალი იყო, მაგრამ არა მგონია, მარტო ამის დამსახურება ყოფილიყო ის, რომ ადგილები თითქმის არ იყო ჟიურის თავმჯდომარის, ოსკაროსანი რეჟისორის, ზბიგნეკ რიბჩინსკის ექსპერიმენტული ფილმე-



კადრი ფილმიდან „არაფერი პირადული“



კადრი ფილმიდან „სხვა ზეცა“

ბის ჩვენებაზე, მეორე დღეს, მასტერ-კლასზე კი პოლონელ-მა რეჟისორმა, ძირითადად, ტექნოლოგიური განვითარების მნიშვნელობაზე ისაუბრა; მხოლოდ მომავალს აქვს მნიშვნელობა, ჩვენ იქ უნდა ვიცხოვროთ, სადაც აღმოსაჩენი ჯერ კიდევ ბევრია, ყველა თანამედროვე ადამიანმა უნდა იცოდეს კომპიუტერული პროგრამირება, იმისთვის, რომ ოცნებები აისრულოს. რიბჩინსკი კომპანია „ZBIG“-ის დამფუძნებელია, ფილმების გადაღების პარალელურად კი ახალი კომპიუტერული პროგრამების შექმნით არის დაკავებული, ისეთი პროგრამების, რომლის დანაკლისს კინოში მუშაობისას გრძნობდა.

იმის მიუხედავად, რომ ფესტივალის პროგრამა დიდი არ არის, მაინც გინევს არჩევანის გაკეთება, რადგან მასტერ-კლასები ძირითადად საკონკურსო ფილმებს ემთხვეოდა, მაგრამ არც ერთი და არც მეორე არასოდეს დაწყებულია დანიშნულ დროს, პროგრამა ყოველდღე იცვლებოდა და მოულოდნელობებით იყო სავსე. ფესტივალი წელს საკონკურსო ფილმების გარდა რეტროსპექტივებს, ახალ გერმანულ ფილმებს, აბრეშუმის გზის ქვეყნების სექციას და მოკლემეტრაჟიანი ფილმების კონკურსს მოიცავდა, პროგრამაში იყო ცნობილი რეჟისორების ზბიგნევი რიბჩინსკის, აბას ქიაროსთამის და სიდიკ ბარმაკის მასტერ-კლასებიც.

19 აგვისტოს ფესტივალის დაჯილდოების ცერემონია გაიმართა. მთავარი პრიზი დიმიტრი მამულიას სადებიუტო ფილმს „სხვა ზეცა“ ერგო. ფილმი, რომლის პრემიერაზე ბათუმში აღარ ვიყავი, მამა-შვილის ისტორიაა, რომლებიც მოსკოვში, ბიჭის დედის საპოვნელად მიდიან. დიდ ქალაქში მათ ბევრი იმედგაცრუება ხვდებათ. „სხვა ზეცა“ საერთაშორისო კინოფესტივალზე არის ნომინირებული, მათ შორის, კარლოვი ვარის საერთაშორისო კინოფესტივალის „სპეციალური აღნიშვნა“ აქვს მიღებული. იმედია, რომ ფილმის ნახვის საშუალება დეკემბერში თბილისის საერთაშორისო კინოფესტივალის ფარგლებში იქნება შესაძლებელი.

საუკეთესო ფილმად ურსულა ანტონიაკის ჰოლანდიურ-ირლანდიური კოპროდუქცია „არაფერი პირადული“ დასახელდა. ფილმი, რომლის მოქმედება ირლანდიაში, მთაში ვითარდება, ორი მარტოსული ადამიანის ურთიერთობაზეა. ვიზუალურად ძალიან საინტერესო სურათში აღწერილ ისტორიას დამაჯერებლობა აკლია, მთავარ გმირებს კი მოტივაციები. მთელი ჩვენების განმავლობაში არ მტოვებდა

განცდა, რომ ვიზუალზე კონცენტრირებული რეჟისორი მხოლოდ ლამაზი კადრებით ცდილობდა პროტაგონისტების გადწყვეტილების გამართლებას, ფილმის ბოლო სცენა კი საერთოდაც მისი გადაღების მიზეზი უნდა ყოფილიყო.

პრიზი საუკეთესო რეჟისურისთვის ესპანელმა რეჟისორმა აგუსტი ვილამ აილო ფილმისთვის „კოლოების ბაღე“, ამავე ფილმში მამაკაცის როლის საუკეთესო შესრულებისთვის დაჯილდოვდა ედუარდ ფერნანდესი. საერთაშორისო პრესა ფილმს პროვოკაციულს, სიურეალისტურ, მოშავო კომედიად მოიხსენიებს. ქალის საუკეთესო როლისთვის კი დასახელდა მონიქ იმესი ფილმიდან „ძვირფასი“.

საუკეთესო დოკუმენტური ფილმისთვის პრიზი რობ ლემკინის „ხალხის მტრებს“ გადაეცა. თეთ საბმათი ჟურნალისტი და კამბოჯაში 1970-იანი წლებში „მკვლელობის მინდვრებში“ ჩადენილი დანაშაულების მიზეზებს იკვლევს. ფილმი, ძირითადად, ინტერვიუებზეა აგებული, მთავარი ინტერვიუერი კი ათასობით ადამიანის სიკვდილის მიზეზის გარდა, მშობლების მკვლელობის ამბავს იძიებს.

ჟიურის სპეციალური პრიზით დაჯილდოვდა ბარტოზ კონოპკას დოკუმენტური ფილმი „კურდღელი ბერლინიდან“. დოკუმენტური ფილმი, რომელიც მთლიანად საარქივო მასალაზეა აგებული და ბერლინის კედლის ისტორიას აღწერს, ოღონდ სულ სხვა კუთხით, კედლის აღმოსავლეთით მყოფი კურდღლების ხედვით. სპეციალური აღნიშვნა დაიმსახურა ასევე გია დიასამიძის დოკუმენტურმა ფილმმა „ინსაითი“ და ირანელი რეჟისორი ფადრინ საჰიბ ზამანის მხატვრულმა ფილმმა „არის რაღაც, რაც თქვენ არ იცით“.

საორგანიზაციო ხარვეზების, მუდმივი დაბნეულობის, უხარისხო ჩვენებების მიუხედავად, კინოფესტივალი მეხუთედ ჩატარდა, ორგანიზატორებმა მოახერხეს თანამედროვე საავტორო კინოს ცნობილი წარმომადგენლების დაინტერესება და ჩამოყვანა, რაც ძალიან დასაფასებელია, მაგრამ, რითი შეიძლება, იყოს გამორჩეული ბათუმის საავტორო კინოს საერთაშორისო ფესტივალი, როდესაც მსოფლიოში ამდენი ფესტივალია, როგორ უნდა დაიმკვიდროს ადგილი საფესტივალო რუკაზე? გეოგრაფიული ადგილმდებარეობა, ადგილობრივ კინოინდუსტრიაში არსებული ნიშა ფესტივალის ორგანიზატორებს საინტერესო და თითქმის გამზადებულ კონცეფციებს კარნახობს. ვნახოთ, როგორ გამოიყენებენ ამ საშუალებას ორგანიზატორები ქალაქში, სადაც კინოთეატრი არ არის.

„მოგონებათა სახლები“ თვითგამორკვევის პროცესში

ავტორი: ნათია გულიაშვილი

სკოლის მოსწავლის სტატუსით სავალდებულო ვიზიტის შემდეგ, თბილისის მუზეუმებს, ბოლოს, სავარაუდოდ, რომელიმე წიგნის პრეზენტაციის, ფესტივალის, ან „გარედან შეტანილი“ გამოფენის გამო ესტუმრეთ. ასეთ დროს, მუზეუმში ყოველთვის ხალხმრავლობაა და ნაკლები შანსია, დაფიქრდეთ, რას ინახავს და გთავაზობთ თავად ეს შენობა, და მითუმეტეს, დაინტერესდეთ - ვინ არის მისი მცველი, მოლარე, გიდი, დამლაგებელი ან დირექტორი.

ინგრიდ დეხრავემ კი, ერთხელაც, როგორც ჩანს, სხვა განწყობით და არასაპრეზენტაციო დროს ჩაუარა თბილისურ მუზეუმებს, შეამჩნია, რომ იქ ადამიანები ისევე მუშაობენ, როგორც სხვა საჯარო დაწესებულებებში და დაინტერესდა, თუ როგორ ცხოვრობენ დღეს „მოგონებათა სახლები“. თავად ასე უწოდებს მუზეუმებს. ინტერესის დასაკმაყოფილებლად ჟურნალისტი თამარ ბაბუაძე და ფოტოგრაფი ირინა აბუანდაძე აიყოლია და მოგონებათა სახლების ბინადრებს ესტუმრა.

„საბჭოთა კავშირის დაშლა, საბაზრო ეკონომიკაზე გადასვლა, გლობალიზაცია, სამოქალაქო ომები, უსახსრობა, და რაც ყველაზე მომაკვდინებელია მუზეუმისთვის, დამთვალეობების ნაკლებობა“ – 90-იანი წლებიდან მოყოლებული, ეს გამოწვევები არამარტო მუზეუმებისთვის, ყველა სხვა საჯარო დაწესებულებისთვისაც ნაცნობია, მაგრამ ავტორებს ამჯერად აინტერესებთ, როგორ გადალახა ცვლილებების ეს გზა თბილისის ოთხმა მუზეუმმა და რა სახით განაგრძობენ ისინი დღეს არსებობას. როგორ ხედავს 14 სხვადასხვა ასაკის, პროფესიის, ინტერესების და გემოვნების რესპონდენტი, მუზეუმის, როგორც ცოცხალი ორგანიზმის ფუნქციას და როგორ ცდილობენ ისინი, მომსვლელს ძველი საგანძური ახალი შეფუთვით შესთავაზონ.



ერთი მნიშვნელოვანი მახასიათებელი, რაც ამ 14 ისტორიას გასდევს, თითქმის საკრალური დამოკიდებულებაა საკუთარი სამუშაოს მიმართ. რესპონდენტთა უმრავლესობა მუზეუმებში ათწლეულებია მუშაობს და სხვაგვარად ვერ წარმოუდგენია. პროფესიის და პირადი ცხოვრების ერთ სივრცეში მოქცევა, კოლეგა-მეგობრები, ანაზღაურების ნაკლები მნიშვნელობა და სამუშაო გარემოსთან საკუთარი თავის თითქმის მთლიანად იდენტიფიკაცია, ასევე არა მხოლოდ მუზეუმური, ზოგადი ქართული და საბჭო-

თა სიმბტომიცაა. ამიტომაც, აუცილებლად გეცნობათ მათი მოყოლილი ამბავი ნომინალურ ხელფასზე, რომელიც დღეში რამდენიმე თეთრს შეადგენდა და მიუხედავად ამისა ვერმიტოვებულ სამსახურზე, 90-იანების ცივ და ბნელ წლებში მეტროდან დანიშნულების ადგილამდე, ტყვიების ზუზუნში ყოველდღიურად სიცოცხლის რისკად გავლილ გზაზე.

კრებულის მთავარი შეკითხვა და შედგენის მიზეზი, რომელზე პასუხსაც ავტორები რესპონდენტებთან ინტერვიუებში ეძებენ, არის, თუ როგორი შეიძლება იყოს თვითგამორკვევის და საკუთარი ფუნქციების გადახედვის რეჟიმში მყოფი, წარსულის შემნახავი სახლების მომავალი. წლების მანძილზე ფასდაუდებელ გამოცდილებამიღებული რესპონდენტები ცვლილებების გარდაუვალობას მშვიდად ხედავიან, შედარებით ახალი თაობის წარმომადგენლებს კი ახალი იდეები აქვთ – მაგალითად, მათთვის მნიშვნელოვანია, რომ ბავშვისთვის მუზეუმში სიარული არ იყოს მხოლოდ სასკოლო დავალება და ძვირფასი საგანძურების და ძველი ნივთების ისტორიას თამამ-თამამით გაეცნონ.

მანამ კი, სანამ მოგონებათა სახლებში ფუნქციური რეველუცია დაწყებულა, კრებული, სახელწოდებით „ცხოვრება მუზეუმში“, გარდამავალ პერიოდში შეჩერების და წარსულის გადახედვის საინტერესო მცდელობაა.



Tbilisi International JAZZ Festival

ოთხი დღე ჯაზის მოყვარულთათვის

ჯაზის მოყვარულებს წელს ყველაზე მასშტაბური ჯაზ-ფესტივალი ელით. საღამოები ოთხ დღეს გაგრძელდება. ოთხივე დღეს ფილარმონიის დიდ საკონცერტო დარბაზში ორ-ორი ცნობილი ჯაზ-ბენდი დაუკრავს. ფესტივალზე მოწვეულები არიან როგორც ჯაზის კორიფეები, ასევე – ამომავალი ვარსკვლავები. შესაბამისად, ფესტივალის ორგანიზატორები მსმენელს ჰპირდებიან როგორც კლასიკური ჯაზის დაუვინყარ საღამოებს, ასევე – ამ ჟანრის სრულიად ახალ მუსიკას.

ფესტივალს, რომელიც 27-დან 30 ოქტომბრამდე გასტანს, კრისტიან სკოტი გასხნის, რომელმაც შარშან, მარკუს მილერთან ერთად, სპეციალური სტუმრის რანგში ფილარმონიაში დაუკრა. წელს ის თავის ბენდთან ერთად გვეწვევა.

ჯაზის მოყვარულები ლეგენდარული მაკკოი ტაინერის და მისი კვარტეტის დაუვინყარ კონცერტსაც დაესწრებიან.

ფესტივალზე ჯო ზავინულის მუსიკაც გაჟღერდება. საღამოს ზავინულის ჯგუფი დაუკრავს და კონცერტს „Tribute to Joe Zawinul“ ერქმევა.

წლევანდელი ფესტივალი გამორჩეულია იმით, რომ მის 13 წლიან ისტორიაში ბლუზის შემსრულებლები პირველად ჩამოვლენ. „Original Blues Brothers Band“ ფილმ „ძმები ბლუზების“ 30 წლისთავის აღსანიშნავად გვეწვევა. საქართველოს, 1979 წლის მერე, ბლუზმენები პირველად ესტუმრებიან.

ფესტივალში ჯაზის შემსრულებელი ქალები – დაიან რივისი და რეიჩელ ფერერიც – მიიღებენ მონაწილეობას. დაიან რივისი კლასიკურ ჯაზს მღერის და, როგორც საუკეთესო ჯაზ-ვოკალისტს, გრემის ჯილდოდ მიღებული აქვს.

წლევანდელ ფესტივალზე „ივენთ-ჰოლში“ ბონუსი იქნება მათთვის ვისაც ჯაზ-ფესტივალის აბონემენტი ექნება. „ივენთ-ჰოლში“ საფესტივალო კლუბი მოეწყობა. ახალგაზრდა მუსიკოსები, კოქტილები და ჯემ-სეიშენები საღამოს კიდევ უფრო მრავალფეროვანს გახდის. კლუბში პირველ საღამოს სოულის პიონერი, ინგლისელი Omar შვიდკაციან ბენდთან ერთად დაუკრავს.





კარაგი მისაელ კანკეს ფილმიდან „მხიარული თამაზი“

გამჭვირვალე სიძულვილის შეოდგომა

ავტორი: ლავით ბუხრიძე

თუ ცხელი „საკონსტიტუციო აგვისტო“ უხიფათოდ დავასრულეთ, ჯერ კიდევ არ ნიშნავს, რომ შემოდგომა აუცილებლად ქარიშხლიანი გვექნება. თუმცა ეკონომიკური კრიზისის, სოციალური გაუცხოებისა და საყოველთაო დეპრესიის გამო, ზომიერი დუღილისა და შიშნარევი შიშინის პროცესი რომ დაწყებულია, ფაქტია. კარგად დასვენებულმა და უფრო კარგად გამაგებულმა რიგითმა N დიასახლისმა ქალაქში დაბრუნების შემდეგ აღმოაჩინა, რომ სექტემბერში ზეთი უკვე ორჯერ ძვირი ღირს, ნიორსა და ხორცს ერთი და იგივე ფასი აქვს, ხოლო ხილსა და ბოსტნეულს ისეთი ფასი ადევს, თითქოს კამჩატკის ნახევარკუნძულზე ვცხოვრობდეთ.

თავი რომ დავანებოთ ამ გასტრონომიულ-ეკონომიკურ განცდებს და მხოლოდ ლტოლვილების, გარემოვაჭრებისა თუ ბუკინისტების აყრა-გადასახლების (რატომღაც ეს ყველაფერი აგვისტოში მოხდა) ამბები განვაზოგადოდ, გასაგები გახდება, რომ ჩვენს თავს რაღაც „სოციალური ზომბირების“ მსგავსი რამ ხდება. ტელევიზიას ამასობაში მხოლოდ ლირიკული ჭორები, გეი-პრაიდი და საზღვაო ტამ-ფანდური აინტერესებს. მომავალი პრემიერის ტანზე „გამოსაჭრელი“ ახალი კონსტიტუციის ლეგალიზაცია და ფოცხოყანაში ორ საათში გადასახლებული, სასონარკვეთილი ლტოლვილების კადრები ცხადია, ყურადღების მიღმა რჩება ან სადღაც მეორე-მესამე საინფორმაციო ბლოკში გადაიცემა.

აშკარაა, რომ ბოლო დროს საზოგადოებაში სოციალური და ეკონომიკური დიფერენცირება საშიშ ზღვარს აღწევს და ნანატრი „სინგაპურის მოდელის“ ნაცვლად სულ უფრო სწრაფი ნაბიჯებით მივდივართ ინდოეთისაკენ – საქართველოში კასტები ყალიბდება და არა საშუალო ფენა. მემარჯვენე ლიბერტარიანების ცინიზმი, რომ სახელნიფო არ უნდა ჩაერიოს ქონებრივ გადანაწილებაში და სოციალური ბალანსის დაცვა მისთვის სავალდებულო არ არის, ისედაც გათამამებულ სადაზღვევო კომპანიებს, სახელმწიფო ჩინოვნიკებს და ზოგადად მმართველ პოლიტიკურ კლასს სრულ თავისუფლებას და მეტიც, დაუსჯელობის განცდას ანიჭებთ.

ამასობაში „მცირე მეგაპოლისად“ ქცეული თბილისის გარეუბნები და რაიონები სულ უფრო მეტად ემსგავსება აბსცესს, რომელიც უფრო აკავებს და აჭიანურებს სხვა, გაცილებით საშიშ სოციალურ დაავადებებს. უსასრულო სივრცეები, რომლებიც სამშენებლო კომპანიებმა ათასგვარი მაქინაციებით აითვისეს, სინამდვილეში სიცარიელისათვის არის განწირული, რადგან ის დაუცველი მოქალაქეების ან თუნდაც „მოჩვენებითი საშუალო“ კლასისთვის არ აუთვისებიათ. ეს კომპლექსები ისევ გამდიდრებული ბანკირების, ახალი პოლიტიკური კლასის, მათთან დაახლოებული წრის ან ელიტარულ ბიზნესთან დაკავშირებული ხალხის საკუთრებად იქცა. სწორედ ისინი აკონტროლებენ უძრავი ქო-

ნების უდიდეს ნაწილს, რომელსაც ათასგვარი მარჯვენა თუ მარცხენა საცეცხებით ფლობენ.

მკვეთრი სოციალური დიფერენცირება არ ემორჩილება ძველი ქალაქისთვის გასაგებ ერთობის ფილოსოფიას და ცხოვრების რიტმს. ამიტომ ძველი სახლებისა და უბნების ნგრევა და იქიდან მოქალაქეების გამოსახლება, სინამდვილეში ქალაქის გარეუბნებში გასახლებას ნიშნავს. მათ ადგილას კი „გამჭვირვალე“ ოფისები, ბანკები, პარფიუმერიული ქსელის მაღაზიები და სასტუმროები შენდება, რომლებიც ან გამოკეტილი იქნება ან ცარიელი მორიგი კლიენტის მოლოდინში. ახალი სახლები თავიანთი სტერილურობით, სიცარიელეობით და სიცივით სიცოცხლის იმპულსს არ გამოსცემენ. ამ სახლების აივნებზე არ ჰკიდია სარეცხი, არ არის აყვებულნი ველოსიპედი, ან ყრია ძველმანები. არც ქოთნებში ჩარგული ყვავილებია, რომელსაც დრო და დრო ვილაცა მორწყავს...

საკომუნიკაციო საშუალებები, გასართობი მულტიპლექსები და სავაჭრო ცენტრები თითქოს სოციალური ურთიერთობის გაიოლებას უნდა ემსახურებოდეს. მაგრამ ამგვარი „ურბანისტული თერაპია“ ისევ შეძლებულთა ხვედრია, ისევე როგორც საცურაო აუზებით სარგებლობა ან ვახშამი პრეს-

ხილული და ზოგჯერ სიძულვილით აღვსილი ანტაგონიზმი საზოგადოებაში გამქრალი, ძლიერი და პოზიტიურ-პატრიარქალური სურვილების ადგილს იკავებს. საბანკო ლექსიკა სადღეგრძელოს ცვლის, ვილაცის დასჯის ნახალისება – შეწყალების თუნდაც ფარულ სურვილს. აქედან მომდინარეობს ცხოვრებისეული უკურეაქცია ან დაეჭვება ყველაფერზე: პოლიტიკაზე, მორალზე, განათლებაზე, ეკლესიაზე, ფინანსურ სტაბილურობაზე, მედიაზე... და ადამიანს აღარ უჩნდება რაიმეს შეცვლის სურვილი.

უფუნქციო მდგომარეობიდან ან უმოქმედო აპთიიდან (რითაც სიმართლე ვთქვათ, შეპყრობილია საქართველოს მოქალაქეების საკმაოდ დიდი ნაწილი) კონკრეტულ სიძულვილამდე მხოლოდ რამდენიმე ნაბიჯი რჩება. ეს უმოქმედობა, პასიურობა მათ თითქოს აკარგვინებთ საკუთარ თავს; განცდას, რომ რაიმე სასარგებლო პროცესში შეიძლება მიიღონ მონაწილეობა. ამიტომ უარყოფითი ელექტრონული ნაწილაკების მსგავსად იწყებენ მოქმედებას – ანუ უარყოფით სტატიკურ ველში განთავსდებიან. ალბათ, აქ უნდა ვეძიოთ „მასების ამბოხის“ მიზეზები, რაზეც დიდი ხნის განმავლობაში მოთქვამდა მეოცე საუკუნის ფილოსოფია.

აშკარაა, რომ ბოლო დროს საზოგადოებაში სოციალური და ეკონომიკური დიფერენცირება საშიშ ზღვარს აღწევს და ნანატრი „სინგაპურის მოდელის“ ნაცვლად სულ უფრო სწრაფი ნაბიჯებით მივდივართ ინდოეთისაკენ – საქართველოში კასტები ყალიბდება და არა საშუალო ფენა.

ტიჟულ რესტორნებში. სუპერმარკეტები, რომლებიც გერმანიაში (ვთქვათ, „ალდის“ ან „ლიდლის“ ყველაზე იაფიანი ქსელები) მართლაც ყველაზე დაბალ სოციალურ ფენებზეა გათვლილი, ჩვენთან ელიტარული „შოპინგის“ კომიკურ სახეს იღებს.

მაგალითად, ძალიან სასაცილო სანახავია ვერცხლისფერი ურიკებით მოსეირნე გაბლენძილი და მძიმეწონიანი კლიენტურა „გუდვილში“ ან „პოპულის“ ქსელის სუპერმარკეტებში. არადა, გერმანიაში ზუსტად იგივე ხარისხის პროდუქტი სუპერმარკეტებში ორჯერ-სამჯერ იაფია, ვიდრე დაახლოებით 130 ლარიანი საარსებო მინიმუმის მქონე საქართველოში.

ყველა დადებითი სწრაფვა (მათ შორის, თანასწორობისა თუ სოციალურობისაკენ) სახელმწიფო ინსტიტუტების აშკარა გულგრილობის თუ პოლიტიკური დისპოზიციის გამო იოლად ინვერტირდება და გულგრილობად ან უარყოფით ლტოლვად იქცევა. შერჩევითი ინფორმაციის წარმოუდგენელი სიჭრელე და სიჭარბე, პლუს ხელისუფლების ფსევდო-გამჭვირვალობა (ვინ სად დაისვენა, ვინ ვისი საყვარელია, ვის რა აცვია) ქმნის ილუზიას, რომ თქვენც ამ დიდი და საერთო სოციუმის წევრი ხართ (ანუ, თქვენც „ლიბერტი ბანკში“ მუშაობთ!). სინამდვილეში ეს მაცდური თამაზია, ცუდად გაკეთებული „პროფილებისა“ და ტოტალური სიმულაკრების სამყარო, რომელსაც რეალობასთან არავითარი შეხება არა აქვს.

„არაფერია უფრო ადვილი, ვიდრე უარყოფა“ – ამბობს ფილოსოფოსი ზიმელი და დაასკვნის, რომ ასეთ შემთხვევაში ადამიანს უჩნდება მხოლოდ ნეგატიურის კეთების სურვილი და უყალიბდება ტოტალური უარყოფის მიზანი. მკვეთრი სოციალური ანტაგონიზმი კი მხოლოდ წამახალისებელ ფაქტორად შეიძლება განვიხილოთ. და რადგან ასეთ უფუნქციო მდგომარეობაში ბევრი ადამიანია (ისინი ჯერ-ჯერობით მხოლოდ ბუკმეკერების კანტორებსა და ტოტალიზატორების დარბაზებს სტუმრობენ), მათი განლაგება „უარყოფით სტატიკურ ველში“ იოლი წარმოსდგენია. აი, მაშინ წითელი ვარდები და ჩონგურ-სალამურის ჰანგებზე „გაკეთებული“ მშვიდობიანი რევოლუცია არავის გაახსენდება.

რა ცინიკურადაც უნდა ჟღერდეს, ჩვენდა საბედნიეროდ, გამჭვირვალე სიძულვილსა (რის გამოც დაარბია პოლიციამ 2007 ნოემრის აქცია) და აშკარა ძალადობას შორის მკვეთრი განსხვავება არსებობს. ძალადობას გამოკვეთილი მიმართულება და ვექტორი აქვს. იგი უცილობლად მტრის ხატს და მოქმედებას გულისხმობს, ხოლო სიძულვილი უფრო უადრესატო და უშინაარსოა. მაგრამ თუ იგი კოლექტიურ ძალად შეიკრა და „საჭირო ხალხის“ თანხმობით, თანაც შინ და გარეთ, მაშინ?..

ვინ დასთვალოს ახალი კონსტიტუციის ჩასწორებული მუხლები და ან ცაზე ახალი რევოლუციის ვარსკვლავები?“



ავტორი: პაატა ქურდაძე

ამონარიდი პაატა ქურდაძის ესეიდან „სიბრძნე სიბრყვვისა“
www.paatakourdadze.blogspot.com

„ნებისმიერი სპექტაკლის საფუძველში ჩადებული სისასტიკის ელემენტის გარეშე, თეატრი შეუძლებელია. დეგენერაციის იმ მდგომარეობაში, რომელშიც ჩვენ ვიმყოფებით, კანის ფორებიდან უნდა შემოვუშვათ ჩვენს სულელებში მეტაფიზიკა.“
სისასტიკის თეატრი. ანტონენ არტო

გასული საუკუნის ერთ-ერთი მნიშვნელოვანი მიღწევა კაცობრიობისათვის წერა-კითხვის დემოკრატიზაცია და პოპ-კულტურის შექმნა იყო. უამრავი დრო, ენერგია და სახსრები დაიხარჯა იმისათვის, რომ „უბრალო“ სოციალურ ჯგუფს წერა-კითხვა შეესწავლა და საკვირაო წირვის შემდეგ ბაზრის ჯამბაზების წარმოდგენებისაგან ნამდვილი სოცო-კულტურული ფენომენი შეექმნა. რასაც ვერ პატარა, მერე კი – დიდი ვარსკვლავები მოჰყვნენ. პოპ-კულტურამ, თავის მხრივ, ახალი ტიპის პოპ-მომხმარებელი აღზარდა. ისინი 90-იანი წლებიდან მსოფლიოს მართვის სადავეებთან, ანუ პოლიტიკაშიც გამორჩნდნენ. პრეზიდენტებად ისეთი ადამიანები მოგვევლინნენ, რომლებსაც ახალგაზრდობაში მთლად LSD-სა და „ველვეტ ანდერგრაუნდის“ თუ არა, მსუბუქი პლანი-სა და „ბითლზის“ გემო გასინჯული ჰქონდათ. ეს თვისობრივად ახალი მოვლენა იყო: როკ-ენ-როლ გენერაცია პოლიტიკაში: რომელიც თავად შეეცადა, გამხდარიყო

ყველაზე დიდი ვარსკვლავი – მიკ ჯაგერიც და ჯონ ლენონიც... და გახდა კიდეც.

90-იან წლებში წარმოქმნილი პოლიტ-პოპკულტურა კოსმიური სისწრაფით „განვითარდა“ – დღეს თვით რუსეთის პრემიერი ვლადიმერ პუტინიც კი, რომელსაც ნებისმიერ სხვა ეპოქაში ტირანს და დიქტატორს დაარქმევდნენ, სწორედ პოპ-ვარსკვლავის სტატუსით აღიქმება, როგორც თავის ქვეყანაში, ასევე, დანარჩენ მსოფლიოში. უნდა ითქვას, რომ არიან კარგი და ცუდი პოპ-ვარსკვლავები. პუტინი ცუდების კატეგორიას მიეკუთვნება: ასეთებს დასცინიან, როგორც „აბბას“, თუმცა, მათი რეიტინგი მაინც უსწრებს „როლინგებისას.“

2000-იან წლებში პოლიტიკური პოპი ნამდვილ პოლიტ-შოუბიზნესში გადაიზარდა. გარდა მეგავარსკვლავებისა, გაჩნდა უამრავი პატარ-პატარა, ლოკალური ვარსკვლავი, უფრო სწორად – მეტეორი, რომელიც ისე სწრაფად ჩაგიფრენს გვერდით, თვალსაც ვერ შეავლებ ნესიერად. ასეთები განსაკუთრებით ისეთ ქვეყნებში მომრავლდნენ, როგორიც ჩვენი ბრჭყვიალა დისკო-სამშობლოა.

საქართველოში რეალობასთან სინქრონიზირებული არაფერია – მათ შორის, პირველ რიგში, ხელოვნება.

იშვიათად თუ უჩვენებია ვინმეს ადამიანების გაბოროტების პროცესი ისე კარგად, როგორც ამერიკელ რეჟისორ ბობ ფოსს თავისი „კაბარეს“ ცნობილ სცენაში, სადაც გერმანული სოფლის პასტორალური სინაზე სულ რაღაც ორ წუთში ჯოჯოხეთურ, სვასტიკიან საშინელებაში გადადის (სცენა – „Tomorrow Belongs to Me“ – Cabaret. Bob Fosse. 1972).

„ფიხსუკში“ ჩემი „ფრენდების“ ძალიან დიდი ნაწილი, ფაქტობრივად, ამ ეპიზოდის სრულ იმიტაციას იმეორებს ყოველდღე – დილას ნაზი ხმით იწყებს სიმღერას, ღამე კი გაბოროტებული იძინებს. გესლის გულუხვი ნთხევა იწყება განსაკუთრებით მაშინ, როცა საქმე რუსეთს შეეხება, ამ დროს გამუდმებით იგრძნობა საკუთარი უხეში გრძნობების გამოფენის ჯერ კიდევ შემორჩენილი ინსტინქტის სიმძლავრე და ერთსულოვნება, ვირტუალური ეშაფოტებისა და გილიოტინების ელვის სისწრაფით აღმართვის საოცარი ხელოვნება.

მორალური თვალსაზრისით, რუსების ლანძღვა ერთადერთია, რაც არანაირ გადახედვას არ ექვემდებარება. კონკორდატი იმის შესახებ, რომ რუსოფობიას, ქსენოფობიასა და ჰომოფობიას შორის ისეთივე სხვაობაა, როგორც ცასა და დედამიწას შორის, საიმედოდ ხელმონერილი და ბეჭედდამულია, ფაქტობრივად, ყველა ანტაგონისტი მხარის მიერ. იქ კი, როგორც ჩანს, წერია, რომ კანის ფერის მიხედვით სიძულვილი არ არის მიღებული, არც სექსუალური ორიენტაციის მიხედვით, სამაგიეროდ, მტრის სიძულვილი ნებადართულია, პრინციპში ამ ნიშის გამოყენება თავისუფლად შეიძლება უფასო პარკინგივით ნებისმიერი „ფობიის“ დროებით დასაყენებლად, „მორალური პოლიციის“ გამჭრიახი თვალის ასახვევად. ეს მეთოდი განსაკუთრებით მოსახერხებელი და კომფორტულია, როდესაც ისეთი უკიდევანო გეო-

გრაფიისა და უგუნურების მტერი გყავს, როგორც ჩვენი ყოფილი ბოროტი დედინაცვალი რუსეთია. როგორც ქართველი თამადები იტყვიან ხოლმე: ჩვენს ხვალინდელ დღეს გაუმარჯოს! – ანუ „Tomorrow Belongs to Me!“

მაგალითები ფეისბუქიდან:
– რუსი ერი განაგრძობს წრთობასა და ფორმირებას. დღეს ის შებოლილ ერად ყალიბდება!

– დაკაპჩონებული ერი ჯობია...
– აფიცინანტ, ერთი ბალტიკა და ერთი კაპჩონი რუსი თუ შეიძლება! :))))))))))

ჯარისკაცი Gioergi Magularia შებოლილი ღორი... ჰმ, არ გამისინჯავს, მაგრამ ალბათ კაი რამე იქნება...

– რეო! პოდმოსკოვია გადამწვარა რეო! მთელი რუსეთიანათო რეო.. ჩემო კარგო, ჩემო მშვენიერო და ა.შ..

– აფიცინანტ, არ გესმის? ერთი ბალტიკა და ერთი კაპჩონი რუსი-მეთქი!

ჩვენი სასჯელი ცვალებადი მგრძნობიარობაა...

ლოგიური ფანტასმაგორია... ოლონდ ამაზე ავღანეთის ხრიოკ მთებში გათხრილ ორმოებში ჩამალული წერა-კითხვის უცოდინარი, ოპიუმის ნევით ჭკუიდან გადასული თალიბი, ან კავკასიელი თუ კაზაკი ბარბაროსი კი არ ოცნებობს... არამედ ჩვენი, წერა-კითხვის მცოდნე და საზღვარგარეთ სტაჟგამოვლილი „მაშასადამე ევროპელი“ ქართველი, რომელსაც მუხლებზე ბაზუკას ნაცვლად ნოუთბუკი უდევს და ანდრე რიუს კრემიანი ავსტრიული ვალსების ფონზე დღითიდღე, თვალსა და ხელს შუა, ისე ბოროტდება, რომ ისტორიაში ცნობილი და უცნობი ყველა სისასტიკე – ტროა, ბართლომეს ღამე, ოსვენციმი, ბესლანი, გაგრა – მასში ჯოჯოხეთის ნვეტიან, ბასრ სტალაქტიდებად კრისტალიზდება და სქესის, ასაკის და განათლების მიუხედავად, აღარაფრით განსხვავდება იმ ჩეჩენი მხიარული კაციჭამიასაგან, რომელიც თავის სამწუხაროდ ცნობილ კანიბალურ ვიდეო-კლიპში რუს „დამპყრობელ“ ინჟინერს სულ სიცილ-კისკისით აჭრის თავს ხანჯლით...

ისინი მაინც ვერ მიხვდნენ, მარტივ „სოციალურ ჭეშმარიტებას“, რომლის სულ რამდენიმე სიტყვით შეძლება ჩამოყალიბდეს – სიძულვილი ძალიან არაპრაქტიკული ბრძნობაა... და მორჩა. სათავე ამპარტავნებაშია. ამპარტავნების სოციოლოგიურ- მეცნიერული თანამედროვე ტერმინი კი ქსენოფობიაა.

რა თქმა უნდა, აქ ვინ შემოგედავებათ: მტერი გაზის კამერაში უნდა გაგუდო! რა არის ამაზე ლოგიკური? თავისით თუ დაიხრჩობა - მით უკეთესი... ხოლო თუ ღმერთი დაახრჩობს, როგორც ეს ქართველ ზეზვებსა და მზიებს გულწრფელად სჯერათ, ნამდვილი მადლი იქნება... ხოლო საერთო ზოგადსაკაცობრიო ჰუმანური ღირებულებების შესახებ ვაჟა-ფშაველას უკვე დაწერილი აქვს ჩვენს მაგივრად...

ეს არ არის რასიზმი; არც ქსენოფობია, არც ჰომოფობია... სრული სიმართლეა – ეს ალ ქაიდას, ჩეჩენი ვაჰაბისტების, ჰამასის, საერთოდ ტერორისტების პრიმიტიული მგრძნობიარე ცრემლიანი ლოგიკა, მათი თეატრია, სწორედ იმ სისასტიკის მარცვლით, რომელზეც არტომ თავისი თეატრი ააგო: რით არიან თქვენი ბავშვები ჩვენებზე უკეთესნი? მე არ ვიცი, რა სიტყვა იხმარება ასეთ შემთხვევაში – როდესაც შენი მტრის ბავშვების შებრალების უნარს კარგავ...

.... დედა-ბუდიანად ამოჟლეტა... „მშვენიერი“ გამოთქმაც კი გვაქვს ქართველებს – დედა, ბუდე, ბუდეში ბარტყები... რა ცისფერი სინაზუა, რა ბიბლიური სისასტიკე. სენტიმენტალური ცინიზმი, გრძნობების პათო-

მე მართლა არ ვიცი, რატომ ითვლება ქართველ ინტელექტუალთა დიდ ნაწილს შორის რუსოფობია ნაკლებ ბოროტებად, ვიდრე, მაგალითად — ჰომოფობია. ინტელექტუალი, რომელიც ნებისმიერი სახის ფობიაზე ამალვებსა წლების განმავლობაში ვერ ახერხებს, მხოლოდ წერა-კითხვის მცოდნე ილღიაში სახარებაამორჩილი მგელია. სხვა არავინ... პედიკურიანი მოვლილი ბრჭყალებით.

ასეთებს რატომღაც ფარად მერაბ მამარდაშვილის ტექსტების ხმარება უყვართ ...

...საბრალო მამარდაშვილი... სწორედ ამ პირში სიგარაგაჩრილმა განრთვნილმა მსოკინგიანმა ტიპებმა ამოხადეს სული უმარტივესი ფრაზის გამო. ფრაზის, რომელიც დღეს ასე უსინდისოდ ამოუტრიალეს და ღამის თავად გადააქციეს „ნაციონალისტად“. მამარდაშვილის „ჭეშმარიტებას“ თითებზე აწეული „ჯუჯებივით“ წაეპოტინენ, ჯერ ფრთხილად ჩამოქაჩეს დაბლა, მერე ცოტა უფრო, კიდევტი ჩამოქნდეს, ჩამოახიეს, „სამშობლოზე“ დაბლა ჩამოაჩოჩეს, ბოლოს ჩამოგლიჯეს და დაფლეთილი საკუთარი სიბრიყვის დროშად ტრანსფორმირებული – „ბორტებჩამოხსნილი გრუზავიკის“ ცხვირზე დაამა-

გრეს, რომლითაც 1991 წელს სულ რამდენიმე ახლობელმა დიდი ფილოსოფოსის კუბო საბურთალოს სასაფლაოზე წაახრიგინა...

ქართული თანამედროვე ფობიების კიდევ ერთი უნიკალურობა იმაშია, რომ, მაღლობა ღმერთს, ის მხოლოდ ამ „მოყვრისათვის პირში ძრახვით“ გამოიხატება, ჯერჯერობით მოქმედებაზე გადასვლას ვერავინ ბედავს, როგორც ეს, ჩვეულებრივ, სხვა ქვეყნებში ხდებოდა სხვადასხვა ეპოქაში... ამიტომ საშუალო ქართველი „მულტიფობის“ საყვარელი ფრაზაა – ეყარონ თავიანთთვის, ცხვირს ნუ ყოფენ გარეთ, „პოგრომს“ ხომ არ ვუწყობთ...

ისინი მაინც ვერ მიხვდნენ, მარტივ „სოციალურ ჭეშმარიტებას“, რომელიც სულ რამდენიმე სიტყვით შეიძლება ჩამოყალიბდეს – სიძულვილი ძალიან არაპრაქტიკული გრძნობაა... და მორჩა. მეტი არაფერი. მისი სათავე ამპარტავნებაშია, რომელზეც იესოც კი ამდენს გველაპარაკება მოციქულების პირით. ამპარტავნების სოციოლოგიურ-მეცნიერული თანამედროვე ტერმინი კი ქსენოფობიაა – ყოველივე უცხოის შიშისგან გამომდინარე ათასნაირი პატარ-პატარა სიძულვილები – ჰომოსექსუალების, სხვა რასის, უცხო კონფესიის ადამიანების, ათეისტების... ნებისმიერი მათგანი ძალიან დიდ ენერჯიას გვართმევს, გვაბრმავებს გვამუნჯებს... ყველაფერი

მართლაც ძალიან მარტივია – არასოდეს არ უნდა შეიძლო მტერი იმაზე მეტად, ვიდრე მას სძულხარ, რადგან სიძულვილი აბრმავებს, ამუნჯებს აყრუებს. ხოლო ყრუ-მუნჯისა და ბრმის დამარცხება ბევრად უფრო ადვილია. თუ მაინც ცირკში გინეცს ცხოვრება, ჯობს გაბითურებულ, მაგრამ თავნება მასხარად გამოიყურებოდე, ვიდრე მათრახის ცემით გამძვინვარებულ ხახა-დაფჩენილ, მაგრამ მორჩილ ლომად, რომელიც მხოლოდ ცირკში მისულ ბავშვებს აშინებს, სხვას – ვერავის.

მასხარა ბრიყვია? შეიძლება, მაგრამ ლომი ბევრად უფრო ბრიყვია, თან ნაცემი და საცოდავი. მე ჯამბაზის სიბრიყვე მირჩევნია. ბავშვებს რომ არ ეშინოდეთ, რომ უხაროდეთ ჩემი დანახვა, რადგან ზუსტად ვიცი – მთელი ჩემი ცხოვრების მანძილზე ვმარცხდებოდი მხოლოდ მაშინ, როდესაც სიძულვილში ვაჭარბებდი.

ამ გრძნობების ეკვილიბრის დაცვის ცოდნას, ხან კულტურას უწოდებენ, ხან ცივილურობას... მე სიბრიყვის სიბრძნეს დავარქმევდი – თოკზე მოსიარულე აკრობატის წონასწორობის განცდას – რადგან საკუთარი სურვილით თოკზე სეირნობა არასოდეს მეჩვენებოდა ჭკვიანურ გადანყვეტილებად. თუმცა ვთვლიდი, რომ თუ მაინც მოგინია თოკზე გავლა, ყველანაირად უნდა შეეცადო, არ ჩამოვარდე!



ბანბრენა, ბანბრევა, ბანბი ავტორი: ბიბი ბულაღანი

სოფლის ორი სატელიტის თეფშიდან ერთი სამხრეთს უყურებდა, ერთიც – სამხრეთ-დასავლეთს და ორივე 1500-მდე არხს იჭერდა. მართალია, მათი უმრავლესობა, ამა თუ იმ მიზეზით, უბრალოდ, „არ იყურებოდა“, მაგრამ, რაც მთავარია, მოდიოდა ძირითადი უცხოური საინფორმაციო არხები.

„ევრონიუსის“ დამაჩლუნგებელი გამეორებებიდან იქმნებოდა ისეთი შთაბეჭდილება, რომ არხის კოლექტივ-

მა რალაც აქამდე უპრეცედენტო მაზიანი წააგო. რომ იტყვიან, წაასხა. ჰოდა, იმეორებდა და იმეორებდა ახალ ამბებს აგვისტოს პირველი ორი კვირის მანძილზე: 1. წყალდიდობა პაკისტანში 2. მენყერი ჩინეთში 3. ხანძრები რუსეთში 4. ნიაღვრები ცენტრალურ ევროპაში 5. გრენლანდიას მონწყვეტილი ნახევარი ევროპისხელა აისბერგი.

თუ აფხაზეთის საზღვართან გამართულ პატრიოტთა ბანაკზე „ბიბისი“-ს მომზადებულ სამარცხვინო სიუჟეტს არ ჩავთვლით, დამამშვიდებელი იყო „ევრონიუსის“ ფორსმაჟორულ სიაში ჩვენი არყოფნა. პულტით ხელში ბაბუაჩემის აშენებულ ნახევარმეტრიანი სისქის კედლების სიგრილეში ჯდომისას შეიძლებოდა გეფიქრა, რომ ამჯერად მაინც შეგეძლო, მისალმებოდი მსოფლიოს პულსიდან საქართველოს ამოვარდნას.

მაგრამ მოვლენები, სინამდვილეში, სხვაგვარად ვითარდებოდა:

გაზაფხულზე უეცრად წამოსულმა 15-წუთიანმა აპოკალიპსურმა წვიმამ, წუთებში, ორი მეტრით ასწია სოფლის მდინარე, რომელმაც მოჭრა და სამეგრელოში წაიღო ნაპირები საკარმიდამო მიწებიანად, გზის რამდენიმე მონაკვეთი, ხიდები, ბეტონის ჯებირის ბლოკები და ამ ყველაფერთან ერთად, ათწლეულების წინ მიწაში ჩაყრილი კომუნისტური პლასტმასის მილებიც, რითაც წყალი მარჯვენა სანაპიროს სახლებს მიენოდებოდა.

მედი - 5

მედი - 10

მედი - 20

მედი - 30



ინდივიდუალური ჯანმრთელობის დაზღვევა
ყველა ასაკის ადამიანისთვის!
თვეში 5, 10, 20 ან 30 ლარი!

 **505 111**

- ▲ პირადი ექიმისა და პედიატრის სრული პატრონაჟი
- ▲ მინიმალური გამოწვევები
- ▲ სპეციალისტებთან კონსულტაცია, გამოკვლევები, ანალიზები
- ▲ გადაუდებელი ქირურგიული ოპერაციები, მკურნალობა სტაციონარში
- ▲ სტომატოლოგიური მომსახურება
- ▲ ოჯახურ პაკეტზე და უგუფურ დაზღვევაზე ურცვლდება შეღავათები

საპაციენტო მხარდაჭერა „იპი დაზღვევის“ განახლება:

- ▲ თუ თქვენ 2009 წელს შეიძინეთ „იპი პოლიციის“ იაფი დაზღვევის პოლისი, ისარგებლეთ უსასაღებო შეთავაზებით!
- ▲ პოლისი „მედი“ პრობლემს სპეციალურად თქვენთვის დაგეგმვა გვეზოური ოპერაციების დაფარვა (პოლისის პრობლემის შეამამისადა)
- ▲ გაუმჯობესებული ამბულატორიული მკურნალობა
- ▲ სწვა დამატებითი პრობლემები



აი, ამ ყველაფრის შემდეგ კი დაიწყო მურტალი გვალვა. რადიაციაში გადასული სიცხე იყო ყველგან, სადაც ზაფხულის მანძილზე მოვხვდით: თბილისში – ფილმ „ლამის მანიაკი 2“-ის კასტინგის დღეს 43 გრადუსი ფიქსირდებოდა, ბორჯომში – ხაშურის გზაზე, ოფლში განურულმა, დავინახე, როგორ აქრობდა ვერტმფრენი გადახრუკულ ტყეში გაჩენილ ცეცხლს, ბათუმში – თბილისიდან ოთხსაათიანი სახიფათო ჯირითის შემდეგ, ბულვარის ავტოსადგომზე, მანქანიდან გადმოსვლისთანავე, ცხელი ნესტისგან დავსველდი, რის შემდეგაც, სულ რაღაც ხუთ წუთში, ვისმენდი, როგორ ეკაჩავებოდა ტელეფონში ჩემი მეგობარი „ბათწყალის“ ნასოსების განყოფილების უფროსს.

სოფელში, მარჯვენა სანაპიროს, გამგეობა დაჰპირდა მიღების თავიდან ჩაყრას, მაგრამ მხოლოდ ძალიან მონდომებულ ოპტიმისტს უნდა დაეჯერებინა ამ საქმის მომავალ არჩევნებამდე მოგვარება. ამიტომ სასმელი წყლისთვის, დროებით (რაც ძალიან აპასნი სიტყვაა) ყველა გადაერთო მთის ტყის პატარა წყაროებზე, რომლებიც ადრინდელი მიწების მოცულობის მეთაქვს თუ უზრუნველყოფდა.

მოგვიანებით, მამაჩემმა, ჩემმა შვილმა და მე ერთი რეიდი, „ინვენტარიზაციისთვის“, ჩვენი „დროებითი წყლის“ რეზერვუარზეც მოვანყეთ, რომელიც ტყის პატარა სანიაღვრე ხეობაში სახელდახელოდ მოეხლაფორთებინათ. მამაჩემმა ქვა ასწია. „ესაა ჩვენი რეზერვუარი?!“ ვკითხე მე და აიპადისხელა გუბებს დავხვდე. ქვემოთ, ხეობაში კი ჩანდა დაკლაკნილი თეთრი მდინარე. უკანა გზაზე, ისევ ვიგრძენით სიმყრალე, მაგრამ მის პირველწყაროს მაინც ვერ მივაგენით. ეჭვი ავიღეთ სკოლის ეზოში მდგარ მიტოვებულ ნაგებობაზე, მაგრამ უკვე ბინდდებოდა და შიგნით აღარ შევსულვართ.

მეორე დღეს წყალი ისევ განყდა, რაც, რა თქმა უნდა, არ გაგვეკვირვებია. შევუყვეით შლანგის ტრაექტორიას, მაგრამ წყვეტა ვერსად აღმოვაჩინეთ. ავედით ბოლომდე და მამაჩემმა რეზერვუარის ქვა ასწია. „ნუ?!“ – დავუძახე მე ქვევიდან. „დაშრა! – ჩამომძახა, მერე ქვა ადგილზე დადო და უკან დაეშვა. სკოლის ეზო ყარდა. მიტოვებულ შენობის სარდაფში ვიპოვეთ უზარმაზარი ღორის ლეში, რომელსაც მატლები ესია. გულისამრევი სანახაობისგან გამოწვეული სპაზმები შევიკავეთ და გარეთ გამოვედით. „იგრძნო რა სიკვდილის მოახლოება, ღორი განერიდა

**მეორე დღეს წყალი ისევ განყდა,
რაც, რა თქმა უნდა, არ გაგვეკვირვებია. შევუყვეით
შლანგის ტრაექტორიას, მაგრამ წყვეტა ვერსად
აღმოვაჩინეთ. ავედით ბოლომდე და მამაჩემმა
რეზერვუარის ქვა ასწია. „ნუ?!“ – დავუძახე მე ქვევიდან.
– „დაშრა!“**

სოფელში ჩასვლის დღისთვის, ჩვენი „დროებითი წყალი“ უკვე ვერ იძლეოდა დიდ იმედებს: ნაკადი იყო ნეკათითის სისქის, რომელიც დღისით +40 გრადუსამდე ცხელდებოდა, რადგან სახელდახელოდ გაყვანილი მილი მიწაში არ იდო. ამის გამო, მას მუდმივად თიშავდნენ ზემოთ, სკოლის ეზოში მოთამაშე ბავშვები. ასევე, ნათლობებზე ეკლესიიდან ამოსული სტიქაროსნები და შესაძლოა, ის თბილისელი გოგოც „ნიჭიერიდან“, რომელიც სკოლის შენობაში რეპეტიციობდა (აქვე მინდა, ვისარგებლო შემთხვევით და დიდი მადლობა გადავუხადო მას იმ სიურრეალისტური ტრანსისთვის, რომელშიც ის აგდებდა სათიბში გასულ სვანებს თავისი სოპრანოს წყალობით).

არაბუნებრივი სიცხის გამო, წყლის ყოველი განყვეტა საბოლოო გვეგონა, თუმცა, სკოლის ეზოში ყოველი რეიდისას გვხვდებოდა გახსნილი შლანგი და შეერთების შემდეგ, ცხელი წყლის წვეთები ისევ იწყებდნენ ცვენას ჩვენს ამომშრალ აბაზანაში. ამ ჩართვა-გამორთვებისას სკოლის ეზოში ყოველ ასვლაზე ვგრძნობდით აუტანელ სუნს, რომელიც სადღაც იქვე ხრწნად ლეშზე მიგვანიშნებდა.

ყველას და სპეციალურად განმარტოებით დაღია სული,“ – დაასკვნა მამაჩემმა. მანვე, ნიღაბაფარებულმა, მეორე დღეს მავთულით გამოათრია ლეში სკოლის ეზოში, ბენზინი გადაასხა და დაწვა. კრემაციას, ჩვენ გარდა, დაესწრო შემთხვევით სკოლის ეზოში მყოფი რამდენიმე კაცი, რომლებიც იქ, მდინარის პირას ჩრდილში ჩამოსაჯდომად ნარჩენ ფიცრებს ეძებდნენ.

და როცა სახლში დაგროვილი წყალიც გათავდა, ყველა დავირაზმეთ და საუკეთესო ინდური ტრადიციის მიხედვით, წავედით მდინარეზე, ყველა თავ-თავის მისიით, რაც იყო:

დიდებისთვის – კალმახების დაჭერა, ჭურჭლის დარეცხვა, სარეცხის გავლება, დაბანა და სასმელი წყლის სახლში წაღება.

პატარებისთვის – ხის ნაფოტების გაშვება სპეციალურად მოწყობილ არხებში, ჭყუმპალაობა, დიდების ანკესებისთვის ჭიაყელების მოძიება და რაც მთავარია, ვედროში გაშვებულ წითელ და ლურჯწინკლებიან თევზებთან თამაში.

RESTAURANT

THE


მისამართი: ჩუბნის ჩიტი 6
ტელ.: 43 89 50 / 43 89 51



ჩუბნის "ჩუბნი" გუბუბუბუბუ:

- მუბუბუბუ ბუბუბუ მუბუბუბუბუბუ და უბუბუბუბუბუ ბუბუბუბუ.
- ბუბუბუბუბუ ბუბუბუბუ, ბუბუბუბუ და ბუბუბუბუ ბუბუბუბუ ბუბუბუბუ.

ჩუბნის "ჩუბნი" იბუბუბუბუ ბუბუბუბუ ბუბუბუბუბუბუ ბუბუბუბუბუბუ ბუბუბუბუბუბუ.



„საკუთარი ოთახი“ და საკუთარი სამზარეულო

ავტორი: ღიანა ანჯიფიალი

ჩემს სამზარეულოში, მაგიდასთან ვზივარ. გაზქურაზე ქვაბით წყალი დულს, თეთრი ღვინისა და ზეთუნის ზეთის მარინადში ჩაწყობილი ხბოს ხორცი კულინარიული ამბის გაგრძელებას მორჩილად ელოდება. ცოტა დასიცხული, მაგრამ მაინც ხასხასა და სურნელოვანი მწვანილი წყლის ნაკადის ქვეშ სულს ითქვამს და თავს იგრილებს. წითელი, ყვითელი და მწვანე ბულგარული წინაკა უკვე დაჭრილია და ფაიფურის ჯამებში აწყვია, მაგრამ მე ეს კი არა, თვით პომიდვრის წითელიც ვერ შემაჩერებს – სამზარეულოში ნიშნებს და ფერებს სხვა სემიოტიკა აქვთ.

მაგიდაზე აწყვია ნიგნები, ჟურნა-

ლები, ინტერნეტიდან ამობეჭდილი ფურცლები: ჩვეული პროცესია – თეორიული შემზადება პრაქტიკული მოქმედების წინ – საკმაოდ მდიდარი კულინარიული ბიბლიოთეკა მაქვს.

რიგრიგობით ვათვალიერებ ნიგნებს და ხმამაღლა ვკითხულობ ავტორთა: რუსუდან კაიშაური, ღია სტურუა, მაია სარიშვილი, ეკა ქევანიშვილი, ნატო ინგოროყვა, ლელა სამნიაშვილი... ხო, აქ სალათებისა და კრუმონების რეცეპტები სულაც არ არის, ეს ლექსებია.

ვზივარ სამზარეულოში, ქვაბში წყალი დულს, ლექსებს ვკითხულობ. ჩემი კულინარიული მოგზაურობაც აქ იწყება, მოგზაურობა პოეტების სამზარეულოებში.





„და არის ყველაზე მთავარი პროცესი, როცა ვინმესთვის ვაკეთებ, არა, ვინმესთვის არა, მისთვის. ეს არის ყველაზე მჩხიბავური რიტუალი.“



...
სულ პირველად ეკა ქევანიშვილის სამზარეულოს ვსტუმრობ. წინასწარ ვცდილობ წარმოვიდგინო, რა დამხვდება, რომელი სანელებლის სურნელი შემომეგებება ღია კართან, რა პროდუქტები დამხვდება მაცივარში, რას ამზადებს და როგორ ამზადებს.

ამ შემთხვევაში ჩემი წარმოსახვითი მენიუს როლს ლექსები შეასრულებს, რადგან პოეზიაც და კულინარიაც ელემენტარული ნაწილაკების ურთიერთობა, ერთნაირი ქიმიანაა.

ვვარაუდობ, რომ ამ სამზარეულოს დიასახლისს განსაკუთრებით ცხარე და ხორციანი კერძების გაკეთება უყვარს, წინაკის რამდენიმე სახეობა აქვს კარადაში, იქნებ ჯუჯა ჩილის რამდენიმე ძირსაც ახარებს თიხის ქოთნებში, ნივრის გალები და ზაფრანის ასხმულები უკიდია ფანჯარასთან. არა მგონია, კერძის კეთების დროს წინსაფარი ეკეთოს, ალბათ, არც რეცეპტებს მიყვება ზედმინვენით და არც კერძებს აფორმებს განსაკუთრებული პედანტურობით. მურაბები, მურაბები უნდა უყვარდეს.

„ყველაფერი დაიწყო ასე: ერთ საღამოს, სამსახური როცა დამთავრდა, ბაზრის ბინძური კიბეები ზიგზაგებად დავყავი და ადვილად რომ ავსულიყავი, ფრთხილად დავკეცი. სუნთქვაშეკრული, მოჭერილი ცხვირზე თითებით ხის სოკოს და სახაშე ჩლიქებს შორის გავძვერი, ერთი – ორჯერ სუნელებთან დავაცემინე, ცხელი შოთის გამყიდველს ამჯერადაც მოვუბოდიშე, რომ პურს დღეს არ ვჭამ, ნუ მთავაზობს და გარგარის მთასთან გავჩერდი. იქვე ახლოს მენამული ყოლოს მოლი და წითელი კენკრის ბორცვებიც დამხვდა. მორჩა, ვყიდულობ.“

(კენკრა, მიყვარხარ.)

კარს ეკა მიღებს, სახლში ბულგარული წინაკის, ჩაშუშული სტაფილოს, ქინძის, ხახვის სუნია, „რას აკეთებ?“ – ვეკითხები, „საქონლის ჩაშუშულს სტაფილოთი, შეიძლება,

გზადაგზა სუბად გადავაკეთო“.

გამორჩეულად შეყვარებული ხორციზე ან ბოსტნეულზე არაა, ყველა თანაბრად უყვარს და აინტერესებს. უყვარს ბაზარი, გაზაფხულის ბაზარზე გოჭდება, სუპერმარკეტები, ძეხვების, კონსერვების, სოუსების და სხვა ამგვარი რამეების თვალღერება, ოღონდ, როცა მარტოა და არავითარ შემთხვევაში – სხვებთან ერთად.

„ვერ ვიტყვი, რომ კერძის ესთეტიკურ მხარზე ძალიან ვზრუნავ, გულის ფორმის სტაფილოები და ვარდად ამოჭრილი ბოლოკით მორთული სალათები არ მიყვარს. არასოდეს ვაფორმებ და სხვაგან როცა ვხედავ, ცოტათი მადასაც მიკარგავს. მხოლოდ ლიმონი მიყვარს, მზესავითაა ანათებს.“

ვინცებ მაცივრის დათვალღერებით, მაგარია ჩემნაირი სტუმარი, სამზარეულოში რომ შემოგივარდება და მაცივარს გამოგიღებს: არაჟანი, ხაჭო, რძე, რამდენიმენაირი სანებელი, ხალვა, ბევრი მწვანილი და რა თქმა უნდა, „გენერალი ლიმონი და ლეიტენანტი ბულგარული“.

და რაც შეეხება პროცესს: „რამდენიმე პროცესია: აუცილებელი საკვების, როცა ნაკლებად კრეატიული ვარ და ვფიქრობ, არაფერი დამაკლდეს და არ ჩამომეძინოს, რადგან ასეთ აუცილებელ კერძებს ღამით ვაკეთებ, როცა ნიცას ვაძინებ.“

შემდეგი არის – ექსპერიმენტები. ეს საინტერესოა და რისკიანი, როცა ინტერესიც მეტია, ენთუზიაზმიც, მოკლედ, ორჯერ თუ დამენვა, მესამედაც დავინწყებ.

და არის ყველაზე მთავარი პროცესი, როცა ვინმესთვის ვაკეთებ, არა, ვინმესთვის არა, მისთვის. ეს არის ყველაზე მჩხიბავური რიტუალი.“

ხომ ვთქვი, მურაბები უყვარს - მეთქი, ხარშვის პროცესი და სუნი – ყოლო, მოცხარი, მარწყვი, ალუბალი...

რეცეპტი მინდა რამე, რასაც მარტო ეკასთან შევჭამ, ეკას საამაყო კერძი, ის მასწავლის, მე ვინერ:

„კურდღელი რაჭულად – „ტაბუცუნი“.

გასუფთავებული კურდღელი და-
ვჭრათ ნაწილებად, ჯერ წამოვადუ-
ლოთ, ოდნავ თეთრი ფერი რომ აი-
კრას და შემდეგ ძალიან წვრილად
დაჭრილ ხახვსა და ცხიმთან ერთად
ვშუშოთ. წვრილად დაჭრილ ხახვ-
ში მოვშუშოთ გახეხილი პომიდორი,
დავამატოთ კურდღლის ბულიონ-
ში გახსნილი ნიგოზი, დაჭყლეტილი
ნიორი, ძმარი, მარილი და ეს ყველა-
ფერი ჩავასხათ იქ, სადაც კურდღელი
განისვენებს. მწვანელი ამ კერძს არ
უნდა, სამაგიეროდ, შუშუნა ცოლი-
კაური სჭირდება, დასაყოლებლად“.

ინგრედიენტები და სიტყვები:
„გუშინ ნაყინი ვიყიდე, ერთადერთი
მიზეზით, ზედ ეწერა „ვანილის ნაყი-
ნი მოცხარით“ და სიტყვა მომეწონა
– მოცხარი, მოცხარი, სახლამდე ვი-
ძახე.“

. . .

„იმაზე დავინწყე ფიქრი – რისი კე-
თება არ შემეძლო. ამ სიაში პირველი
საჭმლის მომზადება იყო. ბებიჩემი
და დედაჩემი ისეთი კარგი დიასახლი-
სები იყვნენ, რომ ეს საქმე მათ მი-
ვანდე. სულ ცდილობდნენ, ჩემთვის
რაიმე კერძის გაკეთება ესწავლები-
ნათ. მეც, შევხედავდი და ვეტყოდი
ხოლმე: „დიახ, დიახ, გავიგე“. რე-
ცეპტებს ერთ ყურში კი ვუშვებდი,
მაგრამ უმალ მეორედან მისხლტე-
ბოდა და მერე ხელს რასაც ვკიდე-
ბდი, ისე ვაფუჭებდი, რომ მეორედ
ალარავინ მოხოვდა, კიდევ მეცადა“.
– ეს სიღვია პლათია, ფემინისტების
საყვარელი ამერიკელი პოეტი, მე კი
მის ქართულ ენაზე მთარგმნელთან,
პოეტ ლელა სამნიაშვილთან ვაპირებ
სტუმრობას.

წინასწარი მოლოდინი ასეთია: რა-
ღაც ეგზოტიკური და უცნაური მე-
ლის, ზღვის პროდუქტები, ეგზო-
ტიკური სამზარეულო, არც ძალიან
ცხარე და არც ძალიან ტკბილი,
უფრო ისეთი კერძები, რაც საჭიროა
და აუცილებელი, თუმცა, ვვარაუ-
დობ, რომ გამონაკლისებიც იქნება.
სალათისთვის პროდუქტები ერთ-
ნაირი სიზუსტით და სიფრთხილით
იქნება დაჭრილი. მგონი, პური უნდა
უყვარდეს, პურის სხვადასხვა სახეო-

ბები – რუხი, ხორბლის, ჭვავის, ფუნ-
თუშა, სეზამისმარცვალმოყრილი, სა-
ნელებებიანი და უბრალოდ, ხმიადი.

უმეტესად ცივი კერძები – ჩრდი-
ლოეთ ევროპის სამზარეულო. სასმე-
ლი – შინ დამზადებული ლიმონათი
და წყალი, ცივი, სუფთა წყალი. სანე-
ლებლიდან – მარილი, აუცილებლად,
მარილი.

ჩაის მახვედრებს თაფლაკვერებით,
მაცივარში - მხოლოდ ყველაზე აუ-
ცილებელი პროდუქტები და კიდევ
ნახევარფაბრიკატები. სახლში ყვე-
ლაზე უცებ ელევა – კარტოფილი და
შოკოლადი. ყველაზე ხშირად ამზა-
დებს – თევზს მოხარშულ კარტო-
ფილთან ერთად (ესეც ჩრდილოეთ
ევროპა).

როცა კულინარიაზე, კერძების
მომზადებაზე, გემოებზე და სუნებზე
ლაპარაკითა და კითხვებით თავს ვა-
ბეზრებ, თავის ძველ ლექსს მეუბნე-
ბა:

„დრო მიაქვს – თითო ლექსის სამყოფი
ჯინსის სარეცხს და
შემწვარ კარტოფილს.
დღეს იმსახურებს ლექსისთვის – დაფნას
–
ჩემს გაზქურაზე დამწვარი ტაფა“.

თითქოსდა რაღაზე უნდა ელაპა-
რაკო, მაგრამ მაინც ვახერხებ რამ-
დენიმე კულინარიული თავგადასა-
ვალი დავტყუო და თითო-ოროლა
რეცეპტიც, არც მეტი და არც ნაკლე-
ბი – მიდიები: “მთელი ღამე უნდა რე-
ცხო, ნიჟარისაგან გაათავისუფლო,
ოღონდ ვინმე აუცილებლად უნდა
გეხმარებოდეს, მერე ფქვილსა და
მარილში ამოავლო და ცხელ ტაფაზე
შენვა, ლიმნის ნაჭრები უხდება.“ –
აი, ასე მოკლედ და კონკრეტულად.
უფრო სწორად ასე:

„ეს უცნაური და ძვირფასი კულინარია
გულის ნასვლამდე გემრიელი –
ჩვენ რომ ვარგუნეთ ერთმანეთს.“

(მიდიები)

. . .

ყველაზე ტკბილი და ვანილისსუ-
ნიანი სტუმრობა ნატო ინგოროყვას-
თან გამომივიდა, არადა სულ პი-
რიქით ველოდი, აქაც მომატყუეს

ლექსებმა.

ველოდი მშრალ, უკრემო ნა-
მცხვრებს, ფორმულებამდე დასულ
საკვებ წყვილებს – პური – ყველი,
ჩაი – ორცხობილა, პომიდორი – კი-
ტრი... ათასგვარ ფხალეულს, მწნი-
ლებს, მკვეთრად გამოხატულ, არა-
გარდამავალ გემოებს, როცა სიცხარე
– სიცხარეა, სიტკბო – სიტკბო.

გემრიელი სუნი უკვე ქუჩის დასა-
წყისში მიღიტინებს ნესტოებში, ჩემი
იმერელი ბებია მახსენდება.

მისალმების ჩვეული რიტუალი,
ჩემი გამომცხვარი კენკრიანი რულე-
ტი მიმიქვს, მხოლოდ გასინჯვისა და



შეფასების ფუნქცია რომ არ შევითა-
ვსო.

სახლში როდინში დანაყული ქინძის
და უცხო სუნელის სუნია, ვანილის
და შოკოლადის სუნში არეული.

მაცივარში – ყველაფერი ფერადი –
ბოსტნეული, ხილი, მწვანელი...

გამოვალე სამზარეულოს პატარა
კარადა – ფერების და ფორმების მი-
ხედვით დაწყობილ – ჩანკნიკებულები
– ხმელი ქინძი, ზაფრანა, უცხო სუ-
ნელი, პიტნა, როზმარინი, წითელი
წინაკა, შავი პილპილი, ომბალო, სვა-



მიანისთვის რალაც იყოს. ყველა საჭმელი თავისი განსხვავებული შემადგენლობით სხვადასხვა ისტორიაა. მომზადებისას არასდროს ვსინჯავ კერძის გემოს, სანელებლებს მხოლოდ თვალის ზომით ვყრი და ზუსტად ვიცი, გემრიელი გამოვა.

ვცდილობ, ვიყო არამხოლოდ გულუხვი მასპინძელი, არამედ ცოტა გაპრანჭულიც, მიყვარს, როცა კერძი გემოსა და სურნელთან ერთად ლამაზადაც გამოიყურება.

თუ კერძს, ჩემსავით, თვალის ზომით და გუმანით შეკაზმავ და სიყვარულს ჩაატან, შეუძლებელია, არ გამოვიდეს.“

არადა, როგორი ხმელი და თითქმის სქემატური, გრამატიკის წესებით ლექსების წერა დანიყო ამ ბოლო დროს.

„სიტყვებს აქაც ვუნარჩუნებ ტემპერატურას,

თავდახურულ ქვაბს

მოვხდი სახურავს,

და სანელებლებით გაჯერებული ლუკმები კალმის წვერიდან

ენის წვერზე გადაბარგდება.“

ყველაზე მეტად ქინძი უყვარს და ვანილი, კიდევ ბულგარული წინაკა – თუმცა მავნე ბოსტნეულია, ყველაფერი თავის ჭკუაზე მიჰყავს.

რისი გაკეთება არ იცის – ათასგვარი ხორცის და თევზის კერძის, რულეტებისა და ღვეზელების, ჯადოსნურად გამომცხვარი კომპის, ფორთოხლისა და შოკოლადის დესერტის, ოთხნაირი კრემით დამტკბარი ნამცხვრის . . .

ნამცხვარს კარამელიან ჩაის ვატანთ და ათას რამეზე ვლაპარაკობთ – რომ არსებობს წვნიანი ლექსები, ხმელი ლექსები, მლაშე ლექსები, ხორციანი ლექსები, მსუყე ლექსები, ზედმეტკრემიანი ლექსები – თურქული ნამცხვარით ცხიმსა და შაქარში რომ ტივტივებს, წყალ-წყალა ლექსები და ისეთებიც, მადის მიუხე-

დავად, ვერაფრით რომ ვერ მიეკარები. რომ სენტიმენტალური პათეტიკა – ეს იგივე პილპილი და შაქარია ერთად, რომ ყველაზე მეტად ლექსს და ნამცხვრის ბისკვიტს სჭირდება სიზუსტე და ზომიერება, და მოთმინება, რასაკვირველია.

თუმცა ეს ყველაფერი ვისლა ახსოვს, ისეთი გემრიელია ეს ნიგვზიანი რულეტი.

p.s.

მოცემულობა: საქონლის ხორცი, ტარხუნა, მოცარელა, მაიონეზი, ქინძი, წინაკა, მარილი

რეცეპტი №1

ხორცს ვჭრით თხელ ნაჭრებად, ვბეგავთ, მარილსა და წინაკაში ამოვავლებთ, მოვყარით წვრილად დაჭრილ ტარხუნას და ქინძს, გადავახვეთ, დავამაგრებთ ჩხირებით, დავაწყობთ ტაფაზე და შევწვავთ აირლუმელში. როცა შეინეება, გამოვიღებთ, მოვუსვამთ მაიონეზს, მოვყარით გახეხილ ყველს და ორი – სამი წუთით შევდგამთ უკან. **ნატო ინგოროყვა**

რეცეპტი №2

ხორცს ვჭრით წვრილ ნაჭრებად, ვხარშავთ, ბულიონში გავხსნით მაიონეზს, ტარხუნას, ქინძს, მარილსა და წინაკას, მოვასხამთ ხორცს, მოვყარით ყველს და რამდენიმე წუთით შევდგამთ აირლუმელში. **ლელა სამნიაშვილი**

რეცეპტი №3

ხორცის ნაჭერს დავბეგავთ, მოვყარით მარილს, პილპილს და ყველს, შევახვეთ ფოლგაში და აირლუმელში შევწვავთ, მაიონეზში გავხსნით დაჭრილ ტარხუნას, ქინძს, მარილს და წინაკას, მოვასხამთ შემწვარ ხორცს და მოვყარით გახეხილ ყველს. **კაკი ვანიშვილი**

ნური მარილი.

რალაცას აცხობს, ნამცხვრის სუნია – სიურპრიზი ნიგვზითა და კარამელით.

ისეთი სუნია, მშვიდება, სულ ასე ვიცი – ეს წინასწარი, სურნელის ყლაპვის რიტუალი ძალიან მიყვარს, თან რა კარგი გამოგონებაა აპეტაიზერი – თან ილუკმები, თან მოსალოდნელი გემრიელი დღესასწაულისთვის ემზადები.

„არასდროს ვაკეთებ საჭმელს იმისთვის, რომ ქვაბში მშვიერი ადა-

როგორ დავლიე ღია სტურუასთან ასკილის ჩაი, როგორ გავხსნე მიაი სარიშვილთან ფერად-ფერადი მარმელადები, როგორი ფხლოვანების ცხობა იცის რუსუდან კაიშაურმა და რა გემო აქვს ეთერ თათარაიძესთან „დამბალ ხაჭოს“, ამაზე სხვა დროს მოვეყვები, ეს სხვა კულინარიული თავგადასავალია.



მუსიკის გემო

ავტორი: მიშა მდინარაძე

გამარჯობა! მე მიშა მდინარაძე ვარ, „სამედიცინოდამთავრებული“ მუსიკოსი. ვიცი, განათლების შესახებ საზოგადოების მნიშვნელოვანი ნაწილის წარმოდგენაში ეს არ ჯდება (აუცილებლად დიპლომირებული უნდა იყო), მაგრამ ასეც ხდება – ნითელი დიპლომი უდიპლომო პროფესიამ ძალიან მარტივად დაამარცხა!

მე მიყვარს მუსიკა, ვფიქრობ მის უნივერსალურ მისიაზე და ვოცნებობ მომავალზე, რომელშიც ადამიანები ერთხმადან მრავალხმადიანობაზე გადავლენ. აი, მაგალითად, სიხარული არა ინტონაციის ცვლილებით, არამედ აკორდული ჰარმონიის პერიფრაზით გამოიხატება! საინტერესო იქნება, არა?! შეიძლება – არც.

მოკლედ, ამ სვეტიში მე წარმოგიდგენთ თანამედროვე მუსიკალური მიღწევების ნიმუშებს. მარტივად რომ ვთქვათ, თითო ნომერში ჟურნალის ფურცლებიდან მოგასმენინებთ ორი სხვადასხვა ჟანრის ახალ ალბომს.

წინასწარ გამიჭირდება ჟანრების სისტემატიზირება, ეს იმაზე იქნება დამოკიდებული, რის მოსმენის სურვილი გამიჩნდება სვეტიზე მუშაობის მომენტში, თუმცა ვეცდები, აქცენტი არა მიენსტრი-

მზე, არამედ ინდი მუსიკაზე გავაკეთო. ალბათ, ეს უფრო საინტერესო იქნება.

მუსიკის მოსმენა თავისებური რიტუალია, ის მოითხოვს უამრავ ჟანგბადს და ეკოლოგიურად სუფთა გარემოს. სამწუხაროდ, ჩემს ოთახში არც ერთია და არც – მეორე, რადგან ქალაქში ვცხოვრობ და თანაც მწვევლი ვარ. სამაგიეროდ, სხვა ყველა პირობა მაქვს მუსიკასთან პირისპირ დიალოგის გასამართავად, ხშირად პოლემიკის მოსაწყობადაც, რაც გაცილებით უფრო საინტერესოა, ვიდრე ადამიანებთან დაძაბულ სოციალურ-პოლიტიკურ მდგომარეობაზე ცხარე კამათი.

დღეს ძალიან დავილაღე. სარეკლამო რგოლისთვის მუსიკა დავწერე, მერე ცოტა ხნით წამოვწეკი, კომპიუტერში აითიუნზი გავხსენი და გადავხედე ონლაინ მაღაზიას, იქ უამრავი მუსიკა იყიდება – კარგიც და ცუდიც, კომერციულიც და საავტოროც, მოკლედ, არჩევანი დიდია! სწორედ არჩევანია მნიშვნელოვანი მუსიკის მოსმენისას, ის ცვლის შენს ხასიათს, შენს დამოკიდებულებას სივრცესთან, ბალანსს შენსა და სამყაროს შორის!

ამკარა იყო დღეს „დალაგებული“ მუსიკის ხასიათზე არ ვიყავი, ამიტომ და-

ვინც ექსპერიმენტული მუსიკის განყოფილებაში 2010 წლის ალბომების ძებნა და ერთ ძალიან საინტერესო ალბომს გადავანყედი! სწორედ ეს პროექტი და მათი ახალი ალბომი იქნება თქვენთან ერთად კოლექტიური მოსმენის პირველი ნიმუში. ალბათ გსმენიათ მარკუს პოპპისა და მისი „ოვალის“ შესახებ, ამ პროექტის დახასიათება რამდენიმე სიტყვით ასე შეიძლება: მუსიკა სადაც საკუთრივ მუსიკის, როგორც ასეთის, ხვედრითი წილი მინიმალურია, მაშინ როდესაც მუსიკის, როგორც სოციალური მოვლენის და თანამედროვე საზოგადოებრივი ქცევის რეფლექსიის კომპონენტისა, განუზომლად დიდი. ცოტა არ იყოს, რთულად გამომივიდა, მოკლედ ყველაფერი სტერეოტიპების ნგრევით დაიწყო. პოპმა პირველმა „დაამახინჯა“ კომპაქტ-დისკის უღერადობა. მან დისკის საფარს გადაუსვა ლაზერისთვის მიუწვდომელი ფლომასტერი, რომელმაც დაკრისას გამოიწვია ლაზერის ბილიკიდან ბილიკზე ხტომა, აქედან მოდის სახელი მხტომარე დისკი. სანამ ოვალზე დავიწყებდი წერას, პოპთან რამდენიმე ინტერვიუს გავეცანი, სიმართლე გითხრათ, ვერაფერი გავიგე, ისეთი განცდა გამიჩნდა, რომ თავადაც არ ესმის, რას ლაპარაკობს.



ერთი ფაქტია ალსანიშნავი! პოპპმა და-არღვია აქამდე არსებული სტერეოტიპი იმასთან დაკავშირებით, თუ როგორ უნდა ჟღერდეს საკრავში ჩადებული კომპაქტ-დისკი. პირველი ასეთი ცდა გახლდათ ჯაზ-სტანდარტების კრებული, რომელმაც პოპპის ხელში სრულიად ახალი მნიშვნელობა და ჟღერადობა შეიძინა. 1994 წელს გამოსული ალბომი «systemisch» კი წარმოადგენს ჯგუფ Aphex Twin-ის ალბომის «Selected Ambient Works II» პოპისეულ მოდიფიკაციას. რაც შეეხება ალბომს „o“ რომლის მოსმენას, ახლაც, წერის დროსაც განვადგობ, ძნელია, არ დაარქვა მუსიკალურ-ურბანული ექსპერიმენტი.

ნეტა, როგორ უნდა წაგიძღვროთ ეს ყველაფერი ფურცელზე?! მივხვდი! სულ ცოტა ხნით დადებით ჭავჭავაძის გამზირზე, ან იმ ქალაქის მაგისტრალურ ქუჩაზე, სადაც იმყოფებით და თვალები დახუჭეთ, მხოლოდ სმენით დაინახეთ! თავად პოპპს საკუთარი შემოქმედების განსაზღვრებაზე ძალიან მკაფიო მოსაზრება აქვს. ის ამბობს: ექსპერიმენტი, ეს არის საფარი, რომლის ქვეშაც მაღალკენ არშემდგარ პროდუქტს, მისთვის მიუღებელია მუსიკა, როგორც ჩარჩო პროდუქტისა, რომელსაც ის ქმნის, ამ მოსაზრებას მეც ვეთანხმები.

ეს ალბომი ალბათ უფრო მათ დაინტერესებს, ვისთვისაც არა მუსიკალური ერთიანობის, როგორც ფორმის სრულყოფილების, აღქმა მნიშვნელოვანი, არამედ მათ, ვისაც ჩემსავით ყველაფრის ფაქტურებად დაშლა და დეტალიზაცია იზიდავს. ერთი შეხედვით, ალბომი მუსიკალურ სიახლეს არ წარმოადგენს. მისი მოსმენისას კარლჰაინც შტოკჰაუსენის ადრეული ექსპერიმენტები მახსენდება, რომ არა ერთი ძალიან მნიშვნელოვანი განმასხვავებელი ფაქტორი! შტოკჰაუსენის „ელექტრონიკა“ გაცილებით უფრო არგუმენტირებულად მეჩვენება, ვიდრე პოპპისა. პოპპის მუსიკალური ანატომიის თეატრი კი მეტწილად გულწრფელად და ინტუიციურად! მოკლედ, ამგვარი მუსიკის მოყვარულებს გირჩევდით ამ ალბომის და ზოგადად პროექტ „ოვალის“ ადრეული ნამუშევრების მოსმენას! ჩემ ოთახში ძალიან დაცხა, როცა ფანჯარა გავალე, მივხვდი, რომ ცოტა დამალა ოვალმა! ქალაქის

ხმაურის უკიდვანო ეფექტები პრაქტიკულად უფუნქციოს ხდის ახლა ჩემთვის ამ მუსიკას! რას მოვუსმინო შემდეგს? პარკში მინდა, გავისეირნო, თანაც სიგარეტის ბოლმა დამახრჩო, ჩემი აიპოდნანო ავიღე, ველოსიპედზე დავჯექი და გავედი, ან უფრო სწორად – გავგორდი პარკისკენ. ნეტა, რა მაქვს აქ ჩანერილი?! საკუთარ თავს ვეკითხები და თან ვეძებ რაიმე ისეთს, რაც პედლების ტრიალს გაცილებით მსუბუქს გახდის, სწორედ ამ დროს დაიწყო chechere chechere cheee...

უცბად მივხვდი, რომ ირგვლივ მთელმა სამყარომ ფერი იცვალა და ველოსიპედიც საოცრად მსუბუქი გახდა, სპილბერგის et გახსოვთ? და ის ცნობილი კადრი, ბიჭები რომ იტისთან ერთად გაქცევას ცდილობენ, აფრინდებიან და ველოსიპედებით მთვარეს ჩაუფრენენ. chechere chechere cheee... ეს ბობი მაკფერინია. მისი ახალი ალბომის – „ექებულარის“ კომპოზიციას, რომელსაც ვუსმენ baby ჰქვია. ის აფრიკულ „ნანა“-ზეა განწყობილი და მაკფერინთან ერთად მას 22 სხვადასხვა ჟანრის, ფაქტურის და ეთნიკური წარმომავლობის მომღერალი მღერის. როგორ მინდა, მთელი ადამის მოდგმა ამ ენაზე ლაპარაკობდეს, საოცარი სიმსუბუქე, რალაც უცნაური მუსიკალური სიო, რომ გიბერავს და გაცოცხლებს. თითქოს სწორედ აი, ეს მრავალზმანიობა, უფრო სწორედ მრავალფაქტურობა აკლდა ამ გენიალურ მუსიკას.

მიეკრივარ და ვხვდები: ეს მუსიკა უნდა მოგასმენინოთ. პოპპის პროექტისგან განსხვავებით, ბობის ახალი ალბომი სრულიად ჯდება მუსიკალური ჰარმონიზმის ჩარჩოში. ის ერთდროულად ძალიან რთული და მარტივია. აი, რა მხიბლავს მაკფერინის მუსიკაში, ბავშვური სიმსუბუქე და ფუნქციის, მუსიკის ჭეშმარიტი დანიშნულების ძიება. აუცილებლად მოუსმინეთ ამ ალბომს და თავად დაინახავთ, როგორ ერთხმად ამღერდება მთელი სამყარო თქვენს თვალწინ!

დღეს ამით დავამთავროთ. უკვე მეძინება, მუსიკას ხვალაც უნდა მოვუსმინო, თან – დილით. ამის კეთება ცხელი შოკოლადის თანხლებით მიყვარს. როგორც აღმოჩნდა, გემო მუსიკასაც აქვს და ეს გემო მე ყველაზე მეტად მიყვარს!





ჰუსეინ ჩალაიანი

არქიტექტურა, როგორც გაცვია

ავტორი: ლენკა სისიოვილი

აგვისტოში სტამბულში, „Istanbul Modern“-ში ჰუსეინ ჩალაიანის გამოფენაზე სულ შემთხვევით მოვხვდი. ეს ის გამოფენაა, რომელზე მოხვედრაც ერთი წლის წინ, ლონდონში, მერე ტოკიოშიც ძალიან მინდოდა. ჰუსეინ ჩალაიანი - ჩემი ყველაზე საყვარელი თანამედროვე ხელოვანი და მოდელიორია.

ჩალაიანის შემოქმედებაში ხელოვნების მიმართულებებს შორის საზღვარი თითქოს ნაშლილია: ის ერთდროულად აკეთებს - კინოს, მოდას, ინსტალაციებს, ქანდაკებებს, ავეჯს, რომელიც ტანსაცმლად იქცევა და არქიტექტურას, რომელსაც იცვამ... კაბებს, რომლებიც ქრება, ან ქუდებს, რომლებიც კაბებს ისრუტავს. კერავს ტანსაცმელს, რომელსაც თავის ეზოში მარხავს, შემდეგ თხრის და აკვირდება, რა უქნა ტანსაცმელს მიწამ და მიწერალებმა. ის, რაც მას შეუქმნია, საოცრად შთამბეჭდავია, უცნაურად ძალიან ლამაზი.

ჩალაიანი თეთრ კაბებს ხან 15 ათასი UD ნათურისგან აწყობს, ხან 200 მოძრავი ლაზერით, რომელიც ანათებს. მისი კაბები მოძრაობენ და იცვლიან ფორმებს.

თვითონ ამბობს, რომ ყველაზე კარგად საკუთარ თავს ფილმებში გამოხატავს - ატმოსფეროთი, ქორეოგრაფიით, იდეებით.

„არტისტს აქვს სამყარო, რომელიც ზო-

გვერ ფილმია, ზოგვერ კოლექცია, ზოგვერ მისი ოდნავ სევდიანი და უბრალო ღიმილი“. ეს ღიმილი გამოფენაზე აღარ ყოფილა; გამოფენამდე იყო, აეროპორტიდან სასტუმროში მისულს გვერდზე ჰუსეინ ჩალაიანი რომ მეჯდა, სწორედ მაშინ. დაუჯერებელია, მაგრამ ასე იყო. ჩემმა მეგობარმა, რომელსაც ჩაჩურჩულე - ეს ჩალაიანია-მეთქი, მითხრა: ახლა დაწყნარდი, ძალიან აფიტრებული ხარ, არაფერი ჩალაიანი არ არის, ეს ვილაც ჩვეულებრივი ბიჭიაო.

მეც ვაკვირდებოდი და მართლაც ჩვეულებრივი ბიჭი იყო, მშვიდი, უბრალოდ ჩაცმული, ცოტა სევდიანი და ვიფიქრე, ვინმე თბილისელი ბიჭი ხომ არ არის და ამიტომ ხომ არ მეცნობა-მეთქი.

მაინც ვკითხე და ის აღმოჩნდა. ეგრევე ვუთხარი, თქვენი გამოფენისთვის ჩამოვედი, საქართველოდან ვარ, (უკვე მოეწონა). მერე ვუთხარი, ჩემი ძალიან კარგი მეგობარი, ქეთევანი, თქვენთან მუშაობდა, (ეს კიდე უფრო მოეწონა) და თვითონაც აღარ სჯეროდა ამდენი დამთხვევების. და როცა ვუთხარი, რომ მის კოლექციებს ჩემს მაღაზიაში ვყიდდი და ჩვენებზეც ვესწრებოდი, უკვე მეგობრები ვიყავით.

უკვე თვითონაც იცინოდა ამ დამთხვევებზე. მერე მოვუყევი, როგორ ვყიდდი


ომის დროს მის ახალ კოლექციას სახლიდან.

თვითონაც ომის შემდგომ 12 წლის ასაკში წავიდა ნიქოზიდან ლონდონში და იქ დარჩა. ისწავლა St. Mat-ინის სკოლაში და ამბობდა, რომ არც ლონდონელი იყო ბოლომდე და კვიპროსზე ჩასვლის დროსაც ვერ გრძნობდა თავს მთლად აბორიგენად.

მგონია, რომ შენც ასე ხარ, საქართველოსთან ყველაზე ახლო მეგობარის ხომ სტამბულიაო. - არა, არა, ჩემი დედაქალაქი თბილისია და თან მთელი კავკასიის დედაქალაქი- მეთქი, - ვუთხარი, მაგრამ მგონი ვერაფერი გაიგო.

ახალი კოლექციის წარდგენაზე მეპატიჟება. ასე რომ 30 სექტემბერს ჩვენებაზე მივდივარ და ვფიქრობ „ცხელი შოკოლადისთვის“ ამ ამბის გაგრძელებაც დაგწერო.

დარმწუნებული ვარ, ძალიან საინტერესო გამოევა. ბოლოს და ბოლოს, ეს ჰუსეინ ჩალაიანია, კაცი, რომელიც კერავს კაბებს, რომლებიც ქრება, ან ქუდებს, რომლებიც კაბებს ისრუტავს. კერავს ტანსაცმელს, რომელსაც თავის ეზოში მარხავს და შემდეგ თხრის და ნახულობს, რა დამართა ტანსაცმელს მიწამ და მიწერალებმა. და მართალი რომ გითხრათ, ძალიან შთამბეჭდავია ის, რაც შეუქმნია... და ლამაზი, უცნაურად ძალიან ლამაზი.



AQUALIA THERMAL

ინტენსიური დამატენიანებელი კრემი
24 საათიანი მოქმედებით.

შეიცავს უნიკალური მინერალებით
გაჯერებულ VICHY-ს თერმულ SPA წყალს.
ატენიანებს და ამშვიდებს კანს,
შედეგად კანი ხდება გლუვი,
ხავერდოვანი და რბილი,
იძენს ჯანსაღ ფერსა და სიმკვრივეს.

LIFTACTIV CxP

რეკონსტრუქციული საშუალება ნაოჭების
წარმოქმნისა და კანის სიმკვრივის
დაკარგვის სანინალმდეგოდ. ასტიმულირებს
ელასტინისა და კოლაგენის სინთეზს, ზრდის
ფიბრობლასტების რაოდენობას. შესამჩნევი
შედეგი სახეზეა 4 დღეში – კანი გადასწორდება
და მკვრივდება, კლებულობს ნაოჭების
რაოდენობა.

NORMADERM

დამატენიანებელი და მაკორექტირებელი საშუალება
პრობლემური კანისათვის. მოქმედებს ცხიმიანი
კანის ყველა ტიპის პრობლემის სანინალმდეგოდ
და ახდენს კანის შესამჩნევ ტრანსფორმაციას.







არქიტექტორი

ავტორი: რატი აბალოშვილი

ფოტო: ლევან ხარხაულიძე, გია აბულაძის პირადი არქივი

ფიგო-თერაკიული ხელდასხმა

დაახლოებით ათი წლის წინ, როგორც იტყვიან ხოლმე, პატარა „ბიოგრაფიული კრიზისი“ მქონდა, ფიზიკურად რომ არაფერი გჭირს და მაინც რომ არ ხარ კარგად, აი ეგეთი. ყველაფრის მიმართ გამძაფრებულად მგრძნობიარე და იოლად მოწყვლადი რომ ხარ. ეს დრო ჩემ ცხოვრებაში ცხადად მახსოვს, ასეთ მგრძნობიარე ეპიზოდებში ხომ კარგად ნაცნობი ადამიანები სრულიად ახლებური კუთხით წარმოჩინდებიან ჩვენს წინაშე, სრულიად განსხვავებულ და აქამდე უცხო დეტალებს ვამჩნევთ მათში, თითქოს შესაძლებლობა გვეძლევა, თავიდან აღმოვჩინოთ ისინი, ანუ საკუთრივ ჩვენს აღქმასთან ერთად თავად ჩვენ ვიცვლებით და არა – აღმოჩენილი ადამიანები. ასეთი ადამიანები ჩვენივე თავის აღმოჩენაში გვეხმარებიან. ჩემთვის ერთ-ერთი ასეთი ადამიანი გია აბულაძეა.

ამგვარი თვითაღმოჩენის ამბავი კი ასე დაიწყო – თბილისში იყო ზაფხული, ცხელი, ისეთი, ხვატისაგან ქუჩები, საავტომობილო გზები, სახურავები და ყველა მოძრავი, თუ უძრავი საგანი მხურვალე ორთქლში რომ ირწყვავდა. უპაერო და ცხელი აგვისტო საუკეთესო დროა ნევროზისთვის, მისწრება.

ამ ნაცრისფერ განწყობებში ვიყავი, როცა გიასთან მოვხვდი ქალაქგარეთ, თავის პატარა ეზოში ბალახს კრეჭდა საკრეჭი მანქანით. სტუმრები ბევრნი ვიყავით და აივანზე გიას მრავალრიცხოვანი ოჯახის წევრები გვიმასპინძლებოდნენ, თვითონ გია კი ეზოში ჯიუტად კრეჭდა ბალახს, ასეთ დროს ირგვლივ ბალახის სუნი დგას, რომელიც შეუძლებელია, ქალაქში ჩვენი პროზაული ცხოვრების გამო არ გენატრებოდეს. რატომღაც დაუოკებელი სურვილი გამიჩნდა ეზოში ჩასვლის და ბალახის გაკრეჭის.

მივხვდი, რომ ეს მჭირდებოდა, ეს მიშველიდა.

თან ისიც გამიხარდა, რომ რალაც მომინდა, რალაცის კეთება, თუნდაც ბალახის გაკრეჭა. ვუყურებდი გიას და ვხედავდი ამ კაცის სიმშვიდეს, თავდაჯერებულობას – რომ შეიძლება, უბრალოდ, ბალახს კრეჭდე და იყო მაგრად, ჰარმონიულად, ნელში გამართულად, როგორც ჩვენი დიდი წინაპრები იტყოდნენ; „ჯიგურულად“, „საკაიფოდ“.

არ ვიცი, სახეზე მენერა ყველაფერი თუ მართო გია მიხვდა ამას, დამიძახა – „პრივეტ, რატი-ჯან! არ გინდა, ბალახი გაგაკრეჭინო?“ ეგრევე ჩავირბინე ეზოში. „ამ ზოლს გაყევი, მერე მეორე დაიწყე, მთავარია, დენის შნურს არ გადაუარო, შნური არ გაკრიჭო, ხელზე დაიხვიე და ზოლ-ზოლ მიყევი!“ დავალებას ვისმენდი და ვიღებდი მთელი არსებით, მივხვდი, რომ უკეთ ვარ, „რო მორჩები დაჟე მოგარწყვევინებ მერე, ეგეც ფეშქაშად შენ, ბალუს, ძაღლის ნეხვებია აქ ბევრი, კასილკა არ ტკუცო შიგნით. მერე ბალუსაც გააცანობ,“ – ეს მითხრა, უფრო სწორად, გამომინერა რეცეპტივით. ბალახი რომ გავკრიჭე და მოვრწყე, გიამ ლომისხელა კავკასიური ნაგაზი „ბალუ“ გამაცნო, რომელსაც 2-3 კაცის და რამდენიმე თანამოძმის შექმა მოესწრო უკვე. ეს ძაღლი დიდ შიშსა და მონივნებას აღძრავდა მნახველში, როგორც ნამდვილი კავკასიური, მხოლოდ ერთადერთ პატრონს ცნობდა, პატრონი კი გია იყო, მან გალია გამოალო, ბალუს ყურში რალაცები ჩასჩურჩულა და მაგ დღიდან მე და ბალუ დავმეგობრდით.

აივანზე სუფრა გაიშალა. მე კი იმ ზაფხულს პირველად ყველაფრით კმაყოფილი – ვფიქრობდი: – „ბალახი გავკრიჭე, მერე მოვრწყე, ბალუ გავიცანი, მაგარი ტიპია, უკან მომყვება, ეტყობა ვევასე“.

თავისუფლების არქიტექტორი

ბოლო დროს ყველანაირ თეორიას გულგრილად ვეკიდები, სქემები, კონსტრუქციები, აბსტრაქციები და საკუთრივ თეორიები ცხოვრების შესახებ სრულიად მეორეხარისხოვანად მეჩვენება. ჩემი ინტერესის საგანი კონკრეტული ადამიანები გახდნენ. ადამიანები, რომლებიც ცხოვრობენ ამ ეპოქაში ისე, რომ მათი არსებობა ჩვენთვის და, რაც მთავარია, თავად მათთვის არ არის მოსაწყენი.

რამდენად შეუძლია კონკრეტულ ადამიანს ასეთივე კონკრეტულ ყოველდღიურობაში იყოს თავისუფალი, შეძლოს თავისუფლება, შევიდეს თავისუფლებაში, რამხელაა მისი „ეს“ თავისუფლება. როგორია ის და სად იწყება? ვინ შეიძლება ამის გარკვევაში მომხმაროს? პირველი რატომღაც გია აბულაძე გამახსენდა, არქიტექტორი, კაცი ფრიად დინჯი, მშვიდი და მცირედმეტყველი, რომელსაც, ვფიქრობ, ყოველთვის აქვს სათქმელი, გააზრებული სათქმელი. რატომ გია აბულაძე? ალბათ, იმიტომ, რომ წლების მანძილზე ჩემი გაფანტული და ერთმანეთთან დაუკავშირებელი განცდები თუ აზრები თბილისზე, როგორც ქალაქზე, როგორც ისტორიაზე, როგორც კულტურულ, ისტორიულ, სოციალურ, ურბანულ თუ არქიტექტურულ ქსოვილზე – გია აბულაძემ ამიწყო და ერთმანეთთან დამიკავშირა. თბილისი, რომელიც გიამ დამანახა – თავისუფალია, დინამიურია, მოძრავი. მრავალი პლასტი აქვს, როგორც ისტორიას, როგორც ადამიანს.

ის ხედავს თბილისს, რომელიც მე მომწონს, რომელსაც არ იგონებს, არამედ ხედავს.

პირველად მან ეს 4-5 წლის ასაკში დაინახა:

„ამას წინათ, სადაც ბავშვობა გაატარე, იმ აივანზე ვიდექი და ვიცი,

ისტორია

რომ ძალიან მიყვარს ეს აივანი, შვიდ წლამდე იქ ვიზრდებოდი, იქ პატარა სკამი იყო და ჩამოვჯექი, გავიხედე ქუჩურუტანაში, აქ კი მივხვდი იმას, თუ სინამდვილეში რა მახსოვს, გამახსენდა, ბაბუაჩემის კისერზე რომ ვიჯექი და რომ იქაურობაც დღემდე ბაბუაჩემის კისრიდან დანახული მახსოვს.“

ბაბუის კისრიდან დანახული სამყარო

გადავწყვიტე, პირველი ინტერვიუ ჩავწერო, იმედი მაქვს, რაკი გიამ

ოდესლაც ეზო გამაკრეჭინა, წესით, ინტერვიუზეც არ უნდა მითხრას უარი, გიასთან მოლოდინები მიმართლდება, საუბარს ვინყებთ.

რ.ა. – „გია, ბაბუის კისრიდან დანახული შენი სამყაროს რეკონსტრუქცია ვცადოთ, იქნებ?“

გ.ა. – „მე ჩრდილები მახსოვს, რალაც ჩრდილები იყო, რომლისაც მეშინოდა, იყო ისეთი ჩრდილებიც, რომ – პირიქით – ველოდებოდი მათ გაჩენას, აღმოცენებას.“

ვცხოვრობდით ერთ პატარა ოთახში, რომელიც მე უშველებელი მეჩვენებოდა, მერე მოდის დრო, როცა ეს ოთახი, ირგვლივ სივრცე, ქუჩები პატარავდება.

ბაბუაჩემი მიშა მახვილაძე მალალი კაცი იყო, სადმე, რომ წავიდოდით, ან მალაზიიდან გამოვიდოდით, სულ მეშინოდა – გზა არ აგვზნეოდა, ვფიქრობდი, როგორ ხვდებოდა ბაბუა, საით უნდა წავსულიყავით. ეგ მეხსიერება და ეგ ცოდნა გადადის მერე შვილებთან და უფრო შვილიშვილებთან ურთიერთობაში, ანუ მანდ ბრუნდება. მე ხომ მახსოვს ჩემი დამოკიდებულება ბაბუაჩემთან, ახლა ჩემი შვილიშვილი 5

წლის ხდება და მე ვხედავ ჩემს თავს, როგორც ბაბუაჩემს, იმას ახლა მე ვაბრუნებ და იმედი მაქვს და მინდა, რომ მერე ჩემმა შვილიშვილმა ნიკომაც თავის შვილიშვილს დაუბრუნოს. წარმოგიდგენია ეს როგორი რალაც არის? ჯაჭვივით არის.

მეათე კლასამდე ვიურთიერთეთ მე და ბაბუამ. მერე გარდაიცვალა. როგორი ინტენსიური ურთიერთობა გვქონდა, იცი? სადაც სამუშაო მაგიდა ედგა, მეორე მაგიდა, მის მოპირდაპირედ ჩემი იყო, იქ ვმეცადინებოდი, ვძერწავდი, ვხატავდი, სრული კომფორტი იყო, მერე აღმოაჩინეს, რომ მე ვიზრდებოდი და ვხდებოდი მეორე ბაბუა, თენგიზმა მოჰკიდა ამ მაგიდას ხელი და გადაიტანა თავისთან. ერთად ვცხოვრობდით, დიდი ოჯახი იყო, ამაშიც მაგარი „პრელესტია“. ბებიაჩემი, თენგიზის სიდედრი – ქეთო თოთიბაძე გურული ქალი იყო, იაკობ ნიკოლაძის მოწაფე და მოქანდაკე, იცოდა ენები. როგორც ყველა გურულს, ჰქონდა გამართული ლოგიკა საოცარი იუმორით გაზავებული. მამაჩემი ძალიან სუსტი იყო ამაში, თენგიზი ემოციების ადამიანი იყო, რალაცას ნახ-



გია და თორნიკე აბულაძეები



სხალი შოკოლადი





40 მხალი შოქოლადი

პატარა გია და ბაბუა, შიშა მახვილაძე, თბილისი



გია აბულაძე შვილიშვილთან, ნიკოსთან ერთად, თბილისი

ავდა და მორჩა, მისთვის სხვა არაფერი არ არსებობდა, ამით ცხოვრობდა. თენგიზი და ქეთო ხშირად კამათობდნენ და მამაჩემი ყოველთვის მარცხდებოდა ამ კამათში. ერთხელ მუზეუმში ნიკოლაძის სკულპტურას წავანყდი, ვუყურებ – ახალგაზრდა ბებიაჩემია, ქეთოა. სახლში მივედი და ქეთოს ვუთხარი – ნიკოლაძის ნახელავი, 17-18 წლის გოგოს სკულპტურა ვნახე, შენ გგავს-მეთქი, ქეთოს გაელიმა და ჩაილაპარაკა: - „НУ, сволоч, შემპირდა - არ გამოვფენო“ ქეთო, სამყაროს ამ სიტყვებში აღაგებდა; - „по сравнению с вечностью все хуйня“

რ.ა. – ვერაფერს იტყვი, იდეალური განმარტებაა.

გ.ა. – ცხოვრების ორი კატეგორიაა. ჩემი ოჯახი, ბებია და ბაბუა დამეხმარა, რომ გამერკვია ცხოვრებაში რა არის, ერთი მხრივ, «вечности»-ის და მეორე მხრივ, «хуйня» -ს კატეგორიიდან.

რ.ა. – თბილისი, თუ იყოფა ამ კატეგორიებით შენთვის?

გ.ა. – თბილისი არის მრავალნაირი, ძალიან გრძელია, დროშია გრძელი, დიდი სიღრმეები აქვს, უფსკრულები, რომელშიც შეგვიძლია, ჩავიდეთ. არის, რაღაც სიღრმეები, რომელიც მე არ მაინტერესებს, მე არც არქეოლოგი ვარ, არც ისტორიკოსი და ხოხბამდე ჩასვლა არ მინდა. ერთი რამ მკაფიოდ, ჩანს, რომ თბილისს საკუთარი კულტურა აქვს, რაღაც უფრო განსხ-

ვავებული, ვიდრე – მთლიანი საქართველოსი.

ორივე ძალიან მშობლიურია, მაგრამ ორივე განსხვავებული ერთმანეთისაგან. ის თბილისი, რომლისადმიც ჩვენ ნოსტალგია გვაქვს, რომელიც გვგონია, რომ იკარგება – ფუნქციურად სხვა იყო.

ის თბილისი კავკასიის ცენტრი იყო, ამ ფუნქციით აშენდა და გაშენდა. მანამდეც და მერეც, თბილისი სხვადასხვა კულტურების, რელიგიების, ადამიანების შეხვედრის, თანხვედრის ადგილი იყო და, შესაბამისად, თავისი იერი და ატმოსფერო ჰქონდა, თავისი მეჩეთებით, სინაგოგებით, ეკლესიებით და იტალიური ეზოებით. და სხვათაშორის, სომხების აშენებული იყო, მე ვერაფრით ამოვძლი ჩემი ცნობიერებიდან, რომ ამ ქალაქისთვის ძალიან ბევრი რამ გაუკეთებიათ სომხებს, რომლებიც თბილისელები იყვნენ, არა გეოგრაფიული გაგებით, არამედ შინაარსობრივად ამ ქალაქის ცხოვრებაში იყვნენ ბოლომდე ჩართულები.

მე-19 საუკუნეში ყველა ნიჭიერმა სომეხმა თბილისში მოიყარა თავი, ყოველ შემთხვევაში, ვინც აქ მოვიდა, ყველა ნიჭიერი იყო. დიდ პატივს ვცემ მათ, როგორც თბილისის ამშენებლებს, იმ თბილისის, რომელიც მე მიყვარს.

>>> ბაგრძილია ბვ. 86



თებგიზ აბულაძის ფილმის „სამკაული საბარჯოსათვის“ გადასაღებო მოედანზე, დაღესტანი, . 1971



ფოტონური რეაქტორის მოტაცება

ავტორი: პაატა შამუგია

ფოტო: ლევან ხარხაულიძე

„როგორც იქნა, ველირსე წერილს“ (კოტე ჯანდიერი „საოჯახო ქრონიკა“)

როცა ვიაზემსკიმ პუშკინს მისწერა, ბაირონის წერილები დაკარგულაო, პუშკინს უპასუხია: ძალიანაც კარგი, თუ დაიკარგა, ამ წერილებში ბრბო ეძებს დეტალებს, რომ იფიქრონ, აი, ეს მწერალი ჩვენსავით ნაძირალა ყოფილაო.

ასე გამოხატავს კოტე ჯანდიერი თავის დამოკიდებულებას, თვლის, რომ მხატვრული ტექსტი ყველაფერს ამბობს და ავტორთან დაკავშირებული ისტორიები არაფერს ნიშნავს.

საერთოდ, ცოტას საუბრობს, დინჯად, დაგემოვნებით, თითქოს, სანამ სიტყვებს

ფრაზად აქცევს, გემოს უსინჯავს, ფორმას აძლევს და მერე გემრიელად უშვებს. აი, ძველებმა „კოსმოსის“ მონევა რომ იცოდნენ, ისე.

ვცდილონ, შევიყოლიო საუბარში. ამისთვის კი ერთადერთი იარაღი მეგულეობა ჩემს არსენალში, ეს, რა თქმა უნდა, მწერლობაა.

– ჰენრი ჯეიმსი? – გაისროლა ჩემმა იარაღმა.

– არა. მაინცდამაინც, არა (ფუჭი ტყვიები აღმომჩანდა)! აქ ორიგინალური ვერ ვიქნები. ჰემინგუეი უფრო მიყვარს. ქვეტექსტის ასეთი ვირტუოზი სხვა არც მეგულეობა. სელინჯერსა აქვს ეგ თვისება, სხვათაშორის. სულ რამდენიმეა ეგეთი.

ჯერ იყო და, სტუდენტობიდან მესმოდა მისი სახელი, უფრო სწორად, ლიტერატურულ გაზეთებში ვკითხულობდი ხოლმე მის ნაწერებს, ვთქვათ, „საოჯახო ქრონიკას.“ ოსტატურად ყვებოდა, ზღაპარივით, არამანერულად.

უცნაური კი ისაა, რომ კოტე ჯანდიერი ტელევიზორში საერთოდ არც მენახა. არ ვიცი, მგონი, არც გამოსულა არასოდეს. არ უყვარს ეგეთი რამეები. საერთოდ, ინტერვიუები არ უყვარს.

ამიტომ მეგონა, რომ გამიძნელდებოდა მასთან საუბარი. პირიქით კი მოხდა, გადამდები თხრობა აქვს; ისე რომ, შენც იწყებ მასთან ერთად ისტორიების მოყოლას. ყვები და ყვები..... და მერე გახსენდება, რომ მხოლოდ კითხვები უნდა დაგესვა.

არადა, მარწმუნებს, – აბა, როგორ შეიძლება, საინტერესო ისტორიები ჰქონდეს ადამიანს, რომელიც დილიდან საღამომდე სახლში ზის და რაღაცას ჩხაპნის ქალაღზეო, – მეუბნება, – მიუხედავად იმისა, რომ ზოგჯერ მწერალს ისეთი ბიოგრაფია აქვს, საკუთარ ნაწერებს არ ჩამოუვარდება, ვთქვათ, ბაირონი – რომანივით ბიოგრაფია აქვსო.

კოტე ჯანდიერი წელს პრემია „საბა“-ს ლაურეატი გახდა. მოთხრობების კრებულმა „კონკიას ღამე“ წლის საუკეთესო პროზაული კრებულის ნომინაციაში გაიმარჯვა.

მაგრამ პრემიებამდე და აღიარებამდე, ცხადია, დასაწყისი იყო. დასაწყისი, რომელიც განსაზღვრავს ხოლმე მწერლის გზას, კვეთს ორიენტირებს და ჩვენც შანსს გვიჩენს, მწერლის სხვა, მეტ-ნაკლებად უხილავი მხარეებიც დავინახოთ.

მის დროს ახალგაზრდა მწერალთა წრე იყო უნივერსიტეტში, რომელიც უშვებდა ჟურნალს „პირველი სხივი“. იყო განხილვები, პრეზენტაციები, განსაკუთრებულ ყურადღებას აუდიტორიასა და რეცენზენტებზე ამახვილებს.

„ახალგაზრდა მწერალთა ნაწერები სამკითხველოში იდებოდა ხოლმე და იქ ეცნობოდა დაინტერესებული ხალხი. მერე ამ ტექსტის ასლები ეგზავნებოდა ორ რეცენზენტს და ინიშნებოდა სხდომის დღე.

მართალია, აუდიტორიის ნახევარს, როგორც წესი, არ ჰქონდა

ნაკითხული, მათ უბრალოდ, ამბავი აინტერესებდათ. ეგ არაა მთავარი. მანდ იმართებოდა ხოლმე უცნაური პაექრობა ერუდიციამი. ტონს ეს რეცენზენტები აძლევდნენ. მაშინ ეგეთი ეპოქა იდგა, წიგნის მოპოვება მთელ თავგადასავლებთან იყო დაკავშირებული, რთული იყო, ერთი სიტყვით. ბევრი რამე, უბრალოდ, აკრძალული იყო. ქსეროქსზე დაბეჭდილს თუ იშოვიდი ფროიდს, კალკაზე გადაბეჭდილი სამიზდატებიც მოიპოვებოდა. ამ დროს, თუ რეცენზენტს ნაკითხული ჰქონდა ფროიდი, იწყებდა განსახილველი ტექსტის ფროიდთან დაკავშირებას. უნდა გამოეჩინა, რითაა, ვთქვათ, რეცენზენტი გატაცებული, ამის დემონსტრირება ხდებოდა ხშირად, ვიდრე ტექსტზე საუბარი. რაკი აუდიტორიის დიდმა ნაწილმა ფროიდი არც კი იცოდა, შესაბამისად, ეს ინვევდა დიდ აღფრთოვანებას, ინტერესს და... გაღიზიანებასაც. იმიტომ, რომ ვილაცხვებ ჰქონდათ ექსკლუზივი რაღაცების ცოდნაზე. ჰოდა, ეს დისკუსიები ზოგჯერ ბატალიებში გადადიოდა, რომელიც უნივერსიტეტის ბაღშიც კი გრძელდებოდა ხანდახან. ჩხუბის თემა იყო ლიტერატურა, აზროვნება, მსოფლიოში მიმდინარე პროცესები, ინტელექტუალური, კულტურული პროცესები.

და აი, ამ თემების ირგვლივ იმართებოდა ხოლმე ზოგჯერ მუშტი-კრივიც კი.

იყო ამაში კეკლუცობისა და არტისტულობის ელემენტებიც, რასაკვირველია.”

გიჩხუბიათ ოდესმე? უფრო სწორად, ლოტმანის გულისთვის თუ გიჩხუბიათ, ან ფროიდის, ან ლევი სტროსის, იუნგის, ჯანდაბას, „დივ ფარფლის“ გულისთვის გიჩხუბიათ? ასეც ვიცოდი.



ჩემს დროსაც გაცილებით ბანალურ თემებზე იმართებოდა ხოლმე მუშტი-კრივი, კოტე ჯანდიერის ისტორიები-საგან განსხვავებით. ის კი არა, ჩხუბში ფროიდი რომ გეხსენებინა, შეიძლება, დიდი გაუგებრობა გამოგენვია.

ცხადია, მხოლოდ ფილოსოფოსების გამო არ პაექრობდა კოტე ჯანდიერი და მისი თაობა. გოგოების გამოც ჩხუბობდნენ. უფრო სწორად, ძირითადად, გოგოების გამო, ან უფრო სამართლიანები რომ ვიყოთ, მხოლოდ გოგოების გამო. საერთოდ, მამაკაცებს შორის ყველა კონფლიქტი ხომ საბოლოოდ გოგოს გამო ხდება. ტროა და ასეთი მასშტაბური რამეები კი არა – ყოველდღიურობაშიც.

ვეუბნები, რომ ჩემი გადმოსახედიდან მისი თაობა ეგზოტიკურ და არტისტულ თაობად მოჩანს – სხვანაირად ცხოვრობდნენ, სხვანაირად კამათობდნენ, სხვანაირად ჩხუბობდნენ, სხვანაირად უყვარდათ.

„– ჰო, აი, ეგ ბოლო პუნქტი საკამათოა, – მანყვეტინებს, – მგონი, მაშინაც ისე გვიყვარდა, როგორც ახლა გიყვართ. ეგ განცდა მგონი, არ იცვლება.“

აღბათ, ასეა. თუმცა, მგონია, რომ გვინდობს, ჩემს თაობას ინდობს, რომელსაც ხშირად ინდიფერენტულობას, უსიყვარულობას, ტექნოფილას და ჭარბ „მინიერებას“ აბრალებენ ხოლმე.

მინიერების რა გითხრათ, მაგრამ მიწასთან კი პირდაპირ არის დაკავშირებული კოტე ჯანდიერის პროფესია – გეოგრაფია-გეოლოგია. საინტერესო პროფესია უნდა იყოს მწერლისთვის.

„მაშინ მოდამი იყო ეკონომიკური გეოგრაფია, ახალი შემოსული იყო ეს სპეციალობა. საინტერესო ხალხი ასწავლიდა. საინტერესონი იყვნენ იმიტაც, რომ ეს იყო ხალხი, რომელმაც გააღწია კონტროლს მიღმა, საბჭოეთს მიღმა. მაშინ ეს გეოგრაფია-გეოლო-

გიის ფაკულტეტი გახდა დერეფანი იმ სამყაროსთან, რომელიც მხოლოდ წარმოსახვაში გვექონდა, სადღაც ამოკითხულით და ამოგლეჯილით. საინტერესო და მოდური იყო. რაც მთავარია, ერთი პერიოდი, უნივერსიტეტის მწერალთა წრეში მთელი ხელმძღვანელები იყვნენ გეოგრაფ-გეოლოგები.“

ცხადია, ამის მერე ბევრი რამე შეიცვალა. დასავლეთი ასეთი მიუზნდომელი აღარ არის, „ბითლზის“ კი არა, ელის კუპერისა და მერლინ მენსონის სიმღერებს მოისმენ მანქანებში, „მშრალი კანონიც“ არ არსებობს და ეკლესიაში შესვლას არავის უკრძალავენ (ის კი არა, პირიქით, უმეტესად აძალებენ კიდევც). რელიგიაზე მკაფიოდ ჩამოყალიბებული აზრი აქვს, თვლის, რომ ეკლესიის – როგორც ინსტიტუციის – უსასრულო გაძლიერებამ რწმენა გაამყიფა.

„რელიგიასთან ჩვენი დამოკიდებულება მაშინ ერთი მნიშვნელოვანი ფაქტით იყო განპირობებული, ეს იყო, ფაქტობრივად, აკრძალული. ეკლესიაში სიარული დაკავშირებული იყო, ვერ ვიტყვი დიდ, მაგრამ მაინც უსიამოვნებასთან, ხელშესახებ უსიამოვნებასთან. კომკავშირული „პროუექტორები“ იდგნენ, ვთქვათ, ლიტანიობის დროს და ა.შ.

ეკლესიაში წასვლა იყო რაღაცა ბიჭობა, გამბედაობის ნიშანი. ერთიცაა, აკრძალვის პერიოდში რწმენა უფრო მყარი იყო, ვიდრე ახლა არის. იმ პერიოდში შემოვიდა აღმოსავლური რელიგიების ძალიან სერიოზული ნაკადი, ლიტერატურის სახით, ცხადია. თან მაშინ საბჭოთა კავშირში ახალი გამოქვეყნებული იყო ჰერმან ჰესე, თავისი ბუდისტურ-სინტონისტურ-ინდუისტური ალუზიებით, „სიდჰარტა“ იყო მაშინ მოდაში.

>>> ბაბრქილება გვ. 87



„არის პერიოდი, როდესაც გბონია, რომ მთავს გადაღება, ყველაფერს გადაატრიალებ. გადატრიალებით მბონი გადავატრიალეთ, მაგრამ საითქენ გადავატრიალეთ, ება თქვი შენ. მაშინ კომპავეზირის წვერი ლამის ყველა იყო, მაგრამ სტრუქტურებში აქტიურობა ბარკვეულ წრებში სირსხვილად ითვლებოდა. კულტურულობა იყო მოდური, კულტურულობად კი არანოვანკლავტურულობა ითვლებოდა. თუ ტელევიზორში ხშირად ჩანდი, თუ ნიბნებს ყოველ წელს გაუთავებლად ბიბაჟდავდნენ და ა.შ., ეს ნიშანი იყო, რომ უკვე გაყიდული იყავი.“





კარლო კაჭარავა, რობორტ ჯოქერი

ავტორი: დავით ჩიხლაძე

ფოტო: გურამ ნიხახაშვილი

ქართველი მხატვრის, პოეტის, ესეისტის და არტ-კრიტიკოსის, კარლო კაჭარავას შესახებ უფრონაღი „ცხელი შოკოლადი“ დავით ჩიხლაძისა და დავით ბუხრიკიძის ორ ვრცელ სტატიას გთავაზობთ. აქვე წაიკითხავთ კარლო კაჭარავას უბის ნიგნაკის აქამდე გამოუქვეყნებელ ჩანაწერებს.

კარლო კაჭარავა ახალგაზრდა ექსპრესიონისტი მხატვარი იყო, ვისაც, ალბათ, არასოდეს დაუხატავს ბუნების მონყენილი პეიზაჟი ან ხასიათით დატვირთული პორტრეტი, ან როგორც პოსტმოდერნისტს, არასოდეს უმუშავია სურათის თითქმის ცარიელ და უკიდურეს ზედაპირზე. ის ხალხითა და პერსონაჟებით სავსე ქალაქის ქუჩებსა და მოედნებს ხატავდა. მისი მისწრაფებები თავიდანვე ავანგარდის მიღმიერ მიმდინარეობას – კარნავალურ ტრანს-ავანგარდს დაუკავშირდა, რომელიც 70-იანი წლებიდან გავრცელდა ევროპაში. ამავე დროს შეიქმნა „მეათე სართულის“ თბილისური ჯგუფი, რომელმაც ნეო-ექსპრესიონიზმისა და „ახალი ველურებისთვის“ დამახასიათებელი ფიგურატიულობა, ემოციურობა, ნარატიულობა და ზეიმი

შემოიტანა ავანგარდისტულ ნახატში – სადაც კარლო კაჭარავა მთავარი ინსპირატორი და მთხრობელი იყო. სწორედ ამ ნიშნებით მოხდა ჯგუფის პირველი სერიოზული დასავლეთ-ევროპული ექსპორტი გერმანიაში, კიოლნის ფრანსუაზა ფრიდრიხის გალერეაში.

კარლო მოსკოველი არტისტების ხშირი სტუმარი იყო. სვეტა ვიკერსს ერთი მომხიბვლელი 16 წლის ქალიშვილი ჰყავდა, კატია, დღეს მოსკოვური ბენდის „ტრიშკა ენდ მინისტრი ოვ საიქოდელიას“ მომღერალია. ჰოდა, კარლოს ეს გოგონა შეუყვარდა. მას ვიღაც მდიდარი არაბი ბიზნესმენი ეარშიყებოდა, ლამის ყოველ საღამოს ფეშენებელურ რესტორნებში ეპატიჟებოდა. კარლო ასეთ დროს ინტელექტუალურ წუნუნს დაიწყებდა ხოლმე, რომ „პროლეტარები“ ყოველთვის ასეთი დაჩაგრულები არიან, რომ ქალები მათ არასოდეს სწყალობენ. მაგრამ გულს მაინც არ იტყებდა: სვეტა ვიკერსს ეცინებოდა – „კატია არაბთან ერთად სადმე რომ მიდის, კარლოც თან მიჰყვება. მოსვენებას არ აძლევს. ჰოდა, წინ არაბი მიდის, უკან კატია, სულ ბოლოს კარლო მისდევს და გაუჩერებლად უყვება მათ მხიარულ და სევდიან ისტორიებსო“. კარლო მაშინ, რატომღაც, კოჭლობდა და ძლივს ენეოდა ახალგაზრდა გოგონასა და მოულოდნელად ღმობიერ საქმიან არაბს. თვითონაც მოსწონდა ასეთი როლი, თითქოს ხუმრობით ბრაზობდა, მაგრამ მისთვის

1978 წელი:

- * საველალო მდგომარეობიდან თავის დაღწევის აუცილებელი პირობა – ბრძოლა.
- * ადამიანი ნაწილი არის საერთო სიცოცხლის; ის არასოდეს არ კვდება, რადგან თუნდაც სხვის სხეულში ამ ადამიანის სიცოცხლე გრძელდება.
- * ყველას თავისი წილი თანაგრძნობა სჭირდება. ადამიანი ყოველთვის იმყოფება საცოდავ, არა – ეს ცოტა სიტყვაა. შე, შე-თანაგრძნობის, დიხ ასე, მდგომარეობაში.

ისტორია


წაგებულის ეს გამოგონილი სტატუსი უფრო პოეტური იყო და ისიც იცოდა, რომ ეს ხელობა წამდვილად მას ეკუთვნოდა – მოეყოლა უსასრულო ისტორიები ყველასთვის, ვისაც ეს დასჭირდებოდა.

სინამდვილეში კი კატია მართლა უყვარდა. მოსწონდა ეს გოგონა, რომელსაც უბრალო თეთრი ლაბადა ეცვა და უსაზღვროდ უხაროდა, თუ

სტუმრობისას კარლო მისთვის ერთ ქილა მანონს წამოაყოლებდა ბაზრიდან. ასეთ მოსკოველ გოგოებს შემორჩენილი აქვთ ძალა, პოეტურები დარჩნენ. მათ სხვა რამე აინტერესებთ – არტიტებისა და პოეტების ბიოგრაფიები შექმნან, ამით ამაყობენ. მიუხედავად ამისა, ვგრძნობდი, რომ მათი ტრუბადურული რომანი უმედეგო იქნებოდა.

კარლო ტრუბადური იყო და არა მარტო ამ შემთხვევაში. მას თითქოს საყვირი ეჭირა ხელში და ასე გვამცნობდა საქართველოში ახალი ხელოვნების მოახლოებას. მას მხატვრებისთვისაც ჰქონდა მრავალი ისტორია მოსაყოლი – ანსელმ კიფერზე, ზიგმუნდ პოლკეზე, ჯეფ ჯუნსზე, ჯულიან შნაბელზე, პიერ ალექსისკიზე უყვებოდა, ახალ მიმდინარეობებს აცნობდა – ნეოგოს, ტრანსავანგარდისა და ლარიბი ხელოვნების შესახებ. მრავალმხრივი იყო მისი საუბრები. მას ახსოვდა ყველა მხატვარი, ვისაც კი ცხოვრებაში თუ წიგნის ფურცლებზე შეხვედროდა, იცოდა ყველას ადგილი და როლი. საინტერესო კი ის იყო, რომ მისი ეს ინტერესი ცალმხრივად მხატვრობით არ შემოიფარგლებოდა, შეეძლო, დაუღლებლად ელაპარაკა სხვადასხვა რეჟისორზე – ფასბინდერზე, პოლანსკიზე, კანჩალოვსკიზე, ახსოვდა ყველა ფაბულა, ყველა დასასრული და დასაწყისი.

ის ისტორიკოსი იყო, ანუ ლიტერატურული ხელოვანი. შეიძლება, ამიტომაც მისი ექსპრესიონისტული ნახატები ტექსტებით აღიჭურვა და სიუჟეტურ სურათებად და სერიებად დალაგდა. როგორც ეს კომიქსებში ხდება, კარლო ამ ნახატებში კონდენსირებულ და ფრაგმენტულ შინაარსს ქმნიდა, პოეტური და ლირიკული ხაზგასმით. მის ნამუშევრებს კარნავალური მხიარულება და ინტელიგენტური კომიკურობა ახასიათებდა. ჩვენთვის მითიური, მისთვის კი, როგორც ვიცით, სრულიად რეალური – ჩრდილოელი ქალბატონი – ფრაუ ჰელენაც



1978 წელი:

*
ჯერ კიდევ ბავშვობაში ვფიქრობდი რამოდენიმე შრეზე აზროვნებაში: ერთი თითქოს კარნახობს, მეორე ლაპარაკობს, უნდა არსებობდეს მესამეც, რომელიც მხოლოდ ისმენს.

*
ბავშვი ისვენებდა ბებიას, კედლის საათის მონოტონურ ხმაურს, გაუგონარ ბგეუნაც (ბავშვი) ერთ-ერთ ბგეურად გადაიქცა. ეს ჯაჭვი აერთიანებდა წარსულს, აწმყოსა და მომავალს და ბავშვიც გრძნობდა, რომ ბებიას სუნთქვის თანაზიარია.

სწორედ ამ ლირიკულ-კომიკურ რიგშია და როგორც ფიროსმანის მარგარიტა, ისევე შეგვახსენებს - სიყვარული ბოლომდე არასოდეს იქნება ჩვენი.

კარლო კაჭარავა კომუნისტების დროს, 1987 წელს გავიცანი, როდესაც სასტუმრო „ივერიის“ მინისქვეშა კომპლექსში ვრცელი გამოფენა მზადდებოდა. ექსპოზიცია ამ მიტოვებულ, მრავალსართულიან მი-

ნისქვეშა ლაბირინთს თანამედროვე ხელოვნების ველური ინსტალაციების შთამბეჭდავ ოაზისად აქცევდა. ამ ნახატების კვალი დღემდე შემორჩენილია ამ ადგილზე, როგორც ოდინდელი არქეოლოგიური ნაკვალევი, სადაც დღეს ხინკლის სახლი და ხინკლის სამყარო განლაგდა.

>>> ბაბრქელება გვ. 89

1979 წელი:

* ჰუმანურობა, სოციალურობა, თანადგომა შეუძლებელია სამშობლოს გარეშე. თვით სიტყვა სამშობლო შეიცავს თავისთავში მცნებებს მეზობლობის, ნდობის.

* აი, რა ძნელია საყვარელი არსების რაღაც გარემოში, ოთახში. საცხოვრებელში მოთავსება; ამისათვის მთავარია გიყვარდეს ეს მისი გარემო, მისი სივრცე, თვითონ მასზე არაფერს ვამბობ.




1980 წელი:

* მე სრულფლებიანი წვერი ვარ საზოგადოებისა, რომელსაც მე არ ვჭირდები.

1982 წელი:

* თუ ღმერთი გნამთ, ნუ გამიჯნავთ ბავშვებს ადამიანებისაგან! ბავშვები – ეს ადამიანებია და სწორედ მათში ღებულობს სათავეს ზრდასრული ადამიანის ბევრი გრძნობა და ჩვევა. ეს სათავე ჩანასახის სახით გვხვდება მხოლოდ.

* როგორც ჩანს, მხოლოდ შიშს შეუძლია ადამიანის მოქცევა ჭეშმარიტებისაკენ. შიში კი შედეგია ერთხელ ან იქნებ რამოდენიმეჯერ გადატანილი ტკივილის, უბედურების თუ შემფოთების.



ფ. 1291, VIII.

ესკიზები ფერმაკრთაღი პორტრეტისტვის

ავტორი: დავით ბუხრიკიძე

ფოტო: ბურამ ნიბახაშვილი



კარლო კაჭარავა უკანასკნელად 1994 წლის ადრეულ გაზაფხულზე, მარტში ვნახე. ზამთარი თითქოს გასული იყო. ძალიან აღარ ციოდა და არც მალე ბნელდებოდა. ყოველ შემთხვევაში, „კომბოსტოსავით“ არ ვიყავით შეფუთულები და სული მოვითქვით. ნაქსოვი ქუდი, რომელსაც ლამის რიტუალურად მოიხდიდა ხოლმე და ჭრელი კაშნე, რომელსაც იშვიათად თუ იშორებდა, ხაზგასმულად არტისტულობის ნიშანს ატარებდა. დღესაც კარგად მახსოვს ნახევრად დათბილული, „დემისეზონური“ მომწვანო-მონაცისფრო ლაბადა, რომელიც წიგნებითა და რალაც ბლოკნოტებით ჰქონდა გამოტენილი. ყოველთვის რალაცას ინიშნავდა, იწერდა ან ჩანახატებს აკეთებდა.

მისი გარდაცვალებიდან 16 წლის შემდეგ მესხიერებაში მთლიანი მისი პორტრეტი კი არ ჩამრჩა, არამედ ცალკეული დეტალები: ხმის ტემბრი, წყვეტილი საუბრები, ირონიული ფრაზები, თითქოს ოდნავ კოჭლობით სიარულის მანერა. თუმცა, დროთა განმავლობაში, ამ ოდნავ გაფერმკრთალებულმა დეტალებმა ჩემთვის უფრო დიდი და გადმწყვეტი მნიშვნელობა შეიძინა.

ახლო მეგობრები არ ვყოფილვართ. მხოლოდ 90-ინი წლების დასაწყისიდან გვქონდა ურთიერთობა, როცა გაზეთ „7 დღეში“ დავინყე მუშაობა და „მავნე“ კრიტიკოსის იმიჯი მქონდა. ეს მას ძალიან სახალისოდ ეჩვენებოდა და რამდენჯერაც ვხვდებოდით, ჩვეული ირონიით რალაც მოულოდნელს მოაყოლებდა. მაგალითად, ამგვარ ფრაზას: „სერ, თეატრი ძალიან დაგიძველდათ. არაფერი მას აღარ გაამაგრებს, ან უნდა დაანგრით ან შარანტონის გიჟებისა (ალბათ, მხედველობაში ჰქონდა პეტერ ვაისის პიესა „მარატსადი“, სადაც მოქმედება შარანტონის ფსიქიატრიულ საავადმყოფოში ხდება – დ.ბ.) და ანტონენ არტოს აჩრდილი მოავლინოთ... უკიდურეს შემთხვევაში, რობერტ უილსონი გამოიწეროთ ექსკლუზიურად, მაგრამ ახლა ჰამბურგში დგამს სპექტაკლს, მერე ჩიკაგოში მიდის. ჰოო, მგონი, რიგში უნდა ჩაენეროთ და თან დაახლოებით მილიონი გაამზადოთ. მისი ჰონორარი საქართველოს ნახევარი წლის ბიუჯეტს უდრის“...

მაშინ, იშვიათი გამონაკლისის გარდა, არავინ ლაპარაკობდა არც პეტერ ვაისზე, არც ანტონენ არტოზე და არც დიდი თეატრალური რეჟისორი რობერტ უილსონი გაეგო ბევრ ვინმეს. მართალია მხატვარი, ხელოვნების ისტორიკოსი და არტ-კრიტიკოსი იყო, მაგრამ ყოველთვის მაცნობდა სად და როდის ასწრებდა ლიტერატურის, კინოს ან თეატრის შესახებ ამდენი ინფორმაციის მიღებას, დამუშავებას და შემდეგ ნაცნობ-მეგობრებში და არტისტულ წრეებში გავრცელებას.

მახსოვს, ვისაუბრეთ რეჟისორ დავით დოიაშვილის პრემიერაზე. „ცხოვრება იდიოტისა“ მაშინ ახალი დადგმული ჰქონდა კინომსახიობთა თეატრში და თეატრალური და არა მხოლოდ ისინი, მხოლოდ ამ რეჟისორზე და სპექტაკლზე ლაპარაკობდნენ.

1983 წელი:

* უკვე რამდენიმე წლის წინ ცხადი იყო, რომ „მტაცებლებთან“ მეგობრობა, მათი ნასუფრალით კვება და მათი მხარდაჭერით მოპოვებული სხვა პრივილეგიები ღარიბთა და საშუალო ფენის წარმომადგენელთათვის ძალიან ძვირად ღირებული პრესტიჟი იყო, ეს უკანასკნელი განწირული იყვნენ უხილავი დამორგუნეული მორჩილებისათვის.

1984 წელი:

* ცხოვრება ანგელოზთა, მარიონეტთა და ადამიანთა გრძნეული ცეკვაა.

1987 წელი:

* ტრაგედია იმის გაგება, რომ ერთი ადამიანის სიკვდილთან ერთად მთელი სამყარო კვდება.

1988 წელი:

* ჩემი ვადა განსაზღვრულია გარდაუვალი და ჩუმი სიკვდილით!

* კაცობრიობა მემკვიდრეობად ტოვებს მხოლოდ ტკივილებს.

მომწონდა, რომ 22 წლის რეჟისორმა ასეთი საინტერესო სპექტაკლი დადგა, რომ მიხეილ თუმანიშვილის ერთ-ერთი ყველაზე ნიჭიერი მოსწავლეა. მაინც ირონიანაზავი საყვედურით გამაჩერა: „იცი რა, ნიჭს ასაკი არა აქვს და ზედმეტი ავანსის გაცემა ნიჭიერი ახალგაზრდებისათვის ზოგჯერ მავნებელია“.

ეს ყველაფერი მზით ოდნავ გამლღვალ ხვამლის ქუჩაზე ხდებოდა, თამარ მეფის ხიდის გადაღმა, სადაც

მაშინ გაზეთ „7 დღის“ რედაქციას მორიგი გადასახლება-გადაბარგება მოუწია. უპირველეს ყოვლისა, თეატრზე ვილაპარაკეთ, მერე „კრიზისსა და გაჭირვებაში გამობრძმედილი ხელოვანის მარტოობის მნიშვნელობაზე.“ რატომღაც კიოლნში, 1990 წელს ფრანსუაზა ფრიდრიხის გალერეაში მოწყობილი და მისთვის მნიშვნელოვანი გამოფენა გაიხსენა, რომელიც ხანგრძლივი დროის განმავლობაში ინფორმაციისა თუ ინსპირა-



ციის მთავარ წყაროდ იქცა. შემდეგ მოსკოვიც ახსენა – საბედისწერო ქალაქი, რომელმაც ჯერ სახელოვნებო ოცნებებითა თუ ლირიკული ვენებებით ალავსო და მერე ამ ყველაფერს ნელ-ნელა, მეთოდურად და უხეშად მოულო ბოლო.

ამ შესვენრიდან დაახლოებით თვენახევრის შემდეგ, იმავე ხვამლის ქუჩაზე, „7 დღის“ რედაქციაში უკვე მისი ხსოვნისადმი პატარა წერილის თუ ესეს დაწერა მომინია. ვერც მაშინ მივხვდი და ვერც ახლა ამისხნია, რატომ კარგავენ სიტყვები მნიშვნელობას, როცა საქმე ჩვენთვის ახლობელი ან მნიშვნელოვანი ადამიანის გარდაცვალებას ეხება? ახლა მეჩვენება, რომ ოდნავ ყალბი და პათეტიკური ტექსტი გამოვიდა. სათაურიც შესაბამისი – „უიღბლო ზავი დროსა და სივრცესთან“. თავად, ალბათ, ძალიან დამცინებდა და მეტყოდა, სულ დაკარგეთ კრიტიკოსებმა ზომიერებისა და იუმორის გრძნობაო.

თუ რიტორიკულ შეკითხვას მაინც დავსვამთ: რატომ დასრულდა მისი ცხოვრება ასე მოულოდნელად, ტრაგიკულად და აბსურდულად? თანაც სწორედ მაშინ, როცა შემოქმედებითი თვითრეფლექსიით, ინფორმაციით სავსე, არტისტული ხილვებითა და დატვირთული განცდებით ცხოვრობდა, შეიძლება ასეთი პასუხი „მოვიგონოთ“:

>>> ბაბრძილა ბ. 92



1990 წელი:
*
საქართველოს კანიბალები და მათი ცოლები მართავენ. ამ არადადამიანებმა ყველას თვალწინ გაყიდეს საქართველო და მისგან სამარცხვინო ფოფოხები შექმნეს.

1991 წელი:
*
პიროვნულობის დათმობის აუცილებლობა მხოლოდ მას არ ესმის, ვისაც რაიმე პიროვნული საერთოდ არ გააჩნია.

1993 წელი:
*
არქაიზმებით გადატვირთული მაღალფარდოვნება მხოლოდ იმის ნიშანია, რომ რეალურად ამ საზოგადოებაში პიროვნება და მისი ელემენტარული უფლებები დიდხანია არაფერს არ ნიშნავს.



გაიქ სთარნი

ძირითადად, მუსიკაზე და ზოგჯერ – სხვა რამეებზეც

ესაუბრა კახა თოლორდავა

მუსიკის შესწავლის პროცესზე

მუსიკა ზუსტად ისე უნდა შეისწავლო, როგორც ახალი უცხო ენა. ამ დროს, როგორც წესი, რაც უფრო თამამი ხარ და რაც უფრო ბევრს ლაპარაკობ ახლად შესწავლილ ენაზე, მით უფრო და უფრო თავისუფლად გრძნობ თავს მასში. მუსიკაშიც ზუსტად ასეა – რაც მეტს ვარჯიშობ, უფრო მეტს უკრავ, რაც მეტს თხზავ, მით უფრო მეტად გახსნილი და გასაგები ხდება შენთვის. ენის შესწავლისას სიტყვებს, ფრაზებს, გრამატიკას და კიდევ ბევრ რამეს სწავლობ. მუსიკაშიც ასეა. სწავლობ ნოტებს, აკორდებს, ჰარმონიას, რიტმს, და ასე შემდეგ, მერე კი ცდილობ ამ ახლად შესწავლილ ენაზე ალაპარაკდე. თავიდან, რა თქმა უნდა, ძნელია, მაგრამ, სამაგიეროდ, რა მაგარია მერე, პირველ წინადადებას რომ იტყვი!

მუსიკა, გული და ტვინი

მუსიკა ზედმიწევნით დახვეწილი ენაა. მას არც დასაწყისი და არც დასასრული არა აქვს. ის უსასრულოა. უსასრულობის

სიტყვებით აღწერა კი საკმაოდ ძნელია, არა? ზოგჯერ მუსიკის საშუალებით რაღაც-რაღაცებზე საუბარი ბევრად უფრო ადვილია, ვიდრე – ნებისმიერი სხვა ენის მეშვეობით. შესაბამისად, ის უნდა შეიგრძნო. სწორად, რაც მეტს უჩივიან და იჭყლეტ ტვინს მუსიკის უკეთ გასაგებად, მით უფრო შორს გაგირბის ის. აქედან ვასკენი, რომ ყველაფერთან ერთად მუსიკა გულის ენაა. რა თქმა უნდა, მუსიკალური ენის შესწავლისას შენ მუსიკას მის ყველა გამოვლინებაში შეისწავლი, მაგრამ მთავარი არ უნდა დაივიწყო – გული! მუსიკა ადამიანებთან ურთიერთობის საშუალებაა, ხოლო ადამიანებს კი გულიდან წამოსული ბილიკებით უნდა მიუახლოვდე. მაილზ დევისი ამის ნამდვილი ოსტატი იყო. არ ვიცი – როგორ, მაგრამ ის ყოველთვის ახერხებდა გულსა და ტვინს შორის ბალანსის შენარჩუნებას. მან ყველაფერი, აბსოლუტურად ყველაფერი იცოდა მუსიკაზე, მაგრამ დასაკრებლად რომ გადიოდა სცენაზე, ამ ყველაფერს ივინყებდა და უბრალოდ, უკრავდა. მთელი გულით.



**სტრაჰინსკი, გურული
სიმღერები და უბრალოება
მუსიკაში**

აბა, მიდი და შეეცადე სიტყვებით აღწერო ის, თუ რატომ იმოქმედა შენზე ასე ძლიერ რომელიმე მარტივმა და უბრალო ხალხურმა თემამ ან სიმღერამ! ჰო, ამის ასახსნელად შეიძლება, რაღაც მოჩმახო, მაგრამ იმ მელოდიის არსი სიტყვებს მიღმა დაგრჩება. აი, თქვენ მიყვებოდით იმაზე, თუ როგორ იმოქმედა სტრაჰინსკიზე ქართულმა (გურულმა) სიმღერებმა. დამერწმუნეთ, სტრაჰინსკი არ შეეცდებოდა იმ სიმღერების დანაწევრებას და მათ ასე აღქმას. ის გულთი მიიღებდა ამ სიმღერებს და, შესაძლებლობის შემთხვევაში, შეეცდებოდა თავისებურად მოეხმარა ეს მასალა. ხშირად დიდი და მნიშვნელოვანი შთაგონება, როგორც წესი, უბრალო, ძალიან უბრალო მელოდიიდან მოდის

ხოლმე. სტრაჰინსკი პირველი იქნებოდა, ვინც ამაში დამეთანხმებოდა.

მუსიკა და თანამედროვეობა

რა თქმა უნდა, ინსტრუმენტული მუსიკა ყოველთვის გამოხატავს იმ დროს, რომელშიც ის იქმნებოდა. კლასიკური მუსიკის დიდი ნაწილი ინსტრუმენტულია და მისი სმენისას იმ დროის სურნელი მოგდის. გრძნობ, როგორ ცხოვრობდნენ, როგორ სწამდათ, რამდენად ჰარმონიულად გრძნობდნენ თავს სამყაროში და ასე შემდეგ. ჯაზი სხვადასხვა დროს შექმნილი საუნდის მთელი არქივია, მილიონობით კილოებით და განწყობებებით სავსე მუსიკა და მისი სმენისას ყოველთვის იგრძნობ დროის ფრთების ფრთხილს. ან, თუნდაც დღევანდელი ავილოთ, ახალი ტექნოლოგიები დიდ გავლენას ახდენს მუსიკაზე. სიმართლე რომ გითხრათ,

არც კი ვიცი, პირველი რა მოდის – ტექნოლოგია თუ ის მუსიკა, რომელიც ამ ტექნოლოგიას აღწერს, მაგრამ, ჩვენს შემთხვევაში, ეს ძალიან მნიშვნელოვანი არაა.

**წინაპრები, მათი მუსიკა და
ახალი შესაძლებლობები**

ვიცი, რომ ამას ხშირად ვიმეორებ ხოლმე, მაგრამ რაც მეტს ვსწავლობ, მით უფრო ნათლად ვხვდები, თუ რა ცოტა ვიცი ჯერ კიდევ. ეს კი ის მდგომარეობაა, რაც კიდევ უფრო მეტის სწავლისკენ გიბიძგებს. ამიტომაცაა დღემდე მონაფესავით რომ ვუზივარ ჩემი წინაპარი მუსიკოსების, მაილზის, სონი როლინზის, ქოლთრეინის პარტიტურებს და მათ ტრანსკრიფციას ვცდილობ. მოსაწყენი? არა, არა, მოსაწყენი კი არა, ამ დროს სრულიად ახალი სამყარო გეხსნება, იმ დიდი

ბლუზის გარეშე ჯაზი არ არსებობს. იმ მუსიკაში კი, სადაც ბლუზი თითქოს არ გხვდება, ღამიჯირათ, ის ყოველთვის იქაა, სადაც მივალული.



ფოტო: ბიორჩი ბოგაჩიძე

ადამიანების სამყარო! უბრალოდ, ამ დროს მათი ცოდნის ლამის კოსმიურმა მასშტაბმა არ უნდა შეგაშინოს და მათ მონად არ უნდა გაქციოს. პირიქით, მათ მიერ აღმოჩენილმა რალაცეებმა მომავლისკენ, შენი თავისკენ, საკუთარის აღმოჩენებისაკენ უნდა გიბიძგოს, მათი სოლოების გამიფვრისას ისეთ რალაცეებს აწყდები, რაზეც საერთოდ გიფიქრია, მინდა უფრო მეტი ვიცოდე თუნდაც ქართულ პოლიფონიურ მუსიკაზე, რადგანაც ვიცი, ის ახალი შესაძლებლობებისკენ გამიხსნის გზას.

მოსემულ პოტენსიალზე და შეზღუდული შესაძლებლობებით მუსიკაში საკუთარი ალბილის დამკვიდრებაზე

როდესაც ახალგაზრდებს ვასწავლი და ისინი მეკითხებიან, თუ როგორ

უნდა იპოვნო საკუთარი საუნდი და საკუთარი ხმა მუსიკაში, მე ვპასუხობ, რომ მათ დაუღალავად უნდა ისწავლონ. ეს ერთადერთია, რაც მე მათ შემიძლია ვუთხრა, რადგანაც ამის შემდეგ ყველაფერი, რაც მათ შეისწავლეს, მათი უკვე არსებული პოტენციალის, ღმერთის მიერ ნაბოძები მონაცემების მეშვეობით განვითარდება. მეტი გაქვს პოტენცია? მეტი გამოგივა. ნაკლები, გაქვს? ნაკლებს მიიღებ. მაგრამ აი, სწორედ აქაა, სადაც საბედისწერო შეცდომა შეიძლება დაუშვა! რატომ? იმიტომ, რომ ვინ იცის, შენი პოტენციალი რამდენად მძლავრია? ვინ იცის ვის რამდენის უნარი აქვს? არიან მუსიკოსები, ვისაც არც ხმა აქვს და არც ასპროცენტური სმენა, მაგრამ იმის გამო, რომ ისინი ჯიუტად დგანან თავისაზე, დაუღალავად სწავლობენ და შეუპო-

ვრად მიიწევენ წინ, მათ მთელი მსოფლიო იცნობს. მუსიკოსში ჩადებული პოტენციალი ხშირად განსაზღვრავს არა მარტო იმას, თუ რამდენის გაკეთება შეგიძლია, არამედ იმასაც, თუ რისი გაკეთება არ შეგიძლია და ხშირად ნიჭიერი მუსიკოსები დიდებულად იყენებენ ამ შეზღუდვებს. უფრო მეტიც, ისინი ამ შეზღუდვების მეშვეობით ხდებიან მნიშვნელოვანები. ხშირად შეზღუდვები იმად გაქცევენ, რაც ხარ, ამიტომაც შეზღუდვებმა არ უნდა შეგაშინოს და კიდევ უფრო მიზანდასახული უნდა გაგხადოს. ჩაკეტილ კარზე გამუდმებით თუ აკაკუნე, ადრე თუ გვიან ის კარი აუცილებლად გაიღება. ყველაფერი შენ გზნებაზე და საქმისადმი ერთგულებაზე დამოკიდებული. ერთი დიდებული მასწავლებელი მყავდა, ჯონ ლა პორტა, კლარნეტისტი, რომელიც ჩარლი ფარქერთან და დიზი გილესფისთან უკრავდა. მოგვიანებით ის ბერკლიში ასწავლიდა და ღმერთო ჩემო, ის ისეთი გამოცდილების პატრონი იყო, რომ ლაპარაკს რომ იწყებდა მუსიკაზე, სხვა ყველაფერი გავიწყდებოდა. ჰოდა, მან ერთხელ მითხრა: „მაიქ, რამეს თუ მიაღწევ, იმას უკვე ვერავინ წაგართმევს!“ თუ ნამდვილი მუსიკოსი ხარ, მაშინ იცი, რომ მუსიკა იმის ღირსია, ბევრი, ძალიან ბევრი დრო რომ დაახარჯო. როდესაც ის მადლობის სათქმელად მოვა დამიჯერეთ, სრულიად განცვიფრებულს დაგტოვებთ!

მექანიკურობასა და კომფორტულ ზონებზე მუსიკაში

ღიას, ზოგჯერ ასეთი რამეები მემართება ხოლმე, მექანიკურად ვუკრავ და იმ აკუსტიკურ ტერიტორიას არ ვტოვებ, სადაც ვიცი, რომ წლების განმავლობაში დაგროვილი გამოცდილება შეცდომას არ დამაშვებინებს. როგორც წესი ამას ყურადღებას არ ვაქცევ ხოლმე, რადგანაც ასეთი რამ ძირითადად დადლილობისგან მემართება. ამის ერთადერთი წამალი კიდევ უფრო მეტის სწავლა და მუშაობაა, რადგანაც ვიცი, რომ როდესაც ამ ზონაში ვაბიჯებ, ეს იმის

ბრაღია, რომ უფრო მეტი არ ვიმეცადინე დაკვრაში. რა თქმა უნდა, ნასწავლის მნიშვნელოვან პროცენტს სრულად ვერ ვიყენებ ხოლმე, მაგრამ ვიცი, ის მაინც ჩემშია და ერთ მშვენიერ დღეს მესტუმრება. ზოგჯერ რაღაცას დაუკრავ, მერე მოუსმენ და ამბობ; „ფუ, რა სისულელეა!“ მაგრამ მეორედ მოსმენაზე უეცრად აღმოაჩენ, რომ ეს არც მთლად ასეა ყოფილა. აი, დღესაც, აქ, ბათუმში, სასტუმროს ნომერში ახალ მასალაზე ვმუშაობდი დიდიდან. ჩემი ეს ძალიანხმევა შეიძლება, რაღაცად იქცეს ხვალ, ერთ კვირაში ან სულაც არასდროს, მაგრამ ამის გამო ჩემი გაჩერება არ შეიძლება.

არასწოებიარის მინდობაზე

დაკვრისას არაცნობიერს ისევე ვენდობი როგორც, ლაპარაკის დროს. ლაპარაკისას არ მჭირდება გრამატიკაზე ფიქრი. თუ ენა იცი, ნებისმიერ დროს შეგიძლია შეკითხვის ან ფრაზის პერეფრაზირება, მისი თავისუფლად მოხმარება. მუსიკაშიც ასეა, თუ მუსიკის ენას ფლობ, დაუფიქრებლად მოიხმარ.

ჩასაბერ ინსტრუმენტებზე და ბიტარაზე დაკვრის ტექნიკაზე

მიყვარს ჩასაბერი ინსტრუმენტების ხმა და მიუხედავად იმისა, რომ გიტარისტი ვარ, ვცდილობ ჩემი გიტარის საუნდი საყვირის საუნდს გავედეს. გიტარა პერკუსიული ინსტრუმენტია, იმიტომ, რომ შენ სიმებს მედიატორის ცემით ეხები, ხოლო გრიფზე კი თითების დაჭერის მეშვეობით იღებ ბგერას. იმისთვის, რომ გიტარას ეს პერკუსიული თვისება მოვაცილო და ჩემი ბგერა ჩასაბერი ინსტრუმენტის საუნდს მივუახლოვო მსუბუქ მედიატორს ვირჩევ. ფრაზირებისას ვცდილობ, საყვირის შესაძლებლობებს მივუახლოვდე. ამიტომაცაა ასე ბევრს რომ ვმუშაობ მესაყვირეების და საქსოფონისტების პარტიტურებზე. რა ვქნა, მომწონს ინსტრუმენტები, რომელიც ადამიანის ამოსუნთქვით ცოცხლდება. რა თქმა უნდა, გიტარაში ვერ ჩაბერავ, მაგრამ ნებისმიერი ინსტრუმენტი გაძლევს იმის საშუალებას

რომ შენი სული სთაბერვით გააცოცხლო ისინი.

ახალი მასალა, ახალი ალბომი და ისინი, ვინც ჩემ მუსიკას ყველაზე კარგად დაუკრავენ

ახალი მასალა ნელა შემოდის ჩემში. მის ჩემში შემოდინებას დრო ესაჭიროება. როდესაც ის ღრმად ჩაიბუდებს გულში, ის მისთვის ყურის დაგდების საშუალებასაც მაძლევს. რანამს ახალი მუსიკა ჩემში აჟღერდება, იმავე წამს ვინცეფ ფიქრს მათზე, თუ ვინ შეასრულებს ამ მუსიკას ისე, როგორც ეს მე მესმის. ზოგჯერ ხდება ისიც, რომ მუსიკოსებს იმპულსურად ვირჩევ, მხოლოდ იმიტომ, რომ მათთან დაკვრა მინდა. ასე იყო, მაგალითად, სთივ ვაის შემთხვევაში. მან ჩემს ბოლო ალბომზე დაუკრა. სთივ ვაი ძალიან შორს დგას ჩემი მუსიკალური ორბიტისაგან; ის როკერია. სხვათა შორის, ისიც ბერქლიში სწავლობდა, თუმცა ჩემზე გვიან. მითხრა, რომ ბოსტონის პატარა კლუბებში მისმენდა ხოლმე და როდესაც ალბომზე სამუშაოდ დავბატიყუე დამთანხმდა. დიდებული ადამიანია და საოცარი მუსიკოსი. გამაოგნებელი დისციპლინის პატრონია! მინდოდა, დაახლოებით ისე დაეკრა, როგორც ნუსრატ ფატეჰ ალი ხანი მღეროდა და მან ეს ბრწყინვალედ მოახერხა. მოკლედ, ყველა ის მუსიკოსი, ვინც ჩემ ახალ ალბომზე უკრავს, ის ადამიანები არიან, ვისთან მუშაობაზეც ვოცნებობდი – ერიქ ჯონსონი, ესპერანცა სფალდინგი, თერი ლი ქერინგთონი, საოცარი დრამერი ქალი. მათზე უკეთესად ვინ შეასრულებდა იმ მუსიკას, რაც მე ალბომზე მუშაობის დანყებადვე მესმოდა?

პროდუსერებზე

კარგი პროდუსერის გარეშე მუსიკა ის არ იქნება, რაცაა. ჩემი ახალი ალბომის, Big Neighborhood პროდუსერი, ჯიმ ბერდი გენიოსია. ის რომ არა, ამ ალბომს ის საუნდი არ ექნებოდა, რაც მუშაობის დანყებადვე მქონდა თავში. დიდებულია, როდესაც პროდუსერი მუსიკის კეთების ყველა ეტაპზეა ჩართული მუსიკის კეთებაში და ორმაგად

კარგია თუ ყველაფერთან ერთად ის მუსიკოსიცაა. ჯიმი გენიოსი პიანისტი, კლასიკურ მუსიკასაც საოცრად ასრულებს და ამიტომაც, როდესაც სტუდიაში ჯემის დროს ჩემთან და დანარჩენ მუსიკოსებთან ერთად ჯიმიც უკრავდა, საოცარი შეგრძნება მეუფლებოდა.

ფეთ მეთენიზე, ჯორჯ ქოულმენზე, ჯიმი ქოზი და ქამირაბთან მუშაობის შესაძლებლობებზე

ერთ-ერთი მუსიკოსი, ვისიც მთელი გულით მშურს, ფეთ მეთენია. მას თავისი ბენდი ყავს, რომელთანაც ის მსოფლიოს გარშემო მოგზაურობს, მაგრამ ამასთან ერთად ის როგორღაც ახერხებს თითქმის ყველა იმ მუსიკოსთან მუშაობას, ვისთანაც სურს – დანყებული ორნეთ ქოულმენით და ბრედ მელდაუთი დასრულებული. ყველაფერ ამასთან ერთად კი დისკის ჩანერასაც ასწრებს მექანიკური ინსტრუმენტების მთელ არსენალთან! გასაოცარია! არც კი ვიცი როგორ ახერხებს ამას! ამ ეტაპზე ყველაზე უფრო იმ მუსიკოსებთან მუშაობის სურვილი მაქვს, ვინც უკვე ხანშია შესული და შესაძლებელია დიდ ხნით არ გაჩერდნენ ამ პლანეტაზე. არადა, რა ფორმაში არიან ბებრები! ჩემთვის დიდი პატივი იქნებოდა ჯორჯ ქოულმენთან მუშაობა, მაგრამ ბოლო დროს ის სულ უფრო და უფრო ნაკლებს უკრავს. ჯიმი ქოზი, მაილზის ლეგენდარული დრამერი, 82 წლისაა და ერთი წამითაც კი არ ჩააგდებს რიტმს! ან ჰერბი ჰენქოქი აიღეთ. აი, ვისთან ვიმუშავებდი დიდი სიამოვნებით! უფრო მეტიც, სიმფონიურ ორკესტრთანაც მინდა მოვსინჯო ჩემი ძალები და იმ მუსიკოსებთანაც, ვინც ე.წ. „თავისუფალ“, ავანგარდულ მუსიკას უკრავენ, მაგალითად, ჰენრი სრედგილთან. ჩემი და მისი მეუღლე მეგობრები არიან; იქნებ ისინი დამეხმარონ? ჰო, კიდევ ნუსრატ ფატეჰ ალი ხანთან დავუკრავდი. ერთხელ, მის გარდაცვალებამდე ცოტა ხნით ადრე, კინალამ ამისრულდა ოცნება, მაგრამ, სამწუხაროდ, არაფერი გამოვიდა. არადა, რა იქნებოდა, ჩემი გიტარის წული და მისი არაამქვეყნიური ხმა?!

>>> ბაბრქილიზა გვ. 94



OCTOBER 23, 2006

www.2006.4.net

ისტორია



მილიარდერმა ძმებმა ობამას ომი გამოუცხადეს.

socialism

ფარული ოპერაციები

ავტორი: ჯეინ მაიარი

ინტელისუარიდან თარგმნა ირმა ტაველიძემ

სტატია პირველად გამოქვეყნდა ჟურნალ „ნიუ-იორკერში“ 2010 წლის 30 აგვისტოს

შესავალი

ჯეინ მაიარის სტატია შეიძლება ითქვას, რომ ბოლო 50 წლის ამერიკული პოლიტიკის მთავარ ტენდენციას – მემარჯვენე პოლიტიკის აღორძინებას აღწერს. ქოუკის ოჯახის ისტორია რადიკალური მემარჯვენე იდეების ჩასახვისა და განვითარების ისტორიაა. საინტერესოა, რომ ამ მოვლენათა თანმიმდევრობაში კარგად ჩანს რადიკალური მემარჯვენეობის იდეის შინაარსი: თავიდან ყველაფერი ანტიკომუნისტური განწყობებით დაიწყო, რომელიც რუზველტის „ახალი კურსით“ უკმაყოფილოთა პროტესტს შეუერთდა. ამგვარად, ნაციონალისტური იდეა კაპიტალისტური ღირებულებების დაცვის სამსახურში ჩადგა. დაახლოებით მსგავს პრობლემას აღმოსავლეთ ევროპის ქვეყნებში, მათ შორის საქართველოშიც, ვაწყდებით. იმ ადამიანების მნიშვნელოვანი ნაწილი, რომელიც მემარჯვენე ღირებულებებით აპელირებს, ძლიერი ანტისაბჭოთა გრძნობის მატარებელი არიან. შემდგომში საბჭოეთის მიმართ ზიზღი ნებისმიერი სოციალური იდეის მიმართ ზიზღად გარდაიქმნება და ნებისმიერი იდეა, რომელიც სახელმწიფოს სოციალური როლის გაზრდას შეეხება, კომუნისტურად და ნაციონალურად მიუღებლად ცხადდება. ასეთ დროს ნაციონალიზმი „თავისუფალი ბაზრის“ უტოპიის მხარდასაჭერად მოხმობილი არგუმენტიცაა.

თავად ლიბერტარიანული იდეების სათავეები არა ქოუკის მსგავსი მილიარდერების წრეებში, არამედ ინტელექტუალებსა და ეკონომისტებში უნდა ვეძებოთ. ლიბერტარიანიზმის წინაპარი გახლდათ ბაზრის კლასიკური თეორიები, რომლებიც სახელმწიფოს მიერ ბაზრის მინიმალურ რეგულირებას უჭერდნენ მხარს. მე-20 საუკუნის 30-იანი წლების „დიდი დეპრესიის“ შემდეგ კი მეინსტრიმ ეკონომიკურ თეორიად კეინზიანიზმი იქცა, რომელიც საბაზრო რეგულირების მომხრე იყო.

ქოუკების ოჯახი იყო, ალბათ, ერთ-ერთი პირველი, რომელმაც უდიდესი წვლილი შეიტანა დაურეგულირებელი საბაზრო კაპიტალიზმის იდეების აღორძინებაში, რომლის კულმინაციად აშშ-ში რეიგანის არჩევა იქცა. თავად ქოუკების მიერ მხარდაჭერილი ლიბერტარიანული პლატფორმა რეიგანის კონსერვატიულ ლიბერტარიანიზმზე გაცილებით შორს მიდის: იგი უარყოფს არა მხოლოდ ეკონომიკურ რეგულაციებს, არამედ საზოგადოების მიერ დანესებულ, „კონსერვატიურულ“ რეგულაციებსაც (რაშიც გამოიხატება მისი მთავარი განსხვავება რესპუბლიკური კონსერვატიზმიდან). სხვა სიტყვებით რომ ვთქვათ, ლიბერტარიანელები თვლიან, რომ პროსტიტუცია და მარიხუანა უნდა იყოს ლეგალიზებული (რასაც კონსერვატორები ეწინააღმდეგებიან), ამერიკის მოქალაქეებს უნდა აშშ-ში ნიშნით ლიბერტარიანიზმი ძალიან ჰგავს საქართველოში გავრცელებულ მემარჯვენეობას, რომლის მთავარ აგიტატორად კახა ბენდუქიძე ითვლება და რომელიც ცალსახად არაკონსერვატორია.

ლიბერტარიანული პლატფორმა იმის გამო, რომ დასავლეთში, ძირითადად, მდიდარი ბიზნესმენებით და მარგინალური მეცნიერებით არის წარმოდგენილი, ცდილობს, სოციალური ბაზა მოიპოვოს. ბოლო დროს გამოჩენილი „ჩაის მსმელების მოძრაობა“ სწორედ ამგვარი მცდელობის მაგალითია. სტატიაში კარგად არის აღწერილი, თუ როგორ იწყება ყველაფერი იდეალიზმით – „თავისუფლების იდეისადმი“ ერთგულებით და საბოლოოდ კორპორატიული ინტერესების მხარდაჭერაში გადადის. საქართველოში იგივე საფრთხე შესაძლოა, ახალგაზრდა თაობის ლიბერტარიანული იდეებით ინდოქტრინირების ნაწილად მოშვას. იდეები მართლაც შესანიშნავია – თავისუფალი ბაზარი, თავისუფალი ქმედებები, სახელმწიფოს მიერ მოქალა-

ქეების საქმეებში ჩაურევლობა და ა.შ.

სამწუხაროდ, პრობლემა მხოლოდ ის არის, რომ ამ იდეებს რეალურ საზოგადოებასთან კავშირი არ აქვს, რადგან ის ატომიზირებულ, სოციალური კონტექსტიდან ამოგლეჯილი ინდივიდების კონცეფციას გვთავაზობს. ლიბერტარიანიზმისთვის სოციალური ვალდებულების ცნება არ არსებობს. „ლიბერტარიანული ინდივიდები“ თვლიან, რომ ერთმანეთზე სოციალურად დამოკიდებულნი არ არიან, შესაბამისად, ვერ ხედავენ ვერც გადასახადების და ვერც სოციალური დახმარებების არსებობის აუცილებლობას.

თანამედროვე ლიბერტარიანიზმი თითქმის სრულყოფილად იყენებს, ერთი მხრივ, ინტელექტუალებისა და, მეორე მხრივ, სამოქალაქო აქტივისტების ძალას. ლიბერტარიანელები აარსებენ საგანმანათლებლო დაწესებულებებს, სადაც ცდილობენ მისიონერულად გაავრცელონ „თავისუფლების იდეები“. მაგალითად, ერთ-ერთი ასეთი დაწესებულება მიზესის ინსტიტუტია ალაბამას შტატში. საქართველოში კლასიკური მაგალითი „ახალი ეკონომიკური სკოლაა“. პარალელურად, კახა ბენდუქიძეც ცდილობს, ნაახალისოს ლიბერტარიანული იდეები და აფინანსებს ჟურნალ „ტაბულას“, რომლის რედაქტორიც პირველი ნომრიდანვე აცხადებს, რომ სწორედ აღნიშნული პოლიტიკური იდეოლოგიის მხარდაჭერია. ე.წ. Think Tank-ების, ანუ არასაუნივერსიტეტო კვლევითი ცენტრების დონეზე, მთავარი ლიბერტარიანული ცენტრი „თავისუფლების ინსტიტუტია“, რომელიც საქართველოში მემარჯვენე პოლიტიკას აქტიურად ლობირებს.

საქართველოში გაჩაღებული ლიბერტარიანული აქტივობების ფონზე, გამოირიცხული არ არის რომ მომავლისთვის „ჩაის მსმელების“ მსგავსი მოძრაობის ჩამოყალიბებაც იგეგმებოდეს.

გიორგი ცხადაია

„კოუკები სრულიად განსხვავებულ საფეხურზე იმყოფებიან. სხვას არავის დაუხარჯავს ამდენი ფული. სწორედ დახარჯული თანხის რაოდენობა ზამთარჩვეს მათ სხვებისაგან. ისინი მიჩვეულნი არიან კანონდარღვევებს, პოლიტიკურ მანიპულაციებსა და თვალში ნაცრის შეყრას. უმთავრესი სკანდალის შემდეგ ვაშინგტონში მსგავსი არაფერი მიწახვს. მათი კომპანია ჩვენი დროის „სტანდარდ ოილია“



17 მაისს „მეტროპოლიტენ-ოპერაში“ ოფიციალურად მოწვეულმა სტუმრებმა სცენიდან ჩამოსვლისას ტაშით გააცვიფეს მაღალი მილიარდერი, რომელიც მხნედ და ხალისიანად გამოიყურებოდა. ამერიკული ბალეტის თეატრი უკვე მეშვიდედ მართავდა ყოველწლიურ საგაზაფხულო გალა-წარმოდგენას, მისმა სამეურვეო საბჭოს წევრმა, დევიდ კოუკმა კი ჯილდო ჩვეული ხელგაშლილობისთვის დაიმსახურა. ცოტა ხნის წინ მან 2.5 მილიონი დოლარი გაიღო მოახლოებული სეზონის დასაფინანსებლად და მანამდეც მრავალი მილიონი გადაურიცხა თეატრს. დაჯილდოებისას კოუკი გალა-წარმოდგენის ორ მასპინძელს – ატმისფერკაბიან ბლენ ტრამპსა და ზურმუხტისფერში გამოწყობილ კეროლან კენედი შლოსბერგს შორის იდგა. ამ უკანასკნელის დედა, უაკლინ კენედი ონასისი ბალეტის თეატრის ერთ-ერთი მეურვე გახლდათ და უცნაური დამთხვევის წყალობით, სწორედ მას ეკუთვნოდა მეხუთე ავენიუზე მდებარე ბინა, რომელიც კოუკმა 1995 წელს იყიდა, 11 წლის შემდეგ კი 32 მილიონ დოლარად გაყიდა, რადგან მეტისმეტად პატარა მოეჩვენა.

გალა-წარმოდგენამ ნათლად წარმოაჩინა იმ კაცის სოციალური აღმასვლა, ვინც 70 წლის ასაკში

ნიუ-იორკის ერთ-ერთი ყველაზე გამოჩენილი ფილანტროპი გახდა. 2008 წელს მან 100 მილიონი დოლარი გაიღო ლინკოლნის ცენტრში მდებარე ნიუ-იორკის თეატრის შენობის მოდერნიზებისთვის, რომელიც დღეს მის სახელს ატარებს. დევიდ კოუკმა 12 მილიონი გადაურიცხა ამერიკის ბუნების ისტორიის მუზეუმს, სადაც დინოზავრების განყოფილებას მისი სახელი ეწოდა. გაზაფხულზე, როცა ხელოვნების მუზეუმთან მდებარე შედრევენების სავალალო მდგომარეობა შენიშნა, ის, სულ ცოტა, 10 მილიონი დოლარით მაინც შეენია მათი განახლების საქმეს. დევიდი ამ მუზეუმის სამეურვეო საბჭოს წევრი გახლავთ, რაც, სოციალური თვალსაზრისით, ალბათ ყველაზე სასურველ ნოდებას წარმოადგენს მთელ ქალაქში. ამასთანავე, ის სლოუნ-კეტრინგის კიბოს ცენტრის სამეურვეო საბჭოშიც მოღვაწეობს, რომელსაც 40 მილიონ დოლარზე მეტი გადაურიცხა, რის შემდეგაც მუდმივი შემოსავლით უზრუნველყოფილი კვლევითი ცენტრი მისი სახელობის გახდა.

გალა-წარმოდგენას ერთი ღირსშესანიშნავი პირი აშკარად აკლდა: ლონისძიების მესამე საპატიო მასპინძელი მიშელ ობამა. მის ოფისში განაცხადეს, რომ იგი გადატვირთული დღის განრიგის გამო ვერ დაესწრო წარმოდგენას. სცენაზე

პირველ ლედის კოუკის გვერდით თუ ვიხილავდით, ალბათ მეტად უხერხულ სიტუაციას შევესწრებოდით. ვაშინგტონში დევიდ კოუკს ხომ იმ ოჯახის წევრად იცნობენ, რომელიც გამუდმებით აფინანსებს ფედერალური ხელისუფლების, განსაკუთრებით ობამას ადმინისტრაციის წინააღმდეგ მიმართულ ფარულ თავდასხმებს.

74 წლის ძმასთან, ჩარლზთან ერთად, დევიდ კოუკი, ფაქტობრივად, მთელი „კოუკ ინდესტრიზის“ მფლობელია – იმ სამრეწველო კონგლომერატის, რომლის სათავე ოფისიც უიჩიტაში, კანზასის შტატში მდებარეობს, წლიური შემოსავალი კი 100 მილიარდ დოლარს აღწევს. ის თვალმისაცემად გაიზარდა 1967 წლის შემდეგ, რაც ჩარლზისა და დევიდის მამა, ფრედ კოუკი გარდაიცვალა და ძმებმა მართვის სადავეები საკუთარ ხელში აიღეს. მათ ნავთობგადამამუშავებელი ქარხნები აქვთ ალასკაში, ტექსასსა და მინესოტაში, ამასთანავე კოუკების განკარგულებაშია ნავთობსადენის ოთხიათასმილიანი მონაკვეთიც. სხვა მრავალ პროდუქტთან ერთად, „კოუკ ინდესტრიზი“ აწარმოებს „ბრონის“ ქაღალდის ხელსახოცებს, ერთჯერადი მოხმარების ჭიქებს „დიქსი ქაფს“, „ჯორჯია ფესიფიქს“ ქაღალდს, „სთენიმასტერის“ ხალი-



ჩებსა და „ლაიკრას“ პროდუქციას. „ფორბსის“ თანახმად, „კარგილის“ შემდეგ იგი სიდიდით მეორე კერძო კომპანიაა ქვეყანაში, რომლის მუდმივი რენტაბელურობის წყალობითაც დევიდ და ჩარლზ კოუკები – ვინც წლების წინ დანარჩენი ორი ძმისგან შეისყიდეს კომპანიის წილები – უმდიდრეს ამერიკელებს შორის მოხვდნენ. ერთად აღებული მათი ქონება 35 მილიარდ დოლარს აღწევს და მხოლოდ ბილ გეიტსისას და უორენ ბაფეტისას ჩამორჩება.

დიდი ხანია, კოუკები ლიბერტარიანელები არიან და სჯერათ, რომ სიკეთის მომტანია უკიდურესად დაბალი ინდივიდუალური და კორპორატიული გადასახადები, მინიმალური სოციალური მომსახურება სიღარიბის ზღვარს ქვემოთ მყოფებისთვის და ბევრად ნაკლები კონტროლი მრეწველობის სფეროში – განსაკუთრებით, გარემოს დაცვის საკითხებში. ეს შეხედულებები ძმების კორპორატიულ ინტერესებს ბოლომდე თანხვდება. გაზაფხულზე მომზადებულ გამოკვლევაში ამერსტის პოლიტიკური ეკონომიკის კვლევით ინსტიტუტთან მდებარე მასაჩუსეტისის უნივერსიტეტმა „კოუკ ინდესტრიზი“ ამერიკის შეერთებულ შტატებში გარემოს დამბინძურებელ კომპანიათა პირველ ათეულში შეიყვანა. ამავე დროს

KOCH INDUSTRIES SECRETLY FUNDING THE CLIMATE DENIAL MACHINE

\$ 205,000

ისტორია

★ Welcome to the ★
- KOCH SHOW -

touch screen of 16:9-old-skool-TV to turn on



WANTED FOR CLIMATE CRIMES

**Fueling Catastrophic Climate Change
Peddling Fossil Fuel Addiction
Funding Junk Science to Deny Global Warming
Endangering People, the Planet, and Our Future**

Charles Koch & David Koch



CEO

&



VP

Koch Industries

„გრინფისის“ ანგარიშში იგი იმ კომპანიად არის დასახელებული, რომელიც „ნამყვან პოზიციაზე იმყოფება კლიმატოლოგიის, როგორც მეცნიერების, უარყოფელთა შორის“. ამავე ანგარიშში ნაჩვენებია, რომ 2005-დან 2008 წლამდე კოუკებმა ბევრად გაუსწრეს „ექსონმობილს“ იმ ორგანიზაციების დაფინანსებაში, რომლებიც კლიმატის ცვლილებასთან დაკავშირებულ კანონ-პროექტებს ებრძვიან და აგრეთვე ფინანსური უზრუნველყოფა აღუთქვეს ფონდების, კვლევითი ცენტრებისა და მონინავე პოლიტიკური ჯგუფების უზარმაზარ ქსელს. რასაკვირველია, ძმებმა დააფინანსეს ობამას ადმინისტრაციის პოლიტიკის წინააღმდეგ მიმართული მრავალი კამპანიაც, რომელიც, ჯანმრთელობის დაცვის რეფორმით დაწყებული ეკონომიკის წახალისების პროგრამით დამთავრებული, ყველაფერს უპირისპირდებოდა, პოლიტიკურ წრეებში კი მათ იდეოლოგიურ ქსელს „კოუკტოპუსი“ (შდრ. octopus – რვაფეხა) უწოდეს.

„კოუკ ინდესტრიზის“ საპასუხო განცხადებაში ვკითხულობთ: „გრინფისის“ ანგარიში „გარემოს დაცვის საკითხში ჩვენი კომპანიების მონაცემებს ამახინჯებს“. თავად დევიდ კოუკმა, ყურნალ „ნიუ იორკში“ მის შესახებ ახლახან დაბეჭდილ, მეტად



ანტი-სამთავრობო სიზმრებით გამოჩენილი 2010 წლის არჩევნები კოუჩებისთვის პოლიტიკური გამარჯვების ტოლფასია. „ჩაის მსმელის“ პოლიტიკური მოძრაობის აქტივისტების „აღზრდით“, დაფინანსებითა და ორგანიზებით მათ საკუთარ გზებზე და ინტერესებს სახალხო მოძრაობის სახე მისცა.

მაქებარ სტატიაში უკმაყოფილება ვერ დამალა იმ ფაქტის გამო, რომ „რადიკალურმა პრესამ“ მისი ოჯახი „განტყვევის ვაცად“ აქცია და ძალიან გააზვიანა მისი ზეგავლენა ამერიკის პოლიტიკაზე. მიუხედავად ამისა, დამოუკიდებელი სადამკვირვებლო ჯგუფის – „საზოგადოების ერთიანობის ცენტრის“ დამფუძნებელი ჩარლზ ლუისი ამბობს: „კოუჩები სრულიად განსხვავებულ საფეხურზე იმყოფებიან. სხვას არავის დაუხარჯავს ამდენი ფული. სწორედ დახარჯული თანხის რაოდენობა გამოარჩევს მათ სხვებისაგან. ისინი მიჩვეულნი არიან კანონდარღვევებს, პოლიტიკურ მანიპულაციებსა და თვალში ნაცრის შეყრას. უოტერგეიტის სკანდალის შემდეგ ვაშინგტონში მსგავსი არაფერი მინახავს. მათი კომპანია ჩვენი დროის „სტენდერდ ოილია“.

ლინკოლნის ცენტრში გალა-წარმოდგენის გამართვიდან რამდენიმე კვირის თავზე დევიდ კოუჩის მიერ 2004 წელს დაარსებული ორგანიზაციის „ამერიკელები ეკონომიკური აღმავლობისთვის“ ლობისტთა ჯგუფმა სხვა სახის შეხვედრა მოაწყო. ოსტინში მდებარე სასტუმროს გრილ დარბაზში, 3-4 ივლისის შაბათ-კვირას გაიმართა სამიტი, სახელწოდებით „ტექსასი იცავს ამერიკულ


ოცნებას“. მიუხედავად იმისა, რომ კოუჩი ყოველთვის ღიად აცხადებდა საკუთარი სარისკო ფილანტროპიული წამოწყებების შესახებ, ის ამ შეხვედრას არ დასწრებია და არც მისი სახელი გაჟღერებულა. ამ შემთხვევაში დამსწრე საზოგადოება საცეკვაო წარმოდგენამ კი არ ააღელვავა, არამედ იმ გამომსვლელთა სიტყვებმა, რომლებიც ერთმანეთის მიყოლებით ადანაშაულებდნენ პრეზიდენტ ბარაკ ობამას. სამიტის ორგანიზატორმა პეგი ვენიბლმა ისიც კი განაცხადა, რომ პრეზიდენტის ადმინისტრაციას „ქვეყნის განვითარების სოციალისტური ხედვა აქვს“.

შეხვედრას 500 მონაწილე ესწრებოდა. ის, ნაწილობრივ, ტრენინგსაც წარმოადგენდა „ჩაის მსმელების“ პოლიტიკური მოძრაობის ტექსასელი აქტივისტებისთვის. სარეკლამო განცხადება იტყობინებოდა, რომ აღნიშნული ღონისძიება დაკანონებული კორპორატიული ძალაუფლების წინააღმდეგ მიმართული სახალხო ამბოხი იქნებოდა. „დღეს რიგითი ამერიკელების ხმებს ლობისტები და სხვადასხვა ჯგუფის ინტერესები ახშობენ, მაგრამ თქვენ შეგიძლიათ ხმა აიმაღლოთ“, – ეწერა მასში. განცხადებაში ერთი სიტყვაც არ იყო ნათქვამი ამ ყველაფრის დამფინანსებელ კორპორაციებზე. თეთრმა

სახლმა უკმაყოფილება ვერ დამალა იმის გამო, რომ ღონისძიების სპონსორებმა ყოველმხრივ აარიდეს თავი საზოგადოების წინაშე გამოჩენას. ობამას უფროსმა მრჩეველმა დევიდ აქსელროდმა განაცხადა: „ისინი არ ამბობენ, რომ ეს, დიდწილად, იმ უბრალო მოქალაქეების მოძრაობაა, რომლებიც მილიარდერი ნავთობმაგნატების ჯგუფმა მოაყენათ კარზე“.

2009 წლის აპრილში კომპანიის წარმომადგენელმა მელისა კოულმა იამ უარყო კოუჩების პირდაპირი კავშირი „ჩაის მსმელების“ პოლიტიკურ მოძრაობასთან. მისი სიტყვებით, „ამერიკელები ეკონომიკური აღმავლობისთვის“ დამოუკიდებელი ორგანიზაციაა და კოუჩის კომპანიები ზეგავლენას არ ახდენენ მის საქმიანობაზე“. მოგვიანებით, მან ასეთი რამ განაცხადა: „ჩაის მსმელების“ პოლიტიკური მოძრაობისთვის ფინანსური მხარდაჭერა არასდროს აღმოუჩენიათ კოუჩის კომპანიებს, კოუჩის ფონდებსა თუ თავად ჩარლზ და დევიდ კოუჩებს“. დევიდ კოუჩმა კი ჟურნალ „ნიუ იორკს“ განუცხადა: „არასდროს ვყოფილვარ „ჩაის მსმელების“ მოძრაობის ღონისძიებაზე. ამ მოძრაობის არცერთი წარმომადგენელი თვალთაც არ მინახავს“.

>>> ბაზრძილება გვ. 95



ომის ქრონიკა

ფოტო: ლევან ხერხეულიძე

წინამდებარე ინტერვიუ ჩაწერილია წამების მსხვერპლთა ფსიქოსოციალური და სამედიცინო რეაბილიტაციის ცენტრის – GCRT მიერ. ეს არის ერთ-ერთი ზეპირი ისტორია წიგნიდან „მე მქვია...“. წიგნი ასახულია სხვადასხვა ვითარებაში წამების ადამიანების ამბები – დაბადებიდან დღემდე. მკითხველს წარმოდგენა ექმნება არა მარტო მათ ტკივილსა და მწუხარებაზე, არამედ იმ სიძლიერესა და სიმტკიცეზე, რომლითაც ამ ადამიანებმა შეძლეს თავიანთ მძიმე ხვედრთან გამკლავება.

აფხაზეთიდან დევნილი მამაკაცი, რომლის ამბავსაც თქვენ ახლა წაიკითხავთ, წლების მანძილზე ჩვენი ცენტრის კლიენტი და მეგობარია.

ჩვენს გარშემო სავარაუდოდ მრავალი ამგვარი ისტორიის მქონე ადამიანი ცხოვრობს, თუმცა მათ შესახებ საზოგადოებამ ბევრი არაფერი იცის. სწორედ მსგავსი ისტორიები ასახავენ ომის ყველაზე რეალისტურ სურათს – მის ტრაგიზმს, დრამატიზმს, სისასტიკეს და არაერთგვაროვნებას. იმედი გვაქვს რომ ეს ამბავი მკითხველს ბევრ რამეზე დააფიქრებს.

GCRT

ჯერ ჩვენი სოფლის გუნდში ვთამაშობდი, მერე – რაიონის ნაკრებში. თასიც კი მიმიღია, მაგრამ ხელშეწყობა არ მქონდა იმდენი, რომ სკოლისთვის დამენებებინა თავი. ბოლოს, სკოლაც დავამთავრე. შეიძლება ითქვას, რომ საშუალო სკოლა საშუალოზე დავამთავრე. საბჭოთა ორწლიან ჯარშიც ვიმსახურე. სასწავლებელში უკრაინაში ჩავაბარე. სწავლის დასრულების შემდეგ კი საქართველოში დავბრუნდი და ორი წელი არსად მიმუშავია. მერე კი ქიმიურ ქარხანაში დავინწყე მუშაობა. სად აღარ მიმუშავია – საზღვაო სანაოსნოში თუ ავტოსერვისში. ერთი სიტყვით, ჩვეულებრივი ცხოვრებით ვცხოვრობდი და მოვიდა 92 წელიც და დაიწყო ის უბედურებები, ყველას რაც დაემართა და რამაც დამართა ეს სტრესი, რასაც ახლა განვიცდი.

ომი რომ დაიწყო, მე უკვე ცხრა წლის დაოჯახებული ვიყავი. ოჯახი გარეგნით არ შემოქმნია – უფრო სიყვარულით. ნუ, მთლად სიყვარული შეიძლება, არ ეთქმოდა, უკვე ასაკში ვიყავით და აღარ ვუყურებდით ამას. მე ჩემს მეუღლეზე 9 წლით უფროსი ვიყავი. მეუღლე ექიმი იყო, უკვე მერე, ომის დროს ჩვენს ჯარისკაცებს ემსახურებოდა. ახლა ჩემსავით დაკარგა სამსახური და მთელ ყურადღებას ოჯახს უთმობს.

იცით რა, ამ ომის ამბების გახსენება, რაღაცნაირად, აი, როგორ გითხრათ, იმას მაძლევს... თითქოს მემუშება რაღაც. კიდევ რაღაც აჩემებასავითაა, თან მიძიმს ამის მოყოლა. ომი რომ დაიწყო, მე სოხუმში ვიყავი ჩემს ბინაში, ბავშვები მყავდა სოფელში გაგზავნილი. მაშინვე იმათთან წავედი. ჯერ შემოვიდა ჩვენი მხედრონი. დადგა „ტურბაზაში“ და იმის იქით არ გვიშვებდნენ. მე კინაღამ მანქანა წამართვეს. უფრო სწორად, წამართვეს და ნაცნობობით, რაღაცით დავიბრუნე უკან. ერთი დღის მერე გაგვიშვეს და ვნახე ცოლ-შვილი. ნორმალურად იყო ყველაფერი და ვიფიქრე სოხუმში ყოფნას, ისევ აქ იყვნენ-მეთქი. უკან სოხუმისკენ გამოვბრუნდი. სოხუმში ახლა უკვე აფხაზებმა აღარ

შემიშვეს, მაგრამ როგორც ესეთი შეურაცხყოფა არ მოუყენებიათ, „არ შეიძლებაო“, – მითხრეს, დავბრუნდი და ისევ მხედრონელებმა მომინდომეს მანქანის წართმევა. მაგრამ იქ რაღაც ამბავი მოხდა ისეთი, რომ მაგათ უფროსობამდე მივიდა ეგ ამბავი და საბოლოოდ ჩემთვის დადებითად გადაწყდა.

სოხუმში რომ ვერ შევედი, სოფელში დავრჩი და ამის მეორე დღიდან მეც ჩავები ამ ომში. ჩავერთე იმით, რომ დავრჩი სოფელში და ამ ჩვენს სოფელს ვიცავდი, შემდეგ კი ოფიციალურად ჩავირიცხე სოხუმის დივიზიონში. გამამწესეს – ერთი ადგილი იყო – სხორჩა ერქვა და ამ ადგილის დასაცავად 34 კაცი გაგვამწესეს. სხორჩაზე იყო ჩვენი პოზიცია, რომელზეც მორიგეობით ვიდექით. ამ პოზიციაზე თითქმის ერთი წელიწადი გავატარე, მაგრამ მოსვენება აღარ მქონდა, ცოლ-შვილი ძლივს გამოვუშვი თბილისში იმიტომ, რომ ტრანსპორტი ჭირდა. ომის ბოლოსკენ წავიდა სამშვიდობო მოლაპარაკებები და ჩამოგვერთვა იარაღი. ჩვენ იარაღი ჩამოგვართვეს და დავაბრუნეს სახლებში. მართალია, იარაღის ნაწილი არ ჩავგიბარებია და სოფლებში გადავმალეთ, დივიზიონშიც გადაიმალა გარკვეული ნაწილი. ბოლომდე არ ჩავაბარეთ, ესე იგი. დაბრუნდა ჩემი მეუღლე თბილისიდან და ბავშვები ჩამომიყვანა. რად მინდოდა მე იმათი ჩამოსვლა?!

უკან მაინც აღარ ვავაბრუნე. სამშვიდობო მოლაპარაკების შემდეგ დადგინდა, რომ სკოლებში სწავლა უნდა გაგრძელებულიყო და მეც ჩემი ოჯახით სოხუმში ჩვენს ბინაში ვაპირებდი დაბრუნებას. 16 სექტემბერს მოულოდნელად შემოგვიტიეს. ჩვენს სოფელს აფხაზი და რუსი მებრძოლები უტევდნენ. სოფელი ამ დროს გავესებული იყო დაბრუნებული ოჯახების ბავშვებით. 17-ში ღამე 5 კაცი გაგვიშვეს დამხმარე ჯარის მოსაყვანად. უნდა გაგვერღვია ალყა და შემოგვეყვანა. ორი კილომეტრი ვიარეთ სიბნელეში და აფხაზურ ქვედანაყოფს გადავანყვით და ჩვენს შორის გაიმართა ბრძოლა. ჩვენები-

იძულებით აღბილნასვალი მამაკაცი აფხაზეთიდან

მე დავიბადე ოჩამჩირის რაიონის სოფელ N-ში. ბავშვობა მქონდა, რასაც ქვია, ჩვეულებრივი. დედა გერმანულის მასწავლებელი მყავდა. მამაჩემი ციხიდან რომ გამოვიდა, მერე უკეთესი ცხოვრება წავიდა – არ მაკლდა არაფერი. ორი ძმა და ერთი და მყავდა, მაგრამ ერთი ძმა ჯერ კიდევ ომამდე დამეღუპა. დავრჩით ორი ძმა და ერთი და... სკოლაში ჩემს სოფელში ვსწავლობდი. 11 კლასი იქ დავამთავრე. სხვათა შორის, მეექვსე კლასამდე წარჩინებით ვსწავლობდი. მერე რაღაც ავადმყოფობა შემეყარა ისეთი, რომ თითქმის ერთი წელი, არ მივლია სკოლაში. მეშვიდე კლასიდან უკვე უფრო დაბალ ნიშნებს ვიღებდი, თანაც სპორტს მივყავი უკვე ხელი – ფეხბურთს.





„ბოლოს დადაჯები მოვიდა, ოღონდ სახე ჰქონდა რატაცხანიკი – აკაადამიანური.
 „ჩინვამო!“ – ჩემ დაზე თქვა, – „აფხაზეზამ ჩანვებს ჩვენს სახლშიო.“ ბიჭვიით იყო. დამშვიდებუა დავუწყუა, მამრამ რობორ ბინდა, რომ დაამშვიდო?
 7 დღე-ღამე ვიჯეჟიით ამ ეკლავში, ბავშვებს არს წყალი დაუღვევიათ, ვეღარს თვალებს ახელდნენ. ტუჩები ჰქონდათ სულ დახეთქილი. უჭირდათ ძალიან. მუშვიდღე დღეს გადავწყვიტა, რომ აღარ შემიძლო მამათი ესე ყურება და წყალი უნდა მომეტანა.“



დან დავიჭერი მარტო მე – მკლავში. მე მანამდეც უკვე ვიყავი დაჭრილი ნამსხვრევებით უკანა მხარეში. ესე იგი, ორჯერ ვარ დაჭრილი. მაგრამ ადრე მსუბუქად დავიჭერი. ეს ჭრილობა კი სერიოზული იყო. ალყის გარღვევა ვერ შევძელით და უკან მოვბრუნდით. მე წამომიყვანეს. სოფელში ჭრილობა გადამიხვიეს. ბრძოლა გაგრძელდა.

23 სექტემბერს სოფლის დაბომბვა გაძლიერდა. შემეშინდა, ჭურვი ბავშვებს არ მოხვედროდათ და სოფლის რუხე გადავმალე. თავიდან მეგონა, ქართული დამხმარე ჯარი ბომბავდა აფხაზურ პოზიციებს, ასეთი ცნობაც გვექონდა, რომ ქართველები მალე წრეს გაარღვევდნენ, მაგრამ აღმოჩნდა, რომ ეს კოდუას შენაერთი იყო, რომელთან ერთად იყვნენ კაზაკები. ჰქონდათ უამრავი იარაღი, ჰქონდათ ტანკებიც და აიღეს სოფელი. მე და ჩემი მეუღლე რომ სახლიდან გამოვედით, უკვე მთელი სოფელი არეული იყო. ისმოდა კივილი, წივილი, ბავშვების ტირილი. ჩემი შვილები თავშესაფრიდან გამოვიყვანე და ერთ მიტოვებულ, ეკალბარდით დაფარულ ეზოში დავმალე. იქ გადავწყვიტე დამალვა.

წინა დღეების განმავლობაში დაბომბვების და სროლების გამო სახლს ვერ ვტოვებდი და გადასახვევადაც ვეღარ მივდიოდი, ამიტომ მკლავი უკვე კარგა მაგრა მქონდა გასიებული და ძალიან მტკიოდა. მერე ინფექციაც შემეჭრა რამდენჯერმე.

ვიპოვეთ ის მიტოვებული ეზო, რომლიც აღარავის ახსოვდა. მე ეკალბარდში თავშესაფარი გამოვჭერი და იქ დავიმალეთ. აქ ჩვენი პოვნა თითქმის შეუძლებელი იყო. ჩვენს ოჯახთან ერთად ეკლებს მეზობლებიც აფარებდნენ თავს. ერთი დღე და ღამე ამ ეკლებში ვიჯექით და მერე დედაჩემმა და ჩემმა დამ აიჩემეს, ჩვენი სახლი უნდა ვნახოთო. ვერაფრით გადავათქმევინე. მე მათ ვერ გავყვები, რადგან ჩემი ცოლ-შვილის მიტოვება არ მინდოდა. ამას გარდა, ჩემთან იყო ჩემი ორი ძმისშვილი 6 და 7 წლისები. ნავიდნენ დედაჩემი

და ჩემი და, მეზობლებიც იმათ გაჰყვნენ. დრო გავიდა, სამი საათი მაინც გავიდა. სოფელში დადიოდნენ აფხაზები და იმათი ტანკები, იმათ მე ვხედავდი იქიდან. გავიდა სამი საათი და ბოლოს დედაჩემი მოვიდა, ოღონდ სახე ჰქონდა რალაცნაირი – არაადამიანური. „ჩაინვაო!“ – ჩემ დაზე თქვა, – „აფხაზებმა ჩანვეს ჩვენს სახლშიო.“ გიჟივით იყო. დამშვიდება დავუნყე, მაგრამ როგორ გინდა რომ დაამშვიდო? მე იმან მიშველა, რომ ყურადღება ბავშვებზე მქონდა გადატანილი. 7 დღე-ღამე ვიჯექით ამ ეკლებში, ბავშვებს არც წყალი დაუღვიათ, ვეღარც თვალებს ახელდნენ. ტურები ჰქონდათ სულ დახეთქილი. უჭირდათ ძალიან. მეშვიდე დღეს გადავწყვიტე, რო აღარ შემეძლო მაგათი ესე ყურება და წყალი უნდა მომეტანა. ვიცოდი სადაც იყო და ღამე გავედი. მეზობლების ბოსტნებიც ვიცოდი. ბადრიჯანი და მწვანილი დავკრიფე, კიდეც რალაცეები, წყალიც ვიშოვე და დავბრუნდი. ბავშვებმა წყალი დალიეს, უმად ჭამეს ბოსტნეული და მოიხედეს ცოტა თვალბში... ისეთი გადაღლილები იყვნენ, თან ეკალ-ბარდში ნაყარები, თან მშივრები და რომ ჭამეს, ძილი მოუნდათ და იქვე ახლოს რალაც საქათმე ვიპოვე, დავასუფთავე და იქ გადავიყვანე ოჯახი. ჯერ ჩემი ძმისშვილები შევუშვი, მერე დედაჩემი შევიდა და ჩემი ცოლ-შვილიც. ჩემი ადგილი აღარ იყო და კარებთან დავჯექი. იმ ღამეს მოვიდა საშინელი წვიმა. სულ დავსველდით. დილით გავშრით. დედაჩემი სულ ჩემს დაზე ლაპარაკობდა, კი არ კიოდა, აი, როგორც არანორმალური, გიჟი, გადარეული, ფსიქიურად დაავადებული ადამიანი, ისე ლაპარაკობდა.

სადაც დილის 11 საათი იქნებოდა, როცა დაბომბვა დაიწყეს. სადაც ვიჯექით იქ ცვიოდა ეს ყუმბარები.

აი, როგორ გითხრათ, ყუმბარები ეცემოდა შახმატურად – ამ სიტყვის სრული მნიშვნელობით. ადგილი არ დარჩენილა დაუბომბავი. ერთმანეთისგან 5-10 სანტიმეტრის დაშორებით ვარდებოდა ყუმბარები. ერთი მოხვდა ჩვენს სამყოფელს. მე

ხომ გარეთ ვიჯექი. მოვიხედე და კვამლის მეტი ვერაფერი დავინახე. ისმოდა კივილი. დედაჩემის ხმა გავარჩიე. დაბალ ხმაზე კენესოდა. წუხილი უფრო იყო ეს, ვიდრე კივილი.

ჩემები უცებ გამოვიდნენ. ჩემები ჩანდნენ. მეუღლე და ჩემი ბავშვები ხომ სხვებზე წინ იწვნენ. სხვები არ ჩანდნენ – არც დედაჩემი და არც ჩემი ძმისშვილები. შევევარდი შიგნით და დავინახე დედაჩემი, რომელსაც წაგლეჯილი ჰქონდა მარჯვენა ხელი და ფეხი, მაგრამ ჯერ კიდევ ცოცხალი იყო. ჩემი უფროსი ძმისშვილი სისხლში ცურავდა. უმცროსიც დაჭრილი იყო. ავიყვანე ხელში ეს უმცროსი ბავშვი, ძვლები ჩავუსვი, მოვკეცე და დავანვინე იქ. შემდგომ დედაჩემი ძლივს გამოვათრიე, ვეღარ ავნიე და ძლივს გამოვათრიე...

შემდეგ ეს საწყალი ბავშვი გამოვიყვანე. მერე დავინახე, რომ პირველი რომ გამოვიყვანე, იმას ქათმები ეხვეოდნენ, მივედი, ავიყვანე ხელში... ერთი სიტყვა თქვა და მერე დალია სული უცბად. ვიცოდი, რომ უკვე გარდაიცვალა. მერე დავასვენე ისევ იმ ადგილას და მივედი დედაჩემთან... ვხედავ, რომ სული უდგას, მაგრამ დიდი ხნის სიცოცხლე არ უნერია... აქეთ ეს დაჭრილი ბავშვი ტირის. დედაჩემს ხალათიდან ქამარი მოვხსენი და მინდა, რომ ადგილი მოვძებნო, სად გადავუჭირო, მარა ვეღარ ვნახე ადგილი რა... ყველაფერი წაგლეჯილი ქონდა... დედას ვეუბნებოდი: „გამაგრდი!“ „მიშველე!“ – მეუბნებოდა.

ცოცხალი იყო ჯერ. უფროს ძმისშვილს სისხლი სდიოდა – ხელში და ფეხში იყო ყუმბარის ნამსხვრევებით დაჭრილი. ვეუბნები: „გამაგრდი, აქ დარჩი, მე წავალ, ექიმს მოგიყვან, რომ მოგარჩინოს“-მეთქი, წარმოიდგინეთ, ბავშვი ტკივილისგან გიჟდებოდა უკვე... საშინელება ტრიალებდა, დაბომბვა ისევ გრძელდებოდა.

შემდეგ ავიყვანე ხელში უმცროსი ბავშვი, რომელიც მოკვდა და იქვე მეორე უფრო პატარა საქათმე იყო, იმაში შევიტანე.



„შემდეგ ეს საწყალი გავშვი გამოვიყვანე. მერე დავინახე, რომ პირველი რომ გამოვიყვანე, იმას ქათმები ეხვეოდნენ, მივადი, ავიყვანე ხელში... ერთი სიტყვა თქვა და მერე დალია სული უსხად. ვიცი, რომ უკვე გარდაიცვალა. მერე დავასვენე ისევ იმ ადგილას და მივადი დედაჩემთან... ვხედავ, რომ სული უღბას, მებრამ დიდი ხნის სიცოცხლე არ უნერია... აქეთ ეს დაჭრილი გავშვი ტირის... დედას ვეუბნებოდი: „გამაბრდი!“ „მიშველა!“ – მეუბნებოდა. ცოცხალი იყო ჯერ.“





1968 **წლის** აგვისტო

ავტორი: ლევან ბარძენიშვილი

Можешь выйти на площадь,
смеешь выйти на площадь
в тот назначенный час?!
А. Галич

მეოცე საუკუნის სამოციან წლებში საბჭოთა კავშირი უძღვევლი ქვეყანა იყო, რომელსაც აღარაფერი ემუქრებოდა. იმ დროისათვის ნახევარსაუკუნოვანმა საბჭოთა იმპერიამ ათეულობით მილიონი მოქალაქე განირა და „წარმატებით“ გადაიტანა ყოველდღიური და ისტორიაში მანამდე არნახული მასშტაბის წითელი ტერორი, მსოფლიოში პირველი საკონცენტრაციო ბანაკები, გულაგის სისტემა, მეორე მსოფლიო ომი საშინელი და ხშირად სრულიად გაუმართლებელი მსხვერპლით, სტალინის სიკვდილით გამოწვეული შოკი და ხრუშჩოვის ტრაგიკომიკური მმართველობით აღძრული ილუზიებიც, ე.წ. „ოტტებელის“ პერიოდი და ამ ილუზიების მსხვერვატც. დაახ. სამოციან წლებში საბჭოთა კავშირს უკვე არაფერი ემუქრებოდა, სინამდვილეში, მისთვის არც დასავლეთი წარმოდგენდა საფრთხეს თავისი ცივი ომით, „ამერიკის ხმით“, „ბიბისით“, „დოიჩე ველეით“ თუ „რადიო თავისუფლებით და თავისუფალი ევროპით“ და არც აღმოსავლეთი ჩინეთის სამხედრო პოტენციალის, ორთოდოქსული კომუნისტური პარტიისა და მისი თავმჯდომარე მათ ძედუნის სახით.

მთელმა მსოფლიომ დაინახა, რომ საბჭოთა კავშირი, პრაქტიკულად, უკვდავი იყო და ყველაზე დიდმა კომუნისტურმა ქვეყანამაც ირწმუნა თავისი ისტორიული უძღვევლობის ამბავი. სწორედ თავის თავში ღრმად დარწმუნებულმა საბჭოთა კავშირმა მაშინვე აჩვენა მსოფლიოს, თუ რა შეუძლია უსასრულო, უკამათო და ჩრდილომუყენებელ ძალაუფლებას.

1968 წლის 20-21 აგვისტოს ღამით საბჭოთა კავშირი თავის „მოკავშირეებთან“, გერმანიის დემოკრატიულ რესპუბლიკასთან, პოლონეთთან, უნგრეთთან და ბულგარეთთან ერთად რეფორმების მოსურნე ჩეხოსლოვაკიაში „ომის გამოუცხადებლად“ 300 000 ჯარისკაცით და 7 000 ტანკით შეიჭრა (ვარშავის ხელშეკრულების მონაწილე კიდევ ერთმა ქვეყანამ, რუმინეთმა მოძმე ჩეხოსლოვაკიის ოკუპაციაზე უარი განაცხადა, ხოლო ალბანეთი ამ მისთვის მიუღებელი

აქციის შემდეგ საერთოდ გავიდა ვარშავის ხელშეკრულებიდან). ოკუპანტების მიზანი ასე ჩამოაყალიბა საბჭოთა ოფიციაზმა, სსრკ კომუნისტური პარტიის ცენტრალური კომიტეტის ორგანომ, გაზეთმა „პრავდამ“: ვარშავის ხელშეკრულების ქვეყნებს „არ შეეძლოთ აბსტრაქტულად გაგებული სუვერენიტეტის სახელით უმოქმედოდ დარჩენილიყვნენ, როდესაც ხედავდნენ, რომ ჩეხოსლოვაკია ანტისოციალისტურ გადაგვარებას ექვემდებარებოდა.“

ასე დაზამთრეს საბჭოთა კავშირმა და მისმა ერთგულმა მოკავშირეებმა სახელგანთქმული „პრალის გაზაფხული“, რომელსაც კომუნისტური ბლოკის მთელი ნორმალური მოსახლეობა და მთელი დემოკრატიული მსოფლიო იმედის თვალთ შეჰყურებდა.

საბჭოთა ოკუპაცია, ოპერაცია „დუნაი“ იყო რუსულ-საბჭოთა სამხედრო ჩექმის უხეში პასუხი ჩეხოსლოვაკიაში მიმდინარე რეფორმებზე, რომელთა საბოლოო მიზანიც იყო ე.წ. „სოციალიზმი ადამიანური სახით“.

ყველაფერი დაიწყო 1968 წლის 5 იანვარს ჩეხოსლოვაკიის კომუნისტური პარტიის ხელმძღვანელობაში სლოვაკი ალექსანდრ დუბჩეკის მოსვლით. დუბჩეკი და მისი თანამოაზრეები (ო. შიკი, ი. პელიკანი, ზ. მლინარჩი და სხვ.) ქვეყნისა და საზოგადოების პოლიტიკური და კულტურული ლიბერალიზაციის მიზნით, თანმიმდევრული და გააზრებული რეფორმებით ცდილობდნენ შეექმნათ ახალი სოციალური სისტემა, ე.წ. „სოციალიზმი ადამიანური სახით“. ისინი მოქმედებდნენ ფრთხილად, მთლიანად არ უარყოფდნენ წინა პოლიტიკურ ხაზს, როგორც ეს ხდებოდა უნგრეთში 1956 წელს, მაგრამ საბჭოთა კავშირისა და რიგი სოციალისტური ქვეყნების (გერმანიის დემოკრატიული რესპუბლიკა, პოლონეთი, უნგრეთი, ბულგარეთი) ხელმძღვანელები ამ რეფორმებში ხედავდნენ საბჭოთა და აღმოსავლეთ ევროპის ქვეყნების პარტიულ-ადმინისტრაციული სისტემისთვის საფრთხეს, ასევე „საბჭოთა ბლოკის“ მთლიანობისა და უსაფრთხოების საფრთხეს.

რეფორმების დროს არსებითად დასუსტდა ცენზურა, ქვეყანაში გაიმართა საყოველთაო დისკუსიები, დაიწყო მრავალპარტიული სისტემის ჩამოყალიბება. გამოცხადდა, რომ არსებობს მისწრაფება სიტყვის, შეკრებისა და გადაადგილების სრული თავისუფლების მისაღწევად, უშიშროების ორგანოების საქმიანობაზე მკაცრი კონტროლის დასაწესებლად, კერძო საწარმოების ორგანიზაციის გასამარტივებლად და წარმოებაზე სახელმწიფო კონტროლის შესამცირებლად. გარდა ამისა, დაიგეგმა სახელმწიფოს ფედერალიზაცია და ჩეხოსლოვაკიის სუბიექტებისთვის ჩეხეთისა და სლოვაკეთისთვის მეტი უფლებამოსილების გადაცემა.

ლიბერალიზაციასთან ერთად ჩეხოსლოვაკიურ საზოგადოებაში ძლიერდებოდა ანტისაბჭოთა განწყობები. როდესაც 1968 წლის 15 თებერვალს საფრანგეთის ქალაქ გრენობლის ზამთრის ოლიმპიადაზე ჩეხოსლოვაკიის ჰოკეის გუნდმა საბჭოთა ნაკრები ანგარიშით 5:4 ბრწყინვალე სტილით დაამარცხა, მიუხედავად იმისა, რომ ოლიმპიური ჩემპიონი სსრკ კავშირი გახდა, ცენტრალური ევროპის პატარა რესპუბლიკაში ბევრი ადამიანისთვის ამ თითქოსდა მხოლოდ სპორტულმა მოვლენამ ჭეშმარიტი ეროვნული დღესასწაულის სახე შეიძინა, ხოლო ჩენი და სლოვაკი ჰოკეისტები, განსაკუთრებით, ვარსკვლავები – გოლკიპერი ძურილა, მცველი სუხი, თავდამსხმელები ნედომანსკი და შევჩიკი პრალას ნამდვილი ეროვნული გმირების სტატუსით დაუბრუნდნენ.

მმართველი პოლიტიკური პარტიის რეტროგრადული და პრომოსკოვური ნაწილი – განსაკუთრებით კომუნისტური პარტიის ისტებლიშმენტის უმაღლესი ეშელონი გამოდიოდა საზოგადოებაზე პარტიული კონტროლის შესუსტების წინააღმდეგ და ამიტომ მიმართავდა საბჭოთა ხელმძღვანელობას ჩეხი და სლოვაკი რეფორმატორების ხელისუფლებიდან ჩამოსაშორებლად. სსრკ მმართველი წრეების მოსაზრებით, ჩეხოსლოვაკია ვარშავის ხელშეკრულების ორგანიზაციის თავდაცვითი ხაზის ცენტრში



იმყოფებოდა და მისი გასვლა ამ ორგანიზაციიდან დაუშვებელი იყო ცივი ომის დროს. სოციალისტური ბლოკის ქვეყნებში შეზღუდული სახელმწიფო სუვერენიტეტის პოლიტიკამ, რომლის მიხედვითაც სამხედრო ძალის გამოყენება არ გამოირიცხებოდა, დასავლეთში მიიღო „ბრეჟნევის დოქტრინის“ სახელი. სამართლიანობა მოითხოვს აღინიშნოს, რომ სსრკ კომპარტიის გენერალური მდივნის სახელი ამ დოქტრინას შეცდომით მიენიჭა, ვინაიდან იგი სტალინის დოქტრინისგან არაფრით განსხვავდებოდა. შემდგომში, 80-იანი წლებიდან მიხაილ გორბაჩოვის დროს ეს დოქტრინა შეიცვალა სხვა მიდგომით, რომელსაც დასავლელმა ჟურნალისტებმა ხუმრობით „სინატრას დოქტრინა“ უწოდეს (იგულისხმებოდა ფრენკ სინატრას ცნობილი სიმღერა *My Way*, „ჩემი გზა“).

1968 წლის 23 მარტს მსოფლიო კომუნისტურ პარტიათა გაერთიანებულ ყრილობაზე დრეზდენში გაისმა ჩეხოსლოვაკიური რეფორმების კრიტიკა, 4 მაისს ბრეჟნემა მიიღო დელეგაცია დუბჩეკის მეთაურობით მოსკოვში და ამ შეხვედრაზე მკვეთრად გააკრიტიკა ჩხსრ მდგომარეობა, 15 ივლისს კომუნისტური პარტიის ხელმძღვანელებმა გაუგზავნეს ლიანერილი ჩეხოსლოვაკიის კომუნისტური პარტიის ცენტრალურ კომი-

ტეტს, 29 ივლისს დუბჩეკი ჩერნოინად-ტისოუში ისევ შეხვდა ბრეჟნეს, 17 აგვისტოს კომარნოში დუბჩეკი შეხვდა უნგრეთის ხელმძღვანელს, იანოშ კადარს, რომელმაც მიუთითა კოლეგას, რომ სიტუაცია კრიტიკული ხდებოდა. მიუხედავად მრავალგზისი გაფრთხილებისა და აშკარა მუქარისა, ჩეხოსლოვაკიაც და მისი საზოგადოებაც გამირულად აგრძელებდნენ თავის სვლას ნამდვილი დემოკრატიისა და თავისუფლებისაკენ.

ჯარების შეყვანის წინა დღეს სსრკ მარშალმა გრეჩკომ ინფორმაცია მიანოდა ჩხსრ თავდაცვის მინისტრ მარტინ ძურას მოსალოდნელი აქციის შესახებ და გააფრთხილა, ჩეხოსლოვაკიის შეიარაღებულ ძალებს არ გაენიათ წინააღმდეგობა.

პოლონეთიდან შეყვანილი იქნა საბჭოთა-პოლონური ჯარების კონტინგენტი იაბლონეცის, ოსტრავის, ოლომოუცისა და ჯილინის მიმართულებით.

გდრ-იდან შეყვანილი იქნა ჯარების საბჭოთა-გერმანული კონტინგენტი პრალის, ხომუტოვის, პლზენისა და კარლოვი ვარის მიმართულებით.

უნგრეთიდან შევიდა საბჭოთა-უნგრულ-ბულგარული დაჯგუფება ბრატისლავის, ტრენჩინის, ბანსკა ბისტრიცის მიმართულებით.

სამართლიანობა მოითხოვს აღინიშ-

ნოს, რომ გერმანელები, უნგრელები და პოლონელები მხოლოდ სიმბოლურად იყვნენ წარმოდგენილი: ოკუპანტების ძირითად მასას, ბუნებრივია, საბჭოთა სამხედროები შეადგენდნენ.

ჩეხოსლოვაკიის არმიას წინააღმდეგობა არ გაუწევია. შეჭრა მოხდა ჩეხოსლოვაკიის კომუნისტური პარტიის ყრილობის წინააღმდეგ; ყრილობაზე მოსალოდნელი იყო რეფორმების საბოლოო მხარდაჭერა. ფორმალურად ეს ლონისძიება მაინც ჩატარდა ერთ-ერთ ადგილობრივ ქარხანაში და მან მართლაც დაუჭირა მხარი რეფორმებს, მაგრამ ამას უკვე არანაირი მნიშვნელობა არ ჰქონდა. ჩეხოსლოვაკიის დამოუკიდებელი რესპუბლიკა დაპყრობილი იყო და ქვეყნის სუვერენიტეტი ფეხქვეშ გათელილი.

მსოფლიო პროტესტს გამოხატავდა, მაგრამ არც ამას ჰქონდა არავითარი მნიშვნელობა. ამასთანავე, პროტესტს მხოლოდ დემოკრატიული ქვეყნების მოსახლეობა გამოხატავდა: შეერთებული შტატებისა და დასავლეთ ევროპის ქვეყნების მთავრობებს რაიმე სერიოზული პროტესტისთვის არ მიუმართავთ: საბჭოთა კავშირს მშვენივრად ესმოდა, რას აკეთებდა და მისმა იმდროინდელმა ერთ-პიროვნულმა ხელმძღვანელმა, სსრკ კომპარტიის გენერალურმა მდივანმა ლეონიდ ილიას ძე ბრეჟნემა შესა-



1968 წლის აგვისტო

პირველად საბჭოთა კავშირი მოკვდა 42 წლის წინ, 1968 წლის 25 აგვისტოს. და ამ დღის შემდეგ იგი ყოველდღე კვდება. უფრო სწორად, იგი უკვე მკვდარი იყო, მაგრამ ადამიანთა პირველმა ჯგუფმა ეს ინფორმაცია 25 აგვისტოს მიიღო, დანარჩენებისთვის კი ეს პროცესი წლების განმავლობაში გაიწვია.

ნიშნავად იცოდა, რომ მისი აღვირახსნილი სამხედრო მოქმედება ევროპის ცენტრში შეუმჩნეველი არაა, მაგრამ დაუსჯელი კი დარჩებოდა.

საბჭოთა შეჭრამ ჩეხოსლოვაკიაში გამოიწვია არნახული მასშტაბის საემიგრაციო ტალღა, ცენტრალური ევროპის მარგალიტად ცნობილი ამ პატარა ქვეყნიდან უკანმოუხედავად გაიქცა 300 000 ადამიანი. დაიღუპა ჩეხოსლოვაკიის 72 მოქალაქე, ასობით ადამიანი დაიჭრა. ერთი წლის შემდეგ, 1969 წელს პრატაში სტუდენტებმა იან პალახმა და იან ზაიციმა ერთი თვის ინტერვალით თავი დაიხვეს საბჭოთა ოკუპაციისადმი პროტესტის ნიშნად.

საბჭოთა კავშირს არაფერი ადარდებდა: მან თავისი ძალის დემონსტრირება მოახდინა, ნათელი იყო, რომ კომუნიზმის დემონტაჟის კი არა, კომუნიზმის იმიჯის ოდნავი გაუმჯობესების მოკრძალებული მცდელობასაც კი ტანკებით დაუნდობლად გასრესდა ყველგან, სახლშიც და გარეთაც, თუნდაც შუა ევროპაში.

და მაინც, ლენინდ ბრეჟნევმა ოპერაცია „დუნაის“ დაწყებას რომ ხელი მოაწერა, თავისდა უნებურად კომუნისტური ბლოკისა და საბჭოთა კავშირის მომავალ გარდაუვალ აღსასრულსაც მოაწერა ხელი.

ოფიციალურად საბჭოთა კავშირი 1991 წლის 26 დეკემბერს გარდაიცვალა,

მაგრამ სინამდვილეში 1968 წლის აგვისტოს შემდეგ ეს ქვეყანა ცოცხალი ლეში იყო 23 წლის განმავლობაში. 1968 წლის შემდეგ უკვე აღარავის ჰქონდა ფუფუნება, გულწრფელად გაეზიარებინა კომუნისტური იდეალები, ჩეხოსლოვაკიის ამბებმა ამ ილუზიებს ბოლო მოუღო.

პირველად საბჭოთა კავშირი მოკვდა 42 წლის წინ, 1968 წლის 25 აგვისტოს. და ამ დღის შემდეგ იგი ყოველდღე კვდება. უფრო სწორად, იგი უკვე მკვდარი იყო, მაგრამ ადამიანთა პირველმა ჯგუფმა ეს ინფორმაცია 25 აგვისტოს მიიღო, დანარჩენებისთვის კი ეს სასიკვდილო-საინფორმაციო პროცესი წლების განმავლობაში გაიწვია.

მაინც რა მოხდა ასეთი 1968 წლის 25 აგვისტოს?

ოკუპაციის პირველსავე დღეს ანტი-საბჭოთა იატაკქვეშეთის სახელგანთქმულმა პოეტმა და ბარდმა ალექსანდრე გალიჩმა (ფსევდონიმია, ნამდვილი გვარია გინზბურგი, ფსევდონიმი შეიქმნა გვარის, სახელისა და მამის სახელისა თავისებური აბრევიაციით: გ-ინზბურგ ალ-ექსანდრ არკადიევი-იჩ) დაწერა შემდეგი სტრიქონები: „Можешь выйти на площадь, смеешь выйти на площадь в тот назначенный час?!“ (შეძლებ, გამოხვიდე მოედანზე, გაბედავ, გამოხვიდე მოედანზე იმ დათქმულ დროს?!)

და საბჭოთა კავშირში მოიძებნა შვიდი ადამიანი (არა სამი, არა ხუთი, არამედ სწორედ შვიდი), რომელმაც შეძლო, რომელმაც გაბედა, რომელიც გამოვიდა მოედანზე დათქმულ დროს. შვიდი ადამიანი გამოვიდა საბჭოთა ქვეყნის მთავარ წერტილში, ბოროტების იმპერიის ცენტრში, წითელ მოედანზე, მის გოლგოთაზე, ე.წ. თხემის ადგილზე (лобное место).

„თხემის ადგილი“, лобное место, ძველი რუსული არქიტექტურის ძეგლი მოსკოვში, წითელ მოედანზე, წარმოადგენს ტრიბუნას, რომელსაც გარს ერტყმის ქვის დაბალი გალავანი. დასახელების თაობაზე განსხვავებული ვერსიები არსებობს. ერთი ასეთი ვერსიის მიხედვით, თხემის ადგილის სახელი ამ ადგილმა იმიტომ შეიძინა, რომ ამ ადგილას თხემს ანუ თავს კვეთდნენ. სხვა წყაროების მიხედვით, лобное место არის ბერძნული „კრანიონის ადგილის“ ან ებრაული „გოლგოთის“ სლავური თარგმანი. ასეთი დასახელება გოლგოთის ბორცვმა მიიღო იმიტომ, რომ მისი ზედა ნაწილი წარმოადგენდა შიშველ კლდეს, რომელიც შორეულად მოგვაგონებდა ადამიანის თავის ქალას. ვასილის დაღმართი, რომლის დასაწყისში დგას თხემის ადგილი, შუა საუკუნეებში იწოდებოდა „თხემად“ (საერთოდ, „თხემი“ მდინარისკენ ციცაბო დაღ-

მართის გავრცელებული დასახელება იყო შუასაუკუნეების რუსეთში).

თხემის ადგილმა ახალი დიდება შეიძინა 1968 წლის აგვისტოში. ეს იყო „პატარა“ აქცია, რომელმაც საბოლოო ჯამში საბჭოთა იმპერია დააქცია: დემონსტრანტებს ჰქონდათ ლოზუნგები: „At' zije svobodne a nezavisle Ceskoslovensko!“ (გაუმარჯოს თავისუფალ და დამოუკიდებელ ჩეხოსლოვაკიას!), „სირცხვილი ოკუპანტებს!“, „ხელე-ბი შორს ჩსსრ-საგან!“, „თქვენი და ჩვენი თავისუფლებისთვის!“, „თავისუფლება დუბჩეკს!“ დემონსტრანტები აფრიალებდნენ ჩეხოსლოვაკიის თვითნაკეთ სახელმწიფო დროშებს და პლაკატებს. საჯარო პროტესტი გრძელდებოდა მხოლოდ რამდენიმე წუთს, დემონსტრანტებს გარს შემოერთებდნენ არა მხოლოდ გაოგნებული და ამგვარი აქციებისადმი სრულიად მოუმზადებელი საბჭოთა ადამიანები, არამედ უშიშროების მარად ფხიზელი და შესანიშნავად მომზადებული საიდუმლო თანამშრომლებიც.

ოფიციალურად ცნობილია, რომ 25 აგვისტოს დემონსტრაციაში მონაწილეობდა შვიდი ადამიანი – ლინგვისტი კონსტანტინე ბაბიციკი, ფილოლოგი ლარისა ბოგორაზი, პოეტი ვადიმ დელონე, მუშა ვლადიმირ დრემლიუგა, ფიზიკოსი პაველ ლიტვინოვი, ხელოვნებათმცოდნე ვიქტორ ფაინბერგი და პოეტი ნატალია გორბანევსკაია. სინამდვილეში თხემის ადგილზე გამოვიდა მერვე მეპროტესტეც, ოცი წლის სტუდენტი ტატიანა ბაევა, მაგრამ დაკავების შემდეგ მეგობრებმა იგი დაარწმუნეს, მილიციისა და კაგებესთვის ეთქვა, რომ შემთხვევით აღმოჩნდა მოედანზე. დაკითხვის შემდეგ ბაევა გაუშვეს.

ნატალია გორბანევსკაია (ლეგენდარული დისიდენტური თვითგამოცემის ჟურნალის, „Хроника текущих событий“ – „მიმდინარე მოვლენათა ქრონიკის“ პირველი რედაქტორი) იგონებს: „1968 წლის 25 აგვისტოს ზუსტად დღის თორმეტ საათზე ჩამოვჯექით თხემის ადგილის პარაპეტზე და გავშალეთ ლოზუნგები... თითქმის იმავდროულად გაისმა სტვენა და მოედნის ყველა მხრიდან მოვარდნენ

სამოქალაქო ტანსაცმელში გამოწყობილი კაცებს თანამშრომლები: ისინი კრემლიდან ჩეხოსლოვაკიის დელეგაციის გამოსვლის მოლოდინში მორიგეობდნენ წითელ მოედანზე. მობოდნენ ჩვენსკენ და ყვიროდნენ: „**ЭТО все жиды! Бей антисоветчиков!**“ (ესენი ყველანი ებრაელები არიან! ურტყი ანტისაბჭოთებს!)“ ჩვენ მშვიდად ვისხედით, წინააღმდეგობა არ გავგინევია. ხელიდან გამოგვგლიჯეს ლოზუნგები. ვიქტორ ფაინბერგს სახე გაუსისხლიანეს და კბილები ჩაულენეს, პაველ ლიტვინოვს სახეში მძიმე ჩანთას ურტყამდნენ, მე გამომგლიჯეს და გამიტყეს ჩეხოსლოვაკიის დროშა. რამდენიმე წუთში გამოჩნდნენ მანქანები და ყველანი ჩემს გარდა ჩატუნეს მანქანებში. მე სამი თვის შვილთან ერთად ვიყავი და თითქოს მომერიდნენ: ათი წუთი კიდევ ვიჯექი თხემის ადგილთან. ბოლოს მეც მანქანაში შემავადეს. იქ მცემდნენ. ჩვენთან ერთად დააპატიმრეს რამდენიმე ადამიანი, რომლებმაც ჩვენს მიმართ თანაგრძნობა გამოხატეს – ისინი გვიან საღამოს გაუშვეს. ჩხრეკის შემდეგ გამათავისუფლეს მეც, ალბათ იმიტომ, რომ ორი მცირეწლოვანი ბავშვი მყავდა“.

დემონსტრაციის მონაწილეებს ბრალად დაედოთ „გჯუფური მოქმედებების განხორციელება, რომლებიც უხეშად არღვევდნენ საზოგადოებრივ წესრიგს“ და „განზრახ ცრუ მონაჭორის გავრცელება, რომლებიც ზიანს აყენებს საბჭოთა საზოგადოებრივ და სახელმწიფო წყობას“. თითოეული ეს სტატია გულისხმობდა მაქსიმალურ სასჯელს – 3 წლით თავისუფლების აღკვეთას საერთო და არა პოლიტიკურ ბანაკებში.

სასამართლომ ძალიან სწრაფად ჩაიარა, დაიწყო 1968 წლის 9 ოქტომბერს და მესამე დღეს, 11 ოქტომბერს უკვე განაჩენი გამოიტანა. ვადიმ დელონეს და პაველ ლიტვინოვს საუკეთესო ადვოკატები სოფი კალისტრატოვა და დინა კამინსკაია იცავდნენ. ლარისა ბოგორაზი თავს თვითონ იცავდა. პროცესი „ლია“ იყო, მაგრამ ერთი-ორი ნათესავის გარდა სასამართლოში შეუშვეს კომკავშირული

ობერჯგუფები და სუკის სამოქალაქოში გამოწყობილი თანამშრომლები (1984 წელს ჩვენს „ლია“ სასამართლო პროცესზე საქართველოშიც ანალოგიური მდგომარეობა იყო, დარბაზი სავსე იყო აქტივისტი კომკავშირლებით და ჩეკისტებით, რომელთა ნაწილს, შესაძლოა, დღეს მაინცდამაინც არ სიამოვნებს ამის გახსენება).

საქმეში მოწმეებად გამოდიოდნენ ერთ-ერთი სამხედრო ნაწილის სამხედროები, რომლებიც იმ დღეს წითელ მოედანზე „სეირნობდნენ“ და დემონსტრანტების დაკავებაში კომპეტენტურ ორგანოებს სათანადო დახმარება გაუწიეს. დაკავების კიდევ ერთი მონაწილე, მორდოვეთის ბანაკების მუშაკი დავიდოვიჩი ასევე გასაოცრად „შემთხვევით“ გამოვიდა გუმიდან. ადვოკატების არგუმენტი, რომ მოწმე ტყუის (ქვეყნის მთავარი მაღაზია იმ დღეს არ მუშაობდა, რადგან კვირადღე იყო) სასამართლომ არ გაითვალისწინა, როგორც არაარსებითი. ბრალდებულებმა თავი დამნაშავედ არ ცნეს. მიუხედავად ამისა, ვლადიმირ დრემლიუგას მიესაჯა სამი წლით თავისუფლების აღკვეთა, ვადიმ დელონეს ორი წელი და 10 თვე. პაველ ლიტვინოვმა, ლარისა ბოგორაზმა და კონსტანტინე ბაბიციკიმ „დაიმსახურეს“ მხოლოდ გადასახლება, შესაბამისად, 5, 4 და 3 წელი (არც ერთი მათგანი მანამდე ნასამართლევი არ იყო და მათ კმაყოფაზე იყვნენ არასრულწლოვანი ბავშვები). კიდევ ორი – ვიქტორ ფაინბერგი და ნატალია გორბანევსკაია ცნეს „შურაცხადება“ (აქ სერიოზულად „იმუშავა“ დანიილ ლუნცმა, სახელგანთქმულმა პროფესორ-სადისტმა სერბსკის სახელობის სასამართლო ფსიქიატრიის ინსტიტუტიდან).

ყველა საკასაციო საჩივარი დარჩა განხილვის გარეშე, ანალოგიური ბედი ეწია იმ წერილსაც, რომელიც დაწერეს ინტელიგენციის წარმომადგენლებმა (მსახიობმა იგორ კვაშამ, მწერალმა ვიქტორ ნეკრასოვმა, 1937 წელს დახვერტილი კომანდარმის, იონა იაკირის ვაჟმა, ისტორიკოსმა პიოტრ იაკირმა) და გაუგზავნეს სსრკ და რსფსრ უზენაესი საბჭოების დეპუტატებს. ოთხმოცდათხუთმეტი-



1968 წლის აგვისტო

საჯარო პროტესტი გრძელდებოდა მხოლოდ რამდენიმე წუთს, დემონსტრანტებს ბარს შემოერტყნენ არა მხოლოდ გამოგნებული და ამგვარი აქციებისადმი სრულიად მოუხადებელი საგჟოთა ადამიანები, არამედ უშიშროების მარად უხიჯალი და შესანიშნავად მომზადებული საიდუმლო თანამშრომლებიც.

მა ხელისმომწერმა ხელისუფლების ყურადღება მიაპყრო იმას, რომ სამართალდამცველების საბრალდებო განაჩენმა „დაარღვია ძირითადი სამოქალაქო თავისუფლებები“. პასუხი ხელისუფლების მხრიდან არ ყოფილა. ისე მოხდა, რომ „მჯდომარე დემონსტრაციის“ შვიდი მონაწილიდან ხუთს მოუხდა სამშობლოს დატოვება: ვადიმ დელონე, ვიქტორ ფაინბერგი და ნატალია გორბანევსკაია ბანაკებიდან

და სპეციალური ფსიქიატრიული საავადმყოფოებიდან გათავისუფლების შემდეგ საფრანგეთში წავიდნენ ემიგრაციაში. ვადიმ გარდაიცვალა 1983 წელს პარიზში, ვიქტორი აგრძელებს უფლებადაცვით საქმიანობას (ჩავიდა კიდევ ჩეჩნეთში პირველ რუსულ-ჩეჩნური ომის დროს), ნატალია მუშაობს ყოველკვირეულ „რუსულ აზრში“, თარგმნის პოლონელ და უკრაინელ პოეტებს. მათმა მეგობრებმა, ვლადიმირ

დრემლიუგამ და პაველ ლიტვინოვმა საემიგრაციოდ აირჩიეს შეერთებული შტატები. კონსტანტინე ბაბიცკის დემონსტრაციაში მონაწილეობის გამო აუკრძალეს თავისი პროფესიით მუშაობა (სსრკ მეცნიერებათა აკადემიის რუსული ენის ინსტიტუტში), მაგრამ მისი არჩევანი იყო ეცხოვრა და გარდაცვლილიყო (1993 წ.) მოსკოვში.

>>> ბაზრქილება გვ. 111

როგორი ქალები მოსწონთ ქართველ მწერლებს

ავტორი: სოფიო შაგანიძე

ძვირფასო ქალებო!

თუკი ქართველი მწერლების გულის დაპყრობა გაქვთ განზრახული, ნუ ეცდებით ან უკვე გაცვეთილ „90-60-90“ სტანდარტთან მიახლოებას – ეს სტანდარტი, ძირითადად, ფეხბურთელებზე მოქმედებს. არც მკერდის გაზრდაზე იფიქროთ იმიტომ, რომ როგორც აღმოჩნდა, ქართველი მწერლების უმეტესობა პატარა მკერდს ანიჭებს უპირატესობას. ნურც ძვირადღირებულ „ბრენდებზე“ დაიხარჯებით, რადგანმათ, მწერლებს, ერთეული გამონაკლისის გარდა, მაღალი მოდის არაფერი გაეგებათ.

მაშ, როგორი ქალები მოსწონთ ქართველმწერლებს?

ამის გასარკვევად რამდენიმე მწერლის ნაწარმოებებს გადავაგვე თვალი – იმ მწერლებისა, რომელთაც პირადად ვიცნობ, რადგან ასე უფრო გამიადვილდება იმის დადგენა, რამდენად შეესაბამება მათი გმირების გემოვნება თავად მწერლების გემოვნებას.

„კვლევისას“ გამოიკვეთა ქალის სამი ტიპი: 1. ორმოცნელს მიღწეული, კარგად შემონახული, შევსებული ქალი დიდი ბიუსტითა და მომრგვალებული

ფორმებით – ზაზა ბურჭულაძის განსაზღვრება რომ ვიხმაროთ, „მონიკა-ბელუჩისებური“; 2. გამხდარი, მკვრივი მკერდით და აუცილებლად მრგვალი საჯდომით და 3. არაქართული (ხშირად სლავური) გარეგნობისა, შესაბამისად, კარგად აწყობილი ქალი, აპრეზილი ცხვირით და ცისფერი თვალებით.

პირველი კატეგორიის ქალს უპირატესობას აკა მორჩილაძე ანიჭებს. მისი ქალები მამაკაცების ყურადღებას შევსებული მკერდით და განიერი თეძოებით იპყრობენ. თანაც, საგანგებოდ ვიწრო ტანსაცმელს იცვამენ, რათა საკუთარი სხეულის სისავსეს გაუსვან ხაზი. („ქალი 38 წლისა იყო და მთვარის შუქზე კრთებოდა მისიტანის სავსე და მადიანი მოხაზულობა“ („სხვა“), „ქალს რომ უწოდებენ, სწორედ ისეთი. მანქანის სალონში ბნელა, ამიტომ მისი თეძოები უფრო მახსოვს, ვიდრე იერი... მკერდიც ზღაპრულად ედგა. თითქოს ყველაფერი საგანგებოდ ვიწრო ეცვა და მზად იყო“ („სხვა“), „ეშხიანი ქალი იყო, მკერდი ჰქონდა, რომ შეივსებინ და ძალიან რომ უხდებათ კორსეტი...“ („სხვა“), „იგი ორმოცს იმიტომ თუ გადასცდენოდა, რომ უფრო მიმზიდველი და

ეშხიანი გამხდარიყო... მაღალი და სავსე... ხავერდის შემოტევილი კაბა და, ალბათ, ვარდისფერი, საგაზაფხულო პალტო ეცვა“ („სხვა“), „...ერთი მუხლისთავი [საჭის] აქეთ, მეორე – იქეთ, შუაში რული, შიშველი მხარი, სარკე, სათვალე, ცეცხლისფერი თმა, შეღებილი, რა თქმა უნდა, მკრთალი ნაოჭი ტუჩის კიდესთან, სქელი ტუჩები, დაბალი გადასართველი, ზედხელი, ხელზე – სქელი ბეჭედი, ნეკზე, არათითზე, შუათითზე ვერცხლი, ფრჩხილები – სწორადწაჭრილი, თითები, არცთუ გადასარევი, ორმოცდახუთი წლის ქალის თითები... ტაქსისტმა ეგეთ ქალს „ტოტა“ უნდა დაუძახოს...“ („აგვისტოს პასენასი“).

აკა მორჩილაძისთვის ქალის ეროტიკულობა პირდაპირ კავშირშია მის გარეგნობასთან. ეს არ არის ბალზაკის ან ფლობერის ნირნამხდარი, ფერმკრთალი ქალი. ეს არის აღმოსავლურ პოეზიაში განდიდებული ქალი ვიწრო წელით, მრგვალი თეძოებით, მსხვილი მკლავებით, ჯანმრთელი ბარძაყებით, მოკლედ რომ ვთქვათ, დაახლოებით იმ ფორმებისა, მედიტერანულ კულტურებში ნაყოფიერების ქალმერთებს რომ აქვთ. შეიძლება ითქვას, რომ აკა მორ-



ჩილაძეს ტიპური სამხრეთელი კაცის გემოვნება აქვს – მისთვის სექსუალური ქალი ისეთი ქალია, რომელსაც გარკვეული ასაკის მამაკაცები – „ჯანმრთელი ქალია“ – ასე მოიხსენიებენ.

ასეთი ქალი სძულს ზაზაბურჭულაძეს. ასეთ ქალზე იგი ხაზგასმით ირონიულად წერს „ადიბასში“: „დროდადრო საიდანღაც ისეთი დამპლის სუნი მოდის, რომ ლუდის მწკლარტე სურნელსაც კი ფარავს. რაზეც ჩემი მეზობელი და ჩემი პირველი სიყვარული მახსენდება. მაცაცო. ჩემზე ორ-

აღარ მახსოვს, რა მკითხა. მაშინვე რალაც ჩამწყდა. პირში დამპლის სუნი ქონდა...“.

ზაზა ბურჭულაძე უპირატესობას მეორე კატეგორიის ქალებს ანიჭებს. მისი ქალი გამხდარი, მკვრივი მკერდის და აზნექილი უკანალის პატრონია („თაკოს ყურში პატარა ნაუშნიკი გაურჭვია. ხელში აიპოდი უჭირავს, რომლის თეთრი კაბელი მისი ზაგრის ფონზე იმაზე თეთრად მოჩანს, ვიდრე არის. როგორც შოკოლადზე რძის ზოლი... თავისი მუსიკის რიტმს

მსხლის სუნი უდიოდა“ („კარიკატურისტი“), „მახსენდება მისი თეთრი კაბა, თეთრი კბილები, გატენილი ლოყები, შავი გუგები და კისრის მალეზე, მუქ გულის ფიცარზე გადმოკიდებული ვერცხლისფრად მბზინავი ძეწკვი“ („ლიტერატურული ექსპრესი“), „...თავისი მუქი კანით, ლაპლაპა და დახაზული ფეხებით, შავი თვალებით, შინდისფერი ტუჩებით, ოდნავ გატეხილი ლოყით, თხელი თეთრი შარვლით და თეთრი მარსურით...“ („ლიტერატურული ექსპრესი“), „იყო მაღალ-მაღალი... ჰქონდა

ლაშა ბულაძის დაკვირვებით,

ბერძენ ქალებს საოცრად დიდი საჭდომი აქვთ. ბულაძის „ლიტერატურული ექსპრესის“ გმირი, მამით ბერძენი ჰელენა მის ქართულ ნაცნობს ეუბნება, რომ დედას რომ ბერძენი ჰყოლოდა და არა ბერძენელი, „სქელი ტრაკი ექნებოდა“.

ჯერ უფროსი იყო [სავარაუდოდ, აკა მორჩილაძის ქალის ასაკისა - ს.შ.]... ჩემი ოცნების ქალი იყო. მისი სხეულის ყოველი კვადრატული მილიმეტრი მიყვარდა... კარგი აღნაგობა, დიდი ძუძუები და ოდნავ შევესებული ტანი ჰქონდა, მონიკაბელუჩისებური. ...მუხლზევით კაბა ეცვა. ტანზე მიკრული თეთრი პერანგიდან მკაფიოდ მოუჩანდა ხორცისფერი ლიფის ორნამენტური კონტური. ...შეღებოდა თმა, პომადიანი ტუჩები, აკურატულად კორექტირებული წარბები და ორნამენტი ან ლიფში შეფუთული ძუძუები...

აყოლილი შემართულ კობრასავით მსუბუქად ირხევა... თვითონაც ეს თვითონ მიდგება, როცა ვუყურებ მის მკვრივ ძუძუებს, მაღალ ტრაკს, ბიჭივით ოდნავ განიერ მხრებს...“ („ადიბასი“). ეჭვი მეპარება ასეთი გარეგნობის ქალისთვის ყურადღება მიექცია აკა მორჩილაძის რომელიმე გმირს.

სამაგიეროდ, ზაზას გემოვნებას ლაშა ბულაძის გემოვნება ემთხვევა. ლაშას სუსტი წერტილი მუქი (ალბათ, გარუჯული) კანი და მრგვალი საჯდომია: „შოკას თხელ სხეულს და მუქ კანს

ზეცისკენ ატყორცნილი გავა და გრძელი კანჭები“ („ბოლო ზარი“), „პირველი, რასაც თვალი მოკრა, ამ ხუჭუქთმიანი გოგოს მოშიშვლებული წელი, უფრო სწორად, ზურგის ნაწილი იყო, მოკლე უაკეთი რომ ვერ უფარავდა. მერე უალრესად მრგვალ, ვაშლისმავარ ტაკობსაც შეავლო თვალი...“ („ოქროს ხანა“), „ხელები უკან, ჯინსებში ჩაფუძვრივ და მის არანორმალურად მკვრივ, ცხელ, ქვასავით მაგარ ტრაკს მოვექვიდე“ („ლიტერატურული ექსპრესი“).

>>> ბაზრძილება გვ. 113



დისკუსია

უნივერსიტეტის ფიქტიური ავტონომია

ავტორი: ნინო ბაქიშვილი



ფოტო: თეიმურაზ ბაქიშვილი

მონაწილეები:

მარინე ჩიტაშვილი

ფსიქოლოგი, თსუ პროფესორი

დავით პაიჭაძე

ჟურნალისტი, ილიაუნის ასისტენტ-პროფესორი

მამუკა ჯიბლაძე

ა. რაზმაძის სახელობის მათემატიკის ინსტიტუტის უფროსი მეცნიერ-თანამშრომელი

მალხაზ ბაკურაძე

მათემატიკოსი, თსუ-ს ასოცირებული პროფესორი

ივანე ჯავახიშვილის სახელობის თბილისის სახელმწიფო უნივერსიტეტში ხელისუფლებამ რექტორის მოვალეობის შემსრულებელი მიახლოებინა – ყოფილი ჯანდაცვის მინისტრი სანდრო კვიციანი, რომელიც სავარაუდოდ, დეკემბერში უკვე არჩეული რექტორი გახდება. მის დასანიშნად ხელისუფლებას კანონის შეცვლა დასჭირდა: რექტორის თანამდებობის დასაკავებლად აღარ არის საჭირო აკადემიური ხარისხი.

რა პრობლემებია თსუ-ში და სხვა უნივერსიტეტებში? ერევა თუ არა სახელმწიფო დამოუკიდებელი უნივერსიტეტების შიდა საქმიანობაში? არის თუ არა ფიქცია უმაღლესი სასწავლებლების ავტონომია? როგორ ვითარდება უმაღლესი განათლების სისტემა ჩვენთან? ამ საკითხების განხილვას დისკუსიაზე შევეცადეთ.

რა პრობლემების წინაშე დგას დღეს ივ. ჯავახიშვილის სახელობის თბილისის სახელმწიფო უნივერსიტეტი?

მარინე ჩიტაშვილი: თსუ არ წარმოადგენს გამონაკლისს – დღეს უმაღლესი სასწავლებლებისთვის მთავარი პრობლემა უნიფიცირებული ორგანიზაციული მოდელების დანერგვის მცდელობა და იმ მრავალფეროვნების იგნორირებაა, რაზეც, ზოგადად უნივერსიტეტი დგას. მარტივ მაგალითს მოგიყვანთ: მინისტრი 2009 წლის სექტემბერში წერს ბრძანებას, რომლის საფუძველზეც, თურმე, შეფასება უნდა განხორციელდეს სტანდარტული ფორმით და საბოლოო შეფასება არც ერთ საგანში არ უნდა იყოს 40 ქულაზე ნაკლები. თუკი აიღებთ ამ ბრძანებას და გვერდით დაუდებთ ლაბორატორიულ კურსს, სადაც ფინალური გამოცდა არ ტარდება და მიმდინარე შეფასებები აკუმულირდება, გამოდის, რომ ასეთი კურსი საერთოდ არ უნდა გქონდეთ. ბრძანებას თუ დაარღვევთ, პასუხს აკრედიტაციის სამსახური მოგთხოვთ. ჩვენთან დღეს ცდილობენ, უნივერსიტეტი მართონ იმ მოდელით, რომელსაც ორგანიზაციულ თეორიაში მენეჯერიალიზმი ჰქვია. ეს მოდელი გასული საუკუნის 70–იან წლებამდე ძალიან პოპულარული იყო. ის მოარგეს ყველა ორგანიზაციულ სტრუქტურას, მათ შორის უნივერსიტეტებსაც, მაგრამ მცდელობა წარუმატებელი აღმოჩნდა. 1977 წლიდან იწყება ორგანიზაციულ თეორიაში ახალი მოდელის შემუშავება სწორედ უნივერსიტეტების მაგალითიდან გამომდინარე და მას ქაოსური ორგანიზაციის მოდელად იცნობენ – მრავალფეროვნების გათვალისწინებით იქმნება უზოგადესი ჩარჩო, რომლის კვალობაზედაც შეიძლება, აიწყოს ორგანიზაცია/უნივერსიტეტი. ჩვენთან ცდილობენ, ყველა უნივერსიტეტი ერთ თარგზე მოჭრან. დღეს ბაკალავრიატს, მაგისტრატურასა და დოქტორანტურას შორის პრინციპული სხვაობა არ ჩანს. არის მცდელობა უნივერსიტეტები არა კვლევით ორგანიზაციებად, არამედ – მხოლოდ სასწავლო დაწესებულებებად აქციონ.

უნივერსიტეტი, ერთ–ერთი ყველაზე ძველი ორგანიზაციული ინსტიტუტი, ცვლილებებს სამი ძირითადი პრინციპის დაცვით უძლებს. პირველი, ესაა თავისუფალი სააზროვნო სივრცე, უნივერსიტეტი მართო ამისთვის იქმნება, მეორე – სწავლება და მესამე – კვლევა. სწავლებაც და კვლევაც ემსახურება იმას, რომ შეიქმნას სივრცე სადაც კრიტიკული აზროვნება არსებობს. როდესაც ცდილობთ, მენეჯერიალიზმის პრინციპით მართოთ უნივერსიტეტი, გამოდის, რომ ეთანხმებით იმ მოსაზრებას, რომლის მიხედვითაც ქარხანასა და უნივერსიტეტს შორის არანაირი განსხვავება არ არის. არადა, უნივერსიტეტი, ძირითადად, ერთ ფუნქციას ასრულებს: ვინც შემოვიდა, ის ცოტათი უკეთესი უნდა გავიდეს.

დათო, შენ რამდენიმე წელი მუშაობდი თსუ–ში. შემდეგი ილია–უნი–ში გადახვედი. რა მოხდა? რა სირთულეების წინაშე აღმოჩნდი?

დავით პაიჭაძე – მე არ შემიხედავს ჩემი წამოსვლის მიზეზებისთვის მთელი თსუ–ს პრობლემების ქრილში. ლოკალური პრობლემის წინაშე აღმოვჩნდი, რაც ჩემ წამოსვლას

ეყო. მიმაჩნდა, რომ ჟურნალისტიკის მიმართულება უნდა განვითარებულიყო რაღაც გზით, რაც არ გაიზიარა ჩემი კოლეგებს დიდმა ნაწილმა, რომლებიც თვლიდნენ, რომ ყველაფერი ძველებურად უნდა დარჩენილიყო. რექტორმა, ვისგანაც მხარდაჭერა მჭირდებოდა, ცალსახად ჩემი ოპონენტების მხარე დაიჭირა. ჩავთვალე, რომ იქ არაფერი მესაქმებოდა და წამოვედი. აღმოჩნდა, რომ არა მხოლოდ ჩვენი ხედვა განსხვავდებოდა, არამედ, იყო ღირებულებითი შეუთავსებლობაც.

ბატონო მალხაზ, რა მდგომარეობაა კონკრეტულად მათემატიკის ფაკულტეტზე?

მალხაზ ბაკურაძე: უნივერსიტეტში ერთი წელია ვასწავლი. მანამდე მათემატიკის ინსტიტუტში ვმუშაობდი. მოხდა ისე, რომ სამეცნიერო ინსტიტუტებს აუკრძალეს ასპირანტების მიღება. ბოლო ასპირანტი რვა წლის წინ მყავდა. მინდოდა, მონაწილეობა მიმეღო სწავლების პროცესში და ამიტომ მივედი უნივერსიტეტში. სიმართლე გითხრათ, თავიდან შოკირებული ვიყავი სტუდენტების ცოდნის დონით. მე როცა ვსწავლობდი, ასეთ სტუდენტებს უნივერსიტეტში უბრალოდ არ ვაჩერებდით. ნამუშევარს რომ გადავშილიდი, ძნელი დასაჯერებელი იყო, რომ ეს სტუდენტის ნაწერია, ბავშვის ნათამაშებს ჰგავდა. მერე, ნელ–ნელა გამოჩნდნენ კარგი სტუდენტებიც. ახლა ვფიქრობ, რომ მაინც ღირდა უნივერსიტეტში მისვლა. იქ სწორედ იმიტომ მივედი, რომ ვთვლი, საჭიროა მეტი კავშირი იყოს მოქმედ მეცნიერებსა და სტუდენტობას შორის.

როგორ ფიქრობთ, რატომ ხვდებიან უნივერსიტეტში ასეთი დაბალი დონის მქონე აბიტურიენტები? რა უწყობს ამას



მალხაზ ბაკურაძე

უნივერსიტეტი სულ ცარიელი რომ არ დარჩეს, იძულებული ხარ, თამასა დაბლა დასწიო. ბავშვები ამბობენ, სულ არ მინდოდა მათემატიკოსობა, ბოლო ადგილას მენერა და მოვხვდიო. ამ დაბალ დონეს თუ მივყევით, ბოლოს უნივერსიტეტი კი აღარ გვექნება, საბჭოთა დროს რომ პროფტექნიკური სასწავლებლები იყო, იმ დონეზე დავალთ.

ხელს? იქნებ, ეროვნული გამოცდების სისტემაა არასწორი?

მალხაზ ბაკურაძე: აქ ბევრი პრობლემაა – უპირველესად, სკოლა. უნივერსიტეტი სულ ცარიელი რომ არ დარჩეს, იძულებული ხარ, თამასა დაბლა დასწიო. ბავშვები ამბობენ, სულ არ მინდოდა მათემატიკოსობა, ბოლო ადგილას მენერა და მოვხვდიო. ამ დაბალ დონეს თუ მივყევით, ბოლოს უნივერსიტეტი კი აღარ გვექნება, საბჭოთა დროს რომ პროფტექნიკური სასწავლებლები იყო, იმ დონეზე დავალთ. ხელობას ჩვენ ვერ ვასწავლით და თეორიაში კიდევ, რა უნდა ასწავლო ადამიანს, რომელმაც ანბანი არ იცის?

ასეთივე მდგომარეობაა ფსიქოლოგიის ფაკულტეტზეც?

მარინე ჩიტაშვილი: დიდი ხნის ინტერვალის შემდეგ, 2005 წელს შევედი ბაკალავრებთან. ეს პირველი ეროვნული გამოცდებით მიღებული ნაკადი იყო, როცა აბიტურიენტ-



მამუკა ჯიჰლაძე

ვფიქრობ, რომ ინსტიტუტების შეერთებით გარკვეულწილად დისპროპორციულ ვითარებას მივიღებთ. მაგალითად, მათემატიკოსები თავს მოიყრიან ერთ უნივერსიტეტში, მაშინ, როცა რეალურად სხვებსაც სჭირდებათ მათემატიკოსები.

ბი ოთხ საგანს, მათ შორის მათემატიკას, აბარებდნენ და უნარებით კი არ ხდებოდა დაფინანსება, არამედ ყველა გამოცდის ჯამით. სტუდენტების ეს ნაკადი გამორჩეული იყო ბოლო 5 წლის განმავლობაში ცოდნის დონით და მოტივაციით. მე ვიყავი ერთ-ერთი ინიციატორი იმისა, რომ მისაღებზე მეოთხე საგანი მათემატიკა ყოფილიყო - ვინც მათემატიკა იცის, მას აბსტრაქტული აზროვნება გარანტირებულად შეუძლია. ფსიქოლოგიურზე ყოველთვის ბარდებოდა მათემატიკა, მხოლოდ 90-იან წლებში ამოიღეს. შედეგად, სტუდენტებმა პროცენტის გამოთვლა არ იცოდნენ და მიიჩნევდნენ, რომ ფსიქოლოგია ჰუმანიტარული მეცნიერებაა (რაც სრული ნონსენსია). როდესაც გადავიდა დაფინანსება მხოლოდ უნარებზე, ამის შემდეგ დაიწყო სტუდენტების საერთო დონის ვარდნა. ზოგადად, სტუდენტების ცოდნის დაბალი დონე საერთო პრობლემაა თანამედროვე უმაღლესი განათლებისათვის. ძირითადი პრობლემა მაინც ჩვენი სკოლების დაბალი ხარისხი გახლავთ. წელს უკანასკ-

წელად ვკითხულობ ქცევის ასხნის ფსიქო-დინამიკურ მოდელებს, რადგან კურსის უფრო მეტად გამარტივება ვეღარ წარმომიდგენია. არაფერი გამოდის, ტყუილად ვტანჯავ სტუდენტებს და ტყუილად ვიტანჯავ თავს. იმასთან შედარებით, რასაც სკოლაში ვასწავლით, კიდევ კარგი ხალხი მოდის. მაშინ, როდესაც სასერტიფიკაციო გამოცდებზე მათემატიკის მასწავლებელთა მხოლოდ 24%-მა გადალახა კომპეტენციის ზღვარი, გასაგებია, ბავშვებმა მათემატიკა რატომ არ იციან.

ახალმა რექტორმა წარმოადგინა უნივერსიტეტის განვითარების სტრატეგიული გეგმა?

მარინე ჩიტაშვილი: რამდენადაც ჩემთვის ცნობილია, მას ჯერ არაფერი წარმოუდგენია. რაც არც არის გასაკვირი, ის ჯერ მხოლოდ მოვალეობის შემსრულებელია. რექტორის არჩევნებისთვის, ყველა კანდიდატმა უნდა წარადგინოს თავისი სტრატეგიული გეგმა, რომელიც უნდა განიხილოს აკადემიურმა საბჭომ. მხოლოდ ამის შემდეგ შეგვეძლება ვილაპარაკოთ იმაზე, რა ტიპის ცვლილებებს განახორციელებს არჩეული რექტორი. მე შემიძლია გითხრა, რომ მარტივი რამეა გასაკეთებელი: უნდა განვსაზღვროთ, რა ტიპის უნივერსიტეტს ვაშენებთ, უნდა მოხდეს დეცენტრალიზაცია ფაკულტეტების დონეზე და გასაყოფია რექტორის ფუნქცია. მე მომხრე ვარ ანგლო-ამერიკული მოდელისა, სადაც რექტორის/პრეზიდენტის ფუნქცია ფონდების მოძიება და წარმომადგენლობითი საქმიანობაა. ადმინისტრაციის ხელმძღვანელს/კანცლერს ევალება უზრუნველყოს ადმინისტრაციის ეფექტური მუშაობა, რათა აკადემიური საქმიანობა – სწავლება და კვლევა იყოს უზრუნველყოფილი. უნდა დაინიშნოს პროვოსტი, რომელიც გააერთიანებს სწავლებასა და კვლევას ერთი სტრატეგიის ქვეშ. თუკი ეს მოხდება, ვთვლი, რომ ახლა, როდესაც აკადემიის ინსტიტუტების შემოერთებაზე საუბარი, ამ სისტემის, უნივერსიტეტის ამუშავება შესაძლებელია.

მამუკა ჯიჰლაძე: როგორც ჩანს, არ არის მარტივი გადასაწყვეტი სამეცნიერო ინსტიტუტების შეერთების საკითხი. სამი წლის წინ ტასისის პროექტის ფარგლებში გარკვეული მოსაზრებები შემუშავდა მეცნიერების განვითარების შესახებ, სადაც ა. რაზმაძის სახელობის მათემატიკის ინსტიტუტის თანამშრომლებიც ვმონაწილეობდით. სამწუხაროდ, ეს პროექტი თითქოს არც არსებულა, იქიდან არაფერი გაუთვალისწინებიათ. ჯერჯერობით ჩემთვის ცნობილი არ არის, რა კრიტერიუმებით მოხდება ინსტიტუტების უნივერსიტეტებთან მიერთება. აკადემიის სისტემა ნამდვილად მახინჯი იყო. არ ვიცი, საბჭოთა სისტემაზე როგორ იყო მორგებული, მაგრამ დღეს აშკარა ანაქრონიზმია ის, რომ მეცნიერები ორ ნაწილად არიან დაყოფილნი. მეცნიერთა საუკეთესო ნაწილი უნივერსიტეტს გარეთაა დარჩენილი და სასწავლო პროცესში ვერ მონაწილეობს. ეს ყველაფერი დროშიც ძალიან გაიწვია. უნივერსიტეტები, ალბათ, დაინტერესებულნი არიან, საუკეთესო მეცნიერები მათთან წავიდნენ. არსებობს იმის საშიშროებაც, რომ ინსტიტუტები დაშალონ. სანამ არაოფიციალურ დონეზე იყო მოლა-

პარაკებები, ხუბუა უცხადებდა ჩვენს ინსტიტუტს, ორი წელი რაც ხართ, იმ სახით შეგინახავთ, მერე აღარ ვიცი, რა იქნებაო. დღეს სამინისტრო გვეუბნება, დაწერეთ წესდება და გიშუამდგომლებით, რომ უნივერსიტეტმა ამ სახით მიგილოთო. ასეც რომ მოხდეს, უნივერსიტეტში, ვეკუას სახლეობის მათემატიკის ინსტიტუტში 30 კაცი მუშაობს. ჩვენს ინსტიტუტში 70-მდე მათემატიკოსია. რაში სჭირდება უნივერსიტეტს ამდენი კადრი? გამოორიცხულია, უნივერსიტეტმა ამდენი მეცნიერ-თანამშრომელი არჩინოს. ცხადია, მე რომ ვიყო ფაკულტეტის დეკანი, აქედან მხოლოდ 30 საუკეთესოს დავტოვებდი. სხვა ინსტიტუტებზე თავს ვერ დავდებ, მაგრამ ჩვენთან მეცნიერები უკვე ათწლეულებია ერთად მუშაობენ, შექმნილია სკოლები, რომელთა დაშლაც მარტივი საქმე არ არის. ეს უკვე ერთი ორგანიზაციაა. შეიძლება, ახალი ორგანიზაცია შეექმნას, მაგრამ ხომ შეიძლება, ის სკოლა, რომელიც არსებობს, რაღაცნაირად შევინარჩუნოთ.

მარინე ჩიტაშვილი: ცალკე თუ დარჩა ინსტიტუტი, სავარაუდოდ, მას 15 წლის შემდეგ სიკვდილი ემუქრება – ახალი თაობა არ მოვა. უნივერსიტეტთან ერთად, თქვენ ახალი კადრების გაზრდის საშუალება გექმნება. ჩვენ მათემატიკაში ფანტასტიკური პოტენციალი გვაქვს, ეროვნული სამეცნიერო ფონდის გრანტების რაოდენობა თქვენს ინსტიტუტზე სწორედ ამას ადასტურებს. თუკი უნივერსიტეტი თქვენ შემოგიერთებთ, ფული უნდა ჩადოს, რომ თქვენ, გამოყენებითი მათემატიკის ინსტიტუტთან ერთად საერთაშორისო სადოქტორო პროგრამები გააკეთოთ. მოსული სტუდენტი სრულად აანაზღაურებს თქვენს შრომას. ნუ ვუყურებთ მხოლოდ ევროპას, აზიის ქვეყნებიდან ბევრი მსურველი გამოჩნდება. ბევრად უფრო დაბალი დონის უნივერსიტეტები ახერხებენ ამას. ეს რეალური დასაქმება იქნება. მათემატიკას ძალიან ცოტა დანახარჯი სჭირდება. სამწუხაროდ, ამ მხრივ ფიზიკას, ქიმიას, ბიოლოგიას და მედიცინას ძალიან შეზღუდული არეალი აქვთ. უნივერსიტეტთან მათემატიკის ინსტიტუტის შემოერთებას მაშინ ექნება აზრი, თუკი თქვენი რესურსი ეფექტურად ამუშავდება.

მამუკა ჯიბლაძე: ვფიქრობ, რომ ინსტიტუტების შეერთებით გარკვეულწილად დისპროპორციულ ვითარებას მივიღებთ. მაგალითად, მათემატიკოსები თავს მოიყრიან ერთ უნივერსიტეტში, მაშინ, როცა რეალურად სხვებსაც სჭირდებათ მათემატიკოსები.

მარინე ჩიტაშვილი: ერთ სკოლაში გაერთიანებული მეცნიერების დაშლა, რომელთა შიდა ჯგუფური მიჯაჭვულობა მაღალია, მარტივი რამ არ არის, ეს მტკივნეული პროცესია. თუ თსუ აიღებს ორიენტაციას მათემატიკაზე, მაშინ ყველა ბავშვს, ვისაც მათემატიკა აინტერესებს, ეცოდინება, სადაც უნდა წავიდეს. მე აქ პრობლემას ვერ ვხედავ. კანონში წერია, რომ შეიძლება ფაკულტეტთან გაერთიანებული იყოს ინსტიტუტი. ილიაუნიში ასე მოხდა, ცალკეა ბაკალავრიატი და ინსტიტუტების დონეზე მიდის სამაგისტრო და სადოქტორო პროგრამები. თუკი იგივე შეიქმნება, მაშინ მარტივად გადაწყდება ამ ადამიანების დასაქმების საკითხი. უნივერსიტეტის ავტონომია იმასაც გულისხმობს, რომ სახელმწიფო დაფინანსების გარდა, უნივერსიტეტს უნდა



დავით ააჩაძაძე

მიაქციეთ ყურადღება, რა დროს ხდებოდა ეს. ხუბუა 2006 წელს დაინიშნა. იმ დროს ხელისუფლებას მოსახლეობის მხარდაჭერა ჰქონდა, მაშინ „ნაციონალურმა მოძრაობამ“ მთლიანად მოიგო ადგილობრივი არჩევნები. მაგრამ 2007- ში, ცნობილი მოვლენების შემდეგ, ხელისუფლება რაღაც დათმობებზე წავიდა. ამ პერიოდში ხუბუამ ისარგებლა პოლიტიკური სიტუაციით და უნივერსიტეტის მმართველობაში საგრძნობი რეგრესი დაიწყო. ომის მერე ხელისუფლება ძალიან დიდხანს თითქმის ვერაფერს ვერ ბედავდა და უცდიდა იმ ელდის განელებას, რაც ომმა მოიტანა. ამ პერიოდში თსუ-სთვის არავის ეცალა.

ჰქონდეს იმის საშუალება, რომ სწავლებითა და კვლევით მოახერხოს თანხების გენერირება. დღეს ამის უფლება უნივერსიტეტებს არა აქვთ. მათ მინისტრის ბრძანებით თავისუფალი მსმენელის ყოლაც კი ეკრძალებათ.

მას შემდეგ, რაც რეფორმა დაიწყო, ხელისუფლებას თითქოს მივინყებელი ჰქონდა თსუ და მხოლოდ ახალა გაახსენდათ, რომ ამხელა ისტორიის მქონე უნივერსიტეტი გვაქვს...

დავით ააჩაძაძე: მიაქციეთ ყურადღება, რა დროს ხდებოდა ეს. ხუბუა 2006 წელს დაინიშნა. იმ დროს ხელისუფლებას მოსახლეობის მხარდაჭერა ჰქონდა, მაშინ „ნაციონალურმა მოძრაობამ“ მთლიანად მოიგო ადგილობრივი არჩევნები. მაგრამ 2007- ში, ცნობილი მოვლენების შემდეგ ხელისუფლება რაღაც დათმობებზე წავიდა. ამ პერიოდში ხუბუამ ისარგებლა პოლიტიკური სიტუაციით და უნივერსიტეტის მმართველობაში საგრძნობი რეგრესი დაიწყო. ომის მერე ხელისუფლება ძალიან დიდხანს თითქმის ვერაფერს ვერ ბედავდა და უცდიდა იმ ელდის განელებას, რაც ომმა მოიტანა. ამ პერიოდში თსუ-სთვის არავის ეცალა.

მარინე ჩიტაშვილი: 2004 წლიდან ჩვენ გვაქვს კლასიკური მაგალითი იმისა, როგორ ცდილობს სახელმწიფო, მარ-

თოს თავისუფალი უმაღლესი სასწავლებლები. უმაღლესი განათლების კანონის მიხედვით ჯერ უნდა ყოფილიყო ე.წ. გარდამავალი პერიოდი, ამ დროს რექტორის მოვალეობის შემსრულებელს ნიშნავდა პრეზიდენტი. კანონიდან მაშინვე ამოვარდა მუხლი, რომლის მიხედვითაც რექტორის მოვალეობის შემსრულებელს აღარ შეეძლო რექტორის არჩევნებში მონაწილეობის მიღება და მთელი საქართველოს მასშტაბით ყველა პრეზიდენტის მიერ დანიშნული მოვალეობის შემსრულებელი ავტომატურად გახდა რექტორი. არჩევნები ყველგან ფორმალურად ჩატარდა. ეს სახელმწიფოს მიერ უმაღლესი სასწავლებლების სრულ კონტროლირებას ნიშნავდა. ახლაც, ხუბუასთან ერთად ქუთაისის, ბათუმის, თელავის, გორის უნივერსიტეტების რექტორებმაც ყოველგვარი ხმაურის გარეშე დაწერეს განცხადებები და ნაწილდნენ. კანონში შევიდა ცვლილება, რომლის

ხედა აკადემიურ საბჭოს, 2005 წელს იყო მითითება, რომ ადმინისტრაცია უნდა შემცირებულიყო, მაგრამ დღეს ის საგრძნობლადაა გაზრდილი. არ მომხდარა ფაკულტეტების დეცენტრალიზაცია, ბოლო მომენტამდე ყველაფერს რექტორი განაგებდა. ხუბუა რატომ გახდა ამ ეტაპზე მიუღებელი კანდიდატურა, მე ნამდვილად არ ვიცი. მაგრამ ვფიქრობ, რომ რექტორების ცვლილება გამოწვეულია მარტივი რამით – „მაგრამ შეასრულა თავისი საქმე, მაგრი უნდა წავიდეს“. რეალურად, ყველაზე მძიმე გასატარებელი იყო ის პირველი ორი წელი, როცა უნდა შეგვექმნა ახალი უნივერსიტეტი.

**შეიქმნა ახალი უნივერსიტეტი?
მარინე ჩიტაშვილი: არა!**

დათოს მინდა ვკითხო, როგორ ფიქრობ, ასევე ერევა სახელმწიფო ილიაუნის შიდა საქმეებში?

დავით პაიჭაძე: არა. მაგრამ მე ფაკულტეტის დონეზე ამ ჩარევას თსუ-შიც არ ვგრძნობდი. ალბათ, რექტორსაც გააჩნია, რამდენად მისცემს სახელმწიფოს ჩარევის უფლებას. ერთ ფაქტს გავიხსენებ: თსუ-ში პირველი სტუდენტური თვითმმართველობის თავმჯდომარე, გიორგი ავალიანი, დღეს შიდა ქართლის გუბერნატორის მოადგილეა. ის მაშინაც პარტიული აქტივისტი იყო. მე არ ვამბობ, რომ ეს ქვეყნის დაქვევება, მაგრამ ილიაუნის გიგი თევზაძემ მოახერხა ის, რომ სტუდენტური თვითმმართველობის არჩევნები პარტიის და სხვა სახელმწიფო ორგანოების დაინტერესებისგან დაიცვა. შეიძლება, მთლად ეფექტურად იქაც ვერ იმუშავა სტუდენტურმა თვითმმართველობამ, მაგრამ არჩევნები ნამდვილად თავისუფალი იყო.

ილიაუნის პროფესურა ღიად უჭერს მხარს ხელისუფლებას. როგორ ფიქრობთ, ამის გამო აქვს ილიაუნის რაიმე პრივილეგია? თუნდაც ის, რომ ხელისუფლება ნაკლებად ერევა მის შიდა საქმეებში?

დავით პაიჭაძე: არანაირი პრივილეგია ილიაუნის არა აქვს, ბიუჯეტი დგება, მიდის, მტკიცდება და ა. შ

მარინე ჩიტაშვილი: თუკი მე, ილიაუნი, მხარს ვუჭერ ხელისუფლებას, მაშინ, თავად ვაკონტროლებ სიტუაციას და დამატებითი ღონისძიებები ნამდვილად არ არის საჭირო. ახლა საქართველოში სულ სხვა პრობლემა დგას, რომელიც ერთ უნივერსიტეტს სცილდება. სახელმწიფო არ ზრუნავს უნივერსიტეტის იდეის განვითარებაზე, რაც გულისხმობს სივრცეს კრიტიკული აზრის განვითარებისთვის, სწავლებას და კვლევას. თსუ-ში, ცხადია, არიან კრიტიკულად განწყობილი ადამიანები, მაგრამ არ არის ამ ადამიანების საკმარისი რაოდენობა იმისთვის, რომ შეიქმნას კრიტიკული მასა. სანამ უნივერსიტეტი თავად არ აირჩევს რექტორს, სანამ ის არ გახდება საჯარო სამართლის იურიდიული პირის ნაცვლად არაკომერციული, არამომგებიანი ორგანიზაცია, სანამ მას არ ექნება აბსოლუტურად გამჭვირვალე ბიუჯეტი, მანამდე სახელმწიფოს მანიპულირების და კონტროლის საშუალება ექნება.



მარინე ჩიტაშვილი

სახელმწიფო არ ზრუნავს უნივერსიტეტის იდეის განვითარებაზე, რაც გულისხმობს სივრცეს კრიტიკული აზრის განვითარებისთვის, სწავლებას და კვლევას. სანამ უნივერსიტეტი თავად არ აირჩევს რექტორს, სანამ ის არ გახდება საჯარო სამართლის იურიდიული პირის ნაცვლად არაკომერციული, არამომგებიანი ორგანიზაცია, სანამ მას არ ექნება აბსოლუტურად გამჭვირვალე ბიუჯეტი, მანამდე სახელმწიფოს მანიპულირების და კონტროლის საშუალება ექნება.

მიხედვითაც უნივერსიტეტის რექტორს აკადემიური ხარისხი აღარ სჭირდება. სახელმწიფო კვლავ ცდილობს, უმაღლესი სასწავლებლების სრული კონტროლი განახორციელოს. მეორე მხრივ, როცა სისტემა დახურულია და იქ არ არსებობს გამჭვირვალე ბიუჯეტი, შეგიძლიათ ყველა უნივერსიტეტში ამოიღოთ ისეთი დარღვევები, რის გამოც რექტორის ან ადმინისტრაციის ხელმძღვანელის პასუხისმგებლობის საკითხი შეიძლება დადგეს. რაც შეე-

101.9 FM

მისამინე

08:00-11:00



101.9 FM

დილა რადიოქალაქში გეგა ონიანთან და ნინი გუკიასთან ერთად

101.9 FM



არქიტექტორი

<<< ლასაწყისი გვ. 36

მე-20 საუკუნეში, გასაბჭოების მერე თბილისმა თითქოს დაკარგა რუსეთის იმპერიაში მოპოვებული კავკასიის იმპერიული ცენტრის სტატუსი და უფრო მეტად გასაქართველოვდა, უფრო მონოკულტურული გახდა და შესაბამისად, გაღარიბდა. არ მიყვარს, როცა ისტორია იშლება, ცალმხრივად იკითხება, თბილისისთვის სომხებმა ბევრი მნიშვნელოვანი რამე გააკეთეს და რატომ უნდა დავივიწყოთ ეს. შეიძლება, ამის გამო ჩამქოლონ ვილაცებმა, მაგრამ ეს უნდა ვთქვათ.

რ.ა. – გეთანხმები, ისეთი რეალობა და კონიუნქტურაა დღეს, რომ მსგავსი სიმართლეების თქმას, რბილად რომ ვთქვათ, „ერთი ადგილი“ სჭირდება.

ჩვენ მარადიულობა და რალაც ვახსენეთ კიდევ, მისი ანტიპოდი, როგორ ახერხებ ამ ბაზისური ღირებულების განხორციელებას შენს პროფესიაში, სადაც დამკვეთი ერთ-ერთ მთავარ როლს თამაშობს თავისი აუარება „хуйня“-თი?

გ.ა. – როდესაც მოდიან და მეუბნებიან; - „მე მინდა ეს, ამდენი კვადრატული მეტრი, ამდენი ის მინდა, ამდენი ეს მინდა, აქ და იქ მინდა“ მართალი გითხრა, ნაკლებად მაინტერესებს. როცა მოდიან და მეუბნებიან, რომ:

– „მე არ ვიცი, რა მინდა“, ეს უფრო საინტერესოა. აი, გუშინ მე ეს დამეჩინებრა, ან ის გახსოვს, იმ კინოში რომ არის რალაც კადრი, ან განათება, მოდი, იქნებ, ეგეთი რამე ვქნათო, ჩემთვის ეს უფრო ხელმოსაჭიდა. ანუ როცა მათ ატმოსფეროებს და დამოკიდებულებებს ვეხები. ბოლო, ჩემთვის ეგეთი განწყობის სახლი, ბათუმში გავაკეთეთ. მგონია, რომ ბათუმში ჩვენი შენობა დავამთავრეთ, და ვხვდები, რომ ადრეა, ყველას ძალიან მოსწონს ვინც ნახა, მაგრამ არ არის მზად, რომ აქ იცხოვროს. კორპუსების სადარბაზოებიდან გადმოსულ ტიპის გაუჭირდება იქ ცხოვრება. მაგრამ ასეთ სახლში გაზრდილი ბავშვი უკვე სხვა ტიპი იქნება, საიდანაც უნდა დავიწყოთ, იტალიური ეზოს განახლებული დიალოგი და ატმოსფერო ჩვენ ბათუმში გავაგრძელებთ.

ახლა მე და შენ ვსაუბრობთ, არქიტექტურაც მსგავსი დიალოგია. მომენტალურად ექვს შენს თანამოსაუბრეებს, სადაც რომ შედიხარ, ან, მოსაუბრეები, ან ძველი სახლია, ან გარემოა, ან ტყეა, ან ადამიანია და კიდევ სხვა მრავალი კომპონენტი შეიძლება, ჩამოვთვალოთ.

საუბარი ყველანაირია; ისეთი, მე და შენ რომ ვსაუბრობთ ახლა, ცოტა სლენგი, ცოტა უცენზურო სიტყვები, არის იუმორი, ეს ყველაფერი იქაც არის, არქიტექტურაში. შატილი მაგალითად; იქ რასთან არის დიალოგი შესული არქიტექტურა? კლიმატთან, კლდესთან, მთასთან, ჰაერთან, წყალთან, თოვლთან, ცხვართან, თოფთან, არქიტექტურული ენის ამ დიალოგი გაჩნდა შატილი.

რ.ა. – მაგარია! რამდენი კრიზისი და უბედურება გამოიარეთ, შენ და შენმა კომპანიამ წინა საუკუნის 80-იანი წლებიდან... უამრავი... რა გაჩვენეს ამ გამოწვევებმა?

გ.ა. – ძალიან მარტივია ამ კითხვაზე პასუხის გაცემა, ეს ყველაფერი რომ არ ყოფილიყო, ალბათ, ათ იმდენს გავაკეთებდი, მაგრამ რადგან ეს ყველაფერი მოხდა, გავაკეთე ათჯერ ნაკლები.

რ.ა. – თანამოაზრეები გყავს?

გ.ა. – რა თქმა უნდა. შემიძლია ვთქვა, რომ ირაკლი მასხარაშვილი ერთ-ერთი

მათგანია. ბევრი მასწავლიდა, მაგრამ ის, რომ არაფრიდან რალაცა შემიძლია გავაკეთო, ირაკლის დამსახურება თავიდან ბოლომდე. თანამოაზრეები არის, თან ბევრი.

რ.ა. – მამაშენი თენგიზ აბულაძე მნიშვნელოვანი ადამიანი და ხელოვანი იყო. საქართველოში შვილები სხირად იმეორებდნენ აღიარებული მამის პროფესიას, უკვე გაკვალიული გზის კომფორტულობა არ გიზიდავდა?

გ.ა. – არა. მამამ თავისუფლება მომცა, დამეხმარა, გვიან მიეხვდი, რომ ესე იყო. დავამთავრე ინსტიტუტი და გავხდი არქიტექტორი, ამ დროს გაიხსნა კინოინსტიტუტი საქართველოში, რეზო ჩხეიძემ და თენგიზმა ჩამოაყალიბეს.

ვემუშაობდი შოთა ყავლაშვილთან. ეს ისტორია მან მომიყვა მამაჩემის გარდაცვალების შემდეგ. თენგიზი მოსულა შოთასთან, მასთან თავიდან რთული იყო მუშაობა, სხირი კონფლიქტები გვექონდა. წარმოიდგინე, შოთა უკვე გამოცდილი, ნიჭიერი კაცი იყო და მე – სტუდენტი. მისულა თენგიზი და უთხოვია, რალაც ისეთი გააკეთეთ, რომ წამოვიდესო მაქედან. კინოში გავუკვალავ გზასო, შოთას უარი უთქვამს. თენგიზი არ იყო ასეთ რამეს მიჩვეული და შემცბარა – როგორო, ჩემი შვილიაო! მერე რა, რომ შენი შვილია, კარგადა ვარ განწყობილი, კარგად მუშაობს და იყოსო. მერე თენგიზს ასეთი რამე უთქვამს, შენ შენსას მიაწეკი და მე ჩემსას გავაკეთებო, დანაძლევებულან. შოთამ მითხრა მერე, მე მოვიგეო.

* * *

რამდენიმე წლის წინ გიას იდეა გაუჩნდა იოსებ გრიშაშვილის „ძველი თბილისური ბოჰემა“ გამოცემულიყო. ახალი გამოცემები აღარ არსებობდა და მისი აზრით ქალაქის სწორი ცოდნისა და აღქმისთვის აუცილებელი იყო ამ უმნიშვნელოვანესი წიგნისთვის ახალი სიცოცხლე და ახალი ტირაჟი. უფრო სწორად არა იმდენად წიგნისთვის, რამდენადაც თანამედროვე მკითხველისთვის, რომელიც მოკლებული იყო გრიშაშვილის ხსენებული შედევრის წაკითხვის შესაძლებლობას. წიგნი მალევე გამოვიდა და დარწმუნებული ვარ თბილისის ცოცხალი მეხსიერების შენარჩუნებაში მრავალ ადამიანს მოეხმარება. როდე-

საც არქიტექტორი წიგნების ბედზე ზრუნავს, მე ეს უბრალოდ მიხარია, ეს წიგნი შემთხვევით არ ვახსენე, ვისაც „ძველი თბილისის ბოჰემა“ წაუკითხავს ან ოდესმე წაიკითხავს – მიხვდება, გაიგებს, დაინახავს გიას დანახულ თბილისს, ისიც ავა რომელიმე წინაპრის კისერზე და ამ ადამიანური სიმაღლიდან შეხედავს სამყაროს.

* * *

კიდევ უამრავი რამის დანერა მინდა, მაგრამ ყველაფერს ერთ ტექსტში ვერ ჩაატყვე.

გიასთან ურთიერთობისას კიდევ ერთხელ იაზრებ, რომ მთავარია ნდობა, გაოცების, გაოგნების, სამყაროში რაიმე დახვეწილით აღფრთოვანების უნარი, მას ეს შეუძლია, მას ეს გამოსდის, მიუხედავად ცინიზმითა და სკეპსისით გაპენტილი ეპოქისა, ამიტომაც ის ყოველთვის იმსახურებდა და იმსახურებს პროფესიონალების, უბრალოდ, ადამიანების ნდობას, მისი ხედვა და შემოქმედება კი – გაოცებასა და მასში თანამონაწილეობის სურვილს. გიას სამყარო გახსნილია, იქ თავისუფლებაა, შეგიძლიათ გადაადგილდეთ

მშვიდად და ამავე დროს, მრავლად იხილოთ ისტორია, ამბები, ადამიანები, თავგადასავლები, აქ მთელი ქალაქებია, ქუჩებია, ეზოები, სახლები დახვეული კიბეებით, განათება ბუნებრივი, სექტემბრის მინურულს, კარგ ამინდში, სალამოობით რომ შემოდის ოთახებში თავისი ჩრდილებით და მსუბუქი ხმებით, ადამიანების იქნება ეს, ხეების თუ ჩიტების.

ეს გია აბულაძეა, თავისუფლების არქიტექტორი, რომლის სამყაროშიც მოკრეჭილი ბალახის სუნი და „ВЕЧНОСТЬ“-ია.



ფოტონური რეაქტორის მოტაცება

<<< დასაწყისი გვ. 42

ჩემთვის და ჩემი თაობისთვის, რელიგია, პირველ რიგში აღიქმებოდა, როგორც კულტურული ფაქტორი, გენერატორი.

მაშინ ეკლესია, როგორც ინსტიტუცია, სუსტი იყო. ეს იყო კარგი ფაქტი. რაც უფრო სუსტია ეკლესია, როგორც ინსტიტუტი, რელიგიური გრძნობა უფრო ძლიერი, ნაყოფიერი და აზროვნების აღმძრავია. როგორც კი ინსტიტუცია მოძლიერდა, რო-

გორც კი რიტუალი უფრო მთავარი გახდა, ვიდრე არსი, მაშინ დასუსტდა კიდევ.”

მუსიკაც თავისებური რელიგია იყო მისთვის და მისი თაობისთვის, რელიგია, რომელიც საშუალებას იძლეოდა, მოსაწყენი, ტაბუირებული რეალობიდან ახალ, ჯანსაღ და სიცოცხლისუნარიან სინამდვილეში გადაგებიჯებინა. მუსიკალური ლეგენდების მთელი არმია იყო იმ დროს. და რაც მთავარია, მაშინ, როდესაც კოტე ჯანდიერი სერიოზული მუსიკით დაინტერესდა, აღარ იყო მუსიკალური ცენზურა. სხვა ცენზურები, იცოცხლე, მაგრამ მუსიკას აღარ თვლიდა საბჭოთა ხელისუფლება ასე საშიშად. რატომღაც.

„ჩემს დროს უკვე აღარ იყო აკრძალული არც „ბითლზი“, არც „დიფ ფარფლი“, არც „ლედ ზეპელინი“. მაშინ პოპულარული იყო მათი „პჰყს-იცალ გრაფფიტი“, დისკებიც იშოვებოდა. ბევრი კარგი მუსიკა იყო მაშინ, ჩემი აზრით. სხვათა შორის, ზემოთ ჩხუბებზე ვთქვით, ჰოდა, ამ დისკების გამოც ხდებოდა ასეთი რამეები.”

ჰო, ჩხუბებზე ზემოთ მეც ვთქვი ორი სიტყვა. ნავინუნუნე კიდევ, რომ არ მოვსწრებივარ „ინტელექტუალურ ჩხუბებს“ – კავკას და სტროსის თემაზე რომ მიდის მუშტი-კრივი, იუნგის კონკრეტული თეზის გამო

ერთმანეთზე რომ ინევენ და ფროიდისეული „ნამოცდენის თეორიის“ მიხედვით რომ „აიასნებენ“ ბაზარს.

როგორც აღმოჩნდა, ეროტიკული თვითგანათლების მხრივაც საწუნუნო მქონია. ბატონმა კოტემ ისეთი ავტორები დაასახელა ეროტიკულ მეგზურებად, რომ ცოტათი შემრცხვა კიდევ – გაზეთი „ძინ-ძინი“ როგორ მეხსენებინა მორავიას, აპულეუსისა და ბოკაჩოს გვერდით.

„მაშინ, როცა ბავშვი იწყებს სექსუალური თემებით დაინტერესებას, ანუ ძირითადად, სკოლის პერიოდში, ამ საკითხებით დაინტერესებულ ყმანვილებს გვექონდა სტანდარტული „საჭირო“ წიგნების ჩამონათვალი და უნდა გითხრათ, რომ ეს იყო მაღალი ლიტერატურა: ბოკაჩოს „დეკამერონი“, აპულეუსის „ოქროს ვირი“, მორავიას „ჩოჩარა“ და რაც უნდა გაგიკვირდეთ, „ათას ერთი ღამე“. ასე რომ, ეროსთან ჩვენი ურთიერთობა ასეთი მედიუმების საშუალებით ჩამოყალიბდა.

ვიდეო-კასეტები რომ გამოჩნდა, უმალლესი უკვე დამთავრებული მქონდა, პირველი ეროტიკული ფილმი, მგონი, „ემანუელა“ იყო, საკმაოდ უწყინარი ეროტიკა.”

პირველ ინტერვიუს აქ ვასრულებთ. „ცხელი შოკოლადის“ რედაქციიდან გამოვდივართ, მე კმაყოფილი ვარ, რომ ინტერვიუ შედგა. ის კმაყოფილ-

ბაბრქელა

ია, რომ ინტერვიუ დამთავრდა.

წინ მეორე ნაწილი გველის, რომელიც უკვე მის სახლში ჩაინერება.

დღე მეორე – დღე

უკანასკნელი

„მთვრალი პროტესტი“

ოთახი ძველებურადაა განწყობილი. მდიდრულს ნამდვილად ვერ იტყვი, მაგრამ ლამაზადაა გაფორმებული. ხის ფაქტურა ჭარბობს.

– ცოტა რბილია, მაგრამ მაინც დაილევიაო, – სასმელს მთავაზობს. ვნრუპავთ ნება-ნება და ისტორიებიც თავს იყრის, ფერებს იცვლის, იშლება. ჰოდა, პირველი კითხვაც სასმელზე იქნება – თემატურია.

„ახალგაზრდობაში იყო ისეთი პერიოდი, როცა „მთვრალ პროტესტს“ ვუცხადებდით საბჭოთა ნყობილებას. საერთოდ, მთვრალი, ან ნასვამი ადამიანი საბჭოთა კავშირში ეს, თავისებურად, კარგი ტონი იყო. „მშრალი კანონის“ დროს საერთოდ, მგონი, არც გამოფხიზლებულვარ, პროტესტი იყო ესეც. გააკეთო ის, რასაც შენთვის მიუთლებელი სისტემა გიბრძანებს – იყო ამაში რალაც სასიამოვნო და მოსაწონი.

სხვათაშორის, „მშრალი“ კანონის მიღების დროს რომ სოლიდარობა იყო სოციალურ ჯგუფებს შორის, ასეთი არსად მინახავს. ყველა: გლეხობა, ინტელიგენცია, ბოჰემა... ყველა იყო ერთიანი.

თქვენი თაობა იმდენს არა სვამს, და ეგ მომწონს, სხვათა შორის.”

სხვაობის გარდა, ჩვენს თაობებს შორის ბევრი მსგავსებაც აღმოჩნდა. პატრიოტთა ბანაკები მაშინაც იყო, თანაც დაახლოებით იმავე არსებითი დატვირთვის მქონე. მართალია, პირდაპირ „ბურჰეზში ნასვლისკენ“ არ იყო მოწოდება, მაგრამ ახალგაზრდები, ცხადია, ამას მოწოდების გარეშეც იოლად ახერხებდნენ.

სპირტბოზიუმი

„არის პერიოდი, როდესაც გგონია, რომ მთებს გადადგამ, ყველაფერს გადაატრიალებ. გადატრიალებით მგონი გადავატრიალეთ, მაგრამ საითკენ გადავატრიალეთ, ეგა თქვი შენ.

მაშინ კომკავშირის წევრი ლამის ყველა იყო, მაგრამ სტრუქტურებში აქტიურობა გარკვეულ წრეებში სირცხვილად ითვლებოდა. კულტურულობა იყო მოდური, კულტურულობად კი არანომენკლატურულობა ითვლებოდა. თუ ტელევიზორში ხშირად ჩანდი, თუ წიგნებს ყოველ წელს გაუთავებლად გიბეჭდავენ და ა.შ., ეს ნიშანი იყო, რომ უკვე გაყიდული იყავი.

ახლა ეს კომკავშირი და ცეკა რას აკეთებდნენ: იხდიდნენ ფულს ახალგაზრდობასთან მუშაობაში. ასე ერქვა. რა უნდა ემუშავათ ახლა, არქმევდნენ სიმპოზიუმს ან რამე მსგავსს. ჩვენს ენაზე, რა თქმა უნდა, ამას ეგრევე „სპირტბოზიუმი“ დავარქვით. ძირითადად, ეგრეც იყო: სასმელი, ფლირტი...

ერთხელ ცეკას მდივანი იყო ჩამოსული და დაგვავლიძეს „პახმელიაზე“ მყოფი ბავშვები. უნდა წაეკითხათ მოხსენება „ბაკურიანი განვითარების პერსპექტივა“. „პახმელიაზე“ როგორი მოსასმენია! ერთი საათის განმავლობაში ლაპარაკობდა, ზოგს იქვე ეძინა, ზოგი – აპირებდა, ზოგს გული ერეოდა...”

ერთი სიტყვით, ასე იყო: კომკავშირლობა უკვე სირცხვილად ითვლებოდა, სისტემა მორყეული იყო და ბოლო წამებს ითვლიდა. მოდური იყო ნაკითხობა, ინტელექტუალური დისპუტები. მოდაში იყო „სამი მუშკეტერი“.

სამი მუშკეტერი

„ჩემს კლასში იყო გოგა კუპევი, არავინ ჰყავდა, ერთი ხანდაზმული და ავადმყოფი დეიდის გარდა. ეს ქუჩაში იყო გაზრდილი. რალაცა ინტელექტუალურ საუბარში მოინდომა ჩარევა და აღმოჩნდა, რომ „სამი მუშკეტერი“ ნაკითხული ჰქონდა. კუპევსაც კი. ანუ იმის თქმა მინდა, რომ ასე იყო: რალაცა მაინც უნდა გქონოდა ნაკითხული. კუპევსაც კი, რომელსაც მთელი ცხოვრება ქუჩაში გაატარა, რალაცა წაეკითხა. მერე და მერე დრაიზერის „და კერიც“ წაიკითხა, ოღონდ ნახევრად.

სხვანაირად არ ხდებოდა, გოგონე-

ბი მთლად სალახანას არ მიაქცევდნენ ყურადღებას.”

„თუ ჩემს დროს წიგნი ან ფილმზე საუბარი იყო მოდური, მერე უკვე ქურდულმა დაიკავა ეს სეგმენტიო, – ამბობს ერთგვარი დანანებით.

ერთხელ ამერიკაში

„ხშირად მსმენია, რომ ქურდული სისტემის რომანტიზირება მწერლებს ბრალდებათ.

მე საერთოდ, არა მგონია, რომ ლიტერატურა ახდენდეს ასეთ დიდ გავლენას, მით უმეტეს, მეოცე საუკუნეში. ზვიად გამსახურდიას ჰქონდა თეორია, რომ ქურდული მენტალიტეტი შექმნა (ან გააძლიერა) დუმბადის ერთმა ნაწარმოებმა („თეთრი ბაირალები“). კი, მაგრამ ათი სხვა აქვს და იმან რატომ არ შექმნა ის სხვა მენტალობა? მწერლობა მხოლოდ ბიძგის მიმცემი შეიძლება, იყოს. მაგრამ საზოგადოების შექმნა, მას ალბათ არ შეუძლია. 90-იანების ტრაგედია ლამის სერჯო ლეონეს დაბრალდა (ფილმის „ერთხელ ამერიკაში“ გამო) უბრალოდ, რალაცა რალაცასთან მოვიდა უნისონში. რეალურად კი 90-იანების ტრაგედია ჩვენმა უტვინობამ შექმნა.”

ფოტონური რეაქტორის მოტასება

აკაკი წერეთელი ამტკიცებს, რომ საქართველოში თამაშის ყველაზე მეტი სახეობაა. ბავშვური, გასართობი თამაშები იგულისხმება, ცხადია და არა – აზარტულები. არ ვიცი, ეს რამდენად აკაკი მართალია, მაგრამ ყველა თაობას აქვს საყვარელი გასართობები. დღეს ვირტუალური თამაშებით ერთობიან, კოტე ჯანდიერის პირველი შემოქმედებითი იმპულსები, როგორც აღმოჩნდა, თამაშებს უკავშირდება.

„ჩვენს ეზოში მახსოვს კინო სტუდია ჩამოვაყალიბეთ. ერთ ერთს ვილაცამ აჩუქა 8 მილიმეტრიანი კინო-კამერა „კვარცი“. დავიწყეთ სცენარების დანერა, გადაღება, გადავიღეთ ერთი ვესტერნი, რომელსაც ერქვა „მძვინვარე ვეფხვი“, თან ფანტასტიკა და და ამავდროულად, დეტექტივი, ნაზა-

ვი იყო, ერთი სიტყვით. იყო ასევე „ფოტონური რეაქტორის მოტაცება“, მართალია, ამ ფოტონური რეაქტორის შინაარსი მთლად კარგად არ ვიცოდით, მაგრამ მაინც... ასე ვერთობოდით. ვინც შავგვრემანი იყო, ინდიელის როლზე ვამტკიცებდით.

ახლა სადღაც არის ეგ ფირები, ნახავდა კაცი!”

მერე უკვე, დიდ ასაკშიც, წერა საბავშვო თამაშად კი არა, ცხოვრების წესად იქცია. საქართველოს ფეხით მოვლის მერე, ევროპაც მოიარა და გულწრფელი აღფრთოვანებაც არ დაუმალავს მოწესრიგებული, კოხტა ქალაქების ნახვისას. უშუალო კონტაქტისას კი ზუსტი წარმოდგენები შეიქმნა იმაზე, რასაც ჩვენ ევროპას და ზოგადად, დასავლეთს ვუნოდებთ.

ევროპა აქ და ახლა

„ჩვენ გვექნდა ძალიან არასწორი წარმოდგენები სამყაროზე, დასავ-

ლეთზე. ქართველი კაცის წარმოდგენები ევროპასთან დაკავშირებით იყო აბსოლუტურად მცდარი. გვეგონა, რომ თუ რაიკომი გაუქმდებოდა, აპრიორი ევროპელები ვიქნებოდით.

ერთხელ მე და ნუგზარ შატაიძე კაპიტალისტურ ევროპაში ერთად მოვხვდით, მე ერთ-ორჯერ ვიყავი ნამყოფი, ნუგზარი – არა, თვითმფრინავი ეშვება უკვე და გამოჩნდა ეს დავარცხნილი ქვეყანა, გეომეტრიული სიზუსტით დამუშავებული მიწები, ვენახები, ხეები, შემოღობილი ტყეები. უყურებს ნუგზარ შატაიძე ამას გაშტერებული.

ბოლოს, ემოცია ვერ შეიკავა და დაცხო ტაში – აი, ხალხი, აი ქვეყანა! როგორც წესი, ტაშს თვითმფრინავის დაჯდომისას უკრავენ, პილოტის პატივსაცემად. დაბნეულობის გამო მთელმა სალონმა გადაწყვიტა, რომ მათაც უნდა დაუკრან. გამოვარდა ბორტ-გამცილებელი, ადრეა, ადრე,

ჯერ არ დავფრენილვართო.

ჩვენ, ცხადია, ვიცოდით, რომ შატაიძის ტაში ევროპას ეკუთვნოდა. ნამდვილ ევროპას. ასეთი ტაში, ანუ ტაში იმისთვის, რასაც მართლა, არსებითად, სიღრმისეულად ნიშნავს ევროპა, სამწუხაროდ, ცოტაა.”

სიმბოლოურია, საუბარი საბჭოთა კავშირით დავიწყეთ და ევროპით დავამთავრეთ, ევროპით, რომლის შესახებ ჩვენი მიმართებები ჯერ კიდევ ბუნდოვანი და არაადეკვატურია.

დამშვიდობებისას კარამდე მაცილებს. ხელს მაგრად მართმევს. მიხარია, რომ გავიცანი კოტე ჯანდიერი. მიხარია, რომ კარგ მწერალს კარგი ისტორიებიც აღმოაჩნდა. მიხარია, რომ პუშკინის ვარაუდი არ გამართლდა, მიხარია, რომ „როგორც იქნა ველირსე წერილს.”



კარლო კაჭარავა, რობორტ ჯოქერი

<<< დასაწყისი გვ. 46

კარლო კაჭარავა მხატვართა ჯგუფ „მეათე სართულის“ ფრონტზე არასოდეს ჩანდა, თუმცა კი ყოველთვის მის თეორისტად და იდეოლოგად მიიჩნეოდა. თავიდან კარლო კაჭარავა სულაც არ ჩანდა, როგორც მწერალი, ის უფრო ლაპარაკობდა, ხოლო თუ წერდა, თავიდან ამას მხოლოდ უორჰოლის, რაუშენბერგის ან სხვა დასავლელი ვარსკვლავის კატეგორიის მხატვრების გაცნობის განზრახვით აკეთებდა. მას „მეათე სართულის“ მანიფესტი არ დაუწერია, ივენტებზე შესავალ ლექციებს არასდროს კითხულობდა, პრესაში კრიტიკული სტატიების წერა სისტემური ხასიათის არ ყოფილა, მისი კონცეფციით გამოფენები არ

გაკეთებულა - მაგრამ თანამედროვე ხელოვნების წრეებში მის აზრს ითვალისწინებდნენ, რადგან კარლო კაჭარავა კარგი ისტორიკოსი იყო და მას უაღრესად სწორი და საქმიანი შენიშვნების გაკეთება შეეძლო.

მხატვართა ჯგუფი „მეათე საართული“, რომელთანაც კარლო მჭიდროდ იყო დაკავშირებული და რომელიც კარლო კაჭარავასა და მამუკა ცეცხლაძის ადრინდელი ჯგუფის „არქივარიუსის“ (მამუკა ცეცხლაძე, კარლო კაჭარავა, გია ლორია, გოგა მალაკელიძე) იდეების ნიალიდან დაიბადა, სულ 5 მხატვარს აერთიანებდა და მასში კარლო, რატომღაც, ოფიციალურად არ შედიოდა. ეს ჯგუფი, მიუხედავად იმისა, რომ ბევრ საინტერესო მხატვართან თანამშრომლობდა და მეგობრობდა, საზღვარგარეთ ოფიციალურად მხოლოდ ხუთი არტისტის შემადგენლობით წარდგებოდა ხოლმე. შესაბამისად, მათ არც კარლო წაუყვანიათ ტურნეებზე. არადა, „მეათე საართულის“ მთელი სუბკულტურული ტერმინოლოგია და, შესაბამისად აზროვნების ფორმალური მოდელი კარლოს შექმნილი იყო.

ყველაფერს, ცხადია, თავისი მიზეზი გააჩნია. „მეათე საართულის“ მხატვრები 1988-89 წლებში იწყებენ საზოგადოებაში ფართოდ გამოჩენას და ეს ის პერიოდია, როდესაც კარლოს მთავარი წერილები იწერება ქართული ავანგარდის შესახებ. ერთი ჰიპოთეზით, კარლო კაჭარავა სწორედ იმით იყო მნიშვნელოვანი, რომ შეეძლო, როგორც მათ „საკუთარ“ ხელოვნებათმცოდნეს, ყოფილიყო „მეათე საართულის“ ვეჟილი. მას სტრატეგიული ფუნქცია ჰქონდა, ხელი შეეწყო, როგორც ზოგადად ხელოვნების ავანგარდისტული კრიტერიუმების დამკვიდრებისთვის, ასევე, კონკრეტულად, „მეათე საართულის“ ჯგუფისთვის. ამ დროს, ის რომ კარლო მხატვარი იყო, შეიძლება, ბევრს გამორჩენოდა კიდევ, რადგან მას კრიტიკოსის ან თეორისტის იმიჯი ჰქონდა, როგორც მიუკერძოებელ, განყენებულ ხელოვნებათმცოდნეს და არა რომელიმე

ჯგუფთან დაკავშირებულ ხელოვანს. ამ ყველაფერმა, გარკვეულწილად, გამოიწვია მისი ეტაპობრივი ტრანსგრესია კრიტიკოსად, მწერლად და ბოლოს – პოეტად. სინამდვილეში ის იყო ხელოვნების ისტორიკოსი და იყო მხატვარი. ის შესანიშნავად წერდა ლექსებს და ჰქონდა მაღალი ლიტერატურული გემოვნება და სტილი, მაგრამ მას უმთავრესი ამბიცია სწორედ მხატვრისა ჰქონდა.

კარლო კაჭარავას პერფორმანსები არ გაუკეთებია, არც აქციები. ეს იყო მხატვარი ან არტისტი ძველებური, მოდერნისტული მგრძობელობით – ის ბევრს ხატავდა, წერდა სტატიებს, ლექსებს, დასცინოდა საკუთარ თავს, განსაკუთრებით კი მაშინ, როდესაც ფეხი იტკინა, კოჭლობდა და დანიის ხელმოცარული ემიგრანტი მუშა ვარო, – ამბობდა. არასოდეს გაჰკარებია თეატრს, საერთოდ სძულდა მანერულობა, მე კი მგონია, მისი ეს სიყვარული ნარატივის ახალი მოდელებისადმი ალბათ ერთადერთი იქნებოდა, რაც ჩვენს თეატრს გამოაცოცხლებდა.

ის სიცოცხლის ბოლო პერიოდში გენერლის პიჯაკით დადიოდა მოსკოვში, ცელოფანის პარკში ლექსების ბლოკნოტი და რაიმე ალკოჰოლური სასმელის ბოთლი ედო - ნუთუ ეს არ არის თეატრი ან პერფორმანსი? სწორედ გენერლის ამ პიჯაკში გამოწყობილს ჩაარტყეს მას უცნობებმა თავში რალაც, ღამით, მოსკოვის სადარბაზოში, რაც მისთვის რამდენიმე თვეში საბედისწერო აღმოჩნდა. მანამდე ცოტა ხნით ადრე, 1994 წელი რომ იწყებოდა, კარლომ ტელეფონით მითხრა, ეს წელი კარგი არ უნდა იყოს ჩემთვის, ახალი ბლოკნოტი, რომ გადაეშალე, ძალიან ავისმომასწავებლად გატკაცუნდაო. მოულოდნელი იყო ასეთი მისი მხრიდან მისტიკურობა, ადამიანისგან, ვინც პროლეტარ ფერიაზე და ფოთის ელევატორზე წერდა ლექსებს, მემარცხენე და ნეომარქსისტი არტისტისგან საკუთარი ესთეტიკური ღირებულებებით. ის ხომ ასე წერდა სინამდვილეში:

„როცა მოსკოვში გატარებულ

1993-1994 წლების დეკემბერ-იანვარს ვიხსენებ, თითქმის ყოველთვის ტკივილების, შეურაცხყოფათა და უსუსურობის გამო დავარდნილ ადამიანებს ვხედავ: სანოლზე მოკრუნჩხულ, სასწრაფო დახმარების მანქანის მოლოდინში მოწრივად ზურაბ გიკაშვილს, საკუთარი ბინის სამზარეულოში სახით დაცემულ მსახიობ ჟენკა შმაროვს წინ განვდილი ხელებით, ავტობუსის გაჩერებაზე ნაქცევულ ნატაშა ბრისლინგს და, რასაკვირველია, საკუთარ თავს, საკუთარი სისხლის გუბეში გამოფხიზლებულს სადღაც პუშკინსკაიაზე, რომელიღაც სახლის სადარბაზოში. ყველა ამ ხატს თან სდევს მოყინულ ტროტუარებზე წონასწორობის შესანარჩუნებლად, სასაცილოდ და მოუქნელად „მოცეკვავე“ ადამიანთა ერთბაშად გულისამაჩუყებელი და გამაღიზიანებელი გარემოცვა ან თანადგომა“.

1992 წელს თბილისის ხელოვნებისა და პოლიტიკის უტოპიური ჯგუფის დაარსება გადაწყვიტეთ. გამოცხადებულ შეკრებაზე ლიტერატორთა რესპუბლიკურ ცენტრში მხოლოდ ოთხნი მივედით, კარლო, მე, გურამ ნიბახაშვილი და შოთა იათაშვილი. და როდესაც მემარცხენეობაზე ბევრი ვისაუბრეთ, კარლომ პირდაპირ განაცხადა, იმედი უნდა გავიცრუოთ, მაღალ ხელოვნებას ხშირად მემარჯვენეები აკეთებენ, ხოლო მემარცხენეები, ლოზუნგების გარდა, ხშირად არაფერს ტოვებენო. მისთვის მთავარი იყო ხელოვნება, როგორც საგანი და ამიტომაც დარჩება ის ბოლო, ყველაზე საინტერესო მოდერნისტად საქართველოში.

როგორც ადრინდელი ქართველი მოდერნისტი კოტე მარჯანიშვილი იტყოდა: „ხელოვნების მიზანი უბრალოა, მიანიჭოს ადამიანს სიხარული, შთაბეროს მას მხნეობა“. გარდაცვალების მერე ადამიანი ისე წარმოჩნდება ხოლმე, თითქოს ადამიანი კი არა ძველი ყოფილიყოს. ყოველთვის და მხოლოდ რალაცის კულტივირებისთვის ცხოვრობდა. მგონია, რომ ასეთ დროს არავინ გაიხსენებს კარლოს აკვიატებას,

საღეჭი რეზინისგან გაკეთებული პატარა ზომის ფალოსებით გამოფენა რომ მოაწყოს. გარდაცვალების მერე მისმა ძველმა მეგობარმა ამერიკელმა გალერისტმა ირინა პოპიაშვილმა პერსონალური გამოფენა გაუკეთა ნიუ იორკში, მაგრამ იქ ასეთი არაფერი ყოფილა, ისევე ის ნახატები იყო, რითაც ჩვენ კარლო დაგვამახსოვრდა, თითქოს ჩვეულებრივი, დაგვიანებული მოდერნისტის ნახატები, რომლებიც ქალის, კაცისა და ბავშვის ისტორიებს გვიყვება. კარლო ცხოვრობდა პოეტურად, ხატავდა მოდერნისტულად, სტატიებს წერდა აკადემიურად. მიუხედავად ბოჰემური ცხოვრების წესისა, ის მაინც აკადემიური ხასიათის ხელოვანი იყო, შეიძლება ითქვას, კონსერვატორიც.

მისთვის ბიოგრაფია იყო მთავარი, ადამიანის ცხოვრება, თუნდაც საკუთარი საბურთალოს ბინიდან დანახული, სადაც 90-იანების რამდენიმე სასტიკი ზამთარი გაატარა წერასა და ხატვაში, საკუთარ დედასთან ცხოვრობდა, დედასთან და დასთან, ლიკასთან ერთად, რომელმაც მის შემოქმედებას უპატრონა, წერილები და დღიურები გამოსცა, გამოფენები მოუწყო.

კარლო წერდა ქართულ ავანგარდზე, თანამედროვე მხატვრებზე. 80-იანი წლების ბოლოდან ის იყო პავილიონების ერთ-ერთი ავტორი მამუკა ცეცხლაძესთან ერთად.

„მეათე სართულის“ ყველა თბილისური გამოფენა პავილიონი იყო, ხოლო უცხოეთში ექსპორტირების დროს ეს პრინციპი აღარ იყო ხოლმე შენარჩუნებული, რაც ორმაგი მორალის პრეცედენტს აჩენდა – ალბათ, მაინც უფრო ფინანსური პირობებიდან გამომდინარე. თვით ამ კარნავალური იდეის ავტორი, კარლო კაჭარავა, როგორც აღვნიშნეთ, არასოდეს ნაჰყოლია ჯგუფს უცხოეთის ტურნეებზე, თუ არ ჩავთვლით ყოფილი საბჭოთა კავშირის ტერიტორიაზე გასვლებს ნარვასა და ლენინგრადში.

პავილიონების მოდელი, ერთი მხრივ, ეკლექტიურობას მატებდა

გამოფენებს, მაგრამ, მეორე მხრივ, არღვევდა იმ იზოლაციას, რაც ნები-სმიერ შემთხვევაში აფერხებს ხელოვნების განვითარებას. გამოფენები ჰეპენინგების ხასიათს იძენდა. ამიტომაც, ალბათ ხშირი იყო კოსტუმირება ამ მხატვრებს შორის, მათს შემოქმედებას უკვე ისედაც ჰქონდა პერფორმანსის ხარისხი. თუნდაც საახალწლო საბავშვო ავანგარდისტული კარნავალი მარჯანიშვილის თეატრის სამხატვრო სახელოსნოში პერფორმანსის იდეას უსაზღვროდ აფართოვებდა. პირველი პავილიონი 1988 წელს მოეწყო „ქარვასლაში“, სადაც 20 მხატვარი იყო წარმოდგენილი, 1989 წელს ეს გამოფენა ლენინგრადის ეთნოგრაფიულ მუზეუმში გამოიფინა და მას პირდაპირ „ქართული ავანგარდი, 80-იანი წლები“ ერქვა. „ქარვასლაში“ მოგვიანებით ისევე გამოეორდა გამოფენა, სადაც ახალი მხატვრები შეუერთდნენ ექსპოზიციას. კარლო კაჭარავამ მაშინ სტატიაც დაწერა, სადაც აღწერდა, თუ რა მონაცემებით და შესაძლებლობებით გამოდის დღეს სცენაზე ქართული ავანგარდისტული მხატვრობის ტრადიცია კომუნისტური პერიოდის პაუზის შემდეგ.

კარლო კაჭარავამ, ხელოვნების ისტორიის ინსტიტუტის უმცროსმა მეცნიერ-თანამშრომელმა 80-იანების ბოლოდან ქართული ავანგარდის კვლევა დაიწყო. გაიგლის სულ რამდენიმე წელი და უკვე 90-იანების დასაწყისში კარლო დაწერს სტატიებს „რატომ არ არის საქართველო“ და „რა არის ავანგარდი და რა უნდათ მისგან თანამედროვე ქართველებს“, სადაც უკვე ცოტა უიმედოდ იხატება საქართველოში ავანგარდისა და თანამედროვე ხელოვნების პროფანიზების სურათი..

1992 წლიდან, როდესაც ლიტერატორთა რესპუბლიკურ ცენტრში დაავიწყდა მუშაობა კარლომ ჩვენთან ლექსების გამოქვეყნება დაიწყო. მანამდეც, პირველი პუბლიკაცია მე და პოეტმა ბადრი გუგუშვილმა გაუფუკეთეთ ჩვენ მიერ გამოცემულ სამიზდატის ყურნალში

„იასხარი“. სწორედ აქ დაიბეჭდა პირველად მისი „პროლეტარი ფერია ლენინგრადიდან“. ზოგჯერ ერთადაც ვწერდით, მაგალითად გაზეთ „რუბიკონის“ ამერიკული ლიტერატურისადმი მიძღვნილ ნომერში ჩვენს ორ სხვადასხვა სტატიას საერთო სათაური ჰქონდა „რას გვაძლევს ამერიკული ლიტერატურა“. ამავე პერიოდში თუ ცოტა ადრე, მოსკოვში ყოფნის დროს ჩვენ საერთო რომანის დაწერა გადავწყვიტეთ. მან წერა მალევე შეწყვიტა და დარჩენილ ფრაგმენტს „აზანოვა“ დაარქვა, რომელიც ვერსად დავბეჭდეთ და მერე ეს ფრაგმენტი დაიკარგა. მე კი ჩემი პირველი ვერსია დაწვნი და ყველაფერი ახლიდან დავიწყე, გადავწყვიტე რომანის გამოქვეყნება წერის პერიოდიდან დაწყებულიყო და ეს პუბლიკაციები უბრალოდ პერიოდიკაში ყოფილიყო გაფანტული. კარლომ რეცენზია დაწერა პირველ თავზე, ეს რეცენზია რომანში მეორე თავად შევიტანე. მერე კარლო გარდაიცვალა, უკვე მე ვწერდი მასზე ძალზე სამწუხარო ჩანახატს გაზეთ „7 დღისთვის.“

ასე უახლოვდებოდა დასასრულს ჩვენი ურთიერთობა დედამინაზე. ჩვენი ბოლო შეხვედრა მის საბურთალოს სახლში შედგა. მან მთხოვა, წასაკითხად მეთხოვებინა ნორმან მეილერის რომანი „შოშველნი და მკვდარი“. ნიგნი მივუტანე და როდესაც სალაპარაკოდ დავსხედით, მაგიდაზე რუსულად გამოცემული ანტონენ არტოს ნიგნი „თეატრი და მისი ორეული“ შევნიშნე. გადავწყვიტეთ, ნიგნები გაგვეცვალა, მიუხედავად იმისა, რომ ჩემთვის ძალიან ძვირფასი იყო მეილერი, ხოლო მისთვის, როგორც აღმოჩნდა, არტო. ესეც მორიგი და ბოლო სიურპრიზი იყო კარლოსგან – მას გიჟი მოსწონდა და მისი წარმოსახული სიცოცხლის ზღვართან მისული თეატრი, კაცს, რომელიც, მეგონა, რომ აკადემიკოსი გახდებოდა.



ესკიზები ფერმაკრთალი კორტრეტისთვის

<<< დასაწყისი გვ. 50

საოცარი მოცულობის ინფორმაცია თანამდროვე ხელოვნების შესახებ, დაახლოებით 32 სამეცნიერო ნაშრომი, 40-ზე მეტი საერთაშორისო თუ ეროვნული გამოფენა, სხვადასხვა მხატვართა ჯგუფებთან ურთიერთობა, ახალგაზრდა კრიტიკოსთა გამგეობაში აქტიური მოღვაწეობა, 1500 პოეტური ნაწარმოები და ლექსი, დაახლოებით 900 ფერწერული და 1500 გრაფიკული ნამუშევარი, დაუმთავრებელი და უდიდესი მნიშვნელობის ნიგნი „თანამდროვე ხელოვნების განმარტებითი ლექსიკონი“ ბუნებისგან გამეტებული 29 წლის ნაცვლად, დაახლოებით სამჯერ მეტს მაინც საჭიროებს...

ასე, რომ ახალგაზრდა ხელოვანმა კარლო კაჭარავამ სინამდვილეში ღვაწლმოსილი მხატვრისა თუ მოხუცი პროფესორის შემოქმედებითი ინტენსივობით იცხოვრა, თუმცა ბევრი რამ მის შესახებ ჯერ კიდევ აღმოსაჩენია.

დიმიტრი თუმანიშვილი, ხელოვნებათმცოდნე: „მისი გარდაცვალებიდან საკმაოდ დიდი დრო გავიდა, მაგრამ მისი ნამუშევრები, ლექსები, ესეები მნიშვნელობას და აქტუა-

ლობას არ კარგავს. პირიქით, რასაც ქმნიდა, ხატავდა, წერდა და აქვეყნებდა, დღეს უკვე სხვა დატვირთვას იძენს. ძნელი სათქმელია, ცოცხალი რომ ყოფილიყო, რა გზას აირჩევდა ხელოვნებაში, ან საით წავიდოდა. თუმცა გარკვეული პირობითობით შეიძლება ითქვას, რომ ის მაინც თანამდროვე დასავლური ლიტერატურითა და ხელოვნებით, გერმანული კულტურით, განსაკუთრებით ექსპრესიონიზმის ხატებითა და შთაბეჭდილებებით იკვებებოდა. კარლო საკუთარი პოეტური წარმოსახვისა და პერსონაჟების ოდნავ ტრაგიკულ, ხშირად ირონიულად გამძაფრებულ სამყაროში ცხოვრობდა და იქ იყო ბოლომდე თავისუფალი. ფერების და ფორმის სამყარო მისთვის უფრო „მეორადი“ იყო, ვიდრე პოეტური ტექსტი ან ლიტერატურულ-მხატვრული სახეები. მგონია, რომ მისი ფერწერა ჯერ კიდევ არ იყო ჩამოყალიბებული. ის ძიების პროცესში იმყოფებოდა და სვლას განაგრძობდა ამ გზაზე. ვერც გეტყვით, რა უფრო მნიშვნელოვანია მასში – პოეტი, მწერალი თუ მხატვარი. მისი მხატვრული სამყარო ოდნავ დასრულებული, მაგრამ ძალიან მრავალნაზნაგოვანი და მრავ-

ვალფეროვანია.”

შოთა იათაშვილი, პოეტი: „კარლო კაჭარავას პოეზიაში და ზოგადად, მის ტექსტებში ბუნებრივად თანაარსებობს ძველი, ახალი და იმდენად ახალი, რომ ქართულ რეალობას მის შესახებ ჯერ წარმოდგენაც კი არა აქვს. თანაარსებობს ერთმანეთისაგან კარდინალურად განსხვავებული კულტურული სივრცეები: ქართული (მემკვიდრეობითი მესხიერებით), რუსული (საბჭოური ესთეტიკით და მასთან დაპირისპირებული ანდერგრაუნდით) და დასავლური (უფრო ხშირად გერმანული, რადგან ხშირად ჰქონდა შეხება გერმანულ ფერწერასა და ლიტერატურასთან, რამაც დიდი გავლენა იქონია მასზე). ეს კულტურები ხშირად „ატრაქციონების მონტაჟის“ სისხარტით ენაცვლებიან ერთმანეთს და ურთიერთზონდირებას ახდენენ. უფრო მეტად გამოკვეთენ თითოეული ამ კულტურის ეგზისტენციურ ნიშნებს. ეს ჯერ კიდევ არაა ის პოსტმოდერნული „დიდი სოფელი“, რომელიც მარშალ მაკლუენმა იწინასწარმეტყველა. ეს უბრალოდ „დიდი სოფელია“, რომელიც 28-29 წლის დაბრძენებული ბიჭის, კარლო კაჭარავას ცნობიერებაში არსებობდა იმდენად შთამბეჭდავი სახით, რომ მომავალი თაობისთვის იგი ეპოქის დოკუმენტად დაიდო.“

ლევან ჭოლოშვილი, მხატვარი: „მთელი ახალგაზრდული ენერჯია, არაორდინარული ნიჭი და მიზანსწრაფვა არა მარტო საკუთარ შემოქმედებას მოახმარა, არამედ თანამდროვე დასავლური ხელოვნების პროპაგანდას, ამ სიტყვის კარგი გაგებით. იმდროინდელ საქართველოში ერთგვარი კულტურტრეგერი გახდა, რომლის როლი მხოლოდ საბჭოთა სისტემის მიმართ პროტესტით ან კულტურის ოპოზიციური გაგებით არ შემოიფარგლებოდა. მისი შემოქმედება ბევრად უფრო ღრმა შრეებს უკავშირდება, ვიდრე ერთი შეხედვით შეიძლება, მოგეჩვენოთ. ერთი მხრივ, ჩრდილო-ევროპული კულტურისა და „ცივი ვნებების“ ნათება, ასკეტური გამომსახველობითი სამყარო და გერმანული ექსპრესიონიზმის ნაკადი და მეორეს მხრივ, მეოცე საუკუნის

70-იანი წლების ამერიკული ლიტერატურა და დასავლური სახვითი ხელოვნება, განსაკუთრებით ტრანსავანგარდული მიმდინარეობა, აყალიბებდა მის მხატვრულ ნააზრევს და შეხედულებებს.

ბოისი, კუნსი, რაუშენბერგი, კირხნერი, უორჰოლი... ეს მხატვრები მასში ყველაზე დიდ ინტერესს აღძრავდნენ და წერდა კიდევ მათ შესახებ. ასე, რომ სრულიად განსაკუთრებულია მისი როლი 80-90-იანი წლების კრიზისულ საქართველოში თანამედროვე დასავლური მხატვრობის გაცნობაში.“

90-იან წლებში, დროის სწრაფ ცვლილებასთან ერთად, კარლო კაჭარავა ახლებურად იაზრებს თანამედროვე ფერწერის მნიშვნელობას. ეფემერულ, ფერმკრთალ, რომატიკული პერსონაჟებს სოციალურ ფონს უქმნის და დრამატულ ირონიას ამატებს. მისი კოლორიტი მძაფრი და პირქუში ხდება; ხაზები – ნაკლებად გამოკვეთილი, ბუნდოვანი, მაგრამ აშკარად მისტიკური; გრძნობები – უფრო დრამატულად ინტენსიური, მაგრამ, რატომღაც, ავტორის საიდუმლოში გამოკეტილი და მიუწვდომელი.

Fur Helene – „ელენესათვის“, ასე ეწოდება თითქმის ორმეტრიან, კონცეფტუალურ ნამუშევარს, სადაც ყვეყნი, მაგრამ ძლიერი და მამაკაცური ძალის მქონე გენერალია გამოსახული. როგორც ყველაფრის შთანთქმელი, უხეში ძალის დემონსტრაცია. Fur Helene – ეს უკვე ჩრდილოელი, მშვენიერი ქალების კრებითი ეროტიკული ხატია, როგორც პირველი ნახატის ერთგვარი კონტრაპუნქტი. ავტორმა ეს ნამუშევარი ფოტოხელოვან გურამ ნიბახაშვილს აჩუქა. ერთი მხრივ, ფაქიზი შეგრძნებებით აღბეჭდილი, ეროტიკული ქალბატონი და მეორე მხრივ, განსაკუთრებით ძლიერი და მასკულინური სანყისის გენერალი. ეს მიუღწეველი რომანტიზმისა და რეალობის უხეში ანტირიტმია, რომელიც მის ნამუშევრებში ყოველთვის იგრძნობა.

გრძნობისმიერი სანყისისა და რომანტიკული სიყვარულის დამარცხება გარდუვალად მიაჩნდა, მაგრამ მარ-

ცხი სიბრძნისეულ განზომილებასა და გროტესკში გადაიტანა. თითქოს ძველი ჩინური ანდაზის ტრასფორმაციას შეგნებულად მიმართა: „სიფაქიზე ყველაფერია, ძალა არარაობაა.“

ნანა ყიფიანი, ხელოვნებათმცოდნე: „თითქოს პარადოქსია, რომ მის ნამუშევრებში 20-იანი წლების ევროპული მხატვრობა და ექსპრესიონიზმის მოტივები 60-იანი წლების პოპ-არტს, 70-იანი წლების ტრანსავანგარდსა და თანამედროვე ამერიკული ლიტერატურის დისკურსს უკავშირდება, მაგრამ ეს ლოგიკური გადაბმია. ჩვენ ხომ თითქმის ყველაფერი გამოვტოვეთ. უბრალოდ, ხელოვნების სხვადასხვა მიმდინარეობები მან სხვა დროსა და სხვა სივრცეში, კერძოდ, 80-90-იანი წლების საქართველოში შეაერთა.“

გურამ ნიბახაშვილი, ფოტოხელოვანი: „კარლოს სხვა მხატვრებისგან პირველ რიგში ის განასხვავებს, რომ მისი ნამუშევრები თითქოს „ნახევრად დაწერილია“; ანუ ტექსტს თავისუფლად იყენებს ფერწერულ და გრაფიკულ ნამუშევარში და მასში ახალი განზომილება და სიღრმე შემაქვს. მისი ხელოვნება იმთავითვე ორმაგ დატვირთვას ატარებს – ფერწერულს და ლიტერატურულს. როცა დღეს სხვადასხვა გამოფენაზე მის ნამუშევრებს ვაკვირდები, ვფიქრობ, მნიშვნელოვნად გაუსწრო დროს. გარდა ამისა, არის უდიდესი ინფორმაციის და ენერჯის მატარებელი ნოვატორი, ხელოვანი, რომლის ნამუშევრებიც კიდევ არაერთხელ გაგვაოცებს მომავალში.“

სერიოზულ კვლევას საჭიროებს კარლო კაჭარავას ნაშრომები, ესეები, სტატიები, ჩანაწერები, დღიურები..... და ცხადია, პოეზია, რომელიც ბოლომდე ჯერ კიდევ არ არის შესწავლილი და გამოქვეყნებული. თუმცა, რაც გამოიცა, დაიბეჭდა თუ გამოიფინა (ისევე როგორც – სხვა საორგანიზაციო საქმეებში) მნიშვნელოვანია კარლოს დის, ლიკა კაჭარავას როლი, რომლის ძალისხმევითაც 2006 წელს გამოიცა ლექსებისა და სტატიების ორტომეული. მიუხედავად რამდენიმე საინტერესო ესესა თუ პუბლიკა-

ციისა (განსაკუთრებით უნდა აღინიშნოს შოთა იათაშვილის და დავით ჩიხლაძის სტატიები და შეფასებები), სათანადოდ არ არის შეფასებული და გააზრებული კარლო კაჭარავას პოეზია, ასევე, ახალ დარბაზებს და ახალ შეფასებას ელის მისი დიდი რაოდენობის გამოუფენელი ნამუშევრები.

მისი ლექსები დატვირთულია მოულოდნელი სოციალური და ფსიქოლოგიური სიმძიმითა და შრეებით, ნაკითხული თუ მოსმენილი ფრაზების არითმიით და აღრევით. ირონიულ და ოდნავ სევდიან ლიტერატურულ ციტატებს „ღარიბი სიზმრების“ ციკლი, „პროლეტარი ფერიების“ მეტაფიზიკა და „პურის რიგში მდგომთა“ სასონარკვეთა ცვლის. ამ ერთი შეხედვით სასტიკი პროზაულობის თუ დოკუმენტურობის მიღმა რაღაც მშვიდი და პოეტური უსასრულობა თვლემს, რომლის მიღწევა თუ გადალახვა მან ვერ შეძლო...“

„ინგლისი დიდია, სერ, ალისა იქ ცხოვრობს.“ – ჩემთვის ეს ფრაზა კარლო კაჭარავას ფიზიკური ირონიითა და ნამდვილი თანაგრძნობით გამოდნობილი გასაღებია, რომლის დახმარებითაც პოეზიის „კარები მხოლოდ ხმაურით იღება“ და ხმაურით იხურება.

ასეთივე სიფიზილით აღიქვამს იგი ახალი დროის ორ უდიდეს ხელოვანს – იოზეფ ბოისსა და ენდი უორჰოლს: „როცა ბოისსა და უორჰოლზე ვმსჯელობ, ეს ზუსტად დაცემაა. ორივენი წმინდანები, ანგელოზები არიან: ერთი – თეთრი და მეორე – შავი. მე მაინტერესებს ყველა წმინდანი რომის იმპერიის დასასრულიდან, ეგვიპტის უდაბნოში, აღთქმული მინისაკენ. მე ვფიქრობ, რომ ხელოვანი დღეს ცოტათი ასეთივენი არიან და სწორედ ამის გამო ოცდაოთხი საათი დღელამეში მხოლოდ იმით არიან დაკავებული, რომ ყნოსვით, ინტუიციით გაიგნონ გზა. ისინი თითქოს მთლიანად სახელგანთქმულნი არიან და პუბლიკაც ჰყავთ; ადამიანები, რომლებიც გზას აგრძელებენ თავიანთ კოლონათა მახლობლად წმინდანთა შორის ხედავენ ნამდვილ შეჯიბრს. უეჭველია, ის რაც გვჭირდება რელიქვიებია!“



ქირითადად, მუსიკაზე და ზოგჯერ – სხვა რამეებზე

<<< დანახვისი გვ. 54

ბლუზი

ბლუზის გარეშე ჯაზი არ არსებობს. იმ მუსიკაშიც კი, სადაც ბლუზი თითქოს არ გესმით, დამიჯერეთ, ის ყოველთვის იქაა, სადღაც მიმაღული.

ახალზე მუსიკაში

ყოველთვის ახალია ის, რაშიც სულს და გულს დებ. ჯონ ლა პორტა მიყვებოდა: „ვუდი ჰერმანთან რომ ვუკრავდი, კონცერტის პირველ ნაწილს ჩვენ ვუკრავდით, მეორეს კი ჯეიმზ ბრაუნს და მისი ბენდი. ყოველ საღამოს მიწევდა მისი მოსმენა, მისი მუსიკა ყოველ საღამოს ერთი და იგივე იყო, მაგრამ ვფიცავ ყველაფერს, ის მუსიკა ამავე დროს ყოველ საღამოს განსხვავებული იყო!“ აი, ესაა ყველაფერი! შეიძლება ყოველ დღე ერთი და იმავეს უკრავდე, მაგრამ იმდენი სული და გული ჩადო ამაში, რომ ის ყოველ საღამოს ახლებურად ჟღერდეს მათთვისაც კი, ვინც ამ მუსიკას პირველად არ უსმენს. ბი-ბი კინგიც ასეთი მუსიკოსია. ჰო, ბლუზს უკრავს, მაგრამ

მისი ძველი ბლუზი ყოველთვის ახალია!

ჩვენ და ახალი თაობის მუსიკოსები

ღრმერთმა უწყის, რას ვუტოვებთ ჩვენ შემდეგი თაობის მუსიკოსებს. ამაზე არ ვფიქრობ მაშინაც კი, როდესაც ახალგაზრდა მუსიკოსები მეუბნებიან, თუ რა დიდი გავლენა იქონია ჩემმა მუსიკამ მათზე. იმდენად გახარებული ვარ ამ დროს, რომ იმაზე ფიქრიც კი არ მინდა, თუ რაა ის, რაც მათ ასე მოსწონთ ჩემ მუსიკაში და შესრულებაში.

ერთბუნებაზე

უკვე ლამის 30 წელია, ამის დროს თუ მაქვს, ნიუ-იორკის ერთ-ერთ პატარა ბარში ვუკრავ ხოლმე. 50 კაცამდე ეტევა და როგორც წესი 50 დოლარს მიხდიან ხოლმე, სიმბოლურ თანხას. მეტის გადახდა არ შეუძლიათ, მაგრამ ისე მიყვარს იქ დაკვრა, რომ თვეში ორჯერ მაინც ვახერხებ ამას. რატომ? არავინ ვიყავი, იქ დაკვრა რომ დავინწყე, დღეს

კი ვილაც ვარ, მაგრამ ეს არაფერს ცვლის, რადგანაც მე ის მუსიკოსი ვარ, ვისაც დაკვრა უყვარს და თუ ამ დროს ვინმე შემომიერთდება და ერთად რამე გამოგვივა, დიდებული იქნება.

როგორი უნდა იყოს ნამდვილი ფანი

მე ჯონ სქოფილდის დიდ ფანი ვარ. ჩვენ ერთად ვიყავით ბერკლიში, მერე მაილზთანაც ვუკრავდით და რაც თავი მახსოვს, მის მუსიკაზე ვგიჟდებოდი, თუმცა არასდროს მიცდია მისი საუნდის კოპირება და მიბაძვა. როგორც უკვე გითხარით, ვცდილობ, სხვა ინსტრუმენტალისტებს მივბაძო და არა გიტარისტებს. ჯონიც ზუსტად ასევეა. მის დაკრულში ჯაზის მთელი ისტორიაა, მაგრამ უსმენ და იმავე წამს ხვდები, რომ ასე დაკვრა მხოლოდ სქოფილდს შეუძლია.

მსუბუქ ნოსტალგიაზე

ბევრი კარგი რამ იკარგება. ადრე ცოცხალი მუსიკის მოსასმენად რომ მიდიოდი, შეგეძლო საღამოს განმავლობაში ჯერ ვუდი ჰერმანი მოგესმინა, მერე კი ჯეიმზ ბრაუნს; ან, შეგეძლო, ჯერ კომიკოს რიჩარდ ფრაიორზე გეცინა, მერე კი მაილზის მუსიკით დამტკვარიყავი. აი, ასე უდგებოდნენ ფრომოუთერები თავის საქმეს. დღეს ეს ეკლექტიკა დაკარგულია. მადლობა ღმერთს იმისთვის, რომ დამოუკიდებელი სატელევიზიო რადიოები არსებობენ! მათ მეპატრონეებს ფეხებზე კიდიან კატეგორიები და ყველაფერს ერთ ქვაბში ხარშავენ. ძალიან ეკლექტიურ მუსიკას უკრავენ და ეს ასეც უნდა იყოს. მუსიკის ჟანრულ ნაწილებად დაყოფა უბრალოდ სისულელეა.

ნარკოტიკებზე და ალკოჰოლზე

უკვე 25 წელია არაფერს გავკარებვიარ. საერთოდ არაფერს. ერთი ჭიქა ღვინოც კი არ შემისვამს.



ფარული ოპერასიები

<<< დასაწყისი გვ. 60

მიუხედავად ამისა, ოსტინში, ტრიბუნასთან მდგარი ვენებილი – გამოცდილი პოლიტიკოსი, რომელსაც „ამერიკელები ეკონომიკური აღმავლობისთვის“ უხდის ხელფასს და რომელიც კოუკის მიერ დაფინანსებულ პოლიტიკურ ჯგუფებში 1994

წლიდან მოღვაწეობს – საუბრისას ასეთ სიფრთხილეს არ იჩენდა. „ჩვენ მოგვწონს, რასაც „ჩაის მსმელების“ პოლიტიკური მოძრაობა აკეთებს, რადგან სწორედ ასე დავიბრუნებთ ამერიკას!“ – განაცხადა მან და შეხვედრის მონაწილეებიც ტაშით შეეგებნენ ამ განცხადებას. მოგვიანებით, ერთ-ერთ ინტერვიუში მან

აღნიშნა, რომ მოძრაობის ერთ-ერთი პირველი წევრი იყო და იხუმრა კიდევ: „ჩაის მსმელების“ მოძრაობაში იმაზე ადრე გავწევრიანდი, სანამ ასეთი მაგარი და პოპულარული გახდებოდა!“ ვენებილმა ისიც განმარტა, რომ „ამერიკელები ეკონომიკური აღმავლობისთვის“ ეხმარებოდა „ჩაის მსმელების“ პოლიტიკური მოძრაობის აქტივისტებს, მათ „აღზრდას“, პოლიტიკურ დეტალებში გათვითცნობიერებას უწყობდა ხელს, ამასთანავე, შეკრებების შემდეგ „მომდევნო საფეხურის ტრენინგებს“ უტარებდა, რათა მათი პოლიტიკური ენერჯია „უფრო ეფექტურად“, უფრო სწორი მიმართულებით დახარჯულიყო. მან აგრეთვე აღნიშნა, რომ „ამერიკელები ეკონომიკური აღმავლობისთვის“ „ჩაის მსმელების“ პოლიტიკური მოძრაობის აქტივისტებს არჩევნების შედეგად ხელისუფლებაში მოსული იმ პირების სიებითაც ამარაგებდა, რომლებიც მათი სამიზნეები უნდა გამხდარიყვნენ. კოუკების შესახებ ვენებილმა განაცხადა: „რა თქმა უნდა, ისინი ჩვენი ხალხია. დევიდი ჩვენი კომპანიის დირექტორთა საბჭოს თავმჯდომარეა. ორივეს ვიცნობ და მეტად ვაფასებ იმას, რასაც ისინი აკეთებენ“.

სამიტზე ვენებილმა „ჩაის მსმელების“ პოლიტიკური მოძრაობის რამდენიმე „ლიდერ მოქალაქეს“ გამორჩეული პატივი მიაგო. მისი ორგანიზაციის ტექსასის ფილიალმა „წლის ბლოგერის“ ტიტული ახალგაზრდა ქალს, სიბილ უესტს მიაკუთვნა. 14 ივნისს თავის ვებგვერდზე უესტმა ობამას „მთავარი კოკაინისტი“ უწოდა, ონლაინ-დისკუსიის დროს კი ივარაუდა, რომ პრეზიდენტი „დემონური ძალების ტყვეობაში იმყოფებოდა“ და შესაბამისი სიმპტომებიც აღენიშნებოდა (ასევე შიზოფრენიის სიმპტომები და ა.შ). შეხვედრას რამდენიმე საგანგებოდ დაქირავებული გამომსვლელიც ესწრებოდა, რომელთა შორის იყო მსახიობი ჯენინ ტერნერი, რომელსაც მაყურებელი უმთავრესად სატელევიზიო სერიალ „ჩრდილოეთის მხარეში“ შესრულებული როლით

იცნობს. მან განაცხადა: „მათ არ სურთ, რომ ჩვენმა შვილებმა საკუთარი უფლებები იცოდნენ. მათ არ სურთ, რომ ჩვენმა შვილებმა ღმერთის არსებობის შესახებ იცოდნენ!“

ლანჩის დროს ვენებილმა დამსწრე საზოგადოებას ტედ კრუზი წარუდგინა – ტექსასის ყოფილი მთავარი პროკურორი, რომელმაც შეკრებილებს უთხრა, რომ ობამა იყო „ყველაზე რადიკალი პრეზიდენტი მათ შორის, ვისაც კი ოვალური კაბინეტი დაუკავებია“. მისი სიტყვებით, ობამამ ამომრჩევლებს საიდუმლო გეგმა არ გაანდო: „მთავრობა გვართმევს ეკონომიკას, გვართმევს სიცოცხლეს“. კრუზმა აგრეთვე განაცხადა: ობამასთან შერკინება ჩვენი თაობის უდიდესი ბრძოლაა. როცა ხალხი ფეხზე წამოდგა და გამომსვლელი ტაშით დააჯილდოვა, მან ალამოს ბრძოლის დროს წარმოთქმული რიგითი ტექსასელის გამომწვევი სიტყვები გაიმეორა: „გამარჯვება ან სიკვდილი!“

„ამერიკელები ეკონომიკური აღმავლობისთვის“ მჭიდროდ თანამშრომლობს „ჩაის მსმელების“ პოლიტიკურ მოძრაობასთან ამ უკანასკნელის დაფუძნების დღიდან მოყოლებული. 2009 წლის აპრილამდე რამდენიმე კვირით ადრე, სანამ გადასახადების წინააღმდეგ პროტესტის პირველი ტალღა აგორდებოდა, მან ვებ-გვერდი მოამზადა, სადაც მხარდამჭერებს „ჩაის მსმელების“ მოძრაობის არგუმენტები“ გააცნო. არიზონას ფილიალმა ხალხს მოუწოდა, ჩაის პაკეტები გაეგზავნათ ობამასთვის, მისურის ფილიალმა კი თავის წევრებს „გადამხდელთა“ „ჩაის მსმელების“ მოძრაობაში განვერიანება ურჩია. ის შესაბამის დირექტივებსაც აძლევდა მათ პროტესტის თითოეული ტალღის აგორებისას. აღნიშნული ჯგუფი დღესაც აგრძელებს ხალხში უკმაყოფილების გავლევას. ჩრდილოეთ კაროლინას ფილიალმა ახლახანს „ჩაის მსმელების“ მოძრაობის წევრების მძებნელი“ ვებ-გვერდი მოამზადა, რომლის სარეკლამო წარწერაც გვამცნობს: „თავმოყრის ადგილი „ჩაის მსმელები“

ბის“ მოძრაობის ყველა მიმართულებისთვის ჩრდილოეთ კაროლინაში“.

ანტი-სამთავრობო ციებ-ცხელებით გამორჩეული 2010 წლის არჩევნები კოუკებისთვის პოლიტიკური გამარჯვების ტოლფასია. „ჩაის მსმელების“ პოლიტიკური მოძრაობის აქტივისტების „აღზრდით“, დაფინანსებითა და ორგანიზებით მათ საკუთარ გეგმებსა და ინტერესებს სახალხო მოძრაობის სახე მისცეს. კონსერვატორმა ეკონომისტმა და ისტორიკოსმა ბრუს ბარტლემმა, რომელიც ერთ დროს დალასში დაფუძნებულ და კოუკების მიერ დაფინანსებულ კვლევით დაწესებულებაში – ეკონომიკური პოლიტიკის ანალიზის ეროვნულ ცენტრში მუშაობდა, განაცხადა: „მთელი ლიბერტარიანული მოძრაობის პრობლემა ის არის, რომ ყველანი ბელადები არიან და უბრალო ინდიელი არავინაა. მათ არ ჰყავთ ნამდვილი ხალხი, ნამდვილი ამომრჩევლები, რომლებისთვისაც მათი წარმატება სულ ერთი არ იქნება. ეს არის კოუკების პრობლემა და ამიტომ ცდილობენ ისინი მოძრაობის შექმნას“. როგორც კი „ჩაის მსმელების“ პოლიტიკური მოძრაობა დაფუძნდა, მან თქვა: „უცებ ყველამ დაინახა, რომ მათ ირგვლივ ინდიელებიც არიან – ხალხი, რომელიც ნამდვილ იდეოლოგიურ ძალას წარმოადგენს“. მისი სიტყვებით, კოუკები „ცდილობენ, სახალხო მღელვარებას ისეთი ფორმა და მიმართულება მისცენ, იმგვარად გააკონტროლონ ის, რომ ყველაფერი მათ პოლიტიკურ თუ ეკონომიკურ მიზნებს ბოლომდე თანხვედებოდეს“.

რესპუბლიკური პარტიის ერთ-ერთი კონსულტანტი საარჩევნო საკითხებში, რომელმაც ჩარლზ და დევიდ კოუკების სურვილით სპეციალური გამოკვლევა ჩაატარა, „ჩაის მსმელების“ პოლიტიკური მოძრაობის შესახებ ამბობს: „მის დასაფუძნებლად საჭირო თანხა ძმებმა კოუკებმა გაიღეს. თითქოს მინას მცენარის თესლი მიმოაბნის. მერე თავსხმა წვიმა მოვიდა და ტალახიდან ბაყაყები ამოხტნენ – აი, ისინი არიან ჩვენი კანდიდატები!“

კოუკებმა და პოლიტიკის საკითხებში მათმა მრჩეველებმა თუ თანამშენებმა ინტერვიუზე უარი განაცხადეს. ძმებთან დაახლოებულმა გამოჩენილმა ნიუ-იორკელმა პიარტექნოლოგმა მათ ნაცვლად ორი მეგობრის კანდიდატურა წამოაყენა: ნიუ-იორკის შტატის ყოფილი გუბერნატორის, ჯორჯ პატაკის და გამომცემლისა და უძრავი ქონების მაგნატის, მორტიმერ ცუკერმანის. რესპუბლიკელმა პატაკიმ, რომლის საარჩევნო კამპანიასაც დევიდ კოუკი აფინანსებდა, მას უწოდა „პატრიოტი, რომელსაც გულის სიღრმემდე აღეღვებს ქვეყნის ბედ-იღბალი“. ცუკერმანმა კი ხოტბა შეასხა დევიდს „ღირსეული ნაბიჯებისა“ და „საზოგადოებრივი ინტერესების ფართო დიაპაზონისთვის“.

რესპუბლიკური პარტიის კონსულტანტმა საარჩევნო საკითხებში ამ ოჯახის პოლიტიკური საქმიანობის შესახებ განაცხადა: „პროჟექტორების შუქზე მათი გამოსხივება იმას ნიშნავს, რომ სიტუაციას სათანადოდ ვერ აფასებთ. ისინი მუდამ იატაკქვეშ საქმიანობენ!“ კოუკის კიდევ ერთმა მრჩეველმა კი განმარტა: „ისინი გონებათმახვილები არიან. მთელი ეს მემარჯვენე ხეპრეები ხომ მათთვის მუშაობენ. აი, ეს გზა აირჩიეს, რათა თავისას ისე მიაღწიონ, რომ ნებისმიერი საქმიდან ყოველთვის სუფთად გამოვიდნენ“. დემოკრატიული პარტიის პოლიტექნოლოგმა რობ სტეინმა, ვინც კარგად შეისწავლა კონსერვატიული მოძრაობის დაფინანსების წყაროები, განაცხადა, რომ კოუკები „იმ მოძრაობის ეპიცენტრში იმყოფებიან, რომელიც ობამას ყოველმხრივ უპირისპირდება. თუმცა საქმე მხოლოდ ობამას არ ეხება. ისინი ასევე დაუპირისპირდებოდნენ ჰილარი კლინტონს. თავის დროზე სწორედ ასე უპირისპირდებოდნენ ბილ კლინტონს. მათ პროგრესის ხელყოფა, რეფორმების ჩაშლა სურთ“.

როგორი უცნაურიც უნდა იყოს, ამ თვალმისაცემად კაპიტალისტურმა ოჯახმა ქონების ნაწილი სტალინის წყალობით დააგროვა. ფრედ კოუკი ტექსასში დასახლებული იმ ჰო-

ლანდიელი ემიგრანტის ვაჟი იყო, რომელიც ყოველკვირეულ გაზეთს გამოსცემდა. ფრედმა მასაჩუსეტსის ტექნოლოგიის ინსტიტუტი დაამთავრა და შესაბამისი ხარისხიც მიიღო ქიმიურ ტექნოლოგიებში. 1927 წელს მან ნავთობიდან ბენზინის გამოხდის ბევრად უფრო ეფექტიან გზას მიაგნო, მაგრამ, როგორც კოუკების ოჯახში ირწმუნებიან, უმთავრესმა ამერიკულმა ნავთობკომპანიებმა ფრედი საფრთხედ მიიჩნიეს და მას ნავთობმრეწველობის სფეროში შეღწევის საშუალება არ მისცეს. მართალია, სამშობლოში წარმატებას ვერ მიაღწია, მაგრამ კოუკმა სამუშაო საბჭოთა კავშირში მაინც იშოვა. მე-20 საუკუნის 30-იან წლებში მისმა კომპანიამ საკუთარ თავზე აიღო ბოლშევიკი ინჟინრების მომზადება და სტალინის რეჟიმის დახმარება 15 ახალი ნავთობგადამამუშავებელი ქარხნის მშენებლობის საქმეში. გავიდა დრო და სტალინი სასტიკად გაუსწორდა კოუკის ზოგიერთ საბჭოთა კოლეგას, რამაც იმდენად აღაშფოთა ამერიკელი, რომ მან აღნიშნულ რეჟიმთან თანამშრომლობა მწარედ ინანა. ის შეერთებულ შტატებში დაბრუნდა. თავისი კომპანიის, „როკ აილენდ ოილ ენდ რიფაინინგის“ სათავე ოფისში, უიჩიტაში, ფრედი ბოლომდე ინახავდა იმის დამატკიცებელ ფოტომასალას, რომ საბჭოთა ნავთობგადამამუშავებელი ქარხნებიდან ზოგიერთი მეორე მსოფლიო ომის დროს განადგურდა. ჩარლზ კოუკის ყოფილი მეგობარი გუს დი ზერიგა იხსენებს: „როცა საბჭოთა კავშირის სამხედრო ძლიერება გაიზარდა, ფრედს ერთგვარი დანაშაულის განცდა გაუჩნდა იმის გამო, რომ თავის დროზე ამ ქვეყნის წინსვლას შეუწყო ხელი. ჩემი აზრით, ეს განცდა მას მოსვენებას არ აძლევდა“.

1958 წელს ფრედ კოუკი ერთ-ერთი პირველი განევრიადა ჯონ ბერჩის საზოგადოებაში – ზე-კონსერვატიულ ჯგუფში, რომელიც უმთავრესად იმით გახდა ცნობილი, რომ ხელისუფლებისადმი უკიდურესად სკეპტიკური დამოკიდებულება

ჰქონდა და მოსალოდნელი კომუნისტური გადატრიალების შესახებ ხმებს ავრცელებდა. მის წევრებს მიაჩნდათ, რომ პრეზიდენტი დუაიტ ეიზენჰაუერი კომუნისტებთან ფარულად თანამშრომლობდა. საკუთარი ხარჯით გამოცემულ გაზეთში კოუკი აცხადებდა: „კომუნისტებმა ორივე პარტიაში შეაღწიეს: ისინი დემოკრატებშიც არიან და რესპუბლიკელებშიც“. ის აღფრთოვანებას ვერ მალავდა იტალიაში ბენიტო მუსოლინის მიერ კომუნისტების ყოველმხრივ შევიწროვების გამო, ამავე დროს მწარედ დასცინოდა სამოქალაქო უფლებების ამერიკელ დამცველთა საქმიანობას. „ამერიკის სათავეში მოსვლის კომუნისტურ გეგმაში ფერადკანიან ადამიანს დიდი ადგილი ეთმობა“, – აფრთხილებდა იგი მკითხველს. სოციალური კეთილდღეობა კი, მისი აზრით, მხოლოდ ვერაგული სატყუარა იყო, რომელიც სოფლად მცხოვრებ შავკანიან მოსახლეობას დიდ ქალაქებში მოიზიდავდა და „რასებს შორის საშინელი ომი“ გაჩაღებოდა. 1963 წელს წარმოთქმულ სიტყვაში, რომელიც „ჩაის მსმელების“ პოლიტიკური მოძრაობის მიერ არაერთხელ ნახსენებ ფარულ სოციალისტურ შეთქმულებას გვახსენებს, კოუკი წინასწარმეტყველებდა: კომუნისტები „ამერიკის მთავრობის კაბინეტებში შეაღწევენ, სანამ კომუნისტი პრეზიდენტი გვყავს – ასე, ყველასგან ფარულად“.

ფრედ კოუკმა მისურის შტატში მცხოვრები ექიმის ქალიშვილი მერი რობინსონი შეირთო ცოლად. მათ ოთხი ვაჟი შეეძინათ: ფრედი, ჩარლზი და ტყუპები – დევიდი და უილიამი. „მომავლის ინდუსტრიული ასოციაციის“ პრეზიდენტი ჯონ დემგარდი დევიდის თანაკლასელი და ახლო მეგობარი იყო. ის იხსენებს, რომ ფრედი „ნაღდად ჯონ უეინის ტიპს წარმოადგენდა“. უფროსი კოუკი დიდ მნიშვნელობას ანიჭებდა ფიზიკურ შრომას: შვილები დიდ ცხოველებზე სანადიროდ აფრიკაში დაჰყავდა და საკუთარ რანჩოში მათ ყოველგვარი სასოფლო საქმის შესრულებას სთხოვდა. კოუკები ქვით

ნაგებ დიდ სახლში ცხოვრობდნენ ზუსტად უიჩიტას დასასვენებელი კლუბის პირდაპირ. ზაფხულობით ბიჭებს ესმოდათ, თუ როგორ ხტებოდნენ აუზში მათი მეგობრები, მაგრამ თანატოლებთან ერთად გართობის უფლება არ ჰქონდათ. „მამაჩემის მხრიდან დიდი სიკეთე იყო, შრომის ეთიკას რომ მაზიარა, თუმცა მაშინ ეს სიკეთედ სულაც არ მეჩვენებოდა. რვა წლის რომ გავხდი, მან ყველაფერი იღონა, რათა თავისუფალი დროის უდიდესი ნაწილი შრომაში გამეტარებინა“, – წერდა ჩარლზი. დევიდ კოუკი კი იხსენებს, რომ მამა ვაჟიშვილების პოლიტიკურ გათვითცნობიერებაზეც ზრუნავდა. „ის გამუდმებით გვესაუბრებოდა ჩვენ, ბავშვებს, იმის შესახებ, თუ რა შეცდომებს უშვებდა მთავრობა“, – უთხრა მან ბრაიენ დოერტის, ლიბერტარიანულ ჟურნალ „რიზენის“ რედაქტორსა და ლიბერტარიანული მოძრაობის უახლესი ისტორიის შესახებ დაწერილი წიგნის „რადიკალები კაპიტალიზმისთვის“ ავტორს, – „აი, ამ ფუნდამენტური ხედვით გავიზარდე, რომ დიდი მთავრობა ცუდი იყო და მის მიერ თავსმობვეული კონტროლი ჩვენს ცხოვრებასა თუ ეკონომიკურ სარგებელზე სულაც არ იყო სასიკეთო“.

დევიდმა მასაჩუსეტსში, დირფილდის აკადემიაში განაგრძო სწავლა, ჩარლზმა სამხედრო აკადემიას მიაშურა. ჩარლზმა, დევიდმა და უილიამმა ინჟინრის ხარისხი მოიპოვეს მამის „ალმა მატერში“ – მასაჩუსეტსის ტექნოლოგიის ინსტიტუტში, მოგვიანებით კი ოჯახურ კომპანიაში დაიწყეს მუშაობა. დროთა განმავლობაში მართვის სადავეები ჩარლზმა საკუთარ ხელში აიღო, ხოლო დევიდი მისი მოადგილე გახდა. უილიამის კარიერა კომპანიაში ნაკლებად წარმატებული აღმოჩნდა. ფრედი ჰარვარდში გაემგზავრა და იელის დრამის სკოლაში დრამატურგია შეისწავლა. ამბობენ, რომ მამამ მას გადანყვეტილება არ მოუწონა და დასჯის მიზნით, ფინანსურ დახმარებაზე უარი უთხრა (თავად ფრედიმ, პრეს-მდივნის საშუალებით, ეს

ფაქტი საერთოდ უარყო).

1967 წელს ფრედ კოუკი გულის შეტევით გარდაიცვალა და ჩარლზმა, მამის საპატივსაცემოდ, კომპანიას „კოუკ ინდესტრიზი“ უწოდა. უფროსი კოუკის ანდერძმა წარმოუდგენლად გაამდიდრა ვაჭები. 2003 წელს, დირფილდის აკადემიის კურსდამთავრებულების წინაშე გამოსვლისას, დევიდმა იხუმრა კიდეც ასეთი იღბლის თაობაზე. ამ სასწავლებელს მან 25 მილიონი დოლარი გადაურიცხა, რის შემდეგაც „სიცოცხლის ბოლომდე ერთადერთი მეურვე“ გახდა. მან თქვა: „ალბათ იკითხავთ: როგორ გამდიდრდა დევიდ კოუკი, როცა ასეთი ხელგაშლილია? კარგი, მოგიყვებით. ყველაფერი მაშინ დაიწყო, როცა პატარა ბიჭი ვიყავი. ერთ დღეს მამაჩემმა ვაშლი მომცა. ის ხუთ დოლარად გაყიდე, ამ ფულით ორი ვაშლი ვიყიდე და ათი დოლარი ვიშოვე. მერე ოთხი ვაშლი ვიყიდე და ოც დოლარად გაყიდე. ასე ვშრომობდი დღითი დღე, კვირიდან კვირამდე, თვიდან თვემდე, წლიდან წლამდე, სანამ მამაჩემი არ გარდაიცვალა და სამი მილიონი არ დამიტოვა!“

დევიდმა და ჩარლზმა მამის კონსერვატიული შეხედულებები გაითავისეს, თუმცა მის ყველა მოსაზრებას მაინც არ იზიარებდნენ. ასე ფიქრობს დი ზერიგა, რომელიც ჩარლზს 60-იანი წლების შუაში დაუმეგობრდა, როცა უიჩიტაში, ჯონ ბერჩის საზოგადოების წიგნის მალაზიაში წიგნების თვალყურებისას გაიცნო. ბოლოს ის ერთ-ერთ არაფორმალურ პოლიტიკურ დისკუსიაში მონაწილეობის მისაღებად კოუკების დიდ სახლში მიიწვიეს. „ცხადი იყო, რომ ბერჩის საზოგადოების ზოგიერთი საქმიანობა ჩარლზს სრულიად აბსურდულად მიაჩნდა“, – იხსენებს დი ზერიგა.

დი ზერიგამ ჩარლზთან ურთიერთობა განყვიტა, დროთა განმავლობაში მემარჯვენე შეხედულებებზეც უარი თქვა და პოლიტოლოგიის დარგში პროფესორი გახდა. ის ყოფილ მეგობარს უმადლის პოლიტიკური ფილოსოფიით დაინტერესებას

და აკადემიური კარიერის არჩევას. ჩარლზი ერთ-ერთია იმ სამი ადამიანიდან, ვისაც დი ზერიგამ პირველი წიგნი მიუძღვნა. მიუხედავად ამისა, პოლიტოლოგი ფიქრობს, რომ ძმებმა კოუკებმა ინტელექტუალური განვითარების არასწორი გზა აირჩიეს, უარი არ თქვეს საბჭოთა კავშირისა და კომუნისტების მიმართ მამისეულ პარანოიდულ შიშზე და ის ამერიკის მთავრობის მიმართ სრულ უნდობლობაში გადაზარდეს. „ახალი კურსის“ – რუხველტის მიერ ახალი ეკონომიკური პოლიტიკის გატარების პერიოდიდან მოყოლებული, ისინი ყველგან იმ საფრთხეს ხედავდნენ, რომელიც თავისუფლებას ემუქრებოდა. beliefnet.com-ზე გამოქვეყნებულ ესეიში დი ზერიგა წერს: „როცა სახელმწიფო დონეზე სოციალიზმმა კრახი განიცადა... მრავალი ორგანიზაციის სამიზნედ უკვე ნებისმიერი სახის წესრიგი იქცა. „სოციალიზმის“ განსაზღვრება უფრო და უფრო დავინროვდა“.

ჯონ ბერჩის საზოგადოების წევრები ავსტრიელი ეკონომისტების თეორიებით, ე.წ. „ავსტრიული სკოლით“ დაინტერესდნენ, რომელიც წინა პლანზე თავისუფალი ბაზრის იდეალებს წამოსწევდა. ჩარლზ და დევიდ კოუკებზე განსაკუთრებული ზეგავლენა მოახდინა ფრიდრიხ ფონ ჰაიეკის ნაშრომებმა, რომელიც ავტორია წიგნისა „გზა ბატონ-ყმობისკენ“ (1944). ის ამტკიცებდა, რომ მთავრობის მიერ ეკონომიკის ცენტრალიზებულ დაგეგმვას ქვეყანა განუხრელად მიჰყავდა ტოტალიტარიზმისკენ. ჰაიეკს ურყევად სწამდა შეუზღუდავი კაპიტალიზმის შესაძლებლობებისა, რაც მრავალი კონსერვატორისა თუ საბჭოთა კავშირიდან ემიგრირებული დისიდენტის შთაგონების წყაროდ იქცა, მოგვიანებით კი მისი ნაშრომები „ჩაის მსმელების“ პოლიტიკურმა მოძრაობამაც აიტაცა. იენისში, რადიო-შოუს ნამყვანმა, გლენ ბეკმა, რომელმაც „ჩაის მსმელების“ პოლიტიკური მოძრაობის მიერ აგორებულ საპროტესტო ტალღას დაუჭირა მხარი, თავის შოუში ჰაიეკის წიგნი „გზა

ბატონ-ყმობისკენ“ განიხილა და ის უმაღლვე №1 ბესტსელერი გახდა amazon.com-ზე (როგორც ჩანს, ბეკი კოუკების ფანია; ახლახან ელ გორის ერთ-ერთ სატელევიზიო პაროდიამ ბეკმა განმარტების გარეშე აღნიშნა, ინფორმაციის მონოდებისთვის მადლობას ჩარლზ კოუკს ვუხდით. ამ ურთიერთობაზე მას მეტი არაფერი უთქვამს).

ჩარლზი და დევიდი კიდეც უფრო რადიკალურად მოაზროვნე რობერტ ლეფერის თაყვანისმცემლებიც გახდნენ, რომელსაც სახელმწიფოს ლიკვიდაცია კი სურდა, მაგრამ არ მოსწონდა, როცა ანარქისტად მოიხსენიებდნენ. იგი საკუთარ თავს „ავტარკს“ უწოდებდა (ავტარკია – ეკონომიკური რეჟიმი, რომლის დროსაც იმპორტი შეზღუდულია, ხოლო ექსპორტი ვითარდება). ლეფერი ხშირად აღნიშნავდა: „მთავრობა სწორედ ის სენია, რომელიც თავს ისე გვაჩვენებს, თითქოს ამ სენის სამკურნალო წამალი იყოს“. 1956 წელს კოლორადო სპრინგსში მან „თავისუფლების სკოლა“ გახსნა. როგორც „რიზენის“ რედაქტორმა, ბრაიენ დოერტიმ მითხრა, „ლეფერი ის ანარქისტი იყო, რომელმაც ჩარლზის გული მოიგო“, ეს სკოლა კი გახლდათ „იმ ხალხის პანია სამყარო, ვისაც რუხველტის „ახალი კურსი“ საშინელ შეცდომად მიაჩნდა“. დი ზერიგას თანახმად, სკოლას ჩარლზი აფინანსებდა და მასაც კი უხდოდა ფულს იმისთვის, რომ იქ ლექციები ჩაეტარებინა.

70-იან წლებში ჩარლზი და დევიდი „კოუკ ინდესტრიზის“ გაფართოებას განაგრძობდნენ. 1980 წელს უილიამ-მა, უფროსი ძმის, ფრედის დახმარებით, კომპანიის ხელში ჩაგდება სცადა. ისინი თვლიდნენ, რომ ჩარლზი მას ერთპიროვნულად მართავდა. კომპანიის დირექტორთა საბჭომ, ჩარლზის მოთხოვნის საპასუხოდ, უილიამი დაკავებული თანამდებობიდან გაათავისუფლა („ჩარლზი რკინის ხელით მართავს ყველაფერს“, – მითხრა ეკონომისტმა ბრიუს ბარტლემმა). დაიწყო სასამართლო პროცესი, რომელზეც ერთ მხარეს

უილიამი და ფრედი წარმოადგენდნენ, ხოლო მეორეს – ჩარლზი და დევიდი. 1983 წელს მათ უილიამისა და ფრედისგან კომპანიის წილები დაახლოებით მილიარდ დოლარად შეისყიდეს. მიუხედავად ამისა, ძმებს შორის მტრობა არ განელეზულა, სასამართლო პროცესი კი კიდევ 17 წელს გაგრძელდა. ამ დროის მანძილზე მათ არაერთი კერძო დეტექტივი დაიქირავეს კონკურენტი ფირმებიდან, ხოლო 1990 წელს, დედის დაკრძალვაზე, ერთმანეთის მიმართ მეტად მკვახე გამონათქვამებიც არ დაიშურეს. საბოლოოდ ფრედი მონაკოში გადასახლდა, სადაც საშემოსავლო გადასახადი საერთოდ არ არსებობს. მან შეიძინა ისტორიული მნიშვნელობის მქონე სახლები საფრანგეთში, ავსტრიაში და სად აღარ, აავსო ისინი ხელოვნების ნიმუშებით, ანტიკვარული ნივთებით, ოპერის პარტიტურებითა თუ ლიტერატურული ხელნაწერებით. უილიამმა ენერგოკომპანია „ოქსბოუ“ დააარსა და ამასთანავე აფროსნობას მიჰყო ხელი. მან დაახლოებით 65 მილიონი დოლარი დახარჯა იმისთვის, რომ ამერიკის თასი მოეპოვებინა 1992 წელს.

ჩარლზის – კომპანიის პრეზიდენტისა და უდავო მმართველის ხელში „კოუკ ინდესტრიზი“ სწრაფად გაიზარდა. როგორც საინვესტიციო ბანკის, „ევერკორის“ მმართველმა როჯერ ოლტმენმა მითხრა, კომპანიის წარმატება „უკვე ყველა ზღვარს გადასცდა“. ჩარლზი უიჩიტაში დარჩა მეუღლესა და ორ შვილთან ერთად და პირად ცხოვრებას ცნობისმოყვარეთა თვალისგან იცავს, თან საქველმოქმედო საქმიანობასაც ეწევა. დევიდი საცხოვრებლად ნიუ იორკში გადავიდა. ახლა ის კომპანიის აღმასრულებელი ვიცე-პრეზიდენტი და ქიმიური ტექნოლოგიების ჯგუფის გენერალური დირექტორია. ერთ-ერთმა ექსპერტ-ფინანსისტმა, რომელიც კარგად იცნობს „კოუკ ინდესტრიზს“, გამომხილა: „ჩარლზი კომპანიის სული და გულია. კომპანიას ის ამუშავებს და ასულდგმულებს“. დევიდი, ვისაც კოლეგები

გულთბილ და „ცოტა მოუქნელ“ კაცად ახასიათებენ, წლების მანძილზე მდიდარი მარტოხელას ცხოვრებით ტკბებოდა. სამხრეთ საფრანგეთში მან იახტა იქირავა და საუთჰემპტონში, პორტის პირას შეიძინა სახლი, სადაც ისეთ წვეულებებს აწყობდა, რომლებიც newyorksocialdiary.com-ზე „ჰიუ ჰეფერის დიდებულ მიღებებს“ შეადარეს. 1996 წელს მან ცოლად შეირთო დიზაინერის თანაშემწე ჯულია ფლეშერი. ისინი პარკ ავენიუზე, №740-ში, 9000 კვადრატულ-ფუტთან დუბლექსში ცხოვრობენ სამ შვილთან ერთად. მიუხედავად იმისა, რომ დევიდს, ჩარლზთან შედარებით, უფრო კოსმოპოლიტური შეხედულებები აქვს და ამასთანავე უფრო ხალისიანი, გულკეთილი კაციცაა, ბრაიენ დოერტი, რომელმაც ორივე ძმისგან აიღო ინტერვიუ, ვერ იხსენებს ერთ საკითხსაც კი, რომელშიც ისინი ვერ თანხმდებიან.

ძმების ქონება თანდათან გაიზარდა, ამასობაში კი ჩარლზ და დევიდ კოუკები ამერიკაში უკომპრომისო ლიბერტარიანული პოლიტიკის უმთავრეს მხარდამჭერებად და ფინანსურ გარანტორებად მოგვევლინენ. დოერტის სიტყვებით, ჩარლზის მიზანი „მთავრობის ერთიანად მოთხრა“ იყო. ძმებმა საზოგადოებრივ ასპარეზზე პირველი მნიშვნელოვანი ნაბიჯი 1979 წელს გადადგეს, როცა ჩარლზმა იმხანად 39 წლის დევიდი დაარწმუნა, საკუთარი კანდიდატურა წამოეყენებინა სახელმწიფო პოსტზე. ისინი ლიბერტარიანული პარტიის მხარდამჭერები იყვნენ და საპრეზიდენტო არჩევნებში მის კანდიდატს, ედ კლარკს უმაგრებდნენ ზურგს, რომლის კონკურენტიც მემარჯვენეთა მხრიდან რონალდ რეიგანი გახლდათ. საარჩევნო კამპანიის დაფინანსებისას კანონმდებლობით გათვალისწინებულმა შეზღუდვამ კოუკები გააღიზიანა, ჰოდა, მათაც ეშმაკური ხერხი მოიგონეს: ლიბერტარიანელებმა დევიდი საარჩევნო სიაში შეიყვანეს და ვიცე-პრეზიდენტობის კანდიდატად დაასახელეს. ახლა მას უკვე შეეძლო იმდენი ფული ეფანტა საარჩევნო კამპანიის

დროს, რამდენსაც ისურვებდა. მათ ასეთი სლოგანი ჰქონდათ: „ლიბერტარიანულ პარტიას მხოლოდ ერთი დამფინანსებელი ჰყავს: თქვენ“. სინამდვილეში კი მისი უმთავრესი დამფინანსებელი დევიდ კოუკი ბრძანდებოდა, რომელმაც ამ საქმეს ორ მილიონ დოლარზე მეტი მოახმარა.

1980 წლის კამპანიის დროს გაულერებულ იდეებში „ჩაის მსმელების“ პოლიტიკური მოძრაობის მკრთალი ჩანასახი გამოჩნდა. ედ კლარკმა ჟურნალ „ნიმენს“ განუცხადა, რომ ლიბერტარიანელები „დიდი ჩაის სმის მოსაწყობად“ ემზადებოდნენ, რადგან გადასახადებმა ხალხს „პირდაპირ სული ამოხადა“. ლიბერტარიანული პარტიის პლატფორმა გულისხმობდა გამოძიების ფედერალური ბიუროსა და ცენტრალური სადაზვერვო სამმართველოს გაუქმებას, აგრეთვე, ისეთი ფედერალური მარეგულირებელი ორგანიზაციების დახურვას, როგორცაა ფასიანი ქალაქებისა და ბირჟების კომისია – სამთავრობო მარეგულირებელი სააგენტო და ენერგეტიკის დეპარტამენტი. პარტიას სურდა, ერთხელ და სამუდამოდ მოელო ბოლო სოციალური უზრუნველყოფის სისტემისთვის, სახელფასო მინიმუმის განმსაზღვრელი კანონებისთვის, იარაღის კონტროლისთვის და ყოველგვარი ინდივიდუალური თუ კორპორატიული საშემოსავლო გადასახადისთვის. მის პროგრამაში, აგრეთვე, შედიოდა პროსტიტუციისა და მსუბუქი ნარკოტიკების ლეგალიზაცია. მთავრობას ერთადერთი ფუნქცია რჩებოდა: ადამიანის უფლებების დაცვა. გაცილებით ტრადიციულმა კონსერვატორმა, უილიამ ბაკლიმ ამ მოძრაობას „ანარქო-ტოტალიტარიზმი“ უწოდა.

იმავე წლის ნოემბერში ლიბერტარიანულმა პარტიამ ამომრჩეველთა ხმების მხოლოდ 1% მიიღო. ძმები მიხვდნენ, რომ საარჩევნო ყუთთან მათ პოლიტიკურ ბრენდზე დიდი მოთხოვნა არ ყოფილა. ჩარლზ კოუკი უკვე ღიად დასცინოდა ტრადიციულ პოლიტიკას. „ის ამაზრუნენ, ბინძურ საქმედ იქცა, მე კი ლიბერტარიანულ

იდებს ვაგრცელებ“, – განუცხადა მან იმხანად ერთ-ერთ რეპორტიორს. დორტის წიგნის თანახმად, კოუკი არჩევნებში გამარჯვებულ პოლიტიკოსებს მიიჩნევდა „იმ მსახიობებად, რომლებიც სცენარით განსაზღვრულ როლებს თამაშობდნენ“. ამ დროს ძმების ერთმა ძველმა მეგობარმა დორტის გაუმხილა, რომ კოუკებს სურდათ, „თემები თუ ფრაზები თავად შეერჩიათ ამ სცენარებისთვის“. ამერიკის პოლიტიკური კურსის შესაცვლელად მათ გადაწყვიტეს „გავლენა მოეხდინათ ისეთი სივრცეებზე, სადაც პოლიტიკური იდეები მნიშვნელოვანია: აკადემიური წრეებსა და კვლევით ცენტრებზე“.

1980 წლის არჩევნების შემდეგ ჩარლზ და დევიდ კოუკებმა საზოგადოებრივ მოღვაწეობაზე უარი თქვეს. მიუხედავად ამისა, მათ 100 მილიონ დოლარზე მეტი გადაურიცხეს, ერთი შეხედვით, დამოუკიდებლ ათობით ორგანიზაციას. საგადასახადო დოკუმენტაცია მოწმობს, რომ 2008 წელს კოუკების სამმა მთავარმა ფონდმა 34 პოლიტიკური ორგანიზაცია და კვლევითი ცენტრი დააფინანსა. აქედან სამი მათივე დაარსებულია, რამდენიმეს კი თავად მართავენ. კოუკებმა და მათმა კომპანიებმა დამატებით არაერთი მილიონი გაიღეს პოლიტიკური კამპანიებისთვის, სახალხო მოძრაობებისა თუ ლობისტებისთვის. ამ ოჯახის ფარულმა ფინანსურმა ზეგავლენამ უკვე მემარცხენეებზე დააქვია. ლიბერალურ ბლოგ thinkprogress-ზე ლი ფენგმა კოუკებს „სიძულვილს ამოფარებული მილიარდერები“ უწოდა.

მხოლოდ კოუკებმა იციან, ზუსტად რა თანხა დახარჯეს პოლიტიკის სფეროში. საგადასახადო ჩანაწერებიდან ირკვევა, რომ 1998–2008 წლებში ჩარლზ კოუკის საქველმოქმედო ფონდმა 48 მილიონ დოლარზე მეტი გადაურიცხა სხვადასხვა ორგანიზაციას. კლოდ ლემის სახელობის საქველმოქმედო ფონდმა, რომელსაც თავად ჩარლზ კოუკი და მისი მეუღლე მართავენ, კომპანიის ორ თანამშრომელთან ერთად, მთლიანობაში 28 მილიონ დოლარზე მეტი

გაიღო. დევიდ კოუკის საქველმოქმედო ფონდმა 120 მილიონ დოლარზე მეტი დახარჯა. გარდა ამისა, 1998 წლიდან მოყოლებული „კოუკ ინდესტრიზმა“ ლობისტებს 50 მილიონ დოლარზე მეტი გადაუხადა. თავის მხრივ, კომპანიის პოლიტიკური საქმიანობის კომიტეტმა – KochPAC-მა 8 მილიონი დოლარი დახარჯა პოლიტიკური კამპანიების დროს, საიდანაც რესპუბლიკელებს 8%-ზე ცოტა მეტი ერგოთ. 2006 წლიდან დღემდე „კოუკ ინდესტრიზი“ ყველა კომპანიას უსწრებს პოლიტიკური ორგანიზაციებისთვის გადარიცხული თანხის სიდიდის მხრივ. ამასთანავე, ბოლო 12 წლის მანძილზე ძმებმა კოუკებმა და ოჯახის სხვა წევრებმა პირადად 2 მილიონ დოლარზე მეტი გაიღეს პოლიტიკური შემონიშნულობის სახით. 2010 წლის მეორე კვარტალში დევიდ კოუკი კერძო სპონსორთა შორის პირველი იყო, ვინც რესპუბლიკელ გუბერნატორთა ასოციაციას მილიონი დოლარი გადაურიცხა. კოუკების გულმონყალების სხვა ნიმუშებს კი, ალბათ, თვალს ვერც მივაღწევთ. ფედერალური საგადასახადო კანონი ხომ კერძო პირებს იმის უფლებას აძლევს, რომ მათ ანონიმურად შესწირონ თანხა პოლიტიკურად აქტიურ არაკომერციულ ჯგუფებს.

ბოლო ათწლეულებში სამრეწველო დინასტიების ზოგიერთმა წარმომადგენელმა ქონების ნაწილი მართლაც კონსერვატორთა გეგმების განხორციელებას მოახმარა. გასული საუკუნის 80-იან წლებში ოლინების ოჯახი, რომელიც სამრეწველო ქიმიური ნივთიერებების მწარმოებელი კონგლომერატის მფლობელია, საუნივერსიტეტო სივრცეში, განსაკუთრებით იურიდიულ ფაკულტეტებზე მოღვაწე მემარჯვენე ინტელექტუალების დაფინანსებით გახდა ცნობილი. 90-იან წლებში ენდრიუ მელონის შთამომავალმა, რიჩარდ მელონ სკაიფმა მილიონები დახარჯა ბილ კლინტონის დისკრედიტაციის მცდელობაში. როგორც არი რაბინ ჰავთმა დემოკრატიული მიმართულების მქონე ვებ-გვერდ mediamat-

ters.org-ზე აღნიშნა, ინდივიდუალური თუ კორპორატიული კაპიტალის განკარგვის თვალსაზრისით კოუკების თავგამოდება მართლაც უჩვეულოა: „ფინანსური უზრუნველყოფის მხრივ, მათი როლი განსაცვიფრებელია“.

რა თქმა უნდა, ფულს დემოკრატიებიც ხარჯავენ. მათ ყველაზე გამოჩენილ დონორს, ბიზნესმენ ჯორჯ სოროსს საკუთარი ფონდი აქვს – „ღია საზოგადოების ინსტიტუტი“, რომელიც ამერიკაში ყოველწლიურად 100 მილიონ დოლარს ხარჯავს. თავად სოროსი, კერძო შემონიშნულობების სახით, ხელგაშლილად აფინანსებს დემოკრატიების სხვადასხვა კამპანიას, რომელთა შორის ობამას საარჩევნო კამპანიაც უნდა ვახსენოთ. თუმცა მისი პრეს-მდივანი მიშელ ვაშონი ამტკიცებს, რომ სოროსის მიერ გაღებული თანხის რაოდენობა და დანიშნულება სრულიად გამჭვირვალეა და „ქველმოქმედის არცერთი შემონიშნულობა მის ეკონომიკურ ინტერესებს არ ემსახურება“. კოუკებმა კი მილიონობით დოლარი გადაუხადეს იმ არაკომერციულ ორგანიზაციებს, რომლებიც გარემოსდაცვით კანონმდებლობას აკრიტიკებენ და მრეწველობის სფეროში გადასახადების შემცირებას უჭერენ მხარს. როგორც გუს დი ზერიგა ვარაუდობს, ძმების ახალგაზრდული გატაცებები და ლიბერალური იდეების ინტერესების რაციონალურ გააზრებაში, ერთგვარ კორპორატიულ ეგოიზმში გადაიზარდა. ჩარლზის შესახებ მან ასეთი რამეც კი თქვა: „ალბათ მას თავისუფლება ფულის კეთებაში აერია“.

ზოგიერთი კრიტიკოსი ფიქრობს, რომ კოუკების მიდგომამ გადასახადებისგან თავისუფალ შემონიშნულობებს აზრი დაუკარგა. კანონმდებლობით, საქველმოქმედო ორგანიზაციები მხოლოდ არაკომერციულ საქმიანობას უნდა ეწეოდნენ საზოგადოების საკეთილდღეოდ. 2004 წელს „ფილანტროპიის ეროვნული კომიტეტის“ მიერ მომზადებულ ანგარიშში კი დამკვირვებელთა ჯგუფი აღნიშნავს, რომ კოუკის

ფონდები მათი დამფუძნებლების ინტერესების დაკმაყოფილებას ემსახურება. დასკვნაში ვკითხულობთ: „ეს ფონდები ფულს ურიცხავს იმ არაკომერციულ ორგანიზაციებს, რომლებიც ისეთ საკითხებს იკვლევენ და აქტიურად ახმოვანებენ, რომლებიც პირდაპირ ზეგავლენას ახდენს „კოუკ ინდესტრიზის“ შემოსავლის ოდენობაზე“.

კოუკები მაინც ბევრად გასცდნენ პირად ინტერესებს, როცა ის ორგანიზაციები დააფინანსეს, რომელთა მიზანიც ქვეყნის ლიბერტარიანულ რელსებზე გადაყვანაა. ამ ორგანიზაციებს შორისაა სამართლიანობის ინსტიტუტი, რომელმაც სასამართლოში არაერთი სარჩელი შეიტანა საშტატო თუ ფედერალური კანონების წინააღმდეგ; ჰუმანიტარული კვლევების ინსტიტუტი, რომელიც ლიბერტარიანული განათლების ხელმისაწვდომობას უზრუნველყოფს; და, აგრეთვე, „უფლებათა ბილის“ ინსტიტუტი, რომელიც კონსტიტუციის თაობაზე კონსერვატიულ შეხედულებებს უწევს პროპაგანდას. კოუკების მიერ დაფინანსებულ მრავალ ორგანიზაციაში სწორედ ის სპეციალისტები მუშაობენ, რომელთა მოხსენებებსა თუ რეკომენდაციებს მოგვიანებით პოლიტიკოსები და ექსპერტები იმონებენ ხოლმე. დევიდ კოუკი კარგად აცნობიერებს, რომ მისი ოჯახი მნიშვნელოვან იდეოლოგიურ ზეგავლენას ახორციელებს საზოგადოებაზე. „სანამ ბევრ ფულს გავიღებთ, მანამდე იმაშიც ვრწმუნდებით, რომ ის ჩვენი ჩანაფიქრის შესაბამისად დაიხარჯება. თუ რომელიმე ორგანიზაცია გზიდან გადაუხვევს და ისეთ საქმიანობას შეუდგება, რაც ჩვენთვის მიუღებელია, მას აღარ დავაფინანსებთ“, – განუცხადა მან დოერტის.

კოუკების მიერ პრო-კორპორატიული მოძრაობის სუბსიდირება მრავალმხრივ თანხვდება 1971 წელს ვირჯინიელი ადვოკატის ლუის პაუელის მიერ ფედერალურ სასამართლოში დანიშნვამდე ორი თვით ადრე შედგენილ საიდუმლო მემორანდუმში გადმოცემულ ხედვას.

იმხანად ანტისამომარმა მოძრაობამ რისხვა ისეთ სამხედრო კონტრაქტორებს დაატეხა თავს, როგორც „დოუ ქემიკალი“ იყო, რაღვ ნეიდერი კი ამ კორპორაციების წინააღმდეგ საერთო-სახალხო კამპანიას უძღვებოდა. პაუელი, რომელიც ამერიკის სავაჭრო პალატისთვის წერდა მოხსენებას, ამერიკულ კომპანიებს ბრძოლისკენ მოუწოდებდა. ის მათ აფრთხილებდა, რომ კერძო მწარმოებისთვის უდიდეს საფრთხეს კომუნიზმი ან „ახალი მემარცხენეები“ კი არ წარმოადგენდნენ, არამედ „საზოგადოების პატივსაცემი ნაწილი“ – ინტელექტუალები, ჟურნალისტები და მეცნიერები. მათ დასამარცხებლად საჭირო იყო, წამყვან ბიზნესმენებს ხანგრძლივი, ერთობლივი კამპანია ეწარმოებინათ და საზოგადოებრივი აზრი შეეცვალათ.

ბიზნესსა თუ პოლიტიკაში ჩარღვ კოუკი ინიშონის სიფრთხილესა და წინდახედულებას ამჟღავნებდა. მან დოერტის განუცხადა: „სოციალური ცვლილებების განხორციელება ისეთ სტრატეგიას ითხოვს, რომელიც ვერტიკალურად და ჰორიზონტალურად ინტეგრირებული იქნება და ყველაფერს მოიცავს იდეის ჩასახვიდან პოლიტიკის განსაზღვრამდე: განათლებას, საზოგადოებრივ ორგანიზაციებს, ლობისტურ ჯგუფებს, სასამართლო პროცესებს, პოლიტიკურ საქმიანობას“. მან აღიარა, ეს უკიდურესად ამბიციური პროექტიაო. „ჩვენ რადიკალური ფილოსოფია გვაქვს“, – განაცხადა ჩარღვმა.

1977 წელს, კოუკების ფინანსური მხარდაჭერით, დაარსდა ქვეყნის პირველი ლიბერტარიანული კვლევითი ცენტრი – კატონის ინსტიტუტი. საზოგადოების ერთიანობის ცენტრის თანახმად, 1986 – 1993 წლებში კოუკებმა 11 მილიონი დოლარი გადაურიცხეს ამ ინსტიტუტს. დღეს მას ასზე მეტი თანამშრომელი ჰყავს, მის ექსპერტებსა და სტრატეგიულ კვლევებს კი დიდ ყურადღებას უთმობს და ხშირად იმონებს მეინსტრიმული მედია. კატონის ინსტიტუტი პოლიტიკური ზეგავლენის-

გან დამოუკიდებელ ორგანიზაციად წარმოგვიდგება, რომლის მკვლევარებიც დრო და დრო ორივე პარტიას აკრიტიკებენ. მიუხედავად ამისა, ის გამუდმებით უწევს პროპაგანდას კორპორატიული გადასახადების შემცირებას, სოციალური უზრუნველყოფის შეზღუდვასა და ისეთ გარემოსდაცვით პოლიტიკას, რომელიც სახელმწიფოს მხრიდან კერძო სექტორის საქმიანობის ნაკლებ კონტროლს გულისხმობს.

2008 წელს ობამამ ერთ-ერთ გამოსვლაში განაცხადა, რომ მეცნიერთა დასკვნები გლობალური დათბობის თაობაზე „ექვმიუტანელია“, კატონის ინსტიტუტმა კი უმაღლვე „ტაიმის“ მთელს გვერდზე განათავსა განცხადება, რომელშიც პრეზიდენტს ეწინააღმდეგებოდა. აღნიშნული ინსტიტუტის სტიპენდიანტი მკვლევარები დღესაც დაუნდობლად აკრიტიკებენ გლობალური დათბობის შესაჩერებლად მიმართულ პოლიტიკურ ნაბიჯებს, როგორც ძვირადღირებულ, უშედეგო მცდელობებს. კატონის ინსტიტუტის დამფუძნებელმა და პრეზიდენტმა, ედ კრეინმა კი მითხრა: „გლობალური დათბობის თეორიები მთავრობას ეკონომიკის უფრო მეტად გაკონტროლების საშუალებას აძლევს“.

კატონის ინსტიტუტის მკვლევარები აქტიურად გამოეხმაურნენ კლაიმეტგეიტის სკანდალს. შარშან, ინგლისში, აღმოსავლეთ ინგლისის უნივერსიტეტში მომუშავე კლიმატოლოგების პირადი ელექტრონული წერილები აუხსნელი გზით გახმაურდა. მეცნიერთა მიმონწერაში თითქოს ერთგვარი მზადყოფნა ჩანდა იმ მონაცემების გასაყალბებლად, რომლებიც გლობალური დათბობის რეალურობის იდეას გაამყარებდა. წერილების საჯაროდ გამოქვეყნებიდან ორ კვირაში კატონის ინსტიტუტის ერთ-ერთმა მკვლევარმა 20-ზე მეტი ინტერვიუ მისცა სხვადასხვა მედია-საშუალებას და ამ საეჭვო სკანდალის ამბავი მთელ ქვეყანას მოსდო. მას შემდეგ ხუთი დამოუკიდებელი გამოძიება ჩატარდა, რომელთა შედეგად მეცნიერები გაა-

მართლეს, მათ წერილებში კი ისეთი ვერაფერი ნახეს, რაც გლობალური დათბობის თაობაზე მიღწეულ სამეცნიერო კონსენსუსს ეჭვქვეშ დააყენებდა.

მიუხედავად ამისა, პოლემიკამ დიდად შეუწყო ხელი გლობალური დათბობისადმი სკეპტიკური დამოკიდებულების გავრცელებას. საოკეანო და ატმოსფერული კვლევების ეროვნული სამმართველოს მიერ ახლახან მომზადებულ ანგარიშში, დასკვნის სახით, ნათქვამია, რომ გლობალური დათბობის ფაქტი უდავოა. მიუხედავად ამისა, 1997 წლის შემდეგ დღეს ყველაზე მეტ ამერიკელს სჯერა, რომ მეცნიერები გლობალური დათბობის საფრთხეს აზვიადებენ. კოუკებმა ეს სტატისტიკური მონაცემები კომპანიის ვებ-გვერდზე გამოაქვეყნეს, სადაც ერთი სიტყვაც არ არის ნათქვამი იმ როლზე, რომელიც მათმა დაფინანსებამ ითამაშა ასეთი ეჭვის დათესვის საქმეში.

2002 წლის მოხსენებაში რესპუბლიკელების პოლიტიკური მრჩეველი ფრენკ ლანცი წერდა: რამდენადაც „ამომრჩეველებს სჯერათ, თითქოს სამეცნიერო წრეებში არ არსებობს კონსენსუსი გლობალური დათბობის თაობაზე“, სტატუს-კვო არ შეიცვლებაო. მისი აზრით, გარემოს დაცვის სფეროში გასატარებელი რეფორმების მოწინააღმდეგეთა პოზიციის ამოსავალი წერტილი ის იყო, რომ ისინი თავად მეცნიერებას აყენებდნენ ეჭვქვეშ – სწორედ ამგვარ პიარ-სტრატეგიას წლების მანძილზე წარმატებით იყენებდნენ თამბაქოს მწარმოებელი კომპანიები კანონით დადგენილი აკრძალვების გასაბათილებლად. კოუკებმა მრავალი ორგანიზაცია დააფინანსეს, რომელთა საქმიანობამაც გარემოს დაცვისადმი სკეპტიკური დამოკიდებულების ჩამოყალიბება განაპირობა. მათ შორისაა სტრატეგიული კვლევითი ინსტიტუტი „ჰერიტიჯ ფაუნდემენტი“, რომელიც ამტკიცებს: „ბოლო 10 წლის მანძილზე მოპოვებული სამეცნიერო მონაცემები არ შეესაბამება გარემოზე ადამიანის ზემოქმედებით განპირობებული

კატასტროფული დათბობის იდეას“. ძმებმა კიდევ უფრო გაურკვეველი ჯგუფებიც დააფინანსეს, მაგალითად, ქალთა დამოუკიდებელი ფორუმი, რომელიც ამერიკის საჯარო სკოლებში გლობალური დათბობის სამეცნიერო ფაქტად წარმოდგენას ეწინააღმდეგება. 2008 წლამდე ამ ჯგუფის სათავეში ნენსი პფოტენციოერი – „კოუკს ინდესტრიზის“ ყოფილი ლობისტი იდგა. მერი ბეტ ჯარვისი კი, ვინც მისი შვილობილი კომპანიის ვიცე-პრეზიდენტი გახლავთ, აღნიშნული ჯგუფის ერთ-ერთი მმართველია.

ნაომი ორესკესი კალიფორნიის უნივერსიტეტში ბუნებისმეტყველების ისტორიას ასწავლის და თანაავტორია ნიგნისა „ეჭვით მოვაჭრენი“. ამ ახალ ნიგნში დაწვრილებით არის აღწერილი, თუ რა გზებს მიმართავდნენ ამერიკული სამრეწველო კომპანიები იმისათვის, რომ მეცნიერების შესახებ საზოგადოებრივი აზრი სასურველი მიმართულებით წარემართათ. ავტორის შენიშვნით, „ნავთობგადამამუშავებელი კომპანიების სათავეში მყოფ კოუკებს დასაკარგი მართლაც ბევრი აქვთ“. იგი ამბობს: „თუ გადაწყდება, რომ სანვაი ნიაღისეულის მოხმარება თანდათან უნდა შემცირდეს, მაშინ ფულს სულ სხვა ხალხი იშოვის. ასე რომ, ამ კომპანიების გააფთრებული ბრძოლა არ უნდა გაგვიკვირდეს“.

დევიდ კოუკმა ჟურნალ „ნიუ იორკს“ განუცხადა, რომ არ სჯეროდა, თითქოს ადამიანის საქმიანობას გლობალური დათბობის გამოწვევა შეეძლო. ასეც რომ იყოს, ჩვენს პლანეტაზე სიტბოს მომატება ხომ სასიკეთო იქნება, რადგან ჩრდილოეთ ნახევარსფეროში მოსავლის მოსაყვანად უფრო მეტი დრო გვექნებაო, – თქვა მან. მასვე ეკუთვნის ეს სიტყვებიც: „დედამინა წარმოუდგენლად ბევრი ადამიანის გამოკვებას შეძლებს, იმიტომ რომ გაცილებით დიდი ტერიტორია გამოთავისუფლდება საკვების პროდუქტების მოსაყვანად“.

გასული საუკუნის 80-იანი წლების შუაში კოუკებმა მილიონობით

დოლარი გადაურიცხეს ვირჯინიის შტატში, არლინგტონში მდებარე ჯორჯ მესონის უნივერსიტეტს კიდევ ერთი კვლევითი ცენტრის გასახსნელად. დღეს იგი მერკატუსის ცენტრის სახელით არის ცნობილი და წარმოგვიდგება, როგორც „ბაზარზე ორიენტირებული იდეების პირველი საუნივერსიტეტო კვლევითი დაწესებულება მსოფლიოში, რომლის მიზანიცაა აკადემიურ იდეებსა და რეალურ პრობლემებს შორის არსებული უფსკრულის ამოვსება“. საგადასახადო ჩანაწერები გვიჩვენებს, რომ კოუკების ფონდებმა 30 მილიონ დოლარზე მეტით დააფინანსეს აღნიშნული უნივერსიტეტი, ამ თანხის დიდი ნაწილი კი დასახელებულ არაკომერციულ ორგანიზაციას, მერკატუსის ცენტრს მოხმარდა. „ეს ერთგვარი „გრაუნდ ზერო“ დერეგულაციის პოლიტიკისთვის ვაშინგტონში“, – ამბობს რობ სტიენი, დემოკრატიული პარტიის სტრატეგი. დიახ, ეს მართლაც უჩვეულო რამ გახლავთ. „ჯორჯ მესონის უნივერსიტეტი სახელმწიფო უნივერსიტეტია და სახელმწიფო სახსრებით ფინანსდება. ისე გამოვიდა, რომ ვირჯინიაში მდებარე ამ საგანმანათლებლო დაწესებულებამ ის ორგანიზაცია შეიკვდლა, რომელსაც, ფაქტობრივად, კოუკები აკონტროლებენ“, – შენიშნავს სტიენი.

მერკატუსის ცენტრის დამფუძნებელი ყოფილი ეკონომისტი რიჩარდ ფინკი გახლავთ. სწორედ ის ხელმძღვანელობს ლობისტურ ჯგუფს, რომელიც „კოუკს ინდესტრიზის“ ინტერესებს იცავს ვაშინგტონში. გარდა ამისა, რიჩარდ ფინკი არის ჩარლზ კოუკის საქველმოქმედო ფონდის პრეზიდენტი, კლოდ ლემის სახელობის საქველმოქმედო ფონდის პრეზიდენტი, ფრედ და მერი კოუკების ფონდის დირექტორი და ამავე დროს დირექტორი და თანადამფუძნებელი (დევიდ კოუკთან ერთად) ორგანიზაციისა „ამერიკელები ეკონომიკური აღმავლობისთვის“.

ფინკი, თავისი მრავალი წოდებით, „კოუკტოპუსის“ ცენტრალურ ნერვულ სისტემადა იქცა. როგორც

ჩანს, სწორედ მან ჩაანაცვლა კატონის ინსტიტუტის დამფუძნებელი და პრეზიდენტი ედ კრეინი ძმების მთავარი პოლიტიკური მრჩეველისა და თანამემნის პოსტზე. დევიდი ისევ ამ ინსტიტუტის დირექტორთა საბჭოს წევრია, თუმცა ჩარლზმა ის კრეინთან ერთად დატოვა. როგორც ინსტიტუტის თანამშრომლებმა მითხრეს, კრეინი სათანადოდ არ აფასებდა ჩარლზის მენეჯმენტის ფილოსოფიას, რომლის არსიც ამ უკანასკნელმა მკაფიოდ გადმოსცა ნიგნში „წარმატების მეცნიერება“. სხვათა შორის, ავტორმა მას ბაზარზე დაფუძნებული მენეჯმენტი უწოდა. ნიგნში ჩარლზი კომპანიებს ურჩევს, კორპორატიული კულტურა საბაზრო კონკურენტუნარიანობასთან ერთად განივითარონ. კოუკი ბაზარზე დაფუძნებულ მენეჯმენტს იმ „გლობალურ სისტემად“ წარმოგვიდგენს, რომელიც მოიცავს „ხუთ ასპექტს: განჭვრეტის უნარს, სიტუაციაში გარკვევის უნარს, ცოდნის მიღების პროცესს, გადანყვებილების მიღების უფლებასა და მოტივაციას“. კატონის ინსტიტუტის ერთმა მაღალი თანამდებობის პირმა მითხრა: „ჩარლზი ფიქრობს, რომ გენიოსია. ის იმპერატორია და თავიც ასე მოაქვს“. ფინკი კი, პირიქით, უმთავრესად ჩარლზის იდეებს იზიარებს და ახმოვანებს (აღსანიშნავია, რომ კოუკების მსგავსად, მანაც უარი განაცხადა ინტერვიუზე).

1995 წელს გამართულ ფილანტროპთა კონფერენციაზე ფინკმა ბიზნესის ენას მიმართა, როცა მერკატუსის ცენტრის მიზნები განმარტა. მან თქვა, სპონსორებმა კვლევითი ცენტრები და პოლიტიკურად აქტიური ჯგუფები უნდა გამოიყენონ, რათა ინტელექტუალური ნედლეული პოლიტიკურ „პროდუქტად“ გარდაიქმნასო.

„უოლ სტრიტ ჯერნელმა“ მერკატუსის ცენტრს უწოდა „ყველაზე მნიშვნელოვანი კვლევითი ცენტრი, რომლის შესახებაც არასდროს გსმენიათ“. ამავე გამოცემამ შენიშნა, რომ იმ 23 ნორმატიული დოკუმენტიდან, რომელიც პრეზიდენტმა

ბუშმა „შავ სიაში“ შეიტანა, 14-ის გადახედვა პირველად ამ ცენტრის მკვლევარებმა ურჩიეს. ფინკმა ჟურნალისტს განუმარტა, კოუკებს „ბრძოლის მოგების სხვა საშუალებები აქვთ“ და მერკატუსის ცენტრი მათი კომპანიის ინტერესების წარმოჩენას არ ემსახურებაო. თუმცა ტექსასის უნივერსიტეტის პროფესორმა, იურისტმა თომას მაკგარიტიმ, რომლის სპეციალიზაციის სფეროც გარემოს დაბინძურების პრობლემებია, ასეთი რამ მითხრა: „კოუკს ერთვად უთანხმოება ჰქონდა გარემოს დაცვის სააგენტოსთან, მერკატუსის ცენტრი კი გამუდმებით უტევდა ამ სააგენტოს“. გარემოს დაცვის სფეროში მოღვაწე ერთ-ერთმა იურისტმა, რომელიც მერკატუსის ცენტრს დაუპირისპირდა, მას „ეკონომიკური მიზნების განხორციელების მზაკრული საშუალება“ უწოდა. მან დაპირისპირებული მხარის სტრატეგიაც ახსნა: „იღებთ კორპორატიულ ფულს და აძლევთ მას, ერთი შეხედვით, ნეიტრალურ კვლევით ცენტრს, რომელიც თანამშრომლებად იყვანს სხვადასხვა სამეცნიერო ხარისხის მქონე ექსპერტებს. ისინი, ერთი შეხედვით, დამაჯერებელ გამოკვლევებსა და ნაშრომებს წერენ. ეს ყველაფერი კი იდეალურად თანხვდება დამფინანსებლების ეკონომიკურ ინტერესებს“.

1997 წელს გარემოს დაცვის სააგენტომ ტროპოსფერული ოზონის შესამცირებლად გარკვეული ნაბიჯები გადადგა. ცნობილია, რომ დაბინძურების ამ ფორმას ნანილობრივ ნავთობგადამამუშავებელი ქარხნების სამრეწველო ნარჩენებიც იწვევს. ეკონომისტმა სიუზენ დადლიმ, რომელსაც მაღალი თანამდებობა აქვს მერკატუსის ცენტრში, შემოთავაზებული ნორმა მკაცრად გააკრიტიკა. მისი მტკიცებით, გარემოს დაცვის სააგენტომ არ გაითვალისწინა, რომ სმოგისგან თავისუფალი ცაკანის კიბოს შემთხვევების მატებას გამოიწვევდა. დადლის პროგნოზი ასეთი იყო: თუ დაბინძურების კონტროლი განხორციელდებოდა, ყოველწლიურად კანის კიბოთი დაავადებულ

ბულ ადამიანთა რიცხვი 11 000-ით მოიმატებდა.

1999 წელს კოლუმბიის საოლქო სასამართლომ სიუზენ დადლის სარჩელი და ე.წ. „სმოგის არგუმენტი“ განიხილა. გარემოს დაცვის სააგენტოს მიერ შემუშავებული ნორმის შეფასებისას სასამართლომ აღმოაჩინა, რომ სააგენტომ „აშკარად უგულბებლყო“ „ოზონის შესაძლო სასიკეთო ზეგავლენა ადამიანის ჯანმრთელობაზე“. დასკვნის სხვა ნაწილში კი ნათქვამი იყო, რომ აღნიშნულმა სააგენტომ უფლებამოსილების ზღვარს გადააბიჯა, როცა სამრეწველო ნარჩენებში ოზონის ნორმატიული მაჩვენებელი განსაზღვრა. როგორც კონსტიტუციური პასუხისმგებლობის ცენტრმა – კიდევ ერთმა კვლევითმა ორგანიზაციამ გამოამჟღავნა, ამ მოსამართლეების უმრავლესობა მანამდე დასასვენებლად იმყოფებოდა მონტანას შტატში მდებარე ერთ-ერთ რანჩოზე, შეხვედრისა და წვეულების ორგანიზატორი კი გახლდათ ეკონომიკისა და გარემოს კვლევის ფონდი – ორგანიზაცია, რომელსაც კოუკების ფონდები აფინანსებენ. მოგვიანებით მოსამართლეებმა განაცხადეს, რომ ამ ფაქტს ზეგავლენა არ მოუხდენია სასამართლო განაჩენზე.

„იდეები თავისით არ ჩნდება. იდეებს მფლობელები და მფარველები სჭირდებათ – ყოველთვის ასე იყო,“ – მითხრა მეტ კიბმა, „ჩაის მსმელების“ პოლიტიკური მოძრაობის ინტერესების დამცველი ლობისტური ჯგუფის, „ფრიდემუექსის“ პრეზიდენტმა. ძმებმა კოუკებმა კატონის ინსტიტუტისა და მერკატუსის ცენტრის შექმნაში მნიშვნელოვანი წვლილის შეტანის შემდეგ დაასკვნეს, რომ ცვლილებების განსახორციელებლად კვლევითი ცენტრები საკმარისი არ იყო. მათ ეფექტური მექანიზმი სჭირდებოდათ, რათა ეს იდეები ხალხის ყურამდე მიეტანათ და საზოგადოების მხარდაჭერა მოეპოვებინათ. 1984 წელს დევიდ კოუკმა და რიჩარდ ფინკმა კიდევ ერთი ორგანიზაცია შექმნეს. მათ კიბიც შეუერთდა. „მოქალაქეები ჯანსაღი

ეკონომიკისთვის“ საზოგადოებრივ მოძრაობას ჰგავდა, მაგრამ, საზოგადოების ერთიანობის ცენტრის თანახმად, ძირითადად კოუქების მიერ ფინანსდებოდა. 1986–1993 წლებში ძმებმა ამ ორგანიზაციას 7.9 მილიონი დოლარი გადაურიცხეს. კიბის სიტყვებით, მისი მისია იყო, „რთული იდეები აელო და უბრალო ამერიკელებისთვის გასაგებ ენაზე ეთარგმნა“. ის ამბობს: „ჩვენც ის ლიტერატურა წავიკითხეთ მშვიდობიან რევოლუციებზე, რაც ობამამ: საულ ალინსკი, განდი, მარტინ ლუთერ კინგი. გავაანალიზეთ „ბოსტონური ჩაის სმის“ იდეა, როგორც არაძალადობრივი სოციალური ცვლილების მაგალითი. ვისწავლეთ, რომ მიწაზე მყარად უნდა ვმდგარიყავით, რათა იდეები გავგეყიდა და არა კანდიდატები“. რამდენიმე წელში ამ ორგანიზაციამ 50 თანამშრომელი გაგზავნა 26 შტატში სამუშაოდ (შესაბამისი ანაზღაურებით), რათა მათ ამომრჩევლები კოუქების სურვილისამებრ დაერაზმათ. ერთ-ერთი მათგანის სიტყვებით, დევიდი და ჩარლზი „ყველაფერს აკონტროლებდნენ, თავიდან ბოლომდე ამონებდნენ. მათთან ერთად ორგანიზაციის შექმნა წარმოუდგენელია. ისინი მართვას არავის დააცდიან“.

თითქმის იმავე დროს ძმები პოლიტიკურ კრიზისში აღმოჩნდნენ. 1989 წელს ინდოეთის საკითხების შემსწავლელმა სენატის სპეციალურმა კომისიამ მათი ბიზნეს-საქმიანობა გამოიკვლია და უკიდურესად კრიტიკული მოხსენება მოამზადა. მან ბრალი დასდო „კოუქს ოილს“ იმაში, რომ ის „დახვენილ მაქინაციებს მიმართავდა – მოტყუებითა და არასწორი გაზომვის გზით ინდოელებსა და სხვა ხალხებს ნედლ ნავთობს ჰპარავდა“. კოუქებმა აღიარეს, რომ მათ მართლაც უსამართლოდ მიითვისეს 31 მილიონი დოლარის ღირებულების მქონე ნედლი ნავთობი, მაგრამ იქვე განაცხადეს, ეს შემთხვევით მოხდაო. ჩარლზ კოუქმა კი კომისიის წევრებს განუმარტა, ნავთობის გაზომვის ხელოვნება სიზუსტეს არ გულისხმობსო.

საკუთარი რეპუტაციის დასაცავად „კოუქ ინდესტრიზმა“ რობერტ სტრაუსი დაიქირავა, რომელიც იმ დროს პირველი ლობისტი იყო ვაშინგტონში. მალევე ამ ქალაქში კომპანიის ოფისი გაიხსნა. ნაფიცი მსაჯულები ყველა მხარის ჩვენებების შესასწავლად შეიკრიბნენ, თუმცა ბოლოს საქმე ისე დახურა, რომ კომპანიის ბრალეულობა არ დადგინდა. სენატის მოხსენების თანახმად, კოუქის მიერ დაქირავებული დეტექტივები კომისიის სხდომების შემდეგ მისი წევრების პირად ცხოვრებაში იქექებოდნენ, მათ ერთ-ერთის ყოფილი ცოლიც კი დაუკითხავთ. კომპანიის საქმიანობის მკვლევარები მეტად გაანაწყენა კოუქის ამგვარმა ტაქტიკამ. სენატის კომისიის იურისტმა კენეტ ბელენმა განაცხადა: „ამ ხალხმა მართლაც წარმოუდგენელი ძალაუფლება მოიპოვა!“

1993 წელს, როცა ბილ კლინტონი გახდა ქვეყნის პრეზიდენტი, „მოქალაქეები ჯანსაღი ეკონომიკისთვის“ მისაბაძ მაგალითად იქცა კორპორატიული მხარდაჭერის მქონე ისეთი ოპოზიციური კამპანიებისთვის, რომლებიც განსაკუთრებით ობამას პრეზიდენტობის დროს მომრავლდა და გაძლიერდა. ამ ჯგუფმა წარმატებული თავდასხმა განახორციელა კლინტონის მიერ შემოთავაზებულ ენ. BTU-გადასახადზე, რაც საწვავის სითბოტევადობის დაბეგვრას გულისხმობდა – რეკლამების საშუალებით, მედიისთვის გამიზნული ღონისძიებებითა და ოპონენტების მიზანში ამოღებით. მანვე შეკრიბა ამ გადასახადის დაწესების მონინა-ალმდეგეები კაპიტოლიუმის შენობასთან. საზოგადოებრივი რადიოს გადმოცემით, შეკრებილებს „შიში უნდა ჩაენერგათ მერყევე დემოკრატია გულებში“. ყოფილი დემოკრატის კონგრესმენი უიჩიტადან დენ გლიკმანი, რომელიც მხარს უჭერდა BTU-გადასახადის შემოღებას, იხსენებს: „კონგრესში 18 წელი ვიყავი. კოუქები მართლაც დამიპირისპირდნენ და ჩემი ოპონენტი დააფინანსეს. უამრავი ფული დახარჯეს, საკუთარი კომპანიის თანამშრომლებიც კი

ჩართეს ამ საქმეში“. გლიკმანი მოულოდნელად დამარცხდა. „ვერ დავამტკიცებ, მაგრამ ვფიქრობ, მათი მსხვერპლი უნდა ვიყო“, – ამბობს ის.

კოუქები ფულის ფანტვას განაგრძობდნენ, ქმნიდნენ გაურკვეველი დანიშნულების მქონე ორგანიზაციებს, ერთი შეხედვით, ჩვეულებრივი სახელწოდებებით – ამიტომაც გართულდა ვაშინგტონზე მათი გავლენის მასშტაბის განსაზღვრა. 1990 წელს ორგანიზაციამ „მოქალაქეები ჯანსაღი ეკონომიკისთვის“ თავის წიაღში ახალი ჯგუფი შექმნა – „მოქალაქეები გარემოს დაცვისთვის“, რომელმაც მუჯურ წვიმებსა და სხვა მსგავს პრობლემებს მითები უწოდა. როდესაც პიტსბურგში გამომავალმა „პოსტ-გეზეტმა“ ეს საკითხი გამოიკვლია, აღმოაჩინა, რომ ამ ჯგუფს „რიგითი მოქალაქეების სახით, წევრები საერთოდ არ ჰყავდა“.

1997 წელს სენატში კიდევ ერთი მოკვლევა დაიწყო იმის თაობაზე, რასაც უმცირესობის მოხსენებაში ეწოდებოდა „მთელი ქვეყნის მასშტაბით, რესპუბლიკელთა საარჩევნო კამპანიის დასაფინანსებლად, მილიონობით დოლარის გადარიცხვის ორიგინალური სქემა დაფინანსების წყაროს გაცხადების გარეშე“. ბუნებრივია, ამ სქემის მიზანი იმ კანონებისთვის თავის არიდება იყო, რომლებიც საარჩევნო კამპანიის დაფინანსების წესებს განსაზღვრავდნენ. სხვადასხვა არჩევნების დროს ფიქტიურმა კორპორაციამ „ტრაიედ მენეჯმენტმა“ სამ მილიონ დოლარზე მეტი გადაიხადა კრიტიკული პათოსით გამორჩეულ მოკლე სარეკლამო ფილმებში. რეკლამებზე დახარჯული ფულის ნახევარზე მეტი გაურკვეველი დანიშნულების მქონე არაკომერციულმა ორგანიზაციამ – „ეკონომიკ ედიუქეიშენ ტრასტმა“ გაიღო. სენატის კომისიის მოხსენებაში ნათქვამი იყო, რომ „სავარაუდოდ, ამ ორგანიზაციას მთლიანად ან ნაწილობრივ აფინანსებდნენ კანზასის შტატში, უიჩიტაში მცხოვრები ჩარლზ და დევიდ კოუქები“. გაჩნდა ეჭვი, რომ ძმები ფარულად იხდიდ-

ნენ ფულს მოკლე სარეკლამო ფილმებისთვის, რომელთა უმრავლესობაც იმ შტატებში გაუშვეს, სადაც „კოუკ ინდესტრიზი“ საქმიანობდა. კანზასში, სადაც „ტრაიედ მენეჯმენტი“ გამორჩეულად აქტიურობდა, მათმა დაფინანსებამ გადამწყვეტი როლი ითამაშა ექვსიდან ოთხ არჩევნებში. როდესაც რეპორტიორებმა კოუკებს ჰკითხეს, ეს თანხა თქვენ გადარიცხეთ თუ არაო, მათ კომენტარზე უარი თქვეს. 1998 წელს კი „უოლ სტრიტ ჯერნელმა“ დაამტკიცა, რომ ერთ-ერთი კონსულტანტი, რომელიც კოუკებთან მუშაობდა და ხელფასსაც იღებდა, ამ სქემაში იყო ჩართული. საზოგადოების ერთიანობის ცენტრის დამფუძნებელი ჩარლზ ლუისი სკანდალს ისტორიულს უწოდებს: „კორპორაციებს შორის „ტრაიედ მენეჯმენტმა“ პირველმა მიმართა შენიღბვას – მან ერთგვარი „ფასადი შექმნა“, რაც უკვე საფრთხეს წარმოადგენდა. „კოუკ ინდესტრიზის“ სახელის მიღმა ყოველგვარ საზღვარს გადასული, გაუკონტროლებელი კომპანია იმალებოდა“.

ხელისუფლების სათავეში კლინტონის ყოფნის დროს ენერგოკომპანიებს გაზრდილი კონტროლი და მკაცრად განსაზღვრული წესები დაუპირისპირეს. 90-იანი წლების შუაში იუსტიციის დეპარტამენტმა ორი სასამართლო პროცესი წამოიწყო „კოუკ ინდესტრიზის“ წინააღმდეგ. ის ამტკიცებდა, რომ სწორედ ეს კორპორაცია იყო პასუხისმგებელი წყალში ნავთობის ჩაღვრის 300-ზე მეტ შემთხვევაზე, რომლის შედეგადაც, სავარაუდოდ, სამი მილიონი გალონი ნავთობი ჩაიღვარა ტბებსა თუ მდინარეებში. ჯარიმის სახით, მას 214 მილიონი დოლარი უნდა გადაეხადა. გარიგების შედეგად კი „კოუკ ინდესტრიზმა“ 30 მილიონ დოლარიანი ჯარიმა გადაიხადა და დათანხმდა, რომ 5 მილიონ დოლარს გარემოს დაცვას მოახმარებდა.

1999 წელს სასამართლომ დამნაშავედ სცნო „კოუკ ინდესტრიზი“ უყურადღებობასა და არაკეთილსინდისიერებაში, რის შედეგადაც ორი ტექსასელი მოზარდი დაიღუ-

პა იმ აფეთქების დროს, რომელიც მინისქვეშ მოთავსებული ბუტანის მილსადენიდან ორგანული ნაერთის გაჟონვამ გამოიწვია. აღსანიშნავია, რომ 2001 წელს კომპანიამ, ჯარიმის სახით, უცნობი თანხა გადაიხადა. კლინტონის პრეზიდენტობის ბოლო თვეებში იუსტიციის დეპარტამენტმა კომპანიის წინააღმდეგ 97-პუნქტიანი საბრალდებო აქტი შეადგინა. „კოუკ ინდესტრიზს“ ბრალად ედებოდა ტექსასში, კორპუს-კრისტოში მდებარე მისი კუთვნილი ნავთობგადამამუშავებელი ქარხნიდან კანცეროგენის – 91 ტონა ბენზოლის გაჟონვის დაფარვა. კომპანიას, ჯარიმის სახით, 350 მილიონი დოლარის გადახდა მოუწევდა, მის ოთხ თანამშრომელს კი 35 წლამდე პატიმრობა ელოდა. საბოლოოდ „კოუკ პეტროლიუმ გრუპმა“ თავი ბრალდებულად სცნო გარემოს დაბინძურების დაფარვის ერთ ეპიზოდში, აგრეთვე, დოკუმენტების გაყალბებაში, ჯარიმად კი 20 მილიონი დოლარი გადაიხადა. პროკურორმა დევიდ ულმანმა, რომელიც იმხანად იუსტიციის დეპარტამენტში გარემოს დაბინძურებასთან დაკავშირებული დანაშაულების განყოფილებას ხელმძღვანელობდა, ამ პროცესს უწოდა „ერთ-ერთი უმნიშვნელოვანესი პრეცედენტი, რომელიც „სუფთა ჰაერის აქტის“ ფარგლებში განხორციელდა“. მან დაამატა: „გარემოს დაბინძურებასთან დაკავშირებული დანაშაულები თითქმის ყოველთვის ეკონომიკური სარგებლის ნახვის სურვილითა და სამყაროს მიმართ ქედმაღლური დამოკიდებულებით არის განპირობებული. კოუკების შემთხვევაში კი ერთი და მეორეც დიდი დოზით იყო წარმოდგენილი“.

2000 წლის საარჩევნო კამპანიის დროს „კოუკ ინდესტრიზმა“ სულ რაღაც 900 000 დოლარი დახარჯა ჯორჯ ბუშისა და სხვა რესპუბლიკელების კანდიდატურების მხარდასაჭერად. ბუშის პრეზიდენტობის წლებში აღნიშნული კომპანია და ნიაღისეულის გადამამუშავებელი სხვა კომპანიები ერთი-ორად აყვავდნენ. 2005 წელს მომზადებული

ენერგეტიკული პოლიტიკის განმსაზღვრელი დოკუმენტი, რომელსაც ჰილარი კლინტონმა დიკ ჩეინის ენერგეტიკული პოლიტიკის განმსაზღვრელი დოკუმენტი უწოდა, ენერგოკომპანიებს უზარმაზარ სუბსიდიებსა და საგადასახადო შეღავათებს სთავაზობდა. კოუკები ფედერალური ბიუჯეტის შევსების თავგადაკლულ დამცველებად წარმოგვიდგნენ, მაგრამ mediamatters.org-ის გამოკვლევის თანახმად, 2000 წლიდან დღემდე მათმა კომპანიებმა დაახლოებით 100 მილიონი დოლარის სარგებელი ნახეს სამთავრობო შეთანხმებების წყალობით.

2004 წელს „მოქალაქეები ჯანსაღი ეკონომიკისთვის“ იმაში დაადანაშაულეს, რომ ის უკანონოდ უწყობდა ხელს ამერიკის პრეზიდენტად ჯორჯ ბუშის ხელახლა არჩევას. ამ ორგანიზაციის ორეგონის ფილიალი არაპირდაპირ საპრეზიდენტო არჩევნებში დამოუკიდებელ კანდიდატ რალფ ნეიდერს დაეხმარა, რათა დემოკრატების კანდიდატ ჯონ კერის პოზიცია შეესუსტებინა. კრიტიკოსები ირწმუნებოდნენ, რომ გადასახადებისგან თავისუფალი, არაკომერციული ორგანიზაციის მხრიდან პოლიტიკური პარტიის მხარდასაჭერად მიმართული საქმიანობა უკანონო იყო (მათ საჩივარიც შეიტანეს ფედერალურ საარჩევნო კომისიაში, თუმცა მის საფუძველზე საქმე არ აღძრულა).

იმავე წელს, ორგანიზაციაში მომხდარი განხეთქილების გამო, „მოქალაქეები ჯანსაღი ეკონომიკისთვის“ დაიშალა. დევიდ კოუკმა და რიჩარდ ფინკმა ახალი ჯგუფი შექმნეს – „ამერიკელები ეკონომიკური აღმავლობისთვის“, რომლის სამართავადაც ტიმ ფილიპსი აიყვანეს. ის გამოცდილი პოლიტიკენოლოგი გახლავთ, რომელიც ერთ დროს ევანგელისტ ლიდერსა და რესპუბლიკელ აქტივისტთან, რალფ რიდთან მუშაობდა. ფილიპსმა მასთან ერთადვე დააფუძნა საკონსულტაციო ფირმა „სენჩრი სტრატეჯიზი“, რომლის ფუნქციაც საარჩევნო საკითხებში კონსულტაციის განევა

უნდა ყოფილიყო, მაგრამ მან რეპუტაცია სახელგატყნო ლობისტთან, ჯეკ აბრამოვთან კავშირით შეილახა. ფილიპსის ონლაინ-ბიოგრაფია მას „ფართო მასების პოლიტიკურად დარაზმვის“ ექსპერტად წარმოგვიდგენს. თავად ის ფაქტი, რომ კოუკებმა ფილიპსი აირჩიეს, მის მეტ სიხისტეზე მიანიშნებს. კონსერვატორმა გროვერ ნორკვისტმა, რომელიც პოლიტიკაში „ყელის გამომჭრელთა“ საქმიანობას მიესალმება, იგი ასე დაახასიათა: „აღამიანი, რომელსაც ყველაფერი გამოსდის“.

გასულ წელს ფილიპსმა „ფაინენშელ ტაიმსს“ განუცხადა, რომ ორგანიზაციას „ამერიკელები ეკონომიკური აღმავლობისთვის“ მხოლოდ 8 ათასი რეგისტრირებული წევრი ჰყავდა. დღეს კი ორგანიზაციის ვებ-გვერდი ირწმუნება, რომ მას მილიონ ორასი ათასი აქტივისტი ჰყავს. რამდენიც უნდა იყოს მათი რაოდენობა, ერთი რამ ცხადია: კოუკები მეტად აქტიურად არიან ჩართული პოლიტიკურ პროცესებში. კატონის ინსტიტუტის ყოფილმა თანამშრომელმა მითხრა, რომ ძმები ყველა დეტალს თავად აკონტროლებენ ორგანიზაციაში „ამერიკელები ეკონომიკური აღმავლობისთვის“; და ისინი, ალბათ, დიდ სარგებელსაც ნახულობენ ამგვარი კაპიტალდაბანდებით: ოჯახის სხვა ორგანიზაციებთან ერთად „ამერიკელები ეკონომიკური აღმავლობისთვის“ ეფექტური იარაღია ობამას პოლიტიკის გასანადგურებლად.

2008 წლის იანვარში ჩარლზ კოუკმა კომპანიის საინფორმაციო ბიულეტენში ჩაწერა, რომ გასული საუკუნის 30-იანი წლების შემდეგ შეიძლებოდა ამერიკა პირველად აღმოჩენილიყო „უდიდესი დანაკარგის წინაშე თავისუფლებისა და ეკონომიკური აღმავლობის გზაზე“. იმავე წლის ოქტომბერში კი ორგანიზაციამ „ამერიკელები ეკონომიკური აღმავლობისთვის“ კონსერვატორ აქტივისტთა შეკრება მოაწყო ვაშინგტონის შემოგარენში მდებარე სასტუმრო „მარიოტში“. კონსერვატიული ბლოგის, RedState.com-ის

მთავარი რედაქტორი ერიკ ერიკსონი ტრიბუნასთან მივიდა. მან დევიდ კოუკს მადლობა გადაუხადა და ფიცი დადო, რომ ისინი „გაერთიანდებოდნენ და შეებრძოლებოდნენ... მემარცხენეთა არმიას!“ მალევე მას შემდეგ, რაც ობამამ პრეზიდენტის სავარძელი დაიკავა, ორგანიზაციამ „ამერიკელები ეკონომიკური აღმავლობისთვის“ გამოსვლები მოაწყო მისი ეკონომიკური პოლიტიკის წინააღმდეგ, რომელიც მენარმეებს „ყოველგვარ სტიმულს უკარგავდა“. შემდეგ მერკატუსის ცენტრში მომზადა მოხსენება, რომლის ავტორიც ამტკიცებდა, რომ ბიზნეს-სექტორის ნასახალისებლად განსაზღვრული თანხა არათანაბრად ნაწილდებოდა და მისი დიდი ნაწილი დემოკრატიულ ოლქებში მიედინებოდა. ბოლოს ის აიძულეს, მოხსენება ჩაესწორებინა, მაგრამ მანამდე რაშლიმომ უკვე მოასწრო მისი ციტირება და ობამას პროგრამას „პარტიის სარეზერვო დაფინანსების“ იარლიყი მიანება, „ფოქს ნიუსმა“ და სხვა კონსერვატიულმა მედიასაშუალებებმა კი საყოველთაოდ გაახმოვანეს ეს აზრი (ფილ კერპენი, რომელიც ვიცე-პრეზიდენტია ორგანიზაციისა „ამერიკელები ეკონომიკური აღმავლობისთვის“, „ფოქს ნიუსის“ ვებ-გვერდის სპონსორიცაა. ამ ორგანიზაციის კიდევ ერთი მაღალი თანამდებობის პირი უოლტერ უილიამსი კი ხშირად სტუმრობს ლიმბოს გადაცემას).

აღნიშნულმა ორგანიზაციამ მოამზადა პროექტი და ვებ-გვერდი patientsunitednow.com, რომელმაც, ფილიპსის ვარაუდით, სამასზე მეტი ადამიანი გამოიყვანა ჯანმრთელობის დაცვის რეფორმის წინააღმდეგ. ერთ შეკრებაზე მათ დემოკრატიკონგრესმენის პორტრეტი დაწვეს, მეორეზე კი ტრანსპარანტი გაშალეს დაჰაუს საკონცენტრაციო ბანაკის ტყვეების გვამების გამოსახულებით. ამ ჯგუფის დახმარებით განხორციელდა აგრეთვე საპროტესტო გამოსვლები მარტში, კაპიტოლიუმის წინ. როგორც ჯანმრთელობის დაცვის რეფორმის დემოკრატი

მხარდამჭერები აცხადებდნენ, კაპიტოლიუმთან შეკრებილები მათ აფურთხებდნენ და ლანძღავდნენ, ფილიპსი კი მათი დიდი ორატორი იყო.

ორგანიზაციამ „ამერიკელები ეკონომიკური აღმავლობისთვის“ 80 ღონისძიება მაინც მოაწყო იმ გარემოსდაცვითი პოლიტიკისა და კანონმდებლობის წინააღმდეგ, რომლის მიზანიცაა: კომპანიებმა გადაიხადონ ჰაერის დაბინძურებისთვის, რაც მათი საქმიანობის შედეგს წარმოადგენს. ორატორები გაზვიადებას არ ერიდებოდნენ და ამტკიცებდნენ, მალე ეზომი დადგმულ ბარბეკიუს და სამზარეულოს ღუმელებსაც დაგვიბერავენო. ეს ჯგუფი თავს ესხმოდა ობამას „მწვანე სამუშაოების“ მთავარ კოორდინატორს, ვენ ჯონსს და ყოველმხრივ ილაშქრებდა კლიმატის თემაზე გამართული საერთაშორისო მოლაპარაკებების წინააღმდეგ. ფილიპსი, რომელიც თავის ჯგუფს იმ რიგითი მშრომელების ინტერესების დამცველად მიიჩნევს, ვისაც გარემოსდამცველების საქმიანობა დააზარალებს, შარშან კოპენჰაგენში ჩავიდა და საპროტესტო გამოსვლა მოაწყო იმ შენობასთან, სადაც კლიმატის ცვლილების თემაზე გაერთიანებული ერების ორგანიზაციის მიერ ორგანიზებული კონფერენცია იმართებოდა. მან განაცხადა: „ჩვენი ორგანიზაციის წევრები უბრალო ადამიანები არიან... ვფიქრობ, მეტად სამწუხაროა, როცა მდიდარი მშობლების მდიდარ შვილებს... სურთ, რომ უმუშევრობის დონე 20%-მდე გაიზარდოს შეერთებულ შტატებში“.

გროვერ ნორკვისტმა, ვინც კონსერვატორი ლიდერების, მათ შორის ზემოთ ნახსენები ორგანიზაციის წარმომადგენლების ყოველკვირეულ შეხვედრებს მართავს ვაშინგტონში, მითხრა, რომ ზაფხულში ორგანიზებულ ხმაურიან გამოსვლებს გადამწყვეტი მნიშვნელობა ჰქონდა ობამას გეგმების ჩაშლის საქმეში. მისი სიტყვებით, რესპუბლიკელი ლიდერები კონგრესში „ამის განხორციელებას ვერ შეძლებდნენ, რომ არა

ავვისტოში ქუჩებში გამოსული ხალხი. გამოსვლებმა თავდაჯერება წაართვა გარიგებაზე წამსვლელებს“ – იმ რესპუბლიკელებს, რომლებიც, სხვა შემთხვევაში, კონსტრუქციულად ითანამშრომლებდნენ ობამასთან. გარდა ამისა, ობამას წინააღმდეგ მზარდი საპროტესტო ტალღის აგორებამ დიდი გავლენა მოახდინა კეი-სტრითის კორპორატიულ დონორებზე. „კეი-სტრითი სამმილიარდდოლარიანი ფლუგერია“, – თქვა ნორკვისტმა, – „როცა ობამა ძლიერი იყო, საეჭრო პალატამ განაცხადა: „ჩვენ ობამას ადმინისტრაციასთან თანამშრომლობა შეგვიძლია“. თუმცა მისი პოზიცია მაშინვე შეიცვალა, როგორც კი ათასობით ადამიანი გამოვიდა ქუჩაში და კონგრესმენები „დააშინა“. ის გასულმა ავისტომ შეცვალა. ახლა, როცა ობამა სუსტია, ხალხი სულ უფრო ძლიერდება“.

ობამას პრეზიდენტად არჩევის წლისთავი ახლოვდებოდა, როცა დევიდ კოუკი ვაშინგტონის შემოგარენში გაემგზავრა ორგანიზაციის „ამერიკელები ეკონომიკური აღმავლობისთვის“ მიერ მოწყობილ საზეიმო შეკრებაზე. ობამას რეიტინგი სწრაფად ეცემოდა. მისი ადმინისტრაციის მიერ დაგეგმილ ჯანმრთელობის დაცვის რეფორმას ერთი რესპუბლიკელი სენატორიც კი არ უჭერდა მხარს. ექსპერტები ობამას პოლიტიკურ სიბეცეზე წერდნენ, ხოლო „ჩაის სმის“ პოლიტიკური მოძრაობა პრეზიდენტს „სახელმწიფო გადატრიალების“ დაწყებაში ადანაშაულებდა. თავის გამოსვლაში კოუკმა განაცხადა: „დღევანდელმა დღემ რეალობად აქცია დირექტორთა საბჭოს წევრების ის ხედვა, რომელიც ხუთი წლის წინ წინ, ამ ორგანიზაციის დაფუძნებისას გვექონდა. ჩვენ ისეთ სახალხო მოძრაობას წარმოვიდგენდით, რომელიც ძალას ცალკეულ შტატებში მოიკრებდა, მაგრამ მთელი ქვეყნის მასშტაბით იმოქმედებდა: ყველა პროფესიის წარმომადგენელი, ასობით ათასი ამერიკელი მოქალაქე ხმას აიმაღლებდა და იმ ეკონომიკური თავისუფლებისთვის იბრძოლებდა, რამაც

ჩვენს ერს ყველაზე დიდი წარმატება და კეთილდღეობა მოუტანა კაცობრიობის ისტორიის მანძილზე... ღვთის წყალობით, ხალხის მღელვარებამ და გამოსვლებმა კალიფორნიიდან ვირჯინიამდე, ტექსასიდან მიჩიგანამდე ნათლად გვიჩვენა, რომ სულ უფრო მეტი ჩვენი თანამემამულე ხედავს იმ ჭეშმარიტებას, რასაც ჩვენ ვხედავთ“.

იმ დღეს დევიდ კოუკმა „ჩაის სმის“ პოლიტიკურ მოძრაობაზე ღიად არ ისაუბრა, თუმცა ცოტა ხნის წინ მისი მისამართით ქება არ დაიშურა, რადგან ის „თავგანწირვით შეებრძოლა სახელმწიფოში მთავრობის ძალაუფლების მნიშვნელოვნად გაზრდას, სოციალისტური პრინციპების დამკვიდრების მრავალრიცხოვან მცდელობებს“. ჩარლ კოუკმა მისი კომპანიების 70 000 თანამშრომლისთვის დარიგებულ საინფორმაციო ბიულეტენში ობამას მმართველობა ვენესუელის დიქტატორის, უგო ჩავესის რეჟიმს შეადარა. ძმების მიერ საფრთხის მოახლოების ასეთი მოლოდინი, ცოტა არ იყოს, გაუგებარია. ამერიკაში შემოსავლების უთანასწორობის მაჩვენებელი დღეს ყველაზე მაღალია გასული საუკუნის 20-იანი წლების შემდეგ, 70-იანი წლებიდან კი უმდიდრესი ამერიკელების გადასახადების რაოდენობა უფრო მკვეთრად შემცირდა, ვიდრე საშუალო კლასისა. მიუხედავად ამისა, კოუკების მთავარმა გზავნილმა აშკარად ჰპოვა გამომხაურება ამომრჩეველთა შორის: როგორც ახლახან ჩატარებული გამოკითხვამ აჩვენა, ამერიკელების 55% ეთანხმება იმ აზრს, რომ ობამა სოციალისტია.

ამასობაში ორგანიზაციამ „ამერიკელები ეკონომიკური აღმავლობისთვის“ გამოაცხადა, რომ დამატებით 45 მილიონ დოლარს დახარჯავს ნოემბერში გასამართ შუალედურ არჩევნებამდე. მიუხედავად იმისა, რომ კანდიდატების უშუალო მხარდაჭერა კანონით ეკრძალება, ის მაინც აპირებს, გარკვეული ფსონები დადოს თეთრ სახლსა თუ სენატში, მოაწყოს გამოსვლები, ჩაატაროს აგიტაცია კარდაკარ სიარულის პრინციპით და

გაუშვას მოკლე სარეკლამო ფილმები, რომლების მიზანიც იქნება, „აცნობოს ამომრჩევლებს, თუ სად დგანან კანდიდატები“.

კოუკებმა ობამას მნიშვნელოვანი დარტყმა მიაყენეს, მაგრამ უფრო დიდი პოლიტიკური ბრძოლის მოგებისგან ისინი საკმაოდ შორს არიან. გაზაფხულზე FrumForum.com-ზე განთავსებულ ინტერვიუში რიჩარდ ფინკმა თქვა: „თუ დავაკვირდებით, საით წავედით 2000 წლის შემდეგ, სამთავრობო ხარჯების ზრდითა და საგარეო ვალებით, რომლებიც მთელ ქვეყანას გაკოტრებით ემუქრება, თვალწინ კარგი სურათი არ გადაგვეშლება. როგორც ჩანს, აქამდე ნაშენებმა და ნაფერებმა ინფრასტრუქტურამ წარმატება არ მოგვიტანა“. მისი აზრით, კოუკებს სურთ „უფრო მეტად ჩართვა მთავრობის პრაქტიკულ, ყოველდღიურ საქმიანობაში“.

1991 წელს დევიდ კოუკი მძიმედ დაშავდა ლოს ანჯელესში მომხდარი ავიაკატასტროფის დროს. პირველი კლასის მგზავრებიდან მხოლოდ ის გადარჩა. გამოჯანმრთელების პროცესში ჩატარებულმა რიგითმა სამედიცინო გამოკვლევამ კი მას პროსტატის კიბო დაუდგინა. კოუკმა იმკურნალა, ცოლი მოიყვანა და ცხოვრებას ახალი თვალით შეხედა. მან Portfolio.com-ს განუცხადა: „როცა ერთადერთი ხარ, ვინც თვითმფრინავის წინა ნაწილში გადარჩა, შენს გარდა კი ყველა დაიღუპა, აი, ასე ფიქრობ: „მოწყალე უფალმა დამიფარა, რაღაც დიდი მიზნისთვის დამზოგა“. საქმე ის გახლავთ, რომ მას შემდეგ მუხლჩაუხრელად ვშრომობ, ძალ-ღონეს არ ვიშურებ იმ კეთილი საქმეებისთვის, რაც კი თავში მომდის. ჰოდა, ალბათ ღმერთიც მენდობა“.

დევიდ კოუკმა წარმოუდგენლად დიდი თანხის გაღება დაიწყო ხელოვანთა და მეცნიერთა დასაფინანსებლად. მისი პატრონაჟით ხორციელდება პროსტატის კიბოს კვლევა. გარდა იმისა, რომ სლოუნ-კეტრინგის კიბოს ცენტრს ფინანსურად არაერთხელ დაეხმარა, მან 15 მილიონი დოლარი გადაური-

ცხა ნიუ იორკის პრესვიტერიანულ კლინიკას, 125 მილიონი – მასაჩუსეტის ტექნოლოგიის ინსტიტუტს კიბოს კვლევებისთვის, 20 მილიონი – ჯონ ჰოპკინსის უნივერსიტეტსა და 25 მილიონი – ანდერსონის კიბოს ცენტრს ჰიუსტონში. ხელგაშლილობის საპასუხოდ, სლოუნ-კეტრინგის კიბოს ცენტრმა დევიდ კოუკს გადასცა „ჯილდო გამორჩეული კორპორატიული ლიდერობისთვის“, 2004 წელს კი პრეზიდენტმა ბუშმა იგი იმ ეროვნულ საკონსულტაციო საბჭოში შეიყვანა, რომელიც კიბოს ეროვნულ ინსტიტუტს ხელმძღვანელობს.

და მაინც, სავსებით შესაძლებელია, რომ კოუკის კორპორატიულმა და პოლიტიკურმა როლებმა ინტერესთა კონფლიქტი გამოიწვიოს. მაგალითად, იმ დროს, როცა დევიდი კიბოს წინააღმდეგ თავგადაკლულ მებრძოლად წარმოგვიდგება, „კოუკ ინდექსირიზი“ ცდილობს, გავლენა მოახდინოს კონგრესმენებზე, რათა მათ ხელი შეუშალონ გარემოს დაცვის სააგენტოს ფორმალდეჰიდის კანცეროგენად აღიარებაში. აღსანიშნავია, რომ ადამიანის ჯანმრთელობისთვის მავნე ამ აირს კომპანია დიდი რაოდენობით აწარმოებს.

მეცნიერებმა დიდი ხანია, იციან, რომ ფორმალდეჰიდი ვირთხებში კიბოს იწვევს. რამდენიმე მნიშვნელოვანი სამეცნიერო გამოკვლევის შედეგად კი დადგინდა: ის ადამიანების კიბოთი დაავადებასაც განაპირობებს. გასულ წელს გამოქვეყნებული ერთ-ერთი გამოკვლევა სწორედ კიბოს ეროვნულ ინსტიტუტში მომზადდა, რომლის საკონსულტაციო საბჭოს წევრიც დევიდ კოუკი გახლავთ. მკვლევარები 25 000 ადამიანს დაახლოებით 40 წლის მანძილზე ადევნებდნენ თვალს. ისინი, ვის ორგანიზმშიც ფორმალდეჰიდის მოხვედრის მეტი ალბათობა იყო, ლეიკემიით უფრო ხშირად ავადდებოდნენ. ამ შედეგებმა ჯანმრთელობის დაცვის ეროვნული ინსტიტუტის ექსპერტები იმ დასკვნამდე მიიყვანა, რომ ფორმალდეჰიდი კანცეროგენად უნდა ჩათვლილიყო და მისი წარმოება მთავრობას მკაცრად

უნდა გაეკონტროლებინა. კორპორაციები ათწლეულების მანძილზე ეწინააღმდეგებოდნენ ფორმალდეჰიდზე კონტროლის შემოღებას, „კოუკ ინდექსირიზი“ კი უხვად აფინანსებდა იმ კონგრესმენებს, რომლებიც წინ ეღობებოდნენ გარემოს დაცვის სააგენტოს და სთხოვდნენ, რომ ახალი წესების შემოღება სხვა გამოკვლევების დასრულებამდე გადაეფარა.

„კოუკ ინდექსირიზი“ ამ ნივთიერების უმთავრესი მომწოდებელი გახდა 2005 წელს, როცა ქაღალდისა და ხის პროდუქტების მწარმოებელი კომპანია „ჯორჯია-პესიფიკი“ 21 მილიარდ დოლარად შეიძინა. ფორმალდეჰიდს „ჯორჯია-პესიფიკის“ ქიმიურ განყოფილებაში აწარმოებენ და მას ისეთი პროდუქტების დასამზადებლად იყენებენ, როგორცაა ფანერები და ლამინატის ფიცრები. ყოველწლიურად კომპანიაში 2.2 მილიარდ ფუნტ ფორმალდეჰიდს აწარმოებენ. გასული წლის დეკემბერში ტრეილორ ჩემპინმა, რომელიც „ჯორჯია-პესიფიკის“ ვიცე-პრეზიდენტი გახლავთ გარემოს დაცვის საკითხებში, ოფიციალური საპროტესტო წერილი გაუგზავნა ჯანმრთელობის დაცვის სფეროში მოღვაწე მაღალჩინოსნებს. ის წერდა, რომ კომპანია არ ეთანხმება ჯანმრთელობის ეროვნული ინსტიტუტის ექსპერტთა დასკვნას იმის თაობაზე, რომ ფორმალდეჰიდი ადამიანის ჯანმრთელობისთვის საშიშ კანცეროგენად უნდა ჩაითვალოს. დევიდ კოუკს უარი არ უთქვამს კიბოს ეროვნული საკონსულტაციო საბჭოს წევრობაზე და არც კომპანიის აქციები დაუთმია იმ დროს, როცა მისი კომპანია დაუფარავად ცდილობდა მთავრობაზე ზეგავლენის მოხდენას, რათა ფორმალდეჰიდი ბაზარზე შეენარჩუნებინა (როგორც ორგანიზაციის პრეს-მდივანმა განაცხადა, ფორმალდეჰიდის საკითხი საკონსულტაციო საბჭოს წევრებს არ განუხილავთ).

ჯეიმს ჰაფმა, რომელიც გარემოს დაცვითი და ჯანდაცვითი მეცნიერებების ეროვნული ინსტიტუტის დირექტორის მოვალეობას ასრულებს,

მითხრა, ამაზრზენია, კოუკი რომ კიბოს ეროვნული საკონსულტაციო საბჭოს წევრი იყო: „ეს სულაც არ არის კარგი საზოგადოებრივი ჯანდაცვისთვის. საბჭოს წევრი არ უნდა იყოს ის, ვისაც კორპორატიული ინტერესები აქვს. ზოგადად, საბჭო ძალიან მნიშვნელოვანია. მას დიდი ზეგავლენის მოხდენა შეუძლია იმაზე, გამოიკვლევს თუ არა კიბოს ეროვნული ინსტიტუტი ფორმალდეჰიდის საკითხს. ამ შემთხვევაში საქმე მილიარდობით დოლარს ეხება“.

კიბოს ეროვნული ინსტიტუტის დირექტორი ჰაროლდ ვარმუსი დევიდ კოუკს სლოუნ კეტრინგის კიბოს ცენტრიდან იცნობს, რომელსაც ერთხანს თავად ხელმძღვანელობდა. მან მითხრა: სლოუნ-კეტრინგში „ბევრი, ვინც ჩვენ ფულს გვაძლევდა, საკუთარი ბიზნეს-ინტერესებიდან გამომდინარე მოქმედებდა. ერთადერთი, რასაც ჩვენი საბჭოს წევრები არ უნდა გაჰკარებოდნენ, თამბაქოს მრეწველობა იყო“. როდესაც ფორმალდეჰიდის საკითხზე „კოუკ ინდექსირიზის“ პოზიცია შეიტყო, ვარმუსმა არ დამალა, რომ გაოგნებული იყო.

დევიდ კოუკის სახელობის ადამიანის წარმოშობის დარბაზი, სმითსონის ბუნებისმეტყველების ეროვნულ მუზეუმში, მულტი-მედია საშუალებებით გვაცნობს იმ თეორიას, რომ ადამიანთა მოდგმა კლიმატის ცვლილების შედეგად განვითარდა. მთავარ შესავლელთან ვეება სქემა გვხვდება, სადაც ბოლო 10 მილიონი წლის მანძილზე დედამიწაზე არსებული ტემპერატურაა ასახული. ის გვიჩვენებს, რომ ახლა გაცილებით გრილა, ვიდრე 10 000 წლის წინ. ზემოთ წარწერაა: „ადამიანთა მოდგმა მსოფლიოში მიმდინარე ცვლილებების შედეგად განვითარდა“. მთავარი გზავნილი, რომელსაც გამოფენის ვებ-გვერდზე დაწვრილებით განმარტავენ, ის არის, რომ „ადამიანს ადაპტაციის უნარი ცვალებადი გარემოს საპასუხოდ განუვითარდა“. მხოლოდ გამოფენის ბოლოს ვხვდებით წარწერას: „ჩვენი გადარჩენის რთული ამოცანა“, რომლის ქვემო-

თაც აღნიშნულია, რომ ატმოსფეროში ნახშირორჟანგის დონე ახლა უფრო მაღალია, ვიდრე ოდესმე ყოფილა, მომდევნო საუკუნეში კი ის, სავარაუდოდ, მკვეთრად მოიმატებს. ერთი მიზეზიც არ არის დასახელებული, რომელმაც ნახშირორჟანგის მატება გამოიწვია, ერთი სიტყვაც არ არის ნათქვამი საწვავი წიაღისეულის მიერ შესრულებულ როლზე. გამოფენა ამ მოვლენას ისე წარმოგვიდგენს, თითქოს ბუნებრივი განვითარების ნაწილი იყოს. წარწერის ქვეშ ვკითხულობთ: „იმ პერიოდის განმავლობაში, როცა ადამიანთა მოდგმა განვითარდა, დედამიწაზე ტემპერატურა და ნახშირორჟანგის დონე მუდმივად იცვლებოდა“. გამოფენაზე ერთ-ერთი ინტერაქტიური თამაში გვარწმუნებს, რომ ადამიანები კლიმატის ცვლილებასთან შეგუებას მომავალშიც გააგრძელებენ. მათ შეიძლება „მინისქვეშა ქალაქები ააშენონ“, შეიძლება „სხეულები დაუპატარავდეთ“ ან „ხერხემლები მოელუნოთ“, რათა „მცირე სივრცეებში იოლად იმოძრაონ“.

ასეთი იდეები კოუკის ზემოთ ნახსენებ გზავნილს უცნაურად ეხმიანება. მაგალითად, კომპანიის თანამშრომლებისთვის იანვარში დარიგებული საინფორმაციო ბროშურა ირწმუნება, რომ „დედამიწის კლიმატის მკვეთრი ცვალებადობა ადამიანთა მოდგმამ უკან მოიტოვა“. მასში ასეთი მოწოდებაცაა: „რადგან დედა ბუნებას ვერ ვაკონტროლებთ, მოდი, დაფიქრდეთ და მივხვ-

დეთ, როგორ გავართვათ თავი ამ ცვლილებებს“. ფიზიკოსი ჯოზეფ რომი, რომელიც ვებ-გვერდ ClimateProgress.org-ს უძღვება, აღშფოთებას ვერ მალავს სმითსონის ექსპოზიციის გამო. „მთელი გამოფენა კლიმატის ცვლილების პრობლემის შესანიღბადაა მოწყობილი“, – ამბობს ის, – „ჩემი აზრით, კოუკებს სურდათ, კეთილი საქმეებით გამორჩეული კომპანიის სახელი ჰქონოდათ და ქვეყნის უდიდეს საბუნებისმეტყველო მუზეუმთან ყოფილიყვნენ ასოცირებული. თუმცა სიმართლე ის არის, რომ ამ გამოფენას უდიდესი დამბინძურებლები აწყობენ, რომლებიც ფარულად აფინანსებენ ღონისძიებებს, რომელთა მიზანიც კაცობრიობის წინაშე არსებული საფრთხის დაძლევისკენ მიმართული მცდელობების შეჩერებაა. ვფიქრობ, სმითსონის მუზეუმს მათთვის ამის უფლება არ უნდა მიეცა“.

მუზეუმის დირექტორმა, კრისტიან სამპერმა აღნიშნა, რომ გამოფენა კლიმატის ცვლილებას არ ეძღვნება, კოუკის შესახებ კი განაცხადა: „ის ერთ-ერთი საუკეთესო დონორია მათ შორის, ვინც ამ თანამდებობაზე ჩემი ყოფნის დროს გვყოლია: ძალიან აინტერესებს შინაარსობრივი მხარე, მაგრამ საერთოდ არაფერში ერევა“. სამპერმა დაამატა: „არ ვიცი ყველა დეტალი იმის შესახებ, რამდენად ერევა ის სხვა საკითხებში“.

კოუკები ძალიან დიდხანს იყვნენ იმაზე დამოკიდებულები, რომ საზოგადოებამ მათი საქმიანობის ყველა

დეტალი არ იცოდა. ისინი ახლაც კმაყოფილები არიან იმის ფლობითა და მართვით, რასაც დევიდ კოუკმა უწოდა „უდიდესი კომპანია, რომლის შესახებაც არასდროს გსმენიათ“. თუმცა „ჩაის სმის“ პოლიტიკური მოძრაობის მზარდი პოპულარობისა და ამ მოძრაობასთან მათი კავშირის სულ უფრო მეტად გაცხადების ფონზე ძმებს ჩრდილში დარჩენა გაუჭირდებათ. ცოტა ხნის წინ კოუკების პოლიტიკური ქსელი პრეზიდენტ ობამას სამიზნედ იქცა. ოსტინში, დემოკრატიული პარტიის ეროვნული კომიტეტის მიერ ორგანიზებულ შეხვედრაზე, რომლის მიზანიც თანხის შეგროვება გახლდათ, პრეზიდენტი სიტყვით გამოვიდა. ობამამ მხარდამჭერები გააფრთხილა, რომ ფედერალური სასამართლოს ახალმა დადგენილებამ „გაერთიანებული მოქალაქეების“ საქმეზე – რომელმაც გააბათილა კორპორაციების მიერ საარჩევნო კამპანიების პირდაპირი დაფინანსების ამკრძალავი კანონები – უფრო გაუადვილა დიდ კომპანიებს „ერთი შეხედვით, ისეთი უწყინარი სახელების მქონე ჯგუფების უკან ამოფარება, როგორცაა „ამერიკელები ეკონომიკური აღმავლობისთვის“. ობამამ დაამატა: „ისინი არ არიან ვალდებულნი, თქვან, თუ ზუსტად ვინ არიან „ამერიკელები ეკონომიკური აღმავლობისთვის“. ვერ მიხვდებით, ეს უცხოური კორპორაციაა, თუ სულაც დიდი ნავთობკომპანია“.



<<< **ლასანყისი გვ. 66**

შიგნით დავანვინე და დავკეტე კარი გარედან, იქ რომ არ შეეჭამათ, რომ არ შესულიყვნენ ღორები შიგ... დედა ვერ ავნიე... ვერ ვუშველიდი, მე ვხედავდი, რომ... იმ საღამოს მე შემედლო დარჩენა და შემედლო მინისთვის მიმებარებინა დედაჩემიც და ჩემი ძმისშვილიც, მაგრამ ისინი რომ მიმებარებინა, ეს ბავშვი დამელუპებოდა...

ჩემი ბავშვები ისეთ მდგომარეობაში იყვნენ, ვერ ლაპარაკობდნენ საერთოდ. მეუღლეს შოკურ მდგომარეობაში იყო. მაშინ გადავწყვიტე წამოვსულიყავით და დაუმარხავი მიმეტოვებინა ესენი... დედა კიდევ ცოცხალი იყო მაგრამ... და ეს 15 წელიწადია, ჩემზე მოქმედებს ის, რომ დედა დაუმარხავი დავტოვე.

წამოვედით და ვნახე, რომ ღორები ჭამდნენ გარდაცვლილებს. გზაზე ეყარნენ პირდაპირ და მათ გარშემო ღორების ჯოგი იდგა. ესე იგი, ისეთი საშინელება ტრიალებდა, რომ მეუღლეს პირდაპირ ვუთხარი: „უნდა გავიდე როგორმე!“-მეთქი. წარმოვიდგინე, რაღაცა რომ მომხდარიყო, ჩვენც იგივე გველოდა. ერთი კვირით ადრე საკუთარი სახლიდან რომ გამოვრბოდით, მანქანის ღია საბარგულში მკვნეტავი დავინახე და მექანიკურად ჩავიდე ჯიბეში. ეტყობა, ღვთის ნება იყო ეგეც იმიტომ, რომ იქ სადაც ჩვენ უნდა გავსულიყავით, ახალი დასახლება იყო და ნაკვეთები ყველას მათუღბადებით ჰქონდა შემოღობილი და ის მკვნეტავი რომ არ მქონოდა, ვერაფრით გავაღწევდით. ასე ვმოქმედებდი: მივდიოდი წინ, ვჭრიდი რომელიმე ღობეს, ვძვრებოდი, ვზვერავდი იქაურობას. მერე უკან ვბრუნდებოდი და გამაღული ცოლ-შვილი და დაჭრილი ბავშვი მომყავდა. მერე ისევ წინ მივდიოდი ახალი ღობის გასაჭრელად.

შემდეგ შეგვაძინეს. არ ვიცი, აფხაზები იყვნენ თუ რუსები, მაგრამ დაგვინყეს სროლა. ჩვენეკი ბალახებში, მაგრამ ჩემი უმცროსი ბავშვი ისე იყო შეშინებული, რომ გაშეშდა და მარტო „მამიკო, მამიკოს!“ იძახდა. ცოტა სიმაღლეზე რომ მდგარიყო, მოკლავდნენ აუცილებლად, მაგრამ მოვასწარი და წავაქციე ეს ბავშვი. მივედით რკინიგზამდე. მაშინ რაღაც მოხდა, რაღაც დიდი აფეთქდა, მგონი, ტანკი. შეშინდნენ ეს აფხაზები და გაიქცნენ. დავრჩით ჩვენ. ამან გადაგვარჩინა. გადავედით ამ რკინიგზას და მერე ეკალ-ბარდებში ფრთხილად გავედით. ამ დროს შემოგვხვდა ერთი ჩვენი სოფლელი ბიჭი – შემოგვხვდა კი არა, ის გარ-

ბოდა, გავაჩერე და: სადაა ხალხი-მეთქი? – მაგრამ ისეთი შეშინებული გარბოდა, თან ეტყობა, ეგონა, რომ ჩვენ მხედრონი ვიქნებოდით და დავიჭერდით. – დამანებეთ თავიო, – დაიძახა და ვერაფრით მოვაბრუნეთ. გაიქცა.

მე მინდოდა გავსულიყავით მეზობელ დასახლებაში, სადაც ჩემი ძმა ცხოვრობდა და სადაც მასთან ნავი ჰქონდა დატოვებული თავის ძმაკაცს. იქ ერთი მეთევზე ცხოვრობდა, რომელიც ზღვას იცნობდა საუკეთესოდ.

ძალიან ძლიერი იყო მაგამი. ჩემს მეუღლეს თან გამოყვა ბრილიანტის ბეჭედი და საყურე, მინდოდა, მიგვეცა იმ მეთევზისთვის და სანაცვლოდ ფოთში გადავეყვანეთ.

ჩვენდა საბედნიეროდ აღმოჩნდა, რომ დასახლებაში აფხაზები ჯერ არ იყვნენ შესულები, იქ ნაცნობები დავგვხვდნენ, ბავშვები გამომართვეს. თურმე დასახლებაში იყო ჩემი რძალი და ძმაც, რომელმაც თურმე რამდენჯერმე სცადა ჩვენამდე მოღწევა, რომ ჩვენ დავგვმარებოდა. და რომ შევხვდით ერთმანეთს და რომ ვუთხარი, მისი შვილი რომ დაიღუპა, წარმოვიდგინეთ, იქ როგორი სიტუაცია იქნებოდა. გახსენებაც მიჭირს, რა დაემართა...

დასახლებაში ჩვენთვის დიდად არ ეცალა არავის. ყველა გაქცევაზე ფიქრობდა – არც არიან გასამტყუნებლები.

გამოჩნდა ქართული ტანკი, უფრო სწორედ „ბეტეერი“ და მაშინ მითხრეს: ახლა თუ არ გავყვით ამ „ბეტეერს“, მერე ვეღარ მოვახერხებთ გადასვლასო. ჩაგვაჯინეს ამ „ბეტეერში“ და ჩაგვიყვანეს იმით კინდლამდე. კინდლში ჩვენი მეზობლები ეკითხებოდნენ ჩემს ბავშვებს: რა გქვიათო და საკუთარი სახელები არ ახსოვდათ ბავშვებს. იმ მეზობლებმა ბავშვებს ცოტა პური მიანოდეს, მერე ოჩამჩირეში გადაგვიყვანეს, ოღონდ გზად კიდევ ერთი შეტაკება მოუხდათ აფხაზებთან – დავძლიეთ, გადავედით, გაგვიყვანეს ოჩამჩირეში და იქ ამდენი ხნის მერე პირველი გადახვევა გამოიკეთეს. მერე მატარებელზე

დავჯექით და სამტრედიის მახლობლად სოფელ მარანში ჩავედით. აქ ჩემი მეუღლის დედა ცხოვრობდა...

თითქოს სამშვიდობოს ვიყავით უკვე – აფხაზეთიდან შორს და ახლა მარანში დაიწყო შეტაკებები ზვიადისტებს და შევარდნაძის ხალხს შორის. ატყდა სროლები და დაბომბვები. ამიტომ მარანიდან სოფელ ქოლოღანიაში გავიხიზნეთ, იქიდან ქუთაისში ჩავედით და მერე ბაღდადში ჩემს მეგობრებთან. იქ ძალიან კარგად მიგვიღეს, რაც შეეძლოთ გაგვიკეთეს, მორალურადაც დამეხმარნენ და ფინანსურადაც. აღარც მიშვებდნენ, მაგრამ მე თბილისში გადავწყვიტე წამოსვლა.

თბილისში ჩემი სამსახურის ფილიალმა დაგვიქირავა დიდი ბინა. იქ სამი თვე ვიცხოვრეთ. თავიდან მეგონა, რომ ძალიან მალე უნდა დავბრუნებულიყავით უკან სოხუმში, ამიტომ სხვა ლტოლვილებივით საბავშვო ბაღში არ გადავიდოდი – არ ვურიგდებოდი ბედს. ბოლოს ამომენურა ყველა იმედი და გადავბარგდით მე-14 საბავშვო ბაღში. ახლახან 140-ე საბავშვო ბაღში გადაგვიყვანეს და ვცხოვრობთ ასე...

თბილისში გატარებული პირველი ექვსი თვის მანძილზე საშინელი დეპრესია მქონდა. სულ ფანჯრიდან გადახტომაზე ვფიქრობდი. თავის მოკვლაზე არა, აი, გადახტომა მინდოდა მხოლოდ... და თან აუცილებლად საღამოს და არა დილით. ნაქირავებში რომ ვიყავით, იქ მეოთხე სართულზე ვცხოვრობდით და ფანჯრიდან გადახტომის სურვილი იქაც მქონდა. მთელ ღამეებს ამაზე ფიქრში ვატარებდი. გონებით ვიცოდი, რომ არ უნდა გამეკეთებინა, მაგრამ თავიდან ვერ ვიცილებდი ამ ფიქრებს.

ექვსი თვის თავზე დავინყე პოლიკლინიკაში მკურნალობა. წამლების დასახლება აღარ მახსოვს, მაგრამ გადამატანინა როგორღაც... ექვსი თვის შემდეგ, როგორც კი ამ დეპრესიას დავალწიე თავი, მაშინვე რუსეთში წავედი. ჩემი მეუღლის სამკაულები 3000 დოლარად გაიყიდა და ამ ფულით მინდოდა საქმის დაწყება,

მაგრამ რომ იტყვიან: „წყალნაღებუ-ლი ხავს ეჭიდებოდლო“, ისე გამოვი-და ჩემი საქმე. ფულიც დავკარგე და ვალებიც დავიდე. დავბრუნდი ისევ თბილისში. მერე მოსკოვში წავედი. იქ როგორღაც ავანყე ბიზნესი და ვა-ლებიც გავისტუმრე. მერე უკრაინაში წავედი. იქიდან ვინახავდი ოჯახს, ბევრი არაფერი მრჩებოდა, მაგრამ მაგ საქმიდანაც კარგი არაფერი გამოვიდა. შემხვდა დიდი პრობლემა და დიდი სანერვიულო, რომელზეც არ მინდა ახლა ლაპარაკი.

მაგრამ უზარმაზარი, ძალიან დიდი ნერვიულობა გადავიტანე და ამის ნიადაგზე ინსულტი დამემართა. ეს უკრაინაში მოხდა. ერთი თვე კიევში ფასიან კლინიკაში ვმკურნალობდი, მერე აქაც დიდხანს ვინექი – რამდენ-იმე თვე. ახლა ხელ-ფეხი, მოძრაოე-ბები შებოჭილი მაქვს. მეტყველება კი დამიბრუნდა, მაგრამ მეხსიერების საქმე ვერ მაქვს მაინც(დამაინც კარ-გად. მკურნალობის გარდა ფიზიკუ-რადაც ბევრს ვვარჯიშობდი, რომ ისევ ნორმალურად მეცხოვრა. შემ-დეგ თქვენს ორგანიზაციაში მოვხ-ვდი, გავიარე მკურნალობა და მეხსიერებაც მიუმჯობესდება ნელ-ნელა. საერთოდაც უკეთ ვგრძნობ

თავს... ბევრი რამ ისე არ აეწყო ჩემს ცხოვრებაში, როგორც მინდოდა და როგორც ვგეგმავდი. ვერც შვილებს დავუტოვე სამომავლო საქმე და ვერც ის განათლება მივეცი, რომელიც მინ-დოდა. ჩემმა შვილებმა დიდი ტრავმა მარტო აფხაზეთში კი არ მიიღეს, იმის ყურებაში გაიზარდნენ, რომ მათი თანატოლები უკეთესს იცვამდ-ნენ და უკეთესს ჭამდნენ. ეს ძალიან მოქმედებს ბავშვებზე. თავიანთი არც სახლი აქვთ და არც ეზო... დღეს ჩემი ცხოვრება ერთი იმითაა კარგი, რომ კარგი შვილები მყავს – ქურდი არ გამოსულა არც ერთი. ხულიგნე-ბი არ არიან და თავაზიანები არიან, მაგრამ ეს ხელმოკლეობა მაინც ძა-ლიან დამთრგუნველია. ჩემი მეუღლე იძულებული გახდა, რომ თურქეთში წასულიყო სამუშაოდ. ახლაც იქ არის და მომვლელად მუშაობს. იქიდან გვეხმარება. ის ამდენს აკეთებს და მე კი არაფერი შემიძლია ჩემი ავად-მყოფობის გამო. ეს ხელმეორე შოკია – ხელახალი ტრავმა. სტუმრის რომ შეგვმინდება ქართველ კაცს. აი, სხ-ვებთან რომ დადიან სტუმრად და მინდა ჩემთანაც მოვიდნენ, მაგრამ იმის საშუალება არ მაქვს, ისე დავხ-ვდე, მე რომ მინდა...

რამდენს ვიცნობ, ვინც ჩვენსავით წამოვიდა აფხაზეთიდან და ბედნ-იერი კაცი ჯერ არ მინახავს. ყვე-ლას თავის უბედურება აქვს. რაც იქ მოხდა, ტელევიზიით და მასმე-დიით გაშუქდა მხოლოდ ნაწილო-ბრივ და დამახინჯებულად. მე არ მინდა ახლა, რომ რაღაც მოწოდე-ბასავით გამომივიდეს იმიტომ, რომ იმ აფხაზებსაც დღეს ისევე უჭირო, როგორც ჩვენ. იმათაც შვილები და ახლობლები დაკარგეს. მე უბრალოდ მინდა, რომ ადამიანური ურთიერთ-კავშირი არ დაგვარგოთ, მთავარია, ის საფლავები არ დაგვარგოთ, იქ რომ დაგვრჩა. თურმე, მინის და სახლის დაკარგვაზე საშინელი საყ-ვარელი საფლავების დაკარგვა ყო-ფილა. ამას ვამბობ და დედაჩემი და ჩემი პატარა ძმისშვილი მახსენდება, დაუმარხავი რომ დავტოვე იქ... აი, დააკვირდით შვილებს, მშობლებს, ხალხს, ყველას, თავის ახლობლები რომ დაკარგეს და კიდევ როგორ არსებობენ. ორგანიზმში, ყოველ მოყოლაზე ორგანიზმში ვგრძნობ ამ შევებას. ახლაც მოგიყევით, გამიჭირ-და ემოციურად, მაგრამ გავალ აქე-დან და ვიცი, გულში რაღაცნაირი თავისუფლების გრძნობა მექნება...



<<< ლასაწყისი გვ. 72

ლარისა ბოგორაზი სიკვდილის დღემდე (2004 წლის 6 აპრილი) რჩე-ბოდა რუსეთის ერთ-ერთ ყველაზე ავტორიტეტულ უფლებადამცველად. მისი ორივე მეუღლე, ლიტერატორი იული დანიელი და ერთ-ერთი ყვე-ლაზე სახელგანთქმული დისიდენტი, ანატოლი მარჩენკო, გულაგმა შეინი-რა. საბჭოთა პოლიტიკური ჯოჯო-ხეთის დასასრულს ვერც ერთი ვერ მოესწრო. ლარისა ბოგორაზის მეორე მეუღლე, სახელგანთქმული უფლება-დამცველი ანატოლი მარჩენკო უკა-ნასკნელი საბჭოთა პოლიტპატიმარი იყო, რომელიც ციხეში ან პოლიტიკურ ბანაკში გარდაიცვალა: მარჩენკომ სსრკ პოლიტპატიმრების უპირობო განთავისუფლების მოთხოვნით 1986

1968 წლის აგვისტო

წლის 4 აგვისტოდან შიმშილობდა და ხანგრძლივი შიმშილობისა და მხეცური მეთოდებით იძულებითი კვებით მისი სხეული ისე დასუსტდა, რომ 1986 წლის 8 დეკემბერს მარჩენკო გარდაიცვალა. ეს იყო ბოლო წევით, რომელმაც აავსო ისტორიის მოთმინების ფილა და სკკპ გენერალურმა მდივანმა, მიხაილ გორბაჩოვმა გადაწყვეტილება მიიღო, აკადემიკოსი სახაროვი ქალაქ გორკოში გადასახლებიდან (ფაქტობრივად, პატიმრობიდან) გაეთავისუფლებინა, ხოლო ანატოლი მარჩენკოს მოთხოვნა მისი სიკვდილის შემდეგ მაინც დაკმაყოფილებულიყო: გმირი დისიდენტის გარდაცვალებიდან თვენახევრის შემდეგ საბჭოთა კავშირის პოლიტიკური ბანაკები პოლიტპატიმრებისგან დაიცალა, ისინი სსრკ უზენაესი საბჭოს დადგენილებით გაათავისუფლეს. ლარისა ბოგორაზის ვაჟი პირველი ქორწინებიდან, ალექსანდრე დანიელი მოსკოვის „მემორიალის“ თავმჯდომარეა.

1968 წლის მოვლენებმა წარუშლელი კვალი დატოვეს მსოფლიო ისტორიაზე. დასავლეთ ევროპის ქვეყნებში ჩეხოსლოვაკიის ოკუპაციამ ფაქტობრივად საფუძველი გამოაცალა კომუნისტურ იდეოლოგიას და მანამდე მომძლავრებულ სხვადასხვა ტიპის კომუნისტურ პარტიებს. პრალის გაზაფხული და მისი ფეხქვეშ გათელვა აისახა მსოფლიო ლიტერატურასა და ხელოვნებაში. მაღალმა ხელოვნებამ ეს პერიოდი ლიტერატურის ღვიძლ ნაწილად აქცია: 1982 წელს ჩეხმა მწერალმა, მილან კუნდერამ დაწერა და 1984 წელს საფრანგეთში გამოაქვეყნა ცნობილი რომანი „ყოფიერების აუტანელი სიმსუბუქე“ (ჩეხურად *Nesnesitelná lehkost byti*). კუნდერას მიხედვით, ყოფიერება სავსეა აუტანელი სიმსუბუქით, რადგან თითოეული ჩვენგანი ცოცხლობს მხოლოდ ერთხელ: *Einmal is Keimnal* (გერმ. „ერთხელ იგივეა, რაც არასოდეს“, ანუ „რაც ერთხელ მოხდა, შესაძლოა, სულ არ მომხდარიყო“, „ერთი არ ითვლება“). შესაბამისად, თითოეული სიცოცხლე თავის თავში ატარებს საიდუმლო შემთხვევითობას, ჩვენი ვერც ერთი მოქმედება სრულად ვერ განსაზღვრავს ჩვენს

მომავალს. არც ერთი არჩევანი არ არის შედეგებით დამძიმებული და ამიტომ უმნიშვნელოა. ამავე დროს ჩვენი მოქმედებები ხდება აუტანელი, თუკი მათ შედეგებზე მუდმივად ვიფიქრებთ, ამდენად, ცხოვრება შეიძლება დახასიათდეს როგორც „ყოფიერების აუტანელი სიმსუბუქე“.

1988 წელს ამერიკელმა კინორეჟისორმა ფილიპ კაუფმანმა გადაიღო ფილმი ამ რომანის მიხედვით.

ბოლო ხანებში გახშირდა პუბლიკაციები პრალის გაზაფხულის თემაზე, ხალხი იხსენებს ტრაგიკულ დღეებს. „დილაადრიან 21 აგვისტოს გამალვიძა თვითმფრინავების ხმაურმა და მივხვდი, რომ ოკუპაცია დაიწყო, იხსენებს 1968 წლის მოვლენებს სენატორი იარომირ შტეტინა. – ჩემთვის ეს საშინელი დარტყმა იყო. მთელი კვირა არ გამოვჩენილვარ სამსახურში, პრალის ქუჩებში დავდიოდი. რუსმა ჯარისკაცებმა არც კი იცოდნენ, სად იმყოფებოდნენ. ისინი გაკვირვებული იყვნენ, რომ წინააღმდეგობას გადააწყვედნენ. პოლიტხელები არწმუნებდნენ მათ, რომ ჩეხი ხალხი მათ მიესალმებოდა, რადგან ისინი მოვიდნენ იმ ბოროტი გერმანული იმპერიალიზმი-საგან დასაცავად, რომლის მიზანიც იყო ჩეხების დამორჩილება.“ ოკუპაციის დასაწყისში იზრდებოდა მსხვერპლის რიცხვი. „მე შევესწარი სროლას სანაპიროზე სარკინიგზო ხიდსა და პალაცის ხიდს შორის, – აგრძელებს თავის მოვლენებს შტეტინა. – მე ვნახე, როგორ გაუხსნეს ჯარისკაცებმა ხალხს ცეცხლი. ისროდნენ სტრესის მდგომარეობაში, დაღლილები და შეშინებულები, დარწმუნებული, რომ ყველა ხის უკან ვილაც იმალებოდა და სროლას უპირებდა. დაჭრილები სატივროთო მანქანით წაიყვანეს პადოლის საბაჟოდან კარლის მოედნამდე.“ შტეტინა იხსენებს, როგორ უწევდნენ ადამიანები წინააღმდეგობას ოკუპანტებს. „შემოჭრა ყველასთვის დარტყმა იყო, მე არავინ შემხვედრია, ვინც ამას მხარს უჭერდა.“

1968 წლის აგვისტოს იხსენებს სოციოლოგი და მწერალი ფედორ გალი, რომელიც იმ დროს სლოვაკეთში ცხოვრობდა. „შემოჭრის შესახებ

პირველი შეტყობინება რადიოთი გავიგონე. შემდეგ ბრატისლავაში შემოვიდნენ ჯარისკაცები და ტანკები. ჩემი სამი თვის შვილი ფანჯარასთან პატარა ლოგინში იწვა, როცა ქუჩაში სროლა დაიწყო. იმ დროს ცვლის ოსტატად ვმუშაობდი გიორგი დიმიტროვის სახელობის ქიმიურ ქარხანაში და სამსახურში დავდიოდი რუსულ ენაზე დაწერილი საშვით. თავიდან ფაბრიკაში დაიწყო გაფიცვა, იქ ერთი პერიოდი სლოვაკეთის რადიოს აპარატურასაც ვმალავდით. მთელ დღეებს ქუჩაში ვატარებდი. ბრატისლავის იან ამოს კომენსკის სახელობის უნივერსიტეტის წინ, შაფარისკის მოედანზე სროლაში მოვეყვი: ტანკებიდან ხალხს საბრძოლო ჭურვებს ესროდნენ. ჩემს ცხოვრებაში მაშინ პირველად დავინახე მკვდრები. დაღუპულთა სახელები ახლაც მახსოვს: კაპიტანი გოლიკი და დანკა კოშანოვა. იმ დღეებში არ მტოვებდა ჩვენი ერთობისა და ვაჟკაცობის შეგრძნება. მაგრამ ეს დიდხანს არ გაგრძელებულა. შემდეგ უმეტესობა თავის თავში ჩაიკეტა, წლების მანძილზე ენა ჩაიკმდა და სახლიდან თავი არ გამოუყვია.“

ოკუპანტებისადმი წინააღმდეგობა მხოლოდ რამდენიმე დღეს გაგრძელდა, მაგრამ სამუდამოდ ჩარჩა გულში იარომირ შტეტინას. „როდესაც გამწარებული ვფიქრობ, ჩვენ რა ხალხი ვართ-მეთქი, მახსენდება ოკუპაციის პირველი კვირა და ის სიმტკიცე, რომლითაც აღსავსე იყო ხალხი. ეს გახდა ისტორიის ის მომენტი, რომელსაც შეუძლია ჩეხური პასიურობის გამოსყიდვა, – თვლის შტეტინა. – მაგრამ შემდეგ მოსკოვიდან დაბრუნდა სამთავრობო დელეგაცია, რომელმაც იქ ხელი მოაწერა ჩვენთან რუსული ჯარების დროებით განლაგებას და მე მივხვდი, რომ ეს დასასრული იყო. ხელშეკრულების ხელმოწერა იყო საშინელი სირცხვილი. მიუხედავად ამისა, მე ვერ ვუნოდებ დუბჩეკს მოლაღატეს, რადგან მე თვითონ მოგვიანებით ვმუშაობდი რუსეთში და მაქვს წარმოდგენა მათ მეთოდებზე. მით უფრო დიდ პატივისცემას იმსახურებს ჩემგან მაშინდელი კომპარტიის ერთ-ერთი ხელმძღვანელის, ფრანტიშეკ

კრიგელის სიმამაცე, რომელიც ოდეს-ღაც ფრანკოს დიქტატურას ებრძოდა ესპანეთში და რომელმაც ხელშეკრულების ხელმოწერაზე უარი განაცხადა.“ შტეტინა აღიარებს, რომ არ იცის, რა მოხდებოდა, ჩეხ პოლიტიკოსებს რომ ამ ხელშეკრულებისთვის ხელი არ მოეწერათ. პოლიტიკური სივრცე მაშინ ძალიან ვიწრო იყო, ხოლო დასავლეთის დემოკრატიული ქვეყნების მხარდაჭერას მხოლოდ ვერბალური ხასიათი ჰქონდა. წინააღმდეგობა უზარმაზარ სისხლისღვრას გამოიწვევდა. ქვეყანაში ხომ ასეულობით ათასი ოკუპანტი შემოიჭრა.

შტეტინა იხსენებს იმ უძლურებისა და ამოვების შეგრძნებას, რომელიც მაშინ დაეუფლა. „ეს იყო გამომათყვანებელი და დამამცირებელი მდგომარეობა და მე უკვე შევეგუე იმას, რომ იგი გაგრძელდება ჩემს სიკვდილამდე. მოგვიანებით მივხვდი, რომ შემოჭრა იყო არა მხოლოდ ინტერნაციონალური მოვალეობისა და სოლიდარობის საკითხი, როგორც ამას კომუნისტები ამტკიცებდნენ; ეს იყო რუსული იმპერიალიზმის გამოხატულება.“ შემდგომში შტეტინა რუს ოკუპანტებს გადააწყდა 1994 წელს როგორც სამხედრო კორესპონდენტი კავკასიაში, რო-

დესაც რუსეთის არმია შეიჭრა ჩეჩნეთში. „ოღონდ ჩეჩნები ჩეხები არ არიან. მათ იარაღი აიღეს ხელში და ამისთვის დაისაჯნენ. ვხედავდი, როგორ მეორედებოდა ისტორია. დასავლეთმა ხელი დაიბანა და განირა ეს მცირე ხალხი ისევე, როგორც ჩვენ გაგვწირა 1968 წელს. ჩეჩნეთში მიმდინარე ამბები რუსეთის შიდა საქმედ ითვლება, როგორც „პრალის გაზაფხულის“ გასრესა ითვლებოდა საბჭოთა ბლოკის შიდა საქმედ“.

2006 წლის 17 აგვისტოსთვის ჩეხეთში შეტანილი იყო 397 განცხადება იმ დანაშაულებზე, რომელიც შეჭრის დროს ჩაიდინეს საბჭოთა ჯარებმა. შინაგან საქმეთა სამინისტრომ გადაწყვეტილება მიიღო 342 განცხადებაზე, 65 შემთხვევაში კი გაცემულ იქნა კომპენსაცია. გადახდილი კომპენსაციის საერთო თანხამ შეადგინა თითქმის სამი მილიონი კრონი.

„ფაქტებს ცენტრალურ სამხედრო და ნაციონალურ არქივებში ვამოწმებთ. თუ აუცილებელი დოკუმენტები იქ არ აღმოჩნდება, განმცხადებელმა მტკიცებულების სახით შეიძლება წარმოადგინოს ორი მონმის ჩვენება. შემთხვევათა უმეტესი ნაწილი ეხება დაჭრას ან სიკვდილს ოკუპაციური

ჯარების სატრანსპორტო საშუალებებთან შეჯახებისას. მეორე ადგილზეა ხალხის სიკვდილი ან დაჭრა ოკუპაციის პირველ დღეებში ქუჩაში მიმდინარე შეტაკებებში. არის გაუპატიურების შემთხვევებიც,“ – გამოხატა ჩეხეთის ოფიციალური პოზიცია შსს ერთ-ერთმა მაღალჩინოსანმა.

ქვეყანა, ფაქტობრივად სრულად დატოვა ინტელიგენციამ, რომელმაც პოლიტიკური თავშესაფარი იპოვა, ძირითადად, დასავლეთ ევროპასა და ამერიკის შეერთებულ შტატებში.

საბჭოთა არმიამ თავისი წასვლის შემდეგ დატოვა რამდენიმე განადგურებული ობიექტი, რომელთა მასინდელმა ფასმა შეადგინა 2,3 მილიარდი კრონი. ამ ობიექტების უმეტესობა ამჟამად ქალაქებისა და დასახლებული პუნქტების ანგარიშზეა, მათი აღდგენისთვის საჭირო ფული არავის არ გააჩნია. დიდი ნაწილი ამ ობიექტებისა რეკონსტრუქციას არც ექვემდებარება და ნელ-ნელა ნადგურდება. ჩეხეთი და სლოვაკეთი საცხვა მიტოვებული ტერიტორიებით, რომლებზეც რუსული პოეტური კინოს გენიოსს, ანდრეი ტარკოვსკის შეუფერხებლად შეეძლო ახალი „სტალკერი“ გადაეღო.



როგორი ქალაქი მოსწონთ ქართულ მწერლებს

<<< დასაწყისი გვ. 78

არც დავით ქართველიშვილია გულგრილი „ვაშლისებრი“ ფორმებისა: „მამამისივით დიდი, ცისფერი, წყლიანი თვალები აქვს, მაღალია, თეთრი კანი აქვს და შავი თმა. ... მარის მშვენიერი ტაკოები აქვს...“ („ახალი წიგნი“).

„მრგვალი“, „მკვრივი“, „ზეცისკენატყორცნილი“ და ა.შ. საჯდომის აქცენტირება, ვფიქრობ, ამგვარის ქართულ სინამდვილეში დეფიციტით არის გამოწვეული. აკი თავად მწერლებიც კი აღნიშნავენ, რომ ქართულ ნაციას ძირსდავარდნილი საჯდომი აქვს. ქართული უკანალის თავისებურება პირველად, თუ არ ვცდები,

ლაშა ბულაძემ აღბეჭდა თავის მო-
თხრობაში „პირველი რუსი“, რითაც
დიდად გაანაწყენა ქართული საზო-
გადოება. ავტორის აზრით, ამ მო-
თხრობის მთავარ პერსონაჟს სწო-
რედ ისეთი უკანალი აქვს, როგორც
ქართველ ქალთა დიდ უმეტესობას:
„უკანალი ჩავარდნილი – ესეც ქარ-
თული“.

დაბალი საჯდომის მქონე ქალს ლა-
შას კიდევ ერთ რომანში ვხვდებით:
„ნათიას მწვანე მაისური ეცვა (ამ
მაისურს მხოლოდ სახლში იცვამდა)
და ოდნავ ჩაჩაჩული სპორტული შარ-
ვალი, რომელიც კიდევ უფრო უდა-
ბლებდა ისედაც საკმაოდ ჩავარდნილ
მრგვალ უკანალს“ („კარიკატურის-
ტი“).

ნაციონალური ნაკლის მიმართ
სრულიად დაუნდობელია ზაზა
ბურჭულაძეც. ასე აღწერს მწერა-
ლი „ადიბასში“ სახინკლის მიმტანს:
„კლასიკური ქართული ტანი აქვს:
მოკლე ფეხები, მსხვილი თეძოები და
ბრტყელი, „მსხლისებური“ ტრაკი. ...
ერთდროულად ძიმძიმე და ჰაეროვ-
ნად მისრიალებს, როგორც უთო“.

დაბალი საჯდომი არც ბასა ჯანი-
კაშვილის გმირებს მოსწონთ: „პრინ-
ციპში, ერთი ჩვეულებრივი ტრაკჩა-
ვარდნილი ლამაზი გოგოა, რა. მეტი
არაფერი“ („ოცნებით კაიროში“).

ლაშა ბულაძე ისე გაკადნიერდა,
რომ ნაციისთვის დამახასიათებ-
ელი გარეგნული ნიშნები არა მარტო
ქართველებში, არამედ ბერძნებშიც
გამოავლინა. მისი დაკვირვებით,
ბერძენ ქალებს საოცრად დიდი სა-
ჯდომი აქვთ. ბულაძის „ლიტერატურ-
ული ექსპრესის“ გმირი, მამით ბერ-
ძენი ჰელენა მის ქართველ ნაცნობს
ეუბნება, რომ დედაც რომ ბერძენი
ჰყოლოდა და არა გერმანელი, „სქე-
ლი ტრაკი ექნებოდა“. თუმცა, სა-
მართლიანობისთვის უნდა ითქვას,
რომ ლაშა ბულაძე მარტო ქართველი
ან ბერძენი ქალის მიმართ არ არის
კრიტიკული. იუმორით და ირონიით
აღწერს იგი ქართველ კაცებსაც:
„რითი დავხვდი ჰელენას? შესიებული
წელით და უმოძრაობისგან მომჩვა-
რული მუცლით“ („ლიტერატურული
ექსპრესი“). თუმცა ეს სხვა სტატიის

თემაა.

მესამე კატეგორიის ქალი, როგორც
უკვე აღვნიშნეთ, არ არის ქართველი,
შესაბამისად, მას არ აქვს ჩავარდნი-
ლი უკანალი, მას ყველაფერი თავის
ადგილზე აქვს, კარგად აწყობილია,
ძირითადად ქერა, ხშირად წითელი
(ან წითლად შეღებილი) თმით. ამ კა-
ტეგორიას მიეკუთვნებიან ბასა ჯანი-
კაშვილის ნატაშკა („ოცნებით კაირო-
ში“), აკა მორჩილაძის რომანის „Maid
in Tiflis“ თითქმის ყველა ქალი პერ-
სონაჟი, დათო ტურაშვილის მარიშა
 („ტიბეტი არ არის შორს“), „I.R.A.“-ს
გმირი ირლანდიელი გოგონა, უცნო-
ბი წარმომავლობის პერსონაჟი მო-
თხრობიდან „ვიღაც ძალიან, ძალიან
ლამაზი გოგო“. სხვათაშორის, დათო
არსად აღწერს ქართველ ქალს (გურ-
ჯი ხათუნის გარდა). ალბათ, დელი-
კატურ მწერალს მათი წყენინება არ
უნდა. ამ კატეგორიის ქალი ვერ ვნახე
ვერც ლაშა ბულაძესთან და ვერც და-
ვით ქართველიშვილთან.

ზემოთ უკვე ვთქვი, რომ ქართვე-
ლი მწერლების გმირების უმეტესო-
ბას პატარა მკერდი მოსწონთ. მაგა-
ლითისთვის რამდენიმე ამონარიდს
შემოგთავაზებთ. ზაზა ბურჭულაძე:
„მუხლებზე მდგარს პატარა ძუძუები
ოდნავ უქანავებს“ („ადიბასი“); ლაშა
ბულაძე: „...შინდისფერ ტუჩებზე,
წვრილ ნიკაპზე, გრძელ კისერზე,
საკოცნელ მალეზე, შეზნექილ მუ-
ცელზე და მაისურზე ამობერილით
წარმოდგენილ მრგვალ და პატარა
მკერდზე უნდა დამენყო ფიქრი...“
 („ლიტერატურული ექსპრესი“), „კა-
რიკატურისტმა შოკას ამოხრტილუ-
ლი ხერხემალი დაუკოცნა და ცალი
ხელი წელზე შემოაჭედო, მეორეთი კი
პატარა, აპრეხილი მკერდი დაუზილა“
 („კარიკატურისტი“), „კოტიკომ ლიფს
ქვემოთ შეაცურა ხელი და აღმოაჩი-
ნა, რომ მანანიკოს თითქმის საერ-
თოდ არ ჰქონდა მკერდი...“ („ოქროს
ხანა“); დათო ტურაშვილი: „მკერდი
ჰქონდა ულამაზესი – ისეთი ლამაზი,
როგორსაც ვერცერთი პროგრამისტი
ვერ აანყობს ვერცერთ კომპიუტერში
და ეს ყველაზე კარგად თვითონ მა-
რიშამ იცოდა. ალბათ, ამიტომაც არ
დამხვედრია გზად არანაირი ლიფი...“

(„ტიბეტი არ არის შორს“). დაკვირ-
ვებული მკითხველი შეამჩნევდა,
რომ ტურაშვილი არ აკონკრეტებს
მკერდისზომას. მაშ, რალატომ მი-
ვაკუთვნეთ იგი იმ მწერალთა რიგს,
რომლებიც უპირატესობას მცირე
ზომის მკერდს ანიჭებენ? სწორედ აქ
გამოვიყენე პირადი ნაცნობობა და
ვთხოვე დათოს, განემარტა ჩემთვის,
რა ზომისაა მისთვის ლამაზი მკერდი.
პასუხმაც არ დააყოვნა: ხელში რომ
ჩაეტევა, იმხელაო. და, შესაბამისად,
რახან ტურაშვილის ხელი არ არის
გოლიათის ხელი, შეიძლება ითქვას,
რომ მისი იდეალური მკერდიც მცირე
ზომისაა.

მკერდის და საჯდომის გაკრიტიკე-
ბას კიდევ აიტანდა ქართველი ქალი,
მაგრამ როცა ნივთებს გადარებენ
სათაყვანებელი მწერლები, ეს უკვე
ყოველად აუტანელია: „ეკატერინე
ფანცქველაშვილი ხან მაგიდას ჰგავს,
ხან წიგნების თაროს, ხანაც სავაჭრო
დახლს ან უბრალო სანერკალამს“
(ბასა ჯანიკაშვილი, „ფერადი ჩრდი-
ლი“); „არ ვიცი, იქნებ პოლონური
ტანების ფონზე მომეჩვენა ასე... მა-
გრამ ის, რაც ჩვენ გავიცანით, საერ-
თოდ არ იყო ადამიანური. ჩვენ და-
გვყვებოდნენ: გოგონა-რადიატორი,
გოგონა-უთო, გოგონა-სარეცხიმიან-
ქანა, გოგონა-მტვერსასრუტი, გო-
გონა-აკვარიუმი, გოგონა-ბრეყნევის
პორტრეტი, გოგონა-ვინმე უცნობი
მეცნიერის ბიუსტი, გოგონა-კარადა,
გოგონა-ვენტილატორი...“ (ლაშა ბუ-
ლაძე, „ლიტერატურული ექსპრესი“).

ზემოთ აღვნიშნეთ, რომ ქართველ
მწერლებს არაფერი გაეგებათ მა-
ღალი მოდისა. მაღალი მოდა იქით
იყოს და ზოგჯერ ისე აცმევენ ქა-
ლებს, რომ მათი ტუალეტის წარ-
მოდგენა ძალზე ჭირს. მაგალითად,
სრულიად არაადეკვატურად არის
ჩაცმული პერ-ლაშეზის სასაფლაო-
ზე ექსკურსიაზე მყოფი „ლიტერა-
ტურული ექსპრესის“ გმირი ჰელენა:
„ეცვა წითელი საწვინარი, თავზე კი
ლურჯი ბერეტი ეხურა. ...მის ფეხე-
ბს დავხვდე. როგორც მოველოდი,
პრაქტიკულად, არაფერი ეცვა სა-
წვინარის ქვეშ“. გაუგებარია, რატომ
ჩააცვა ამ წესიერ გოგოს ლაშა ბუ-

www.taichi-qigong.ge



თაიჩი ჩუანი

ყოველდღიურად ერთი საათის
განმავლობაში ოსტატი ნუკრი დირაშვილი
ატარებს თაიჩისა და ჩიგუნის ვარჯიშებს:
ღიღით 8 ს-დან იპოდრომზე;
სალამოს 18.30 ს-დან მკ-9 საავადმყოფოს
სარეაბილიტაციო დარბაზში

თაიჩი არის თვითშემეცნების,
ადამიანის შესაძლებლობების
რეალიზების, საკუთარ თავში
რწმენის, სულიერი და ფიზიკური
ჯანმრთელობის გაუმჯობესების
ერთ-ერთი საუკეთესო და
ეფექტური მეთოდი.

მობ.: 8 99. 79 99 51



NUKRI DIERASHVILI **TAIJI QUAN, QIGONG**

დეგაპრინტი
DEGAPRINT

სიფრული ოფსეტური ბეჭდვა

ტელ.: +995 32 995007 / 998843

ფაქსი: +995 32 995681

degaprint@caucasus.net



ლაქემ სრულიად შეუსაბამო ადგილას ისე, როგორც რომელიმე ევროპული ქუჩის მეძავეებს აცვიათ? ნეტა, სად ნახა ქალი, რომელსაც საწვიმარი შიშველ ტანზე აცვია?

უგემოვნოდ ჩაცმული ქალის მაგალითები მრავლად დაიძებნება აკა მორჩილაძესთანაც, თუმცა აქვე ისიც უნდა ვთქვა, რომ აკასთან ჩაცმულობა, როგორც წესი, მისი გმირის ხასიათს გადმოგვცემს, სხვებთან კი უფრო მეტად ან მხოლოდ გარეგნობას ან სოციალური ფენისადმი კუთვნილებას. საერთოდ, უგემოვნოდ და არა დეკვატურად ჩაცმულ ქალებს მართო ქართულ ლიტერატურაში არ ვხვდებით. უამრავი მაგალითის მოყვანა შეიძლება ევროპული ლიტერატურულიდანაც. ერთი ჩემი მეგობარი, უკვე ხანში შესული ბერძენი მწერალი, 21-ე საუკუნის თინეიჯერზე წერს, „სარაფანი“ გაიხადა და გიპიურის პერანგის ამარა დარჩაო. როგორც ჩანს, ჩემს მეგობარს ყველაზე უფრო მძაფრი ეროტიკული გამოცდილება იმ ეპოქაში აქვს მიღებული, როცა ქალებს კაბების ქვეშ გიპიურის პერანგები ეცვათ.

საკმაოდ ორიგინალურად აცვია დათო ტურაშვილის მარიშასაც: „ეცვა თხელი (ალბათ) ჩითის კაბა და მაღალყელიანი შავი ბათინკები. ბათინკების დანახვისას ვიგრძენი საკუთარი სისხლი, აჩქარებით რომ დაიარა ჩემი სხეული...“ („ტიბეტი არ არის შორს“). სწორედ ეს შავი ბათინკები ხდება იმის მიზეზი, რომ ტურაშვილის მთხრობელს ქალი შეუყვარდა: „ის იყო მართლაც ლამაზი, გამხდარი და მაღალი, მოკლედ, ბიჭურად შეჭრილი თმებით, ოდნავ ანეული ცხვირით და გასაოცარი სილურჯის თვალებით. ფეხზე ეცვა შავი, მაღალყელიანი ბათინკები, რაც ყველაზე მაცდური მიზეზი იყო იმისთვის, რომ შემეყვარებოდა“.

სხვათაშორის, დათო ტურაშვილს განსაკუთრებული დამოკიდებულება აქვს ფეხსაცმლის მიმართ. მის პიესაში „შავი კეტები“, რომელიც მეძავეების ყოფას ასახავს, მაღალქუსლიანი ფეხსაცმლის (მეძავისთვის დამახასიათებელი ატრიბუტიკა) კე-

დებზე გაცვლა ერთგვარი მეტაფორაა გზააღმართი ქალის სწორ გზაზე დადგომისა. ამიტომ, გირჩევთ, დათოსთან შეხვედრისას ქუსლიან ფეხსაცმელს მოერიდოთ.

ისე, Converse-ის სასახელოდ უნდა ითქვას, რომ მას ჩვენთვის საინტერესო თითქმის არც ერთი მწერალი დაუტოვებია გულგრილი. კედები აცვიათ დათო ქართველიშვილის („ლურჯი გრძელსახელოებიანი მაისური აცვია, ჯინსი და შინდისფერი კედები“ – „ახალი წიგნი“), ლაშა ბულაძის („...ფეხები თეთრ კედებში ჰქონდა ჩაყოფილი...“, „ელენე რომ გავიცანი, მწვანე კედები ეცვა“ – „ლიტერატურული ექსპრესი“), დათო ტურაშვილის („შავი კეტები“) პერსონაჟებს. საერთოდ ფეხსაცმელს, როგორც ჩანს, უფრო მეტი დატვირთვა აქვს ამ მწერლებთან, ვიდრე მათი პირველადი ფუნქცია – ფეხისშეშლვისა. მეტიც, ფეხსაცმელი სექსუალური აქტის ნაწილიც კი ხდება. ქალები ხშირად ან გამიზნულად არ იხდიან და ან ვერ ასწრებენ ფეხსაცმლის გახდას. განსხვავება მხოლოდ ფეხსაცმლის ტიპშია. თუკი აკა მორჩილაძის გმირს მაღალ ქუსლიანი ფეხსაცმელი ალაგზნებს („ხელში ღონივრად უნდა ჭეროდა მისი წვივები და თვალის კიდით დაენახა მისი თეთრი ფეხსაცმლის წვეტიანი ქუსლი“ – „სხვა“), დათო ტურაშვილს, როგორც უკვე ვთქვით, მაღალყელიანი ბათინკები გვრის შფოთვის („...ვაკოცე მუცელზე და გამახსენდა ბათინკები. დაფიქრდი: ამ შავ, მაღალყელიან და მრავალთასმიან ბათინკებს ვინ გახდიდა“ – „ტიბეტი არ არის შორს“). ლაშა ბულაძე ამ მხრივ უფრო მარტივია, აქ ბოტასიც მშვენივრად გადის („ჯინსები ნაწილობრივ გაგხადე... მარჯვენა ფეხი ბოტასიანად გამოაძვრინა შარვალში“ – „ლიტერატურული ექსპრესი“).

სრულიად განსაკუთრებულია ზაზა ბურჭულაძის დამოკიდებულება ქალის ტუალეტისადმი. თუკი ზაზა ბურჭულაძე პაემანს დაგინიშნავთ, არ ჩაიცვათასე: „...ქალს კრემისფერი ქოშები, ტილოს თეთრი შარვალი და ტანზე

მომჯდარი მოლიმნისფრო პერანგი აცვია. მკერდი ან არა აქვს, ან მე ვერ ვარჩევ მის ძუძუებს მისი მუცლის ნაკეცებისგან. პასტელისფერებიანი აბრეშუმის შარფი მხრებზე ყურადღების გადასატანად უნდა ქონდეს მოგდებული. ...მისი მანქანა მისივე ფეხისფრჩხილებზე წასმული ლაქის ფერია“ („ადიბასი“). მასთან ვერც მწვანეკედებით ან შავი მაღალყელიანი ბათინკებით გახვალთ ფონს. აქ დიდი ყურადღება, საკუთარ თავზე მუშაობაა საჭირო. ისე უნდა გამოიყურებოდეთ, რომ თქვენს მიერ შერჩეული სამოსი თან გიხდებოდეთ და თანაც თქვენს ინდივიდუალურობას და ორიგინალურობას უსვამდეს ხაზს. ზაზასთან დიდი სიფრთხილე გმართებთ, იმიტომ, რომ ის აუცილებლად მიხვდება, Armani გაცვიათ თუ Armeni. აი, აკა მორჩილაძესთან კი მშვიდად შეგიძლიათ ჩაიცვათ „პაკისტანური ჯილეტი“ და „ფართო ტოტებიანი ჯინსის შარვალი“, მთავარია ეს უკანასკნელი „შემოტმასნული“ იყოს („ტიერცო-მონდო“), ან „დამწვარი ჯინსის ქურთუკი“ („Maid in Tiflis“) – ეს, შესაძლოა, სრულიად საკმარისი აღმოჩნდეს იმისთვის, რომ მის ლიტერატურულ პერსონაჟად იქცეთ.

არ ვიცი, რამდენად ემთხვევა მწერლების გემოვნება მათი პერსონაჟების გემოვნებას, თუმცა ერთი კი შეიძლება ითქვას – მათ ნაწარმოებებში ხშირად კრთებიან ის ქალები, რომლებიც ნაწარმოების შექმნის დროს მათ გვერდზე არიან. და თუკი ეს მართლაც ასეა, დათო ქართველიშვილის შემდეგი რომანის გმირი ულამაზესი ქალი უნდა იყოს.

და ბოლოს, ძვირფასო ქალებო, რჩევის სახით მიწა გითხრათ: თუკი თქვენ ვერ აკმაყოფილებთ ქართველი მწერლების სტანდარტებს, თუკი არ გაქვთ მაღალი ფეხები ან თქვენი საჯდომი უფრო „მსხლისებრია“ ვიდრე „ვაშლისებრი“, ნუ გაიტყნობთ გულს, თქვენ მაინც გაქვთ შანსი, მოხიბლოთ ისინი – იკითხეთ მათი წიგნები, რადგან მწერალს ხომ ყველაზე მეტად საკუთარი შემოქმედების დამფასებელი ქალი მოსწონს.

ჰაელეტი

3 სექტემბერი, კვირა

OKT Teatre, Lithuania
ვილნიუსის სახალაქო თეატრი, ლიტვა

თბილისის
საერთაშორისო
თეატრალური
ფესტივალი

29 სექტემბერი-14 ოქტომბერი



FM
სენტი
98.0





VONG

asian fusion
(special lunch menu)
29 Abashidze st.
T: (+995 32) 29 25 70

ASIAN STYLE



cafe BELLE DE JOUR
(special lunch menu)
29 Abashidze st.
T: (+995 32) 23 09 23

PARISIAN STYLE



BUFFET

29 Abashidze st.
T: (+995 32) 22 49 61

As Italian As it gets



'SAKURA 桜 2009/05'

29 Abashidze st.
T: (+995 32) 29 31 08

VERY JAPANESE



EXTREMELY FRENCH

BRASSERIE
L'EXPRESS

(special lunch menu)
31 Chardin st.
T: (+995 32) 43 93 49

Upscale
Restaurant
Chain

MON
group

www.mon.ge



Embassy of the United States Georgia



www.artisterium.org

ARTISTERIUM 3

3rd Tbilisi International Contemporary Art Exhibition and Art Events

საქართველოს ეროვნული მუზეუმი,
თბილისის ისტორიის მუზეუმი, სიონის ქ. 8,
ქარვასლის შენობა

Georgian National Museum,
Tbilisi History Museum, 8 Sioni street
“Karvasla” building

არტისტერიუმი

თბილისის თანამედროვე ხელოვნების მე-3 საერთაშორისო გამოფენა

წარმოიდგინე მომავალი
Imagine the Future

თებერვალი
OCTOBER 2-10 / 2010

